


ЭРИХ МАРИЯ РЕМАРК

# УЧ ОГАЙНИ

РОМАН

Русчадан НИЗОМ КОМИЛ таржимаси



ХХ асрнинг биринчи ярмида ўз асарлари билан адабиёт осмонида яшиндек чақпаган буюк немис ёзувчиси Эрих Мария Ремаркни ўзбек китобхонларининг ҳозирги авлоди яхши билмаслиги табиий. Бунинг муайян сабаблари бор. 50-йилларда унинг «Уч огайни» романи рус тилида биринчи марта чоп этилиши биланоқ катта шов-шувга сабаб бўлди, китоб кетма-кет миллионлаб нусхада нашр этилди. Шунда ҳам талабни қондириб бўлмади. Одамлар романни бир-бирларидан сўраб олиб ўқишига киришдилар. Кутимаганида расмий доиралар, коммунистик мафкура ҳимоятчиларининг пайтавасига қурт тушиб қолди. Улар Ремаркни гоясизликда айблаб, унинг ижодига шиддат билан тош ота бошладилар. Ҳатто «ремаркчилик» деган машъум атама ҳам пайдо бўлди. Бу шарпа Ўзбекистонга ҳам етиб келди. Айрим тандидчи ва ёзувчиларимиз, бизга Ремарк асарлари керак эмас, бу асарлар коммунизм қураётган ёшлиларни озириради, деб ғавро кўтара бошладилар. Шу туфайли унинг асарларини ўзбек тилига таржима қилишга ҳеч ким журуят этмади. Орадан қирқ йил вақт ўтди. Мана, ниҳоят, шу қунларга ҳам етиб келдик. Тарихнинг қудратли ва қайсар чархпалаги ўз ишини қилди... Энди, сизга тақдим этилаётган «Уч огайни» романига келсак, асар қаҳрамонлари жамиятда бирор лавозим ёки нуфузга эга бўлмаган «майда» одамлар. Аммо уларнинг ҳам файласуф олимлар ва назариётчиларни кига ўхшамайдиган ўз фалсафалари ва ўз мантиқлари бор. Кизиги шундаки, биз уларнинг фикр-мулоҳазалари ёки хатти-ҳаракатларига эътиroz билдиrolмаймиз, аксинча, асарни ўқиш жараённада жамият четга суриб ташлаган бу оддий одамларга ҳурматимиз ортиб боради.

Дарвоқе, бу ёғи ўзингизга ҳавола.

# I

**X**али губор инмаган осмон сарғиши тусда. Айниңса, фабрика томонга қарасанғиз, уғқа бамисоли тилла сувига чайилғандай. Ҳадемай күёш чиқади. Соатимга қарасам — саккыз ҳам бўлмапти. Бугун ишга одатдагидан чорак соат барвақт келибман.

Дарвозани очиб, бензоколонка насосини тахт қилиб қўйдим. Чунки бу пайтда бензин қўйдиргани дастлабки мошиналар кела бошлади.

Бирдан орқа томонимда бирорнинг бўғиқ ихраётгани эши-тилди — гўё кимдир зўр бериб занглаган мурватпи бураётганга ўхшарди. Тўхтаб, қулоқ солдим. Сўнг ҳовли орқали изимга — устахонага қайтиб, эшикни аста қия очдим. Ним қоронғу бино ичиди аллақандай арвоҳ ивирсиб юради. Бошида исқирип оқ рўмол, белида кўқимтириш пешбог, оёғида бесёнақай юмшоқ пойабзал. Ўзининг вазни ҳам тўқсон килодан кам эмас. У фарро-шимиз Матильда Штосс эди.

Бир муддат уни кузатиб турдим. Матильда лапанглаганча узун супурги билан қатор қилиб териб қўйилган автомобиль радиаторлари ён-верини супурар, қандайдир қўшиқни минғирлаб хиргойи қиласарди. Дераза ёнига қўйилган столда икки шиша конъяқ турарди. Шишаларнинг бири деярли бўшаган. Кечкурун тўла эди.

— Койилман, фрау Штосс... — дедим мен.

Қўшиқ тинди. Супурги «тап» этиб ерга тушди. Масъуд табасум тош қотди. Гўё энди мен арвоҳга айланган эдим.

— Ё алҳазар, — деб ғудранди Матильда, — бунақа барвақт класиз деб ўйламагандим.

-- Сезиб турибман! Қалай? Мазаси дуруст эканми?

— Чаккимас, лекин кўнглим бехузур бўляпти. — У оғзини артди. — Алжираб қолдим.

— Йўғ-э, ваҳима қилманг. Аиндак сархушсиз, ширакайфсиз, холос.

Матильда оёқда зўрға турарди. Оғзи нуқул қийшаяр, кўзларини қари бойқушдай очиб-юмиб қўярди. Бир оздан сўнг сал ўзига келди. Олдинга бир қадам ташлади.

— Жағиб Локамп, бекорга бандай ожиз, дейишмас экан-да. Аванлига ҳидлаб қўрдим, кейин бир қултум ичдим, ошқозоннм ўзи чатоқ, сал ўтмай қарабисизки, шайтон йўлдан урди-қўиди. Қари кампирни васвасага соладиган шу шиша ўлгурларни столла қолдириб нима қиласардингиз...

Уни шу ахволда биригічі марта күраётганим йўқ. Ҳар күн иккі соатта устахонаны сунуришга келади, даста-даста пулларни қолдириб кетсаның ҳам қайрилиб қарамайды. Аммо ичкиликка келганды...

Мен шишани күтариб күрсатдым.

— Мижозларга аталғаниң тегмабсиз, аммо жаңоб Кестер ўзига опкүйганини паққос туширибсиз-да.

Матильда мамнун жилмайды.

— Ҳа энди, ичкиликнинг фарқига бораман-да. Аммо-лекин, жаңоб Локамп, шүрпешона бевани сотиб қўймайсиз.

Мен бош чайқадим.

— Бугун сотмайман.

У липпасига қистириб олган юбкасини туширди.

— Бўлти, мен кетдим. Жаңоб Кестер кепқолса пўстагимни қоқади.

Мен жавон ёнига бориб, эшигини очдим.

— Матильда!

У чопқиллаб олдимга келди. Тўрт қиррали жигарранг шиши на олиб, юқорига кўтардим.

Матильда зўр бериб ўзини оқлашга тушди.

— Ўлай агар, мен текканим йўқ.

— Биламан, — дедим ва қадаҳни тўлдиридим. — Қандай ичимлик эканлигини биласизми?

— Нега билмас эканман! — У лабларини ялади. — Ром! Узоқ сақланиб, роса стилган ром. Ямайка роми!

— Тўппа-тўғри. Қаини, олинг бўлмаса.

— Мен-а? — У орқага тисарилди. — Жаңоб Локамп, ортиқчалик қилади. Мени қийнаманг. Конъягингизни ичиб қўйганим ҳам етар, тагин ром билан сийлашингиз нимаси! Ажойиб одамсизда! Йўқ, ичмайман.

— Шунақами? — Мен жўрттага қадаҳни бир четга суриб қўймоқчи бўлдим.

— Қўймадингиз-қўймадингиз-да! — У шошиб қадаҳни қўлига олди. — Берганин бетига қарама, деганлар. Ё гапим нотўғрими? Сизнинг соғлиғингиз учун! Тўхтанг, туғилган кунингиз бўлмасин тагин?

— Ҳа, топдингиз, Матильда!

— Ростданми? Буни қаранг-а! — У қўлимга ёпишиб, кучининг борича силкий бошлиди. — Илойим миигга киринг! Бойбадавлат бўлинг, жаңоб Локамп! — Матильда бир тамшаниб қўйди. — Шундоқ кунда яна битта отмаса хунук бўлар-а? Тилло одамсиз-да. Ўз ўглимдай яхши кўраман сизни!

— Омон бўлинг!

Мен яна қўйдим. У қадаҳни бир кўтаришда бўшатди-да, мени алқай-алқай устахонадан чиқиб кетди.

Шиshalарни олиб қўйиб, стол ёнига ўтирдим. Деразадан офтобининг заифгина нури тушиб турарди. Гарчи бунга кўпда эътибор бермасанг ҳам, туғилган кунингда ҳар қалай кўнглинингда фалати бир ҳиссият ғимирлаб қўяди. Ўттиз ёш... Шундай пайтлар бўлганики, йигирмага кираман, деб ўлламаганман, бир думалаб катта киши бўлиб қолишини орзу қилардим. Кейин...

Фаладондан бир варақ қофоз олиб, хаёлга толдим. Болалик, мактаб... Ўх-хў, орадан шунча вақт ўтипти-я, гўё мен ҳеч қачон бола бўлган эмасман. Ҳақиқий ҳаётим 1916 йилдан бошланди. Ўша йили аскарликка чақирилдим. Чўпдай ориқ, бўйим дароз, ўн саккиз ёшдаман. Мўйловдор унтер-офицер ёт деса — ётаман, тур деса — тураман. Бир куни казармага ойим мени кўргани келди. Лекин дарвоза олдила бир соат кутишга мажбур бўлди. Сафар халтасига нарсаларни жойлашда янгишганим учун ҳожатхонани тозалашни буюришганди. Ойим менга ёрдамлашмоқчи бўлган экан, рухсат беришмапти. Шу қадар чарчбманки, ойим билан гаплашиб ўтириб, ухлаб қолибман.

1917 йил. Фландрия. Мидендорф иккаламиз ертўладаги қаҳважонадан бир шиша қизил виню сотиб олдик. Бир отамлашмоқчи эдик. Бўлмади. Тонгда инглизлар қаттиқ ўққа тутишди. Тушда Кестер яраланди. Намозгарга яқин Майер билан Петерс ҳалок бўлишди. Тунда шишани очиб, энди бир яйраймиз деб турганимизда газ ҳужуми бошланиб қолди. Блиндажлар заҳарли тутунга тўлди. Ҳартугул, газга қарши ниқобни кийишга улгурдик. Аммо Мидендорфнинг ниқоби йиртилиб кетди. Буни у кеч пайқади. Бошқасини кийгунча анча-мунча газни ютиб, қон қуса бошлади. Эртасига эрталаб, жон берди; ранги газариб кетган эди. Бўйни тилка-пора. Шўрлик, нафас оламан деб, тирногини бўйнига ботираверипти.

1918 йил. Ҳарбий шифохона. Икки кун олдин ярадорларнинг яна бир гурухини олиб келишди. Оғир ярадорлар. Яралар қофоз билит билан боғлангац. Хонани оҳ-воҳ тутиб кетгац. Беморлар ёт-қизиладиган узун аравачалар уззуқун хонага кириб-чиқиб туради. Баъзан улар бўш қайтади. Ёнимда Иозеф Штолъ ётипти. Оёғи йўқ, лекин ўзи билмайди. Кўролмайди-да, чунки оёқларининг ўрнида устига чойшаб ёпиб қўйилган темир синч бор, холос. Оёғинг йўқ, дессангиз, ишонмаслиги аниқ, сабаби — оғриқни сезяпти-да. Кечаси икки киши нобуд бўлди. Биттаси жуда қийнаплиб жон берди.

1919. Яна уйдаман. Ииқилоб. Очлик. Қўчадан пулемётларнинг тариллаши эшлитилиб туради. Аскар аскарга, жўра жўрасига ўқ узяпти.

1920. Исён. Карл Брегерни отиб ташлашли. Кестер билан Ленц қамоққа олинди. Онам касалхонада. Рак.

1921. Эслашга уриняпман-у, эслолмаяпман. Бу йил хаёлимдан буткул кўтарилипти. 1922 йили Тюрингияда йўл қурилишида ишладим. 1923 йили эса резина буюмлар фабрикасида рекла-

ма билан шуғулландим. Пул қадрсизланаётган пайтлар эди. Ойнинга икки юз миллиард марка олардим. Пулни кунига икки маҳал беришарди, ҳар гал маошни олгандан сўнг ярим соат танаффус қилиб, дўконга югурадик, чунки долларнинг қуввати ўзгармасдан бурун у-бу нарса ҳарид қилишга ултуриш керак эди. Кечга бориб, пул икки баравар қадрсизланиб қоларди.

Кейин нима бўлди? Кейинги йиллар қандоқ кечди? Қаламни бир четга қўйдим. Бу ёғи эслашга арзимайди. Қолаверса, кўрган-кечиргандаримни тузук-куруқ эслолмайман. Бари айқаш-үйқаш бўлиб кетган. Охирги марта туғилган кунимни «Интернациональ» қаҳвахонасида нишонлаганман. У ерда бир йил со-зандалик қилдим. Кейин яна Кестер билан Ленци топиб олдим. Мана, ҳозир шу ердаман, яъни «Аврем»да — Кестер ва К’нинг автомобилларни таъмирладиган устахонасидаман. К’деганда Ленц иккаламиз назарда тутилади, лекин устахона буткул Кестерга тегишили. У билан мактабдошмиз, кейин ротамизга командирлик қилган. Сал ўтмай, учувчи бўлди, оз вақт талаба бўлиб юрди, кейин автомобиль пойгасига қизиқиб қолди ва ниҳоят, мана шу устахонани сотиб олди. Аввалига бир неча йил Жанубий Америкада санқиб юрган Ленц ёнига кирди, кейин мен қўшилдим.

Чўнтағимдан сигарета қутисини олдим. Тақдиримдан нолимасам бўлади. Турмушим ёмон эмас, ишим аниқ, соғ-саломатман, куч-кувватим бор. Инчунин, ўтмишни эсламаганим матькул. Айниқса, ёлғиз қолган пайтларимда. Кечқурунлари. Аммолекин айтишга осонку-я, ўтмиш баъзан шундоқ кўз олдимга келиб, қадалиб туриб олади. Шундай пайтларда арақ аскотади.

Дарвоза гийчиллади. Хотираларим ёзилган қофозни фижимлаб, стол остидаги кажавага улоқтиридим. Эшик очилиб, Готтфрид Ленц кириб келди. Баланд бўйли, озгин,mall сочлари хурпайган, бурни... лекин юзига мутлақо бошқа одамнинг бурни спиштириб қўйилганга ўхшайди.

— Робби! — деб хитоб қилди у. — Очофат! Қани, тур ўрнингдан! Бошлиқларинг сен билан бир гаплашиб қўйишмоқчи!

— Ё парвардигор, — мен ўрнимдан турдим. — Ўйловдимки, лоақал шу бугун... Раҳм қилинглар, оғайнилар!

— Хомтама бўлма! — У столга қофоз халта қўйди, ичидаги нима шиқирлаб кетди. Орқама-орқа Кестер кириб келди. Ленц рўпарамага туриб олди.

— Робби! Бугун эрталаб биринчи бўлиб кимга дуч келдинг? Эслай бошладим.

— Рақсга тушаётган кампирга!

— Йўқ. Мусо пайғамбарга дуч келгансан! Бу бехосият нарса. Лекин мучалингга тўғри келади. Кеча ҳисоблаб чиқдим. Сен Қавс буржидаги туғилгансан, шунинг учун ҳам бесқарорсан, ҳар мақомга йўргалайверасан, сенига бошқа буржлар ҳам салбий таъсир утка-

зид туради. Модомики, Отто иккаламиз сенга ҳам ота, ҳам она ўрнида эканмиз, ҳимоя воситаси сифатида мана бу туморни тақдим этаман. Буни менга инклар авлодидан бўлмиш бир қиз тухфа қилган эди. Ўзи битлиқи, япасқитовон бўлгани билан аслзода, башоратгўй қиз эди. «Оқтанили муҳожир, — деган эди у. — Буни подшолар бўйинларига осиб юришган, бунда қўёш, ой ва заминнинг қудрати бор. Битта араққа пул бергину бемалол тақиб юравер». Азбаройи баҳт занжири узилмаслиги учун шуни сенга топшираман. Бу тумор сени ҳар турли бало-қазою инсу жинслардан асрайди, — шундай деб, Ленц ингичка занжирли қора туморни бўйнимга осиб кўйди. — Буюрсин! Бу юқоридан кела-диган оғатларга қарши чора. Ер юзидаги ташвишларнинг ку-шандаси Оттонинг совфаси! Олти шиша ром, буларнинг ёши сеникidan икки баравар ортиқ!

Лени қофоз халтани очиб, шишаларни столга териб қўйди. Кун нурида улар каҳрабодай товланарди.

— Ажойиб манзара! — дедим мен. — Қаёқдан олдинг буларни, Отто?

Кестер кулди.

— Богини суринштирма. Хўш, қалайсан? Ўттиз ёшлига ўхшайсанми, йўқми?

Мен қўл силтадим.

— Э, гапирма. Ҳам ўн олти, ҳам элликка кирганга ўхшайман.

— Зўр-ку! Бундан ортиқ яна иима керак? Демак, сен вақтни тизгинлаб, икки умрни кечираётган экансан.

Кестер менга тикилиб қаради.

— Тинч қўй уни, Готтфрид, — деди у. — Туғилган кунлар киши руҳиятига ёмон таъсир қиласди. Айниқса, эрталабдан.

Ленц кўзларини қисди.

— Инсон ўзининг руҳий ҳолати тўғрисида қанча кам ўйласа, демак, у — бутун инсон. Маъқулми гапим?

— Йўқ, — дедим мен, — маъқулмас. Агар бутун инсон бўлса, у ҳайкалга айланиб қолади. Менимча, дунёда бундан бемаъни, бундан зерикарли нарса бўлмаса керак.

— Отто, файласуф бўй кетипти-ку бунинг, — деди Ленц, — демак, кутулипти. Машъум дақиқалар ортда қопти. Бу туғилган куннинг шундай машъум дақиқаларики, киши ўзига четдан қараб, қандай аянчли маҳлуқ эканини пайқаб қолади. Энди бемалол ишга киришсак бўлади, эски қадиллакнинг ичак-чавогини мойлаш керак...

Қош қорайгунча роса ишладик. Кейин ювинаш, кийимларимизни алмаштиридик. Ленц терилиб турган шишаларга суқланаб қаради.

— Биттасининг қалласини олмаймизми?

— Робби нима деса — шу, — деди Кестер. — Совға қилиб берилган нарсаға кўз олайтириши яхшимас. Готтфрид.

— Совға берган кишиларнинг томоғи тақиллаб, ўлиб кетиши ундан ҳам ёмон, — эътиroz билдириди Ленц ва шишалардан бирини шартта олиб, очди.

Хонани хушбўй ҳид тутиб кетди.

— О, Мусо пайғамбар! — деди Готтфрид.

— Отто, ҳидини қара. Буни таърифлаш учун шоҳ сатрларга мурожаат қилиш керак.

— Ҳа, бунақа ром ҳароба кулбамиз учун ортиқча дабдаба! — деди Ленц. — Шаҳар ташқарисига чиқмаймизми? Йўл-йўлакай овқатланамиз, битта шишани олволсак, табиат бағрида секин майдалардик-да.

— Зўр таклиф.

Кун бўйи атрофида айланганимиз қадиллакни бир четга сурдик. Унинг орқасида тўртта ғилдиракка ўрнатилган ғалати нарса турарди. Бу устахонамиз фурури, Отто Кестернинг пойга мошинаси эди.

Бир куни Кестер кимошди бозоридан арzon-гаровга алмисоқдан қолган бир мошинани сотиб олди. Шу ерда ўралашиб юрган мутахассислар ҳеч иккиланмай, бу мошина транспорт тарихи музейига ноёб экспонат бўлади, дейишди. Больвис — аёллар кийими фабрикасининг хўжайини ва ҳаваскор пойгачи

— Оттого харид қилган дахмазасини тикув мошинасига айлантиришни маслаҳат берди. Аммо Кестер бу гапларга заррача парво қилмади. У мошинани бамисоли чўнтақ соатидай қисмларга ажратиб, бир неча ой кечасию кундузи куймаланди. Бир куни у мошинасини кечқурунлари ўзимиз ўтирадиган қаҳвахонага миниб келганида Больвис кулавериб, ичаклари узилаётди. Мошина шу даражада тасқара эди. Больвис ҳазиллашиб, ким ўзарга гаров ўйнашни таклиф қилди. Агар Отто унинг янги пойга мошинаси билағ мусобақалашишга рози бўлса, йигирма марка эмас, икки юз марка тикишини айтди. Масофа ўн километр. Оттонинг мошинаси учун бир километр чегириб ташланади. Улар қўл олишдилар. Томошаталаб ишқибозлар кула бошлиашди. Шунда Кестер ҳаммани баттар ҳайрон қолдириди — у имтиёздан воз кечди, бу ҳам етмагандай, совуққонлик билан мингга мингни таклиф қилди. Анграйиб қолган Больвис ундан: «Жиннихонага обориб қўяйми?» — деб сўради. Бунга жавобан Отто моторни ўт олдириди. Икковлари бараварига жойларидан кўзгалдилар. Ярим соатдан сўнг Больвис сўлжайиб қайтиб келди. Индамай Оттого чек ёзиб берди. Кейин яна битта чек ёза бошлиди. У Кестернинг мошинасини шу заҳотиёқ сотиб олмоқчи эди.

Отто уни қалака қилиб, мошинани энди миллион маркага ҳам сотмаслигини айтди. Аммо мошинанинг қуввати ҳар қанча зўр бўлгани билан кўриниши ниҳоятда хунук эди. Кундалик юрниш-туриш учун унга бўёғи унниқиб кетган эски қузов ўриатгандик. Қанотлари ҳам дарз кетган. Тепасига қараб бўлмайди.

Тұғри, мөшинаның бинойидек қилиб олишимиз ҳам мүмкін эди, аммо бундай құлмаганимизнің мұайян сабаблари бор эди.

Биз унга «Карл» деб ном құйғандық. «Карл» — йүлдеги шарпа.

Бизнинг «Карл» катта йүлда үрмалаб бораради.

— Отто, — дедим мен. — Үлжа яқынлашыпти.

Орқада баҳайбат бьюик сигнал берарди. Мана у бизга етиб олди. Әнимиздан ўта бошлади. Рулда ўтирган эркак бизга беписанд бир қараб қўйди-да, юзини терс бурди, у бизни тамом унуганди.

Орадан бир оз вақт ўтгач, «Карл» ҳамон ёнбошида кетаётганини пайқади. Ҳалиги киши рулни маҳкамроқ қисиб, бизга ҳайратомуз яна бир кўз ташлади. «Карл» ортда қолмай, ярқираб турган серҳашам мөшина билан ёнма-ён учиг бораради.

Эркак газни қаттиқроқ босди. У мөшинаси нималарга қодирлигини кўрсатиб қўймоқчи эди. Фойдаси бўлмади. Биздан ўзигестолмади.

Шу пайт рўпарада бизга қараб келаётган юк мөшинаси кўринди. Бьюик йўл бўшатишга мажбур бўлди. Шу боис орқада қолиб кетди. У бизни энди қувиб етганда олдимизда ўлик ортган, кузови атрофига гулчамбарлар терилган мөшина пайдо бўлди. Бьюик тағин орқада қолди. Сал ўтмай у бизга яна етиб олди. Аммо ҳарчанд газга зўр бермасин, «Карл»дан ўзигестолмади. Рулда ўтирган эркакининг бояги такаббурлигидан асар ҳам қолмаганди. У таажжубда эди. Наҳотки шу тошбақа нусха мөшинани қувиб ўтолмаса? Эркак асабийлаша бошлади. Уни пойгачиларга хос бир шиддат туйфуси чулғаб олганди. Кўкрагини рулга тираб, газни охиригача босди. Аммо иккала мөшина орасидаги масофа ўзгармади.

Биз бўлсак — парвойи фалак. Гё теварак-атрофда тирик жон йўқдай. Кестер мөшинани хотиржам ҳайдаб кетяпти. Мен ўзимни зериккан кишидай кўрсатиб, бир нуқтага тикилиб олганман. Ленцининг асаблари тобора таранглашиб бораётган бўлса ҳам, газетадан бош кўғармайди.

Бир оздан сўнг Кестер бизга кўз қисиб қўйди. «Карл» киши билмас тезликни пасайтириди, бьюик олдинга ўтиб олди. Йигирма метрлар чамаси узоқлашгач, рулдаги одам ойнадан бошини чиқазиб, бизга масхаромуз тиржайди, бу ҳам етмагандай «қани, қўлингдан келса, етвол-чи» дегандай ишора қилди. Биз шуни кутиб турган эдик.

— Отто! — деди Ленц сабри чидамай.

Бу ундовга ҳожат йўқ эди. «Карл» шу заҳоти олдинга отилди. Биз бьюикни қандай қувиб етиб, ундан қандай ўзигестеганимизни ҳам сезмай қолдик. Орқага қарасам, ҳалиги мөшина қўнғиздай кичрайиб, үрмалаб келаётганга ўхшади.

— Койил. Отто! — деди Ленц Кестерга мамнун бир қиёфада. — Олифтанинг буринини ерга ишқадик.

Азбароїи мана шунақ дақиқалар учун ҳам биз мошинанинг шаклу шамойилини ўзгартирасди. Йўлга чиққанимизда ҳозиргига ўхшаган воқсалар тез-тез юз бериб турарди. «Карл»нинг ташқи қисфасини кўрган кексаю ёш шофферлар бизни масхаралаб ўтишар, аммо унга пойгачи мошиналарнинг қудратли мотори ўрнатилганини хаёлларига ҳам келтиришмасди.

Ленц «Карл»нинг тарбиявий хизмати бекиёс, дерди. Унинг фикрича, бу машина ҳовлиқдан одамларнинг ўпкасини босиб турармиш. Кейин, аксарият ҳолларда кўримсиз парда остига яши-ринган ижод маҳсулига кишиларда эҳтиром туйғусини уйғотармиш. Ленц шундай дегани билан ўзини ашаддий саргузашт ишқибози деб ҳисобларди.

Биз мўъжазгина бир ресторон олдида тўхтаб, мошинадан тушдик.

Оқшом сўлим ва осойишта эди. Эндинига ҳайдалган шудгор эгатлари бинафшаранг, элас-элас кўзга чалинаётган дала этаклари эса сарфиш-жигарранг тусда товланарди. Зангори осмонда вазмин сузаётган пахмоқ булутлар янги ой ўроғини қуршовга олаётганди. Бир туп ёввойи ёнгоқ шохлари орасига шом қоронғуси ва унсиз орзулар яширинган. Ёнгоқ новдалари ҳали барг ёзмаган бўлса ҳам куртакларига жо бўлган ёруғ бир илинж билан тебранарди. Жажжи ресторондан қовурилган жигар билан пиёз ҳиди анқирди. Ҳаммамиз бир энтикиб қўйдик.

Ленц чидаёлмай, ичкарига чопқиллаб кириб кетди. Салдан кейин қўзлари чақиаб қайтиб чиқди.

— Қовурилган картошкани бир татиб кўрганингларда эди! Бўла қолинглар, куруқ қолмайлик тағин.

Шу пайт яна бир машина шиддат билан келиб тўхтади. Анграйиб қолдик. Бу боя биз қувиб ўтган буюик эди.

— Бошланади! — деди Ленц.

Бунақа ҳолларда муштлашиш кўп бўлган.

Эркак мошинадан чиқди. У барзангি киши эди. Эгнида тухонгидан тўқилган мешранг узун камзул. «Карл»га фижиниб бир қаради-да. Йўл-йўлакай қўлқопини ечиб, ёнимизга келди.

— Қанақа машина бу? — деб сўради у Кестердан, афтини буриштириб.

Биз чурқ этмадик. Табиийки, у бизни бирорининг машинасида дам олгани чиқкан автомеханиклар деб ўйлаётганди.

— Бир нима дедингизми? — Оттонинг сўз оҳангига «сал пастроқ тушсангчи» деган маъно бор эди.

Эркак қизариб кетди.

— Машиналарни билмоқчи эдим, — деб гудранди у.

Ленц қаддини ростлаб, бурнини жийириб қўйди. У бетакаллуф муомалани ҳазм қилолмасди. Нотаниш кишига бир нима демоқчи бўлиб оғиз жуфтлаган эди — улгуролмали, кутилмагандада буюикнинг нариги эшиги очилди. Аввал узун оёқ ва тухумдай

силлиқ тизза күринди. Бир қыз мошинадан тушиб, биз томон кела бошлади.

Таажжубланиб, бир-биримизга қараб қўйдик. Мошинада яна бошқа одам борлигини боя пайқамаган эканмиз. Ленцнинг авзойи дарров ўзгарди. Сепкилдор юзига қулги югурди. Биз ҳам илжая бошладик, сабабини ўзимиз ҳам билмасдик.

Барзанг ҳайрон. У нима дейишини ҳам, нима қилишини ҳам билмасди. Ниҳоят, «Биндинг» деб, ўзини танишириди, гўё бу ном қутқариш чамбараги вазифасини бажарадигандай.

Қиз ёнимизга келди. Биз баттар суюлиб кетдик.

— Мошинани кўрсат буларга, Отто, — деди Ленц Кестерга қараб.

— Жоним билан, — Оттонинг кўзларидан учкун сачради.

— Рост, жа-а қизиқиб қолдим, — Биндингнинг попуги анча пасайган эди. — Ичига шайтон кирволганим дейман, бир зумда кўздан фойиб бўлди-қолди-я.

Икковлари мошина олдига бориши, Кестер капотни очди.

Қиз биз билан қолди. Хушбичим, камсукум соҳибжамол шом қоронгусида Ленц икковимизнинг ёнгинамизда турарди. Готт-Фрид фурсатдан фойдаланиб, қизни аврашга тушармикин, деб ўйлаган эдим. Бунақа ишларга устаси фаранг-да. Аммо ундан садо чиқмасди. Бошқа пайтда булбулигўё бўп кетадиган одам ҳозир негадир, оғзига талқон соловолгандай, миқ этмасди.

— Илтимос, кечиринг, — дедим мен ниҳоят. — Мошинада ўтирганингизни кўрмай қолибмиз, акс ҳолда бунақа шўхлик қилмаган бўлардик.

Қиз менга қаради.

— Нега энди? — дэя эътироz билдириди у паст, майин товушда. — Бунинг асло ёмон ери йўқ.

— Тўғриқу-я, лекин биз ҳар ҳолда чакки иш қилдик. Ахир, мошинамиз соатига тахминан икки юз километр босади.

Қиз хиёл энгашиб, қўлларини пальтосининг чўнтагига солди.

— Икки юз километр?

— Аникроғи, 189,2 километр, — деди Ленц виқор билан.

Қиз хаҳолаб кулди.

— Биз олтмиш-стамишдан ошмаса керак, деб ўйлагандик.

— Ана, кўрдингизми, — дедим мен. — Сизлар билмагансизларда.

— Ҳа, — жавоб берди у. — Ростлан ҳам билмаганмиз. Бьюикнинг тезлиги сизларнинг мошинанизнидан икки баравар ортиқ, деб ишонганимиз.

— Тўғри, ортиқликка ортиқ. — Мен оёғим остидаги чўпни четроққа теплим. — Лекин мошинамизнинг мотори бошқача-да. Жаноб Биндинг роса хафа бўлгандир-а?

Қиз яна кулди.

— Сал-пал. Лекин тез унуди. Мағлубиятга ҳам чидай билиш керак. Акс ҳолда бу дунёда яшаб бўлмайди.

— Албатта...

Орага сукунат чўқди. Мен Лениңга қарадим. Аммо қизларни кўрганда ипакдай эшилиб кетадиган одам ҳозир без бўлиб турар, мени буткул ўз ҳолимга ташлаб қўйган эди.

Қайнилар шовуллар, уй ортида товук қақағларди.

— Бугун яхши кун бўлди, а? — дедим жимликни бузиш мақсадида.

— Ҳа, ҳаво бирам майинки! — қиз фикримни қувватлади.

— Зўр! — деб тўнғиллади Ленц.

— Жудаям зўр! — дедим энсам қотиб. Аммо буни сездирмадим. Яна жим бўлиб қолдик.

Билиб турибман, қиз бизни қип-қизил галварс деб ўйлаяпти.

Лекин нима қилай, бисотимдаги гапим тугаган эди. Хайрият, Ленцга инсоф бериб қолди.

— Димланган олма! — деди у тўлқинланиб. — Ресторанда жигарнинг ёнига димланган олма ҳам қўйиб беришаркан. Тансиқ таом-да.

— Э, нимасини айтасан, — унинг гапини маъқуллаган бўлдим-у, ичимда иккаламизни ҳам сўқдим.

Кестер билан Биндинг қайтиб келишди. Шу бир неча дақиқа ичида Биндинг бутунлай ўзгариб кетган эди. Автомобиль жинниси бўлса керак-да, бунақалар мошина устасини кўрганда ҳамма нарсани унутворишиади.

— Бирга овқатланмаймизми? — деб қолди у кутилмаганда.

— Бажонидил, — жавоб берди Ленц.

Ресторанг қараб юрдик. Готтфрид иккаламиз орқароқда борардик. У қизга ишора қилиб, кўзини қисди.

— Бу жонон рақсга тушаётган кампирнинг ҳиссасини ўн чандон чиқазади.

Мен елкамни қисдим.

— Эҳтимол. Ўласанми гапирсанг!

Ленц кулиб юборди.

— Сен ҳам ўргангин деяпман-да, хумпар!

— Яна бирор нарсани ўрганишга сираям тоқатим йўқ, — дедим мен.

Ресторанг кириб бордик. Шериларимиз аллақачон стол атрофида ўтиришарди. Ресторан бекаси жигар билан қовурилган картошка опкелди. Иштаҳа учун қўйилган буғдой арафи столда тайёр турарди. Биндинг ўлгудай сергап одам экан, бир зум ҳам чакаги тинмасди. Автомобиллар тўғрисида билмаган нарсаси йўқ! Кестернинг пойгаларда қатнашганини эшитиб, унга бўлган ҳурмати чунонам ошиб кетдики.

Мен Биндингни дикқат билан кузата бошладим. Баланд бўйли, тўладан келгап, юзи қип-қизил, қошлири қалин; андак мақтан-чоқроқ, дали-гули, афтидан, ҳамма омадли кишилардай, қўнгли очиқ. Кечқурунлари ётишдан олдин ўзини кўзгуга солиб, бир соат томоша қиласа керак.

Киз Ленц икковимизнинг ўртамиизда ўтиради. Пальтосини сиб, кулранг инглиз костюмида қолди. Бўйнида оқ шохи дуррача. Чироқ ёруғида майин қўнғир соchlари ялтиради. Теп-текис елкалари олдинга сал туртиб чиққан, қўллари нозик, бармоқлари узуи-узун. Катта-катта кўзлари нафис ва раигпар юзи-даги жўшқин ҳирсий эҳтирос ифодасини ошкор қилиб турипти. Хуллас, кетворган қиз, аммо назаримда бунинг менга алоқаси йўқдай эди.

Берганида, Ленцига худо берди. У бир зумда бошқа қиёфага кирган эди. Тўхтовсиз гапирав, ҳазил-хузул қилар, Биндинг иккаласи давра сultonига айланишганди. Мендан садо чиқмасди, аҳён-аҳён ўзимнинг борлигимни билдириб кўйиш учун ликопча узатар ёки сигарета таклиф қилардим. Дарвоқе, Биндинг билан қадаҳ уриштирудим. Бу иш бир неча бор тақрорланди. Кутилмаганда Ленц пешонасига шап этиб уриб қолди.

— Ром-чи, ром! Робби, туғилган кунингга аталган ромни опекелмайсанми?

— Туғилган кун? Кимнинг туғилган куни? — деб сўради қиз.

— Менинг, — жавоб бердим мен. — Туғилмай ўлай, кун бўйи қулоғим тинчимайди.

— Нега унақа дейсиз? Табриклишса ёмонми?

— Йўқ, нега? Табрик — бутунлай бошқа нарса.

— Ундай бўлса, чин қалбимдан табриклайман, баҳтли бўлинг.

Киз қўлини узатди, унинг илиқ кафтини бир лаҳза қисиб турдим. Кейин ром олиб келиш учун ташқарига чиқдим. Гугурт қутисидек бинони улкан соқов тун қуршаб олганди. Мошина-мизпинг чарм ўриндиқлари нам тортиб қопти. Уфқа тикилиб, тўхтаб қолдим: шаҳар чироқларининг қизғиши шуъласи кўкнинг бир четини ёритиб туриади. Яна пича турмоқчи эдим-у, Ленцнинг бетоқат бўлишини эслаб, изимга қайтдим.

Ром Биндингга ўткирлик қилди. Иккинчи стакандан кейиноқ кайфи ошди. Гандирақлаганча боққа чиқиб кетди. Ленц иккала-миз ўрнимиздан туриб, баланд пештахта олдига бордик. Ленц бир шиша жин буюрди.

— Ажойиб қиз-а, нима дединг? — сўради у.

— Билмадим, Готтфрид, — жавоб бердим мен. — Унчалик зътибор берганим йўқ.

Ленц менга бир мудлат тикилиб тургач, бошини сарак-сарак қилди.

— Бу дунёда нима учун яшаб юрибсан?

— Ҳайронман. Ўзим ҳам шуни билмоқчи эдим.

Ленц кулди.

— Чучварани хом санама. Бу илмни ўрганиниш осонимас. Олдин мен бу қизнинг анови бақалоқ мошинапарастга нима алоқаси борлигини аниқлашим керак.

Готтфрид Биндингнинг ортидан боққа чиқди. Сал ўтмай, икковлашиб пештахта ёнига қайтиб келишди. Афтидан, Ленц

Биндингдан қизнинг боши очиқлигини билволди шекилли, зўр бериб унга хушомад қила бошлади. Икковлари яна бир шиша жинни пақъос тушириб, орадан ҳеч қанча вақт ўтмай, бир-бирларини «сен»лашга ўтишди. Кайфи чоғ пайтларда Ленц теварак атрофидагиларни шу қадар сеҳрлаб қўярдик, ҳеч ким унинг гапини икки қилолмасди. Шу тобда Биндинг ҳам буткул унинг домига илинганди. Бир оздан сўнг улар шийпончага ўтирголиб, аскарий қўшиқларни бошлаб юборишиди. Ичкарида ўтирган қиз ҳам ашаддий саргузашт ишқибозининг хаёлидан тамом кўтарилиганди.

Ресторанда уч киши қолдик. Бирдан орага жимлик чўкли. Қадими соат бир маромда чиқилларди. Пештахта устини артаеттган аёл бизга мулойим нигоҳ билан қараб-қараб қўярди. Печка ёнида тарғил този ит чўзилиб ётипти. У уйқусида ора-сира гиншиб қўяди. Ташқарида шамол дераза ойналарини сийпалайди. Унинг товушини узук-юлуқ аскарий қўшиқлар бўлиб турипти. Назаримда, ресторанинг кичкинагина хонаси биз билан бирга юксакликка кўтирилиб, зим-зиё тун оралаб, йиллар ва кўпдан-кўп хотиралар оралаб, чайқала-чайқала сузид бораётгандай эди.

Вужудимни аллақандай мубҳам кайфият чулгаб олганди. Гўё вақт тўхтаб қолган; у энди зулумотдан отилиб чиқиб, зулумотга қўйиладиган дарё эмас, бутун борлик сокинлик акс этиб турган денгизга айланганди. Қадаҳимни баланд кўтардим. Ичидаги ром йилтилларди. Эрталаб устахонада ёзган хотираномами эсладим. Ўшанда андак дилгир эдим. Ҳозир яхшиман. Энди менга бари бир, яшашми — яшаш! Кестерга қарадим. У қизга бир нималарни гапиради, эшитиб турардим-у, сўзларини илғай олмасдим. Мен илк сархушликнинг қонимни қиздираётган беозор ёғдусини ҳис қилиб турардим. Бу ёфдуни хуш кўраман, чунки унинг нурида барча ноаниқ, барча номаълум нарсалар сирли-сеҳрли саргузаштга ўхшаб қўринади. Боғда Ленц билан Биндинг Аргон ўрмонидаги сапёр тўғрисидаги қўшиқни айтишарди. Ёнгинамда нотаниш қизининг товуши қулоғимга чалиниб турипти; у шошмасдан, жудаям майин, жудаям мулойим оҳангда сўзларди. Қадаҳимни охиригача сипқордим.

Ленц билан Биндинг қайтиб киришиди. Очиқ ҳавода анча ўзларига келиб қолишганди. Йўлга отлана бошладик. Қизга пальтосини кийдириб қўймоқчи бўлдим. У елкасини тутиб, бошини орқага ташлаганича хиёл жилмайди, аммо бу табассум кимга атаганини билиб бўлмасди, қиз шифтга қараб турарди. Қўлларим ҳолсизланиб, беихтиёр пастга оғди. Тавба, шу пайтгача ҳеч нарсанни сезмай ўтираверибман-а! Шунчалик ҳам гафлат босадими? Ленц бекорга диконгламаётган экан.

Қиз менга қайрилиб, савол назари билан тикилди. Дарров яна пальтони кўтардим-у, секин Биндингга қўз қирини ташладим. У стол ёнида турар, юзи баттар қизариб кетган, қарашида бирор-бир маъно йўқ эди.

- Мошинани ҳайдолармикин? — деб сүрадим қиздан.
- Ҳайдаса керак.
- Ҳамон ундан нигоҳимни узолмасдим.
- Агар хавотирланаёттан бўлсангиз, бирортамиз сизларга ҳамроҳ бўлишимиз мумкин.
- Қиз сумкасидан упадонини олди.
- Овора бўлишнинг кераги йўқ, — деди у. — Ичганда қайтага яхши ҳайдайди.
- Эҳтимол, лекин эҳтиёти шарт-да.
- У юзига пардоз бераркан, упадон қопқоғига ўрнатилган кичкина кўзгу устидан менга бир қараб қўйди.
- Ишқилиб, эсон-омон етволинглар, — дедим мен.
- Ваҳима қилмасам ҳам бўларкан. Биндинг ўзини анча тетик тутарди. Аммо мен иложи борича вақтни чўзишга уринардим.
- Агар рухсат берсангиз, хотиржам бўлиш учун эртага қўнғироқ қиласдим.

Қиз жавоб қайтаришга шошмади.

- Ҳар ҳолда шу базми жамшидга биз сабабчи бўлдик, — давом этдим мен, — бунинг устига, менинг туғилган кунимда. У кулиб юборди.

— Майли, бемалол, телефоним — вестен 27-96.

Ташқарига чиқибоқ рақамларни ёзиб қўйдим. Биндинг йўлга тушди, орқасидан бир муддат қараб турдик. Сўнг «кетар жафоси»га яна бир қадаҳдан отиб, мошинамизга ўтирик. «Карл» эрта баҳорнинг снгил тумани оралаб, учиб кетди. Шаҳар, гўё сонсаноқсиз чироқлари ёниб турган улкан кемадай ярқираб ва чайқалиб, биз томонга сузиб келарди. Кўп ўтмай, туман бағрида гарқ бўлиб ётган Фредди қаҳвахонаси олдидан чиқдик. «Карл» ни қантариб, ичкарига кирдик. Бу ерда конъяк олтин сувидай жўш урап, жин зумурраддай товлашар, ром эса баайни ҳаётнинг тенгсиз тимсоли эди. Биз пештахта олдидаги баланд курсиларга яхшилаб ўтироволдик. Мусиқа янграб турар, ён-атрофимизда шоду хуррамлик ҳукм сурарди. Бу муҳит янги куч-қувват бағишаётганидан бизни кутаётган фарид кулбамизни ҳам, ноҷорлиқ билан кечастганд турмушимизни ҳам тамом унутгандик. Қаҳвахона пештахтаси бамисоли ҳаёт кемасининг капитан кўприкласию биз ана шу кемада шовқин-сурон ила истиқбол сари сузиб кетаётган эдик.

## II

Эртаси куни яқішанба эди. Тўйиб ухлаб, кун тепамга келгандагина уйғондим. Сакраб туриб, деразани очдим. Ҳаво тоза ва беғубор эди. Спиртда ишлайдиган примусни курсига кўйиб, қаҳва қутисини излай бошладим. Хўжайним — фрау Залевски — хонада қаҳва қайнатишимиға рухсат берганди. Ўзи қаҳвани суюқ дамларди. Мен бунақасини ёқтирамасдим, айниқса, ичгандан кейин. Мана, икки йилдирки, фрау Залевскининг пансионида истиқ-

мат қиласаң. Күчамиз ўзимга ёқали. Бу ерда ҳар доим бирор өңең содир бўлиб турди, сабаби — касаба уюшмасининг биноси, «Интернациональ» қаҳвахонаси ва Кутқариш Армиясининг тұпланиш пункті ёнма-ёң жойлашған. Бунинг устига, уйимиз рўпаратсида кўхна қабристон бор, кўпдан бўён бу ерга мархумлар дағы қилинмайди. Қабристон, худди истироҳат боғидай, сердараҳт — сокин кечаларда ўзингни шаҳар ташқарисида яшаётгандай ҳис этасан. Аммо сукунат анча кеч бошланади, чунки қабристон ёнида ҳар турли чархпалак ва арғимчоқлар ўриатилған сайилгоҳ бор.

Қабристон билан ҳамсоялик фрау Залевскига жуда қўл келади. Ҳавонинг тозалигини ва манзаранинг кўркамлигини рўкач қилиб, ижара ҳақини кўп сўрайди.

— Қандай жойда яшаётганингларни кўряпсизларми, жаноблар?

У доим шу гапни такрорлайверади.

Шошмасдан кийиндим. Якшанбалигини шунда яхшироқ сезаман. Ювениб, хонада бир оз айланиб юрдим, газета ўқидим, қаҳва дамладим, дераза олдига турволиб, кўчани юваётганинг томоша қилдим, қабристондаги баланд дарахтларнинг шохларида сайраётган қушларнинг нағмасига қулоқ солдим. Оллоҳ яратган кумушранг, жажжи бу найчиларнинг овози сайилгоҳдаги шарманкаларнинг дилгир мингирилашига омухта бўлиб кетаётганди. Кўйлак ва пайпоқ танладим, шунақа узоқ танладимки, гё уларнинг сон-саноғи йўқдай. Ҳуштак чалғалча, чўнгтакларимни бўшатдим: чақалар, қаламтарош, калит, сигарета... бирдан кеча ўзим ёзиб қўйган телефон рақами чиқиб қолди. Патриция Хольман. Ғалати исм — Патриция. Қоғозни столга қўйдим. Наҳотки кечак юз берганди бу өңең? Назаримда орадан аллақанча вақт ўтгандай. Ростдан ҳам қизиқ-да: сархушиликда хаёлинг жойида бўлади, аммо оқшомдан то эрталабгача ўтган вақт бир йилга ўхшаб туюлади.

Қоғозни китоблар орасига яширдим. Қўнғироқ қилсаммикин? Йўқ... Кераги йўқ. Эртасига кайфият бутунлай бошқача бўлади, кечқурунгига ўхшамайди. Аммо-лекин ношукур бўлмаслигим кепрак. Ҳаётимнинг сўнгги йиллари беҳаловат кечди. «Ҳеч нарсани юрагингга яқин олма, — дерди Кестер. — Яқин олсанг, ўша нарсани асраб қолмоқчи бўласан. Бу дунёда ҳеч нарсани манту асраб бўлмайди».

Шу пайт қўшни хонада олатдаги ғиди-биди бошланди. Шляпамини қидириб тополмадим, кечқурун йўқотгани бўлсам керак. Беихтиёр жанжалга қулоқ тутдим. Ҳассе исмли эр-хотин бир-бирининг устидан магзава тўқарди. Беш йилдан бўён улар шу ерда, кичкинагина хонада яшашади. Ўзлари ёмоқ одамлармас. Агар ошхонаси бор уч хонали уйда яшашгандай хотин ўзидан ортмасди, бунинг устига, бирорта фарзанд кўришгандай булардан баҳтли оила бўлмасди. Аммо бунақа уйга эга бўлиш учун нул

кәрак. Қолаверса, шундоқ потинч замонда ким бола күришни хоҳлайди? Мана шунинг учун ҳам улар бир хонага суқилиб олишган. Хотинининг асаблари чатоқ, эр эса ишсиз қолишдан күрқиб, юрак ҳовучлаб яшайди. Агар ишдан ҳайдалса — тамом. Ҳассе қирқ беш ёшларда эди. Бу ёшдаги одамни ким ишга олади? Илгари бунчаликмасди, қоқилган одам ўзини ўнглаб кетарди, ҳозир эса ишдан бўшасанг — умрбод кўчада қоласан.

Энди чиқиб кетмоқчи бўлиб турувдим, эшик тақиллади. Ҳассе ичкарига кирди-ю, ўзини стулга ташлади.

— Ортиқ чидаёлмайман!

Табиатан юмшоқ, оққўнгил бу одамга ичим ачиб кетди. Елкалари осилиб тушган, кичкина мўйлови бор. Камтарин, вижданап ишлайдиган хизматчи. Ҳозир бунақаларга кун йўқ. Нафси-амрини айтганида, ҳамма вақт ҳам шу тоифадаги кишиларга қийин бўлган. Камтарлик билан ҳалоллик фақат романларда рағбатлантирилади. Ҳаётда эса бунақа одамларининг ширасини сўриб, пўстлоғини туфлаб ташлашади. Ҳассе қўлини кўтарди:

— Ўзингиз ўйланг, яна икки кишини ишдан бўшатиши. Навбат менга келади. Мана қўрасиз, мени ҳам ҳайдашади!

У йил — ўн икки ой мана шундай ҳадик билан яшарди. Ҳассе-га арақ қуйиб бердим. Унинг бутун вужуди титраб-қақшарди. Бир кунмас-бир кун йиқилиб қолиши турган гап.

— Бунинг устига, хотинимнинг таъналари! — деди у ижирғаниб.

Афтидан, хотини, умримга зомин бўлдинг, деб таъна қилса керак. Аёл қирқ икки ёшда, анча сўлиган, ёшлик тароватини йўқотган, лекин эридан тетик эди. Үнга яқинлашиб келаётган кексалик ваҳимаси азоб берарди.

Буларнинг орасига тушиб бўлмасди.

— Менга қаранг, Ҳассе! — дедим мен. — Сиз бемалол ўтираверинг. Мен кетишим керак. Кийим жавонида конъяк бор. Мана ром. Мана газеталар. Кейин, биласизми? Кечқурун хотинингизни олиб, бу фурбатхонадан чиқиб кетинг. Лоақал кинога боринг. Бу қаҳваҳонада икки соат ўтирганингиздан қимматга тушмайди. Қайтанга кўпроқ лаззат оласиз. Бугун энг муҳими — уннутиш! Ҳеч нарсани ўйламаслик! — Мен унинг елкасига қоқиб қўйдим, лекин негадир виждоним қийналтаётгандай эди. Ростдан ҳам, кинодан яхшиси йўқ. У ерда ҳар ким хоҳлаганча хаёл сурини мумкин.

Кўшни хонанинг эшиги очиқ эди. Ичкаридан аёл кишининг йигиси эшитиларди. Тез юриб, ўтиб кетдим. Кейинги эшик қия очиқ. Бирор қулоқ соляпти. Бу хонадан доим упа-элик ҳиди анқиб туради. Хона соҳибаси — Эрия Бениг — шахсий котиба. Оладиган маошига писбатан башанг кийинади, шуписи ҳам борки, ҳафтада бир марта хўжайини кечқурун келиб, эрталаб кетади. Эртасига кун бўйи аёлнинг авзойи бузилиб юради. Рақсга бормаган куни йўқ. Рақсга тушмасам, яшатим ҳам келмай қолади, дейди.

Иккита дүсти бор. Биттаси буни яхши күради, доим гул опкела-ди. Шеригини бу аёл севади, ўзи унга пул берисиб туради.

У билан ёнма-ён ротмистр граф Орлов яшайды — рус мухо-жири, росторан хизматчиси, кинода сўзсиз ролларни ижро эта-ди, рақс ўрганаётганларга шерикликка ёлланади, икки чакка-сига оқ тушган олифта. Гитарани яхши чалади. Бош официант бўлиш орзусида худога илтижо қилгани-қилган. Ичганда йиғлоқи бўлиб қолади. Унинг ёнида етимхона ҳамшираси фрау Бендер-нинг хонаси. Эллик ёшда. Эри урушда ҳалок бўлган. Иккита бола-си 1918 йили очликдан ўлган. Тарғил мушуги бор. Шу мушукка суюниб қолган.

Фрау Бендернинг қўшниси — нафақадаги кассир. Почта мар-каси ва қофоз пулларни йиғиб юрадиганлар уюшмасининг коти-би. Марка деса жонини беради. Бор-йўқ фазилати шу. Баҳтли одам.

Охирги эшикни тақиллатдим.

— Хўш, Георг, бирор янгилик борми?

Георг Блок бош чайқади. У иккинчи курс талабаси. Икки йил маъруза эшитиш учун икки йил конда ишлаган. Йиқсан пулла-рини деярли ишлатиб бўлган, қолгани базур икки ойга етади. Конга қайтолмайди — у ерда ишсизлар тиқилиб ётипти. Бирор ишга жойлашишга роса уринди — фойдаси бўлмади. Бир ҳафта маргарин фабрикасининг реклама варақаларини кўча-кўйда тар-қатиб юрди. Аммо фабрика синди. Кейин газета тарқатувчи бўлди. Орадан уч кун ўтгач, эрта тонгда шапка кийган нотаниш йигит-лар уни тўхтатиб, газеталарини йиртиб ташлашди ва бирорнинг • нонига шерик бўлмасликни тайинлашди. Ўзларида ҳам ишсиз-лар кўп экан. Эртасига эрталаб яна газета сотишга чиқди-ю бо-шига тагин ўша савдо тушди — йиртиб ташланган газеталарнинг ҳақини ёнидан тўлашга мажбур бўлди. Уни қандайдир велосипед уриб кетди. Газеталар лойга қоришли. Яна икки маркага тушди. Учинчи мартасида калтак сб, уйига устбоши йиртилган ва ба-шараси кўкарған ҳолда қайтди. Ана ўшандан кейин таслим бўлди. Ҳозир Георг уззукун хонадаи чиқмай, дарс тайёрлади. Кошки фойдаси бўлса. Кунига бир марта овқат ейди. Аслида ўқишини ту-гатадими-йўқми — бари бир. Ҳатто имтиҳонларни топширган тақ-дирда ҳам ўн йилнинг нари-берисида ишга жойлашолмайди.

Унга бир қути сигарета бердим.

— Қўй шу ишингни, Георг. Мен ҳам бир вақтлар тупурган-ман ўқишига. Вақт-соати келганда яна бошқатдан бошлайверасан.

У бош чайқади.

— Йўқ. Конда ишлаб билдим: ҳар куни шуғулланімаса бўлмайди. Кейинн уддасидан чиқиши қийин.

Мен унинг рангпар юзига, диккайган қулоқларига, ботик кўкрагиу озғин гавдасига разм солиб чиқдим. Эҳ, бири кам дунё, деб шуни айтадилар-да!

— Хўп, омон бўл, Жоржи. — Кейин ёдимга тушди — унинг ҳам ота-онаси йўқ.

Ошхона. Деворга тулуп — ёввойи чўчқанинг боши илиб қўйилган, марҳум Залевскидан қолган мерос. Даҳлизда телефон. Ним қоронғи. Газ ва мой ҳиди анқийди. Кўча эшигига шу ерда истиқомат қилувчиларнинг исм-шарифлари ёзилган. Менинг ҳам номим бор: «Роберт Локамп, фалсафа талабаси. Тугмача икки марта босилсан». Ёзув сарғайиб кетган. Фалсафа талабаси... Чакки эмас! Лекин бунга анча бўлган. Зинадан «Интернациональ» қаҳвахонасига тушдим.

Қаҳвахона ним қоронғи, тамаки ҳиди уриб қолган, ичакдай узун, икки ёнида қатор хоналари бор залдан иборат. Рӯпарада, пештахта ёнида пианино турипти. Бузуқ, баъзи торлари узилган, клавишлари устидаги суюқ қопламалари ҳам кўчиб кетган, аммо мен бу узоқ йиллар хизмат қилгаи мусиқа сандигини яхши кўраман. Созанда бўлиб ишлаганимда қарийб бир йил ёнидан жилмаганман.

Қаҳвахонанинг ён хоналарида молфурушлар йигинларини ўтказишади; баъзан отўйин ва бошқа сайилгоҳларнинг эгалари ҳам тўпланиб туришади. Залга кираверишда фоҳишалар ўтиришади.

Қаҳвахона ҳозир бўм-бўш эди. Фақат япасқитовои хизматчи Алоис пештахта ёнида турарди. У мени кўриб:

— Ҳар галгидайми? — деб сўради.

Мен бош силкидим. У бир стакан ром қўшилган вино опкелди. Стол ёнига чўқдим. Дераза ойнасига қўёш нури қияламасига тушиб турарди. Бу нур токчаларга қатор терилган шишаларда жилва қиласарди.

Алоис стаканларни юварди. Қаҳвахона эгасининг мушуги пианино устига чиқиб олган, ҳар замонда миёвлаб қўяди. Мен бамайлихотир сигарета чекиб ўтирибман. Бу ердаги муҳит одамнинг уйқусини келтиради. Кечаги қизнинг овози ғалати экан. Сал бўғикроқ, лекин бирам майин, бирам мулойим...

— Кўришга журнал-пурнал опке, Алоис, — дедим мен.

Эшик фийчиллади. «Темир байтал» лақабли қабристон фоҳиши шаси Роза кириб келди. Чидамли бўлгани учун унга шундай лақаб кўйишганди. Бир стакан суюқ шоколад сўради. Ҳар якшанба шундай қиласди, кейин Бургдорфга боласини кўргани кетади.

— Салом, Роберт!

— Салом, Роза, қизинг катта бўп қолдими?

— Кўргани кетяпман. Қара, унга нима олиб боряпман?

Роза қогозга ўроғлиқ нарсани очди. Икки юзи қип-қизил қўғирчоқ экан. Қорнини босувди, «о-йи», — деган овоз чиқди. Роза терисига сифмасди.

— Зўр! — дедим мен.

— Кўриб қўй. — У қўғирчоқни ётқизган эди, қовоқларини юмди.

— Э, қойил, Роза.

У мамиун бўлиб, қўғирчоқни яна ўраб қўйди.

— Бунақа нарсаларнинг фарқига борасан, Роберт! Сен яхши ота бўласан.

— Шуниси стмай турувди!

Роза боласига жуда боғланиб қолган эди. Бир неча ой муқаддам, қизча ҳали йўлга юрмаган пайтда, ўз бағрила эди. Касбкорига қарамай, Роза болани улдаларди, чунки қазноқ бор эди. Кечқурнлари бирорта мижозни бошлаб келса, бир нарсани баҳона қилиб, ундан пича кутиб туришни илтимос қиласар, ўзи ичкарига киради-да, болани аравачага ётқизиб, қазноққа яшириб чиқарди. Аммо қиши яқинлашгач, болани иссиқ хонадан музлаб ётган қазноққа тез-тез олиб киришга мажбур бўла бошлади. Бир куни бола шамоллаб қолди. Айни мижоз билан ётган пайтида чинқираб йиглашга тушди. Шундан кейин, ҳар қанча оғир бўлмасин, қизчани нархи қиммат стимхонага топширишга тўғри келди. Ўзини баобрў бсва қилиб кўрсатди. Акс ҳолда болани қабул қилишмасди.

Роза ўринидан турди,

— Жума куни келасанми?

Мен бош силкидим.

У менга тикилиб қаради.

— Нима гаплигини биласан-а?

— Албатта.

Аммо ҳеч нарсани билмасдим, сўраб-суриштиришни хоҳламадим. Бу ерда созандалик қилиб юрган пайтимда шунга ўрганган эдим. Шуниси қулай эди. Ҳамма қизлар билан «сен»лашиб гаплашардим. Бу масканда бошқача бўлиши мумкин эмас.

— Омон бўл, Роберт.

— Омон бўл, Роза.

Яна бир оз ўтиридим. Лекин бу гал унчалик ёпишмади, яъни мириқиб мизғиёлмадим, аслида «Интернациональ»га якшанба кунлари фақат шу ниятда кираман. Яна бир стакан ром ичиб, чиқиб кетдим.

Кун бўйи саланглаб юрдим. Нима қилишни билмасдим, бир ерда узоқ тўхтамасдим. Кечга яқин устахонага бордим. Кестер ўша ерда экан. Кадиллак атрофида куймаланиб юритти. Яқинда арzon-гаровга сотовлган эдик. Қайгадан таъмирладик, Кестер ҳозир унга пардоз берастётганди. Биз уни дурустроқ пулламоқчи эдик. Тўғри, мен бунга кўпам ишонмасдим. Замон оғир, одамлар ихчамроқ мошинани ҳарид қилишади, бунақа дахмазани бошларига уришадими.

— Йўқ, Отто, сотолмаймиз, — дедим мен.

Аммо Кестер иккаланмасди.

— Ўртамиёна мошиналарни сотиш қийин, — дели у. — Одамлар ё арzon, ёки энг қиммат мошиналарни ҳарид қилишади. Пулдор одамлар кўп. Баъзилар мақтаниш учун ҳам олишаверади.

- Готтфрид қани? — сүрадим мен.  
— Қандайдир сиёсий мажлисда.  
— Эси жойидами? Нима қиларкан мажлисда?  
Кестер кулди.  
— Ўзи ҳам билмайди. Баҳор бошини айлантирган-да. Бунақа пайтда тинч ўтиромайди.  
— Бўлса бордир. Ке, ёрдамлашворай.  
Коронги тушгунча ивисидик.  
— Бўлар, — леди Кестер.  
Ювиндик.  
— Ичида нима борлигини биласанми? — деб сўради у ҳамёничи чиқазиб.  
— Хўш?  
— Боксга иккита чипта. Бирга бормаймизми?  
Ўйланиб қолдим. Кестер менга ажабланиб қаради.  
— Стиллинг билан бора қол, — шундай дедим-у, таклифни рад этганимга ўзим ҳам ҳайрон қолдим. Негадир уйга қайтгим келаётганди, нимагалигини билмасдим.  
— Бирор мўлжалинг борми? — сўради у.  
— Йўқ.  
Кестер менга маъноли қараб қўйди.  
— Уйга кетаман. Мактублар ёзаман. Қачонлардир шу иш билан ҳам шуғулланиш керак-ку.  
— Иссигинг йўқми ишқилиб? — леди у безовталаниб.  
— Йўқ, соппа-соғман. Эҳтимол, баҳор менга ҳам таъсир қилаётгандир-да.  
— Майли, ўзинг биласан.  
Уйга жўнадим. Аммо хонамда ўтираканман, нима қилишимни билмасдим. У ёқдан-бу ёққа юраман. Келишга келдим-у, уйга нима учун талпинганимни идрок қилолмайман. Ниҳоят, Георгдан хабар олиш мақсадида йўлакка чиқдим. Чиқдиму фрау Залевскига рўпара бўлдим.  
— Ие, — леди у таажжубланиб, — шу ердамисиз?  
— Инкор этолмайман.  
У бошини сарак-сарак қилди.  
— Сайр қилгани кетмадингизми? Мўъжиза, мўъжиза!  
Георгникида кўп турмадим. Чорак соатлардан кейин хонамга қайтиб чиқдим. Ичсаммикин? Тортмаяпти. Дераза токчасига ўтириб, кўчани томоша қила бошладим.  
Шом қоронғиси қабристон устида кўршапалакдай қанот ёзган. Касаба уюшмалари биносидан нарила осмон гўр олмадай шимтатир. Чироқлар ёнди, аммо ҳали тун пардаси ёйилмагани учун улар совуқда дийдираб турганга ўхшарди. Бир муддат китоб титкиладим, кейин телефон рақами ёзилган қофозни олдим. Қўнғироқ қилсан нима бўлти? Ахир, ўзим ваъла берганман-ку. Балки ҳозир уйнда йўқдир.

Йўлакка, телефон олдига чиқдим, гўшакни кўтариб, рақамларни тердим. То жавоб бўлгунча гўшакнинг қора тешикчаларидан бесабр бир ҳовур кўтарилаётгандай туюлди. Қиз уйда экан. Унинг паст, андак бўғиқ овози гўё нариги дунёдан бу ерга, фрау Залевскининг йўлагига сизиб кслиб, деворга осилган ёввойи чўчқа боши остидан аста сирғалганча, мой ҳиди ва идиш-товоқларнинг шарақ-шуруқига сингиб кетаётгандай эди, — қиз шу қадар аста ва майнин гапиради. Бирдан кўнглим аллақаидай қоникиш ҳиссига лиммо-лим бўлди. Кеча қаңдай етиб олганини сўраш ўрнига, индинга учрашишга келишвоздим, ана ўшандан кейингина гўшакни кўйдим. Мени қуршаб олған дунё у қадар маънилиз эмаслигини ҳис этдим. «Ақлдан озяпман», — миямдан шу фикр кечди. Кейин яна гўшакни кўтариб, Кестерга қўнғироқ қилдим.

— Чипталар ёнингдами, Отто?

— Ҳа.

— Жуда соз. Боксга бирга борамиз.

Мусобақадан чиқиб, тун забт этган шаҳарда сайр қилдик. Кўчалар чароғон ва бўм-бўш эди. Бино деворларига қоқилтган ёрлиқлар кўзни қамаштиради. Витрина ичидаги чироқлар беҳуда ёниб ётипти. Бир витринага юzlари бўялган мум қўғирчиқлар теришган. Бошқасида қимматбаҳо тақинчиқлар осиғлик. Кейин оппоқ нурга гарқ бўлиб ётган дўкон ёнидан ўтдик. Унинг витриналарига ранг-баранг шоҳи матолар ёйиб қўйилган. Кинотеатр эшиги олдида ранг-рўйи афтода, оч-наҳор одамлар тиз чўкиб ўтиришипти. Рўпарада озиқ-овқат дўкони витринаси ярқирайди. Унда турли-туман консерва банкалари, оппоқ пахтага ўралган спімалар, серёғ парранда гўштлари, турли шаклдаги бўрсилдоқ нонлар, дудланган колбасалар ва яна алланима балолар уйиб ташланган.

Хиёбондаги узун курсига ўтиридик. Ҳаво салқин эди. Шаҳар тепасида оппоқ коптоқдай ой осилиб турнипти. Тун яримдан оғган. Сал нарида шундоқ кўчанинг ўзинга брезент чайла тикилган. Ишчилар трамвай изларини таъмиглашяпти. Пайвандлаш асбоблари вишиллар, энгашиб ўтирган қора шарпалар олдидан тепага учқунлар сачаради. Шу срнинг ўзида, худли дала ошхоналаридағи каби, асфальт қозонларидан тутун чиқиб турипти.

Биз чурқ этмасдик. Ҳар ким ўз хаёли билан банд эди.

— Якшанба ғалати кун-а, Отто, нима дединг?

Кестер бош силкиди.

— Кун тугаётганига одам хурсанд бўлади, — дедим мен ўйчан.

Кестер елкасини қисди.

— Афтидан, ишга ўрганиб қолганинг учун озгина бўш вақт ҳам халақит бераётгандай туюлса керак-да.

Мен ёқамни кўтардим.

— Яшашимизга нима халақит беради, Отто?

У менга жилмайиб қаради.

— Илгари халақит берадиган нарса бор эди, Робби.

— Тұғри. Лекин ҳар қолда-да?

Автоген олови асфальтта зангори нур таратарди. Темир излар устидаги чайла ичидә чироқ ёниб турғанидан у жажжигина ши-нам уйни эслатарди.

— Сешанбагача кадиллакдан қутулармикинмиз? — деб сүра-дим мен.

— Эхтимол, — деди Кестер. — Нима учун сүраяпсан?

— Шунчаки.

Биз құзгалдик.

— Бугун сал шаштим пастроқ Отто, — дедим мен.

— Бўп туради, — жавоб берди Кестер. — Хўп, яхши ётиб тур, Робби.

— Эрталабгача, Отто.

Уйга келиб, яна пича ўтиридим. Кулбам қўзимга бирдан хунук кўриниб кетди. Қандил алмисоқдан қолган, креслоларнинг ягери чиққан, линолеумнинг тузи ўчган, қўлювгич, каравот ва унинг тепасидаги Ватерлоо жангига акс эттирилган сурат — бирортасига қараб бўлмайди. Бу ерга ўзини билган андишали одамни таклиф этиб бўладими? Айниқса, аёл кишини. Фақат «Интернациональ»-даги фоҳишани чақириш мумкин.

### III

Сешанба куни эрталаб устахона ҳовлисида нонушта қилиб ўтирадик. Кадиллак тайёр эди. Ленц бир варақ қоғозни ушла-гапча бизга тантанавор назар ташларди. У реклама бўлимининг мудири бўлиб, ҳозиргина Кестер иккаламизга машина сотилиши тўғрисидаги эълон матнини ўқиб берган эди. Эълон шундай сўзлар билан бошланарди: «Дам олиш учун жанубга ҳашаматли лимузинда боришига нима етсин!» Матнининг давоми ҳам лирик шеър билан мадҳия оралиғидаги чучмал гаплардан иборат эди.

Кестер иккаламиздан садо чиқмади. Беадад хаёлнинг шарша-расидан сал ўзимизга келволишимиз керак эди. Ленц бизни лол қолдирдим, деб ўйлади.

— Хўш, қалай? Бунда ҳам шеърият, ҳам ишбилармонлик мужассам, тўғримасми? — сўради у фурур билан. — Бизнинг тезкор асримизда улдабурро бўлиш керак, ҳамма гап мана шунда. Бир-бирига зид нарсалар кишиларни ўзига маҳлиё қиласди.

— Пул масаласи бундан мустасно, — эътиroz билдиридим мен.

— Автомобилни пул жамғариш учун харид қилишмайди, ази-зим, — деди Готтфрид. — Уни пул харж қилиш мақсадида сотов-лишади, саргузашт завқи шундан бошланади, хусусан, ишби-лармон кишилар учун. Кўпчиликкунинг завқи шу билан тугайди. Нима дединг, Отто?

— Биласанми... — деб ғудранди Кестер.

— Мұхокама қиладиган жойи йүқ буни! — деб унинің гапини бўлдим. — Бунақа реклама билан курортга йўлланма ёки аёлларнинг мойупасини сотиш мумкин, автомобилга тўғри келмайди.

Ленц эътироуз билдиришга чоғланди.

— Шошма, — давом этдим мен. — Бизни инжик деб ўйлашинг мумкин, Готтфрид. Шунинг учун Юппдан сўраймиз. У нима деса — шу.

Юпп бизнинг яккаю ягона хизматчимиз, ўн беш ёшли ўспирин, тахминан шогирд мақомида. Бензин құядиган аппаратта кўз-қулоқ бўлиб туради, бизга нонушта опеклади, кечқурунлари у ёқ-бу ёқни супуради. Паст бўйли, сепкилдор, шунақа шалпанг-қулоқки, бунақасини умримда кўрмаганман. Мабодо самолётдан қуласа ҳам срга омон-эсон тушади, дейди Кестер. Уни чақирдик. Ленц эълонни ўқиб берди.

— Шунақа машина сени қизиқтиармиди? — деб сўради Кестер Юппдан.

— Мошинами?

Мен кулиб юбордим.

— Албатта машина-да, — деб тўнғиллади Готтфрид. — От деб ўйлаяпсанми?

— Ўша машинанинг тезлиги қанақа? Кулачкали вали қаидай бошқарилади? Гидравлик тормозлари борми? — суриштира бошлади Юпп.

— Ўзимизнинг кадиллак устида гап кетяпти, галварс! — деди тутоқиб Ленц.

— Бўлиши мумкинмас, — эътироуз билдириди Юпп тиржайиб.

— Ана сенга, Готтфрид, — деди Кестер, — ана сенга саргузашт завқи.

— Жўна, насосингга қара! Йигирманчи асрнинг жинқарчаси!

Зардаси қайнаган Ленц ўз эълонининг бутун шеърий тароватини сақлаб қолиш ва уни айрим техник маълумотлар билан тўлдириш ниятида устахонага қараб кетди.

Орадан сал ўтмай, дарвозадан катта инспектор Барзиг кириб келди. Биз уни иззат-икром билан кутиб олдик. У «Қақпус» суюрта жамиятининг инженери ва инспектори бўлиб, жуда пузуфузли одам эди. Шу киши орқали таъмирларга буюртма олиб турадик. Муносабатларимиз яхши эди. Инженер сифатида пихини ёрган Барзигни лақиллатиб бўлмасди, аммо капалак хусусида гап кетса, ҳамма нарсани уннаторарди. У капалакларни йиғиб юрарди. Бир куни устахонага қамалиб қолган капалакни тутиб, унга совға қилдик. Барзиг бу маҳлуқни кўргач, ҳаяжондан ранги оқариб, энтикиб кетди. Биз тутган капалак ноёб нусха эмиш, коллекциясида айлан шу нусха етишмай турган экан. У бу яхши лигимизни сира унотолмасди, бинобарини, бизга қайси гўрлардан буюртмалар топиб келарди. Биз ҳам ўз навбатида, қаерда капалак кўрсак, орқасидан кувиб тутмагунча кўймасдик.

— Озгина вино кетадими, жаноб Барзиг? — деб сўради Ленц. У аича ҳовуридан тушиб қолган эди.

— Кундузи бунақа нарсаларни ичмайман, — деди Барзиг. — Бу мен учун қонун.

— Қонунни бузиб туриш керак, бўлмаса ундан нима фойда? — Готтфрид шундай деб, стаканга вино тўлдирди.

— «Товус кўзлари» ва «Садафдор»нинг гуллаб-яшнаши учун ичамиз!

Барзиг кўп тараңг қилмади.

— Таклифингизни ерда қолдиришга ҳаддим сиғмайди, — деди у стаканини қўлига олиб. — Бўлмаса, «Бақрайган кўзлар» учун ҳам кўтарамиз.— У галати жилмайиб қўйди, бу билан аёл ҳақида гап кетаётганига шама қилган эди. — Яқинда бўғин оёқли жони-ворларнинг бошларидаги ҳид билиш ва сезиш аъзоларининг янги хислатини кашф этдим.

— Қойил! — хитоб қилди Ленц. — Офарин! Демак, сиз кашшоғсиз, номингиз табиатшунослик тарихига зарҳал ҳарфлар билан ёзилади!

Биз ҳозир номи тилга олинган ҳайвон учун яна бир стакандан урдик. Барзиг оғзини артди.

— Сизларга хушҳабар олиб келдим. Фордни таъмиrlайсизлар. Маъмурият рози бўлди.

— Э, яшанг! — деди Кестер. — Зўр иш бўпти. Смета-чи?

— У ҳам тасдиқланди.

— Қисқаришларсизми?

Барзиг кўз қисди.

— Аввалига оёқ тираб туриб олишди, кейин...

— «Қақнус» суғурта жамияти учун яна биттадан отамиз! — деб хитоб қилди Ленц, стаканларни тўлдириб.

Ниҳоят, Барзиг ўрнидан туриб, кетиш тараддудига тушки.

— Фалокат оёқ остида, деб бежиз айтишмаган экан! — деди у хайрлашаётib. — Фордда ўтирган аёл бари бир ҳаётдан кўз юмди. Лекин жароҳати унча оғир бўлмаган. Кўп қон кетган бўлса кепрак-да.

— Неча ёшда эди? — сўради Кестер.

— Ўттиз тўртда, — жавоб берди Барзиг. — Қорнида тўрт ойлик ҳомиласи ҳам бўлган. Йигирма минг маркага суғурта қилинган экан.

Биз дарҳол мошинани олиб келиш учун жўнадик. Форд нон дўконининг эгасига тегишли экан. Кайфда рулга ўтириб, деворга бориб урилган. Фақат хотини жароҳатланган, ўзининг бирор ери тирналмаган ҳам. Биз у билан гаражда кўришдик. Новвой бизга бошдан-оёқ разм солиб чиқди. Ҳомсемиз, елкалари чиққаи, бўйни калта, бошини хиёл эгиб турарди. Ҳамма новвойларники сингари юзи заҳил, шунданми, фирғишира қоропғиликда каттакон уи қургини эслатарди.

У аста ёнимизга келди.

- Қачон тайёр бўлади? — деб сўради у.
- Уч ҳафталардан кейин, — жавоб берди Кестер.

Новвой мосинанинг тепасига ишора қилди.

- Бу ёғи ҳам сметага киритилган, а?
- Нега энди, томи заха смаган-ку?

Бу жавоб новвойга ёқмади.

— Тўғри. Лекин алмаштиrsa бўлади-ку. Каттагина буюртма бу. У ёғии келишамиз.

- Йўқ, — деди Кестер.

Отто унинг ниятини сезиб туарди. Новвой фурсатдан фойдаланиб, мосина кузовини янгилақ олмоқчи эди, бунинг учун суфурта жамияти пул тўламасди, у кузов нархини ҳам таъмир харажатларига киритиб юборишни ўйлаётганди. Новвой билан анча баҳслашдик. Буюртмани сизлардан қайтариб олиб, бошқа устахонага топширираман, деб пўписа қила бошлади. Ахийри Кестер ён беришга мажбур бўлди. Қўлимизда иш йўқ эди, акс ҳолда Отто сўзидан қайтмасди.

— Ҳа, энди бу бошқа гап, — деди новвой мамнун қиёфада. — Икки-уч кундан кейин кираман. Ранги сарғиш бўлсин, менга нозик ранглар ёқади.

Биз жўнаб кетдик. Йўлда Ленци ўриндиқقا ишора қилди. Унда қон доғлари бор эди.

— Хотинининг қони. У бўлса, янги кузов илинжида юрипти-я. Тағин «сарғиш бўлсин, менга нозик ранглар ёқади», — дейди-я! Падарингга лаънат! Иккита ўлик учун пул ундиришдан ҳам тоймайди бу. Ахир, хотин ҳомиладор экан-ку.

Кестер елкасини қисди.

- Бир-бирига алоқаси йўқ, деб ўйласа керак-да.

— Эҳтимол, — деди Ленц, — бошига кулфат тушганда шунақа ишлар билан ўзини овутадиганлар ҳам бўлади. Аммо-лекин у бизни эллик маркага тушириди.

Тушдан кейин бир нарсани баҳона қилиб, уйга жўнадим. Соат бешда Патриция Хольман билан учрашиш келишилган эди, лекин устахонада бу ҳақда оғиз очмадим. Яшироқчи бўлганим учун эмас, қиз учрашувга келадими-йўқми — мана шунга иккиланаётгаи эдим.

Патриция қаҳвахонани тайин қилган эди. У срга сира бормаган эдим, кичкина ва шинам қаҳвахона эканлигини билардим, холос. Қаҳвахонага кирдиму анқайиб қолдим. Ичкари ғала-ғовур, бунинг устига, фақат аёллар ўтиришарди. Ширинилклар ишлаб чиқарадиган фабрикага кириб қолгандай бўлдим.

Эндигина бўшаган стол ёнига бир амаллаб ўтирволдим. Ўзимни нокулай сезиб, нуқул атрофга аланглардим. Мендан бошқа яна иккита эркак бор эди, лекин улар ҳам жинимга ёқмади.

— Қаҳвами, чойми, шоколадми? — деб сўради қаҳвахона хизматчиси ва қўлидаги сочиқ билан стол устидаги ушоқларни нақ тиззамга сидирди.

— Бир бокал конъяк, — дедим мен.

Опкелди. Аммо ўзи билан бүш жой излаётган түртта аёлни ҳам бошлаб келди. Уларнинг сардори шляпа кийган, басавлат, кексароқ аёл эди.

— Марҳамат, ўтиринглар!

— Узр, — дедим мен. — Стол банд. Ҳозир келишади.

— Мумкинмас, жаноб, — деди хизматчи. — Бу пайтда бизда стол банд қилинмайди.

Унга анграйиб қарадим. Кейин стулни орқага тортиб, ўтиришга чоғланаётган басавлат аёлга кўз ташладим. Унинг авзойини кўриб, қаршилик кўрсатишдан воз кечдим. Уни замбарак билан ҳам ўз ниятидан қайтариб бўлмасди.

— Лоақал яна конъяк опкелишнинг иложи борми? — деб гудрандим хизматчига қараб.

— Бажонидил. Яна тўла бўлсинми?

— Ҳа.

— Хўп бўлади. — У таъзим қилди. — Кўнглингизга келмасин, жаноб, бу стол олти кишига мўлжалланган, — қўшиб қўйди узр сўрагандай.

— Майли, конъякни тезлаштиринг.

Басавлат аёл, афтидан, ҳушёрлар жамоасига мансуб шекили, конъяк тўла бокалимга худди ўлган балиқقا тикилгандаи қаради. Унинг жигига тегиш учун яна конъяк буюрдиму мен ҳам бақрайиб қараб туравердим. Кейин қилган ишимдан кулгим қистади. Нима учун келдим бу ерга? Ўша қизнинг менга нима кераги бор? Шу ғала-ғовурда уни танийманми-йўқми? Авзойим бузулиб, конъякни бир қўтаришда бўшатдим.

— Салом! — деган овоз эшитилди орқамдан.

Сакраб туриб кетдим. Қиз жилмайиб турарди.

— Бошлаворибсиз-да?

Бўш бокални столга қўйдим. Кейин негадир саросимага тушив қолдим. Қиз ўша кунгидан бутунлай бошқача эди. Оғзига ширинлик тўлдириб, кавшаниб ўтирган бўрдоқи бу аёллар орасида у ниҳолдай нозик, бениҳоя гўзал, мағрур ва ёнига йўлаб бўлмайдиган фариштадай кўринарди. «Нима иш қилиб қўйдим!» — деган ўй кечди кўнглимдан. Кейин:

— Қаёқдан кела қолдингиз? Эшикдан кўз узмай ўтирувдимку, — деб сўрадим. Қиз қаёққадир, ўнг томонга ишора қилди.

— У ёқда ҳам эшик бор. Сал кечикдим. Анча бўлдими келганингизга?

— Йўқ. Ҳозиргина келдим. Икки-уч минут бўлди.

Столим атрофида ўтирган аёлларнинг нафаси ичига тушиб кетли. Улар қизга синчковлик билан тикилишарди.

— Шу ерда ўтираверамизми? — сўрадим мен.

Қиз стол устига назар ташлади. Хиёл кулимсиради. Сўнг менга қаради.

— Ҳамма жойда ҳам шу-да.

Мен баш чайқадим.

— Йүқ, одам кам жойлар бунақамас. Атрофга қараша, ит эгасини танимайды. Ресторанга бора қолайлик.

— Ресторанга? Кундузи ресторанлар очиқ бўладими?

— Биттасини биламан. Яхши жой. Агар хўп дессангиз...

— Бўпти, кетдик.

Хизматчини чақирдим.

— Уч бокал конъяк! — деб бақирди у худди қулоғим гарандай. — Уч маркаю ўттиз!

Қиз анграйиб қолди.

— Уч минутда уч бокал конъякни ичвордингизми? Тезотар экансиз.

— Икки бокалини кечак ичганман.

— Вой, ёлғончи-еї! — деб тўнғиллади басавлат аёл. Шу пайтгача миқ этмай ўтирган эди.

Мен аёлга қуллуқ қилдим.

— Омон бўлинг, хонум!

Биз столдан тез узоқлашдик.

— Уришиб қолғанимидингиз? — деб сўради қиз кўчага чиққанимиздан сўнг.

— Йўқ. Ўзим бунақа девқомат аёлларга ёқмайман.

— Мен ҳам, — деди қиз.

Унга қарадим. У гўё бошқа оламдан келиб қолган паризотга ўхшарди. Ким ўзи у, турмуш тарзи қанақа — тасаввур қиломасдим.

Ресторанга киришимиз биланоқ кўнглим жойига туши. Пештахта ортида сотувчи Фред конъяк қўйиладиган каттакон бокалларни артаётган экан. У мен билан умрида худди биринчи марта кўраётган кишисидай сўрашди, уч кундан буён уйимга опичлаб олиб бориб қўяётганини сездирмади, албатта. Ана шунақа кўпни кўрган, тажрибали одам эди у.

Ресторан бўм-бўш эди. Фақат битта стол ёнида, одатдагидай, Валентин Гаузер ўтиради. У билан уруш йилларидан бери танишмиз, бир ротада хизмат қилганимиз. Бир куни ўқ ёмғирдай ёғилиб турган пайтда хат опкеб қолди; ойимдан деб ўйлапти. Хатни интиқлик билан кутаётганимни, ойим операция қилиниши кераклигини у биларди. Аммо Валентин янгилишган эди. Хат деб ўйлагани шлем остидан кийиладиган хол-хол чит ҳақидаги реклама варақаси эди. Қайтишда оёғидан яраланипти.

Урушдан кейин Валентин каттагина меросга эга бўлди. Шундан бери ичади. Тирик қолғанимни умрбод нишонлашим керак, дейди. Орадан қанча йил ўтиб кетгани билан иши йўқ. Бу бахтни ҳеч нарса билан ўлчаб бўлмайди, қанча нишонласанг ҳам оз, дейди. Уруш жароҳати кўнглига қаттиқ ўрнашиб қолган. Биз эса кўп нарсани уннатордик, аммо у уруш йилларининг ҳар бир куни, ҳар бир соатини ёдда сақларди.

Күп ичиб қўйганини сездим. У бир бурчакда ўйга чўмиб ўти-  
рарди. Кўлимни кўтардим:

— Салом, Валентин.

У бошини кўтарди.

— Салом, Робби!

Биз нариги бурчакдаги стол ёнига бориб ўтиридик. Сотувчи  
ёнимизга келди.

— Нима ичамиз? — сўрадим қиздан.

— Майли, бир қадаҳ мартини ича қолай. Спирт қўшилмага-  
нидан.

— Фред бу соҳанинг билағони, — дедим мен.

Фред жилмайди.

— Менга ҳар галгидай.

Ресторан ним қоронги ва салқин эди. Тўкилган жин ва конъяк  
ҳиди анқирди. Бу ҳид қора арча билан ноннинг муаттар исини  
эслатарди. Шифтда слканли қайиқнинг ёғоч нусхаси осилиб ту-  
рилти. Пештахта ортидаги деворга мис тунука қоқилган. Биттагина  
чироқнинг майин шуъласи тунукага қизгиш нур тарататёт-  
гани учун деворда аланига гуриллаётгандек туюлади. Залда фақат  
иккитагина чироқ ёқиғлиқ. Бири Валентиннинг столи тепасида,  
иккинчиси бизнинг тепамизда. Чироқ қалпоқлари эски жугро-  
фий хариталардан қирқиб ясалгани учун бошимиз узра дунё-  
нинг бир парчаси осилиб турганга ўхшайди.

Мен хижолатда эдим, бинобарин, гапни нимадан бошлаш-  
ни билмасдим. Ахир, бу қизни яхши танимасам, тикилганим сари  
у мендан узоқлашаётгандай. Аёл киши билан яккана-якка ўтирма-  
ганимга қанча бўлди-ю! Мен эрқаклар билан муомала қилиб  
ўрганганман. Боя, қаҳвахонада фала-ғовурдан безор бўлган эдим,  
мана энди жимжитликдан нима қиласмини билмайман. Шу су-  
кунат туфайли ҳар бир сўз алоҳида салмоқ касб этар, эмис-эр-  
кин гаплашишга қийналардим. Бирдан ҳалиги қаҳвахонага қайт-  
гим келиб кетди.

Фред бокалларни келтирди. Ичдик. Ром ўткир ва беғубор эди.  
Унинг таъми қуёшни эслатарди. Унда кишига далда берувчи ал-  
лақандай куч яширинганди. Бокални бўшатиб, дарров Фредга  
узатдим.

— Бу ер маъқулми сизга? — сўрадим қиздан.

Қиз бош силкиди.

— Ҳар ҳолда ширинликлар фабрикасидан яхши-да.

— Албатта.

— Бўлмаса, нима учун учрашувга ўша жойни танладин-  
гиз? — дедим мен таажжубланиб.

— Қайдам. — У қалпоқчасини ечди. — Эсимга келгани шу  
бўлди-да.

— Сизга бу ер ёққанига хурсанлмай. Биз тез-тез келиб тура-  
миз. Ўз уйимиздай бўлиб қолган.

Қиз кулди.

— Яхшимас-ку, унақа бўлса?

— Йўқ, — дедим мен, — замон руҳига мос.

Фред менга яна ром олиб келди. Унинг ёнига бир ўрам шоколад қўйди.

— Жаноб Гаузердан.

Валентин узоқдан кўз қисиб, қадаҳини кўтарди.

— Ўн еттинчи йилнинг ўттиз биринчи июли, Робби! — деб хитоб қилди у дўриллаган овозда.

Унга жавобан мен ҳам бокалимни юқорига кўтардим.

У албатта ким биландир ичиши керак эди. Аллақандай қишлоқ қаҳважонасида ой ёки гул бутасига шивирлаб, ичиб ўтирганини кўп кўрганман. Шундай пайтларда у окопда кечган оғир кунларидан бирини эслар ва ҳозир мана шу ерда ором олиб ўтирганига худога шукроналар айтарди.

— Бу киши менинг дўстим, — дедим қизга. — Куролдош биродарим. Мен билган одамларнинг орасида катта баҳтсизликдан ўзига кичкина баҳт яратса олган яккаю ягона инсон шу бўлади. Ҳаётини нимага сарфлашни билмайди, шунинг учун тирик юрганига хурсанд.

Қиз менга ўйчан тикилди. Қия тушган нур унинг юзини ёритди.

— Мен буни яхши тушунаман, — деди у.

— Тушунмайсиз. Ҳали жудаям ёшсиз.

Қиз кулимсиради. Йўқ, фақат кўзлари қулди, холос. Чеҳраси ўзгармади, лекин ички бир нурдан ёришиб кетди.

— Жудаям ёшсиз? — деди у. — Унақамас. Менимча, жудаям ёш бўлиш мумкин эмас, жудаям қари бўлиш мумкин.

Ўйланиб қолдим.

— Бу узоқ баҳслашадиган масала, — жавоб бердим мен ва бирор нарса келтир, деган маънода Фредга ишора қилдим.

Қиз ўзини эркин ва дадил тутарди. Унинг олдида мен тўнкага ўхшардим. Бемалол, ҳазил-хузул қилиб ўтиргим келарди-ю, сира гапим қовушмасди. Учрашувга келишдан олдин анча-мунча гапларни тўқиб кўйган эдим, қаёққа кетди — ҳайронман. Аммолекин Ленц бало-да. Готтфрид мен ҳақимда, суҳбатдош сифатида ундан соқов афзал, дегани деган.

Бахтимга, Фред фаҳм-фаросатли. У кичкина қадаҳ эмас, биратула каттакон бокал келтирди. Мана энди бўзчининг мокисидек ҳадеб қатнайвермайди, бундан ташқари, кўп ичайтганим ҳам сезилмайди. Мен ичишим керак, акс ҳолда аммамнинг бузогига ўхшаб ўтиравераман.

— Яна бир қадаҳ мартини ичасизми? — сўрадим қиздан.

— Сиз нима ичяпсиз?

— Ром.

У бокалимга кўз ташлади.

— Ўтган гал ҳам шундан ичганмидингиз?

— Ҳа, — дедим мен. — Ромни яхши қўраман.

**Қиз бош чайқади.**

- Таъми яхшилигини тасаввур қилолмайман.
- Ўзим ҳам таъмини уннугранман, — дедим мен.
- У менга таажжубланиб қаради.
- Нимага ичасиз бўлмаса?

Мавзу топилганидан суюниб кетдим.

— Таъмининг аҳамияти йўқ. Ром — шунчаки ичимлик эмас, энг аввало, ҳамиша суянчиқ бўладиган дўст. У дунёни ўзгартиради. Ромни шунинг учун ичишади. — Мен бокални нарироқ сурдим. — Мартини буюраверайми?

— Бир бокал ром ича қоламан, — деди у. — Қани, бир татиб кўрай-чи.

— Бўпти, — жавоб бердим мен. — Фақат бунақасидан эмас. Бирданига ўткирлик қиласди. Баккарди коктейлидан олке! — деб қичқирдим Фредга.

Фред иккита бокал ҳамда шўрданак билан қовурилган қаҳва уруғини олиб келди.

- Шишани қолдириб кет, — дедим мен.

Аста-секин ўзимни ўнглаб олдим. Бояги журъатсизлик чекиниб, сўзлар куйилиб кела бошлади. Энди нима деяётганим тўғрисида ўйламасдим ҳам. Бетиним иchar ва вужудимда ёқимли бир тўлқин қўзғалаётганини, бўм-бўш оқшом сониялари аллақандай мазмун касб этиб, умрнинг якранг, бесурур осмонида яна орзу капитлари чарх ураётганини ҳис қилиб ўтирадим. Ресторан деворлари бир четга сурилган, бу энди ресторан эмас — оламнинг сокин, ним қоронги бир бўлаги эдики, унинг теграсида ҳаётнинг, алғов-далғов замоннинг узлуксиз жангি давом этарди. Биз бўлсак — фалакнинг гардиши билан қовушиб қолган икки жон — мана шу хилват гўшада бир-бири мизга термулиб, бамайлихотир чақчақлашиб ўтирадик.

Қиз стулда хиёл букчайиб ўтирас, гўё қасрдандир ўзга дунёдаи келиб қолгандай, ҳамон бегона ва сирли-сеҳрли туюларди. Мен тўхтовсиз гапирап ва ўз овозимни ўзим эшитиб турардим, лекин бу овоз менини эмасдай, менинг ўрнимга бошқа одам — мен ўрнида бўлишни истаган одам гапираётгандай эди. Нуқул ёлғон сўзлардим, бамисоли еттинчи осмонда парвоз қилардим. Бичиб-тўқиётганимни, ҳақ гапни айтмаётганимни ўзим ҳам се-зиб турардим, аммо менга бари бир эди — ахир, ҳақиқат мубҳам ва зим-зис бўлса, нима қиласай! Чин ҳаёт фақат орзу-хәёлларда, унинг шуълаларидагина мавжуд.

Ресторан деворига қоқилган мис тунукада аланга ловуллайли. Валентин аҳён-аҳён қадаҳини кўтариб, қайсиdir бир кунни эсга олиб, фўлдираб қўяди. Ташқаридан кўча шовқини, автомобилларнинг худди йиртқич күшларнинг овозига ўҳшаган сигнали эшитилиб турипти. Бирорта мижоз эшикни очса, кўча бизга қараб қичқириб қўяди. Гўё мижғов, ичи қора ялмоғиздай қичқиради.

Патриция Хольманни кузатиб қўйганимда қоронғи тушиб қолган эди. Аста изимга қайтдим. Бирдан ўзимни ёлғиз ва nochor ҳис эта бошладим. Ёмғир шивалаб ёғарди. Витрина олдида тўхтадим. Шундагина кўп ичиб қўйганимни пайқадим. Чайқалмасдим-у, аммо оёқда зўрға турардим.

Бирдан исиб кетдим. Пальтомнинг тугмаларини счиб, шляпамни гарданимга сурдим.

— Тавба, нималарни гапирмадим унга!

Ҳатто эслашга ҳам юрагим дов бермасди. Тўғриси, эслолмасдим, мана шуниси чатоқ эди. Мана энди, ёлғиз қолганимда, рутубатли кўчада ҳаммаси ним қоронғи ресторандагига нисбатан бошқача кўринарди. Ўзимни койий бошладим. Қизда яхши таассурот қолдиришим керак эди-ку. Нима бўлди бу ёғи? Мени ким деб ўйлади йкни? Ахир ўзи деярли ичмади-ку. Хайрлаша туриб, ғалати қарашиб қилди.

— Оббо палакат-ей! — шундай деб, бурилиб қарадим. Паст бўйли, бақалоқ бир кишига урилиб кетган эдим.

— Кўзми, пўстакнинг йиртигими? — деб ўшқирди бақалоқ. Унга тикилиб қарадим.

— Ҳа-а, одам зотини кўрганимисиз?! — деди у паст тушмай. Менга шуниси керак эди.

— Одам зотини-ку кўрганиман, — жавоб бердим мен. — Аммо кўчада сайр қилиб юрадиган пиво бочкасини биринчи кўришим. Бақалоқ пинагини бузмади.

— Биласизми, — деди у, — ҳозироқ ҳайвонот боғига жўнанг, кенгуруларнинг жойи эмас бу ер!

Рўпарамда учига чиққан сўконғич турганига ишонч ҳосил қилдим. Кайфиятим чатоқ бўлишига қарамай, ориятни бой бермаслик керак эди.

— Йўлингдан қолма, чала туғилган овсар!

Бақалоқ жойидан жилмади.

— Ўзингни бир ўқитвор, иттумшуқ маймун!

Мен уни «япасқитовон айиқ» дедим. У мени «тўтиқуш» деди. Мен «ишиз қолган мурдашўй» дедим. У ҳурматимни жойига қўйиб: «Ит ғажиган хум калла», — деб таърифлади. Мусобақага якун ясамоқчи бўлдим: «Илон ютган типратикан!»

Бақалоқнинг чехраси ёришиб кетди.

— Шошманг, шошманг. Илон юткан типратикан? Зўр! — хитоб қилди у. — Бунақасини эшитмаганиман. Ён дафтарга ёзib қўйман. Хўй, хайр! — У шляпасини кўтарди, биз қадрдон лўстлардай хайрлашдик.

Даҳанаки жаңгдан сўнг сал енгил тортдим. Аммо кўнглим бари бир фаш эди. Кайфим тарқаган сайини бу фашлик кучая борарди. Ўзимни ёмон кўриб кетдим. Кейини бутун дунё, шу жумладан, қиз ҳам кўзимга хунук кўрина бошлади. Ахир, шу қизни деб бўкиб ичдим-да. Ёқамини кўтарволдим. Майли, нима деб ўйласа.

үйлайверсии. Менга бары бир. Қанақа одамга дуч келганини дарров пайқади-ку. Бұлар иш бўлди. Энди ҳеч нарсани ўзгартириб бўлмайди. Қайтанга яхши.

Ресторанг қайтиб, яна босиб-босиб ичдим.

## IV

**К**унлар илиб, бир ҳафтача сурункасига ёмғир ёғди. Кейин ҳаво очилиб, офтоб ҷарақлаб кетди. Жума куни эрталаб устахона ҳовлисида Матильда Штоссга дуч келдим. У супургисини қўлтиғига қистирганича шимадандир ҳаяжонланиб турарди.

— Мана бунга бир қаранг, жаноб Локамп, қандай чиройли-я! Бориб турган мўъжиза!

Тўхтаб, доиг қотиб қолдим. Бензоколонка ёнидаги бир туп қари олхўри қийғос гуллаб ётарди.

Бутун қиш бўйи қоп-корайиб, дийдира бтурган эди. Биз унинг шоҳларига эски покришкалар, мойдан бўшаган банкалар, машина капотлари, увадаси чиққан латта-путталарни осиб қўярдик. Яқингинада олхўри шоҳларидаги бизнинг ювилган, ишда киядиган кўк иштонларимиз ҳилириб турарди. Кеча ҳам ҳеч нарса сезмаган эдик. Бирдан, бир кечада мана бунақа мўъжиза: олхўри тули оқ-пуштиранг булатга бурканвоти: гўё минглаб капалаклар бир ерга жам бўлиб, исқирт ҳовлимиизга адашиб кириб қолгандай...

— Ҳидини қаранг, ҳидини! — деди Матильда қўзларини субиб. — Ажойиб-а! Ҳудди сиз ичадиган ромнинг ҳидига ўхшайди.

Мен ҳеч қанақа ҳидини сезмаётгани эдим. Дарров ниятини пайқадим.

— Йўқ, Матильда, мижозларга мўлжалланган конъякнинг ҳидига ўхшайди.

У қуйиб-пишиб эътиroz билдириди:

— Жаноб Локамп, сиз шамоллабсиз. Ёки димоғингиз битиб қолган. Ҳозир булақа дардга чалинганлар кўп. Мен ҳидин искович итдаи ҳам яхши ажратаман. Ишонаверинг. Ромнинг ҳиди бу, узоқ сақланиб, роса етилган ромнинг ҳиди.

— Қўймадингиз қўймадингиз-да.

Матильдага бир қалаҳ ром қуйиб бериб, бензоколонка томонга қараб кетдим. Юпи ўша ерда экан. Олдида эски консерва банкасига солинган олхўри шоҳчалари.

— Буни нимага олиб ўтирибсан? — сўрадим ҳайрон бўлиб.

— Аёлларга бу, -- леди у. — Бензин қўйдиргани келганиларга биттадан шоҳчани текинга бераман. Бугун ҳар кунгидан тўқсон литр ортиқча сотдим. Олтип дараҳт бу, жаноб Локамп.

— Ҳа-а, боқса одам бўласаси.

У кулди. Қуёш нури қулоғини тешиб ўтаётгани учун шолғомдай қил-қизариб турарли.

— Мени дарахт ёнида икки марта суратга туширишди.

— Кино юлдзу бўпкетасан ҳали, — дедим мен ва мошиналарнинг остиқи қисми текшириладиган зовур ёнига бордим. Зоурдан, форд остидан Ленси чиқиб келди.

— Робби, — деди у. — Эсимга тушиб қолди, анати, Биндингни ёнидаги қиздан бир хабар олиб қўйсак бўларди.

Унга тикилиб қарадим.

— Нима демоқчисан?

— Айтяпман-ку. Намунча тикилиб қолдинг?

— Тикилаётганим йўқ.

— Товба. Исли нима эди? Пат... у ёғи нима?

— Билмайман.

Энди у менга тикилди.

— Нега билмайсан? Телефонини ёзиб олувдинг-ку. Кўриб турувдим-ку.

— Йўқотиб қўйдим.

— Ҳе, ўл-э! — У иккала қўли билан бошини чангллади. — Шунинг учун Биндингни боғда бир соат алаҳситиб ўтирганимид! Йўқотипти-я! Балки Отто эслар?

— Эслолмайди.

— Галварс! Қанақа қизлигини наҳотки сезмаган бўлсанг?! Ё парвардигор! — У осмонга қаради. — Олло-таоло шундоқ қизга йўлиқтирса-ю, бу тўнка телефон рақамини йўқотиб ўтиrsa-я!

— Ҳамма қизларга ўхшаган битта қиз-да.

— Эш-шаксан! — деди у жиги-бийрон бўлиб. — «Интернациональ»даги бузуқ хотинлардан бошқасини билмайдиган каллаварамсан! Бахт қуши эди у! Сен, албатта, бунақа нарсаларнинг фарқига бормайсан. Кўзларини кўрдингми? Кўрмагансан. Сен факат қадаҳга тикилгансан.

— Бас қил! — дедим, чунки қадаҳни эслатиб, кечаги ярамни тирнаган эди.

— Қўллари-чи! — давом этди у энди менга эътибор бермай. — Нозик, бармоқлари узун-узун. Бунақа нарсанни мен тушунаман, ишонавер! Бунақа гўзал, соддадил, энг муҳими, атмосфера яратадиган ҳақиқий қизлар камдан-кам топилади. — У тўхтаб, менга қаради. — Атмосфера нималигини биласанми ўзи?

— Баллонига пулланадиган ҳаво-да, — жавоб бердим мен.

— Қойил! — деди Готтфрид энсаси қотиб. — Шунақа дейишингни билувдим. Атмосфера, бу — ёруғлик! Нур! Ҳарорат! Сирсиноат! Аёл ҳуснига мана шу нарсалар жон бағишлаб туради. Эҳ, кимга гапирияпман бу гапларни! Сенинг атмосферанг — ромнинг ҳовури!

— Бўлди энди! Ҳозир бошингни ёриб қўяман!

Аммо Готтфриднинг чакаги тинмади, мен ҳам унинг бошини ёрганим йўқ. Ахир у кечаги нима бўлганини, унинг ҳар бир

сүзи юрагимни тешиб ўтаётганини билмайди-ку. Айниңса, ичкилик ҳақидаги гаплари. Ўзи эндиғина кайфим тарқаб, сал еңгил тортиб турғанимда яна дардимни янгилаб ўтирипти-я. У қызни шунақа мақтардикі, аста-секін үзім ҳам бебаҳо бир нарсадан жудо бұлғанымни ҳис қила бошладим.

Кайфиятим бузилиб, соат олтида «Интернациональ» қаҳвахонасига қараб кетдім. Менинг эски бошпанам ўша ер. Ленц буни яна бир карра тасдиқлади. Буни қарангки, каттакон зиёфат устидан чиқиб қолдім. Пештахтада ҳар турли нозу неъматлар уйилиб ётар, япасқитовон Алоис қаҳва чойнаклари күйилган патнисни күтариб, орқадаги хонага кириб-чиқиб турарди.

Қотиб қолдім. Чойнаклаб қаҳва ичишяптыми? Демак, мәхмонлар бисёр, кайфи ошғанлари аллақачон стол остида думалаб ётгандыр.

Аммо қаҳвахона соҳиби базми жамшид сабабини тушуңтириб берди. Маълум бўлишича, орқадаги хонада Розанинг дугонаси Лиллини таңтана билан кузатишаётган экан. Пешонамга шапатиладим. Ахир мен ҳам таклиф этилган эдим-ку. Роза тагдор қилиб айтганидай, якка ягона эркак сифатида таклиф этилган эдим; баччавоз Кики ҳисобмас, у сонда бор-у, саноқда йўқ. Орқамга қайтиб, бир ласта гул, ананас, шақилдоқ ва бир бўлак шоколад харид қилдім.

Роза менга оқсуяк аёлларга хос ним табассум билан бош эгиб кўйди. У кўкси очиқ қора кўйлақда, тилла тишларини ялтиратиб, стол тўрида ўтиради. Боласининг соғлигини сўраб, шақилдоқ билан шоколадни бердим. Роза яйраб кетди.

Ананас билан гулдастани Лиллига тақдим этдим.

— Чин қалбимдан баҳт тилайман.

— У ҳақиқий эркак эди ва шундай бўлиб қолади, — деди Роза. — Энди, Робби, ўтири билан.

Лилли Розанинг яқин дугонаси. У юксак мартабага эришган аёл. Ёш фоҳишалар унга ҳавас қилишади, чунки Лилли мәхмонхонада яшайди. Бунақа аёллар «ов»га чиқишмайди, мәхмонхонада яшаб, мижозни ҳам ўша ердан топишади. Аксарият фоҳишалар учун бу фақат орзу. Чунки бунга эришиш учун яхши кийинниш керак, то мижоз топилгунча мәхмонхонада яшашга тўғри келади. Бу ишлар муллажирипгесиз бўлмайди. Лилли кўпинча мундоғроқ мәхмонхоналарда яшаса ҳам, бир неча йил ичиди қарийб тўрт минг марка пул жамғарған. Энди эрга тегмоқчи. Бўлажак қаллигининг кичкина таъмирлаш устахонаси бор эмиш, у Лиллининг ўтмишини билади, лекин унга барি бир. Келажак ҳақида қайғурмаса ҳам бўлади. Чунки шунақа қизлардан бирни турмушга чиқиб, ўзидан тинчиб кетган. Саёқ кун кечириш жонига теккан-да. Бунақалар вафодор хотин бўлишади.

Лиллиниң түйин душанбага бىлгиланған эди. Бүгүн Роза құзатуын дастанхони ёзғанды. Лилли билан сүңгиги бор ўтириш учун ҳамма жам бўлган. Түйидан кейин у бу ерга келолмайды.

Роза менга қаҳва қўйиб берди. Алоис устига майиз, бодом мағзи ва бошқа ҳар турли кўк месалар сепилган каттакон торт кўтариб келди. Роза унинг бир четидан кесиб, менга узатди.

Бундай пайтда нима дейишни биламан. Тортдан бир тишладиму:

— Оҳ-оҳ! — дедим. — Дўконникимас, албатта.

— Ўзим тайёрладим, — деди Роза ғурур билан. Ростдан ҳам у кўли гул пазанда эди, буни ҳамма тан оларди.

Стол атрофида ўтирганларга кўз югуртириб чиқдим. Мана улар — қадимий қасб заҳматкашлари, одамларга бехато қармоқ отадиган муҳаббат силоҳийлари: соҳибжамол Валли, яқинда, кечаси автомобилда сайр қилиб юрганида оқ мўйна ёқасини ўғирлаб қўйишипти; бир оёғи йўқ Лина, ҳозирча ови бароридан келиб туринти; жizzаки Фрицци, япасқитовои Алоисни яхши кўради, лекин аллақачон уй-жой қилиб, бирорта бадавлат ўйнашниң ҳисобидан айшини сурниб юрса бўлаверарди; икки юзи қипқизил Марго, ҳар доим меҳмонхона ходимининг кўйлагини кийиб олиб, башанг мижозларни илинтириб юради; энг ёши — Марлон, ҳали ҳеч нарсанинг фарқига бормайди; Кики — уни эркак қаторига қўшиб бўлмайди, чунки нуқул аёлларнинг кўйлагида, лабини бўяб, юзига упа сургиб юради; шўрлик Мими, овга чиқишига қўйналади, ёши қирқ бешда, болдиrlарининг томири кўкариб, бўртиб чиққан. Булардан ташқари, турли ресторон ва қаҳважоналарга танда қўйган қизлар ҳам ўтиришарди, мен уларни танимайман. Ва, ииҳоят, иккинчи фахрли меҳмон — ушоққина, соchlари оппоқ кампир — «онахон», барча тунги дарбадарларнинг сирдоши, маслаҳатгўйи ва суюнган тоғи. У Николай штрассенинг муюлишида сосиска сотади, тунги буфет ҳам ўзи, пул майдаловчи сарроф ҳам ўзи. Сосискалан ташқари, яшириқча сигарета ва эркаклар ишлатадиган, номини айтишга ҳам киши уяладиган юпқа резина халтачаларни пуллайди, бирорларга қарз беради.

Бунақа даврада ўзимни қанақа тутишни биламан. Иш ҳақида гапириш у ёқда турсин, ҳатто унга шама қилиш ҳам мумкинмас: «Темир байтал» лақабига мушарраф бўлган Розанинг фавқулодда қобилиятини унтутиш керак. Фрицчининг молфуруш Стефан Григолийт билан қилган хуфиёна сухбатларини, Кикининг эрта тонгла булочка тўла кажава атрофила рақсга тушишларини — бари-барини унтутиш керак. Ҳозир бу ерда бўлаётган гурунглар ҳар қандай аёллар йиғинига зеб бериши мумкин.

— Ҳамма нарсанг тайёрми? — деб сўрадим Лиллидан.

У бош силкиди.

— Аллақачон тайёрлаб қўйганиман.

— Сепини бир кўрганингда эди! — деди Роза. — Тўр чойшабигача таҳт қилиб қўйған.

— Түр чойшабнинг нима кераги бор?

— Қизиқмисан, Робби! — Роза менга таажжубланиб қаради, шундагина ёдимга тушди. Құлда тұқылған ва диван ҳамда креслолар устига ёпиладиган түр чойшаблар — сарандырса сарышталып, никохнинг, воз кесилған жапнатнинг муқаллас тимсолику. Ахир, бу қызларнинг бирортаси табиатан фохиша эмас; улар осойишта ва факирона турмушлари издан чиққаныдан сүңг шу күйга тушишган. Уларнинг пинхона орзузи бузуқилик эмас, оила куриш. Аммо буни бүйінларига олишмайди.

Пианино ёнінде түрді. Роза боядан бери шуни кутаётгаш эди. У үзиге үхшаган ҳамма қыздар каби мусиқаны севарди. Аввал Роза билан Лилли ёқтирадиган күйлардан бошладым. Кейин «Күшчанинг түрги қүшиғи», «Альп тонги», «Сүнаётгаш мұхаббат», «Арлескиннинг миллионлари» ва пировардиде «Ватанга қайтмоқ истайман» күйларини чалдым. Сүнгги қүшиқни Роза жуда ёқтирады. Фохишалар — энг тошбагир ва, айни пайтда, энг күнгли бүш инсонлар. Ҳаммалари биргаликда күлашди, Кики жүр бўлди.

Лилли йўлга отлана бошлади. Қаллиғининг олдига кириши керак экан. Роза унинг иккала юзидан чўлпиллатиб ўпди.

— Омон бўл, Лилли. Унутворма, кириб тур.

У совға-саломларини кўтариб, жўнади. Улай агар, чехраси бутунлай ўзгариб кетган эди. Қабиҳликка дучор бўлгаш ҳар бир инсон афтида манаман деб туралдиган шукр унинг юзидан ғоёйиб бўлиб, бир соатнинг ичида бамисоли ҳур қизга айланаб қолганди.

Ҳаммамиз кўчага чиқиб, Лиллиниг орқасидан қўл силкиб қолдик. Бирдан Мими хўнграб юборди. Қачонлардир унинг ҳам оиласи бўлган. Эри уруш йилларида зотилжамдан вафот этган. Агар фронтда ҳалок бўлганида ҳозир у озгина нафақа олиб, бузуқ йўлга кирмасдан, бир кунини кўриб юрган бўларди.

Роза унинг елкасига қоқди.

— Қўй, Мими, обилийда қилаверма! Юр, қаҳва ичамиз.

Худди товуқлар галаси катагига киргандай, яна «Интернациональ»га қайтиб кирдик. Аммо бояги хуш кайфиятдан асар ҳам қолмаганди.

— Хайрлашиш олдидан бирор нарса чалиб бер, — деди Роза. — Сал ўзимизга кельволайлик.

— Бажонидил. Келинглар, биргалашиб «Эски дўстлар марши»ни айтамиз.

Кейин мен ҳам хайрлашдим. Роза пишириқлардан апил-тапил қозозга ўраб берди. Уни «онахон»нинг кўчада сосиска солинган қозончани ўрнататётган ўғлига бердим.

Энди нима қылсанмий? Ресторанг боргим йўқ, бугунга етади. Кино ҳам юракка сиғмайди. Энг маъқули, устахона. Соатга қарадим. Саккиз бўлғи. Кестер қайтган бўлса керак. Лени унинг

олднда аиави қыз ҳақыда соатлаб гапиролмайды. Устахонага қараб кетдим.

Чироқ ёниб турипти. Фақат бино ичи эмас, ҳовли ҳам ёп-шүрүк. Кестердан бошқа ҳеч ким йўқ эди.

— Нима бўляпти ўзи, Отто? — сўрадим ундан. — Наҳотки кадиллакни пуллаган бўлсанг?

— Йўқ. Ленцининг бир чароғбонлик қилгиси кеп қолди-да.

Кадиллакнинг иккала чироги ҳам ёқиб қўйилган, сутранг нур деразадан гуллаб ётган олхўрига тушиб турарди. Тун мўъжизага айланган дараҳт атрофига денгиз мавжлари янглиғ шовулларди.

— Гўзал! — дедим мен. — Ўзи қани?

— Егулик бирор нарса топиб келгани кетди.

— Яхши бўпти. Бошим сал айланяпти. Очликдан бўлса керак. Кестер бош силкиди.

— Овқат ейиш ҳамиша фойдали. Тажрибали жапгчиларнинг асосий қонуни шу. Бугун мен ҳам бош айланадиган бир иш қилиб келдим. «Карл»ни пойгачилар рўйхатига ёздириб қўйдим.

— Йўғ-э. Ахир, у ерда бир талай абжир пойгачилар иштирок этади-ку?

— Спорт мошиналари тоифасидан Браумюллэр қатнашади, — деди Кестер.

Мен енг шимаришга тушдим.

— Ундай бўлса, ишга киришамиз, Отто. Мошинани яхшилаб мойлаш керак.

— Шошма! — деб ўшқирди шу пайт устахонага кириб келган ашаддий саргузашт ишқибози. — Олдин ўзимизни мойлаволайлик.

У ўроғлиқ нарсани очиб, столга нон, пишлоқ, дудланган колбаса ва қоқ балиқ қўйди. Иштача билан тамадди қилдик, орқасидан муздай пиво ичдик. Кейин икки соатча «Карл»ни кавлаштиридик, зарур қисмларини мойладик.

Готтфрид форднинг чирогини ҳам ёқди. Автомобиль фалокати пайтида тасодифан шу биттә чироги лат емаган эди, лекин у ҳам зарба таъсирида тепаға қараб қолганди.

Ленц хурсанд эди.

— Мана энди, Робби, шишиларни опкелавер, «гуллаган дарахт байрами»ни нишонлаймиз.

Столга конъяк, жин ва иккита стакан келтириб қўйдим.

— Ўзингга-чи? — сўради Готтфрид.

— Ичмайман.

— Янгилик-ку! Нима бўлди?

— Жонимга тегди ичқилик.

Ленц менга бошдан-оёқ разм солиб чиқди.

— Оғайнимизнинг эси кирди-чиқди бўп қопти, Отто, — деди у бир оз суқунатдан сўнг.

— Қўй, ичмаса ичмас, — жаюб берди Кестер.

Ленц стаканига тўллириб қўйди.

— Кейинги пайтларда бу йигит ақлдан озяпти.

— Бу ҳали ҳолва, — дедим мен.

Каттақон қызыши ой рүпарамиздаги фабрика тепасига ўрнаш-волди. Бир оз индамай ўтирилдик, кейин Готтфриддан сұрадым:

— Менга қара, сен севги илмини сув қилиб ичворгансан-ку, түғрими?

— Бу соҳанинг гроссемейстериман.

— Баракалла. Қапи, менга айт-чи: севиб қолган одам ўзини ахмокона тутиши мумкинми?

— У нима деганинг?

— Масалан, ўзинн мастилкка солиши, ҳазил-хузул қилиши, бу ҳам етмагандай. ёлғон гапириши... мумкинми?

Ленц хоҳолаб құлди.

— Вой, болагинам-ей! Севги дегани — алдовдан иборат-да. Она табиат томонидан ўйлаб топилған гүзәл алдов. Манови ол-хүрига бир қара. У ҳам алдаяпти. Ўзини гүзәллікка соляпти. Мұхаббатнинг ҳақиқатта бирор-бир алоқаси борлигини тасаввур ҳам қилолмайман. Хайриятки, насиҳаттүйлар ҳамма нарсани изнларига сололмайдылар.

Ўрнимдан түрдим.

— Демак, сенингча, севигига озгина бўлса ҳам ёлғон аралашибади?

— Албатта.

— Лекин одам қулгили аҳволга тушиб қолиши ҳам мумкин-да. Ленц құлди.

— Яхшилаб қулогингга қуйвол, жигарим: агар азбаройи ўша аёлни деб, астойдил бир нарса қилаётган бўлсанг, ҳеч қаочон қулгили аҳволга тушмайсан. Хоҳлаганингни қиласвер: хоҳла — ўмбалоқ ош, хоҳла — аравани қуруқ опқоч, хоҳла — деразасининг тагида ашула айт, фақат ўзингни жиддий ва ақли қилиб кўрсатишга уринма!

Елкамдан төғ ағдарилгандай бўлди.

— Сен нима дейсан, Отто?

— Түғри гапирияпти.

У «Карл»нинг олдига бориб, капотини кўтарди. Мен бир шиша ром билан битта стакан олиб, столга қўйдим. Отто мосинани ўт олдириди. Мотор бир маромда ишларди. Ленц дераза токчасида ҳовлини томоша қилиб ўтиради. Мен унинг ёнига жойлашдим.

— Менга қара, Готтфрид, аёл киши билан ўтирганингда бўкиб ичган пайтларинг бўлганми?

— Кўп бўлган, — деди у пинагини бузмай.

— Ҳуш?

У менга кўз қирини ташлади.

— Бирор ишқал чиқазмаганмисан, демоқчисан-да? Мабодо шундай бўлган тақдирда ҳам кечирим сўрашни зинҳор хаёлинингга келтира кўрма, азизим. Гаплашма. Фақат гул жўнатавер. Хат-

патсиз. Фақат гул. Гул ҳамма айбии бекитади. Қабрларни ҳам гул күздан яшириб туради-ку, түғрими?

Анграйиб қолдим. Готтфриднинг бир туки ўзгармади. Ҳовли-мизни тўлдирига оппоқ нурдан қўзлари йилтиарди. Мотор ҳамон ишлаб турарди, шунданми, оёғимиз остида ер титраётганга ўхшарди:

— Мана энди бемалол ичаверсам бўлади, — шундай деб, шиша тиқинини очдим.

Кестер моторини ўчириб, Ленцига юзланди:

— Қадаҳни қўришга ойнинг ёруғи ҳам етади. Мошина чироқларини ўчир, Готтфрид. Айниқса, форднинг чироғини. У менга пројекторни, урушли эслатяпти. Тунги парвоз пайтида, айниқса, мана шу пројекторлардан кўрқардик.

Ленц ўрнидан туриб, чироқларни ўчириб келди.

Ой фабрика тепасидан қўзғалиб, энди олхўри устида олтин лагандай ярқиради. Дараҳт шоҳлари сингил шабадада майин чайкалиб турипти:

— Ажабо! — деб қолли тўсатдан Ленц. — Нима учун ҳар хил одамларга ёлғорлик ўриятишади-ю, ойга ёки гуллаган дараҳтга ҳайкал қўйишмайди?

Уйга барвақт қайтдим. Йўлак эшигини очганимда қулоғимга мусиқа садолари эшитилди. Котиба Эрина Бенигнинг патефони айланарди. Бир аёл тиниқ ва майнин овозда қўшиқ айттарди. Сўзларини илғаш учун астойдил қулоқ сола бошладим. Аслнинг мулојим товуши фрау Бендернинг тикув мошинаси ва Хасселар оиласининг сандиқлари устида сузуб юрар, кўнгилни жунбушга келтиради.

Ошхона дэворидаги ёввойи чўчқа тулупига нигоҳ ташладим, хизматчи аёл шарақ-шуруқ қилиб, идиш-товоқларни юварди.

«Сенисиз қандоқ яшайман?» — икки қадам нарида, эшик ортида апа шу сўзлар янгарди.

Елканин қисиб, хонамга равона бўлдим.

Қўшнимницида, одатдагидай, жанжал бўлаётганди. Ҳаял ўтмай, эшик тиқиллаб, Хассе кириб келди.

— Ҳалақит бермайманми?

— Асло, — делим мси. — Ичасизми?

— Йўқ. Бирпас ўтирсан бас.

У рўпарасидаги бўшлиққа бефарқ тикилди.

— Сизга яхши, — деди у. — Ўзингизга хон, ўзингизга бексиз.

— Э-э, нимаси яхши! — эътироуз билдиридим мен. — Ёлғизлик ҳам жонга тегади. Гапимга ишонлавернинг.

У стулла букчайиб ўтиради. Кифтлари салқиган. Кўча чироқларининг шим қоронғи хонага тушиб турган нури унинг маънипиз кўзларига сингиб кетаётганди.

— Ҳаётни бошқача тасаввур қиласардим. — дели у андак сукутдан сўнг.

— Ҳаммамиз ҳам шу.

Ярим соатлардан кейин Хассе хотини билан ярашгани чиқиб кетди. Бир нечта газета ва күпдан бүён жавонда чанг босиб ётган ярим шиша ликёрни құлиға тутқаздым. Үзим ликёр ичмайман — ўлгудай ширин, қуюқ нарса, лескин унга бўлаверади, Хассе ичкиликнинг фарқига бормайди.

У бебилиска, шарпнадай сирғалиб чиқиб кетди. Орқасидан эшикни ёпаётган пайтимда йўлакда янграётган қўшиқининг бир тутами лип этиб хонамга кирволди — «Сенсиз қандоқ яшайман?»

Дераза ёнига ўтиридим. Қабристон ой нурига фарқ бўлиб ётарди. Ранг-баранг реклама чироқлари дараҳт учларида илиниб тургандай. Пастда қабрлар устига ўрнатилган мармар ёдгорликлар совуқ йилтирайди, лекин қўрқинчли эмас. Қабристон ёнидан қатнаётган мошиналарнинг чироқлари қабр тошидаги ёзувларни сийпалаб ўтади.

Анчагача хаёл сурнаб ўтиридим. Урушдан қайтган пайтларимизни эсладим — ҳаммамиз ёшмиз, қалбимиздаги умид учқунлари бутқул сўнгга! Биз ўтмишимизга даҳлдор барча нарсага қарши — сохталиқ ва худбинлик, очкўзлик ва шафқатсизликка қарши курашмоқчи эдик; биз бағритош бўлиб қолдик ва яқин ўргомимиздан бошқа ҳеч кимга, бизни ҳеч қачон алдамаган осмон, тамаки, дараҳтлар, нои ва заминдан бўлак ҳеч нарсага ишонмай қўйдик. Хўш, оқибати нима бўлди? Бари емирилди, қалбакилашди ва уннутилди. Унуга олмаганларнинг улуши эса фақат ноҷорлик, ноумидлик, лоқайллик ва ичкилик бўлди. Буюқ инсоний ва мардана талпинишлар даври ўтди. Корчалонлик, сотқинлик ва қашшоқлик тантана қилди.

«Ўзингизга хон, ўзингизга бексиз», — деди Хассе. Бир ҳисобда тўғри — ёлғиз одамини ҳеч ким ташлаб кетмайди. Аммо баъзан, кечқурунлари, бу сунъий фароғат шунақаям силлани қуритадики, ўзингни қаерга қўйишни билмай қоласан. Вужудингни аллақандай паришонлик, армон ва ғам-гусса чулғаб олади. Қанийди бу бесьмани ҳаётдан, анови шарманканнинг бетўхтов ғинғиллашибидан бир ёқларга қочиб кетсанг — қаёққа бўлса ҳам майли эди. Қанийди жиндайгини онлавий ҳаловат тўғрисидаги дардманд орзу — меҳрибон қўллар ва кўксингга босилган юзларда мужассам бўлса. О, қанийди! Ёки бу ҳам ўз-ўзидан тониш, чекиниш ва хомхаёлмикин? Ёлғизликдан бошқа яна нима бор ўзи?

Деразани беркитдим. Йўқ, бошқа нарса бўлиши мумкин эмас. Бошқа нарсага қўл калталиқ қиласди.

Шунга қарамай, эртасига барвақт туриб, устахонага жўнадим, йўл-йўлакай кичкини гул дўконининг эгасини уйғотдим. Бир даста атиргул ташлаб, дарҳол жўнатишни буюрдим. Бир нарча қофозга адресни ёзаётган пайтимда ғалати бўлиб кетим: Патриция Хольман.

**К**естер эски кийимларини кийиб, молия бошқармасига кетди. Солиқни камайтиришларини сұрамоқчи зди. Ленц билан устахонада қолдик.

— Энди жангга, Готтфрид — дедим мен. — Кадиллакка ҳужум бошлаймиз.

Кече кечқурун газетада эълонимиз чоп этилган зди. Демак, харидорлар кеп қолиши мүмкін — агар бўлса. Мошинани сотувга тайёрлаш керак.

Аввал бўялган устки қисмларини ювдик. Мошина ярақлаб, нархи камида юз маркага кўтарилигандай бўлди. Кейин моторга қуюқ мой қўйдик. Цилиндрлар шақиллаб қолган зди. Мой қўйилгандан кейин моторнинг овози майнинлашди. Тезлик кутиси билан диферга ҳам қуюқ мой урдик, уларнинг ҳам товуши чиқмайдиган бўлди.

Сўнг мошинани ҳайдаб чиқдик. Ёнгинамиизда ўйдим-чукур эски йўл бор зди. Шу йўлдан эллик километр тезликда юрдик. Фиддираклар сакрай бошлади. Баллонлардаги ҳавонинг тўртдан бирини чиқариб ташлаб, яна юрдик. Сал тузук бўлди. Кейин ҳавонинг яна чорак қисмини чиқазиб ташладик. Энди мошина сувда сузгандай силлиқ юра бошлади.

Устахонага қайтиб, гийчиллаётган капотни мойлагандан сўнг унга бир нечта резина қистирмалар қўйдик, мотор тез ўт олиши учун радиаторга иссиқ сув қўйдик, мошина тагига қеросин сепдик — ости ҳам ялтираб турсин, дедик-да. Ана шундан кейин Готтфрид Ленц қўлларини тепага кўтариб, хитоб қилди:

— Келавер, муҳтарам харидор! Кела қолсанг-чи, очиққўл пулдор! Куёв келинни кутгандай, йўлингга интизормиз!

Аммо келиндан дарак йўқ зди. Шунинг учун новвойнинг мосинасини зовур тепасига чиқазиб, олдинги фиддираклар ўқини еча бошладик. Бир неча соат чурқ этмай ишладик. Бир маҳал бензоколонка томондан Юппнинг машҳур бир қўшиқ куйини хуштакда чалаётгани эшитилди: «Ховлига кирган ким бўлди?»

Зовурдан чиқиб, деразадан қарадим. Паст бўйли, чорпахил бир одам кадиллак атрофида айланарди. Кўринишидан бадавлат кишига ўхшайди.

— Қарагин-а, Готтфрид, — деб пичирладим мен. — Келин келди-ёв.

— Албатта, — жавоб берди у ҳеч иккиланмай. — Афтидан кўриниб турипти. Янги келиндан тортинчоқ. Ҳужумга ўт! Мен резервда қоламаи. Эплолмасанг, ёрдамга бораман. Усулларимни ёдингда тут.

— Хўп.

Мен ҳовлига чиқдим.

Ҳалиги одам менга қол-қора, ақлли кўзларини тикиди. Ўзими таништирдим;

— Локамп.

— Блюменталь.

Үзини таништириш — Готтфриднинг бириичи усули. Шундай қилганда ўзаро яқинлик пайдо бўлармиш. Иккинчиси, сұхбат бошида ниҳоятда камгап бўлиш — олдин харидорнинг сўзларини эшитиш ва зарур пайтда гапни илиб кетиш.

— Кадиллак масаласида келдингизми, жаноб Блюменталь? — сўрадим мен. У бош силкиди.

— Ана у! — дедим мошинага ишора қилиб.

— Кўриб турибман.

Унга тезгина бошдан-оёқ разм солиб чиқдим. «Пихини ёрган одамга ўхшайди».

Мошина олдига бордик. Эшикни очиб, моторни юргиздим. Блюменталга мошинани кўздан кечириш учун имкон бериш мақсадида жим туравердим. Албатта, у айб қидирари, шунда ҳужумга ўтаман.

Аммо Блюменталь мошинани текширмади. Айб ҳам қидирмади. Миқ этмай тураверди. Ноилож ўзим сайрашга тушдим.

Аввал, худди она ўз боласини мақтагандай, кадиллакни шошмасдан ва бафуржа таърифлай бошладим, мақсадим: мошинага ақли етадими-йўқми, шуни аниқлаш эди. Агар ақли етса, кўпроқ мотор билан шасси ҳақида, мабодо бунинг акси бўлса, мошина-нинг қулагилги тўғрисида оғиз кўпиртиравсриш керак.

Блюменталь ҳамон сир бой бермасди. Мен тўхтовсиз гапи-рар, у эса жимгина қулоқ соларди.

— Сизга қанақа машина керак ўзи? Шаҳарда миниш учунми ёки узоқ жойларга бориш учунми? — деб сўрадим, унинг жавобидаи таянч нуқтасини топиб олиш мақсадида.

— Униси ҳам, буниси ҳам.

— Шунақа денг! Ўзингиз ҳайдайсизми ёки шофёргиз борми?

— Вазиятга қараб.

Вазиятга қараб. Қанақа одам бу! Тўтиқушга ўхшайди-я.

Уни сал жонлаштириш ниятида, мошинанинг у ер-бу ерига қўл уриб кўришга ундай бошладим, шунда харидорлар одамга анча эл бўлиб қолади.

— Тесаси жудаям енгил очилиб-ёпилади, — дедим мен. — Ўзингиз бир синаб кўринг-а. Бир қўл билан бажарасиз бу ишни.

Аммо Блюменталь, ҳожати йўқ, леди. Шундоқ ҳам кўриниб турганиш. Эшикни қарсиллатиб ёпиб, қабзасидан тортдим.

— Кўряпсизми, қўлт этмайди. Мустаҳкам. Ишонмасангиз, текшириб кўринг...

Блюменталь текширмади. Худди ўзи шундай бўлиши керак-лай. Тошёнгоқ экан бу одам.

Ён ойналарни кўрсатдим.

— Ниҳоятда снгил чиқиб-тушади. Хоҳлаган жойингизга қотириб қўйишингиз мумкин.

У ҳатто қайрилиб ҳам қарамади.

— Бунинг устига, синмайдиган, — құшиб қўйдим мен. — Беқиес афзаллик бу! Устахонамизда ҳозир бир фордни таъмирлаяпмиз... Шуңдай деб, новвойнинг хотини қаптай побуд бўлганини гапириб бердим, сал таъсир қилармикин деб, хотиннинг қориидаги бола ҳам ўлиб кетганини қистириб қўйдим.

Аммо Блюментальнинг кўнгли заррacha юмшамади.

— Ҳозир ҳамма мосинадарга синмайдиган ойна қўйилган, — деди у. — Бунинг кўз-кўз қиладиган ери йўқ.

— Ялпи чиқарилаётган бирорта мосинада бунақа ойна йўқ, — эътиroz билдиридим мулоимлик билан. — Олд ойнаси бўлиши мумкин, лекин ён ойналари эмас.

Кейин сигнални бир чалиб қўйиб, ички қулайликларни таърифлашга ўтдим — юхона, ўринидиклар, эшик чўнтаклари — бирортаси қолмади, ҳатто зажигалканни ҳам ёқдим, чекиш баҳонасида гапимиз сал қовушармикин, деб умид қилган эдим, лекин у буни ҳам рад этди.

— Раҳмат, чекмайман. — Шундай деб, сигир қарашиб тураверди.

Бирдан шубҳага тушиб қолдим — балки бу одам адашиб келиб қолгандир, балки тикув мосинаси ёки радиоприёмник излаб юргандиру бу срга киришга кириб қолиб, шошиб чиқиб кетишга ийманаётгандир.

— Мен ёнингизда ўтирай, мосинани бир ҳайдаб кўринг, жаноб Блюменталь, — дедим ниҳоят. Чиқмаган жондан умид, дейишали-ку.

— Ҳайдаб нима қиласман? — деб жавоб берди у, худди мен чўмилишини таклиф қилаётгандай.

— Ҳа-да, бир айланиб келайлик. Мосинанинг зўрлигига ўзингиз ишонч ҳосил қилишингиз керак-ку. Юрганда ерга қапишиб олади, худди темир йўлда кстаётгандай. Моторини айтмайсизми! Оғир кузов ҳам товуқцинг парига ўхшаб қолади.

— Ҳайдаб кўрармишман, — деб тўнгиллади у энсаси қотиб. — Ҳозир ҳайдаган билан ҳеч нарсани билиб бўлмайди. Мосинанинг ишқали кейин чиқади.

«Албатта-да, — дедим ичимда ғижиниб, — нима, сенга ишқал жойини кўрсатишм керакми? Миннита унақа жойи!»

— Ихтиёрингиз, — жавоб бердим, сўнгги умидим ҳам сўниб. Бу одамдан иш чиқадиганга ўхшамайди.

Куттилмаганда у менга бурилиб қараб, кўзларимга тикилди ва:

— Нархи қатича? — деб сўради жиддий оҳангда.

— Етти минг марка, -- дедим ҳеч иккиланмай. Биламан-да: сал ўйлансанг, тамом — савдолашишни бошлайди, нархни пасайтиришга ҳаракат қиласи, ўйланашининг ҳар дақиқаси минг маркага тушиши ҳеч гапмас. -- Етти минг марка, жаноб, -- тақрорладим мен ҳам қатъий оҳангда, лекин ичимла: «Бешта берсанг-ку, мосини сенини бўларди-я», — деб турибман.

Аммо Блюменталь қүнгилдаги нархни айтмай, түнгиллаб құя қолди:

— Қиммат.

— Албатта, — дедим. Эңди мепда ҳеч қандай илинж қолмаган эди.

— Нега «албатта» бўларкан? — деб сўрали Блюменталь ҳайрон бўлиб.

— Жаюб Блюменталь, — дедим мен. — Сотувчи молининг нархини айтганида, «Э, арzon-ку» деган харидорни кўргагимисиз?

У менга тикилиб қаради. Кейин юзига табассум ёйилди.

— Гапингиз тўғри. Лекин мошина бари бир қиммат.

Кулоқларимга ишонмасдим. Мана бу ўғил бола гай! Ҳақиқий харидорнинг гани! Тўхта, яна найранг қилаётган бўлмасин?

Шу пайт дарвоза олдида башангийнгандан бир олифта кўринди. У чўнтағидан газета чиқазиб, бир нималарни ўқигач, деворга қоқилган рақамга қаради, кейин тўппа-тўғри менинг олдимга келди.

— Сотиладиган кадиллак шу ердами?

Мен бош сиљкидиму олифтанинг қўлидаги сарғиш ғаров ҳасса билан чарм қўлқопга тикилиб қолдим.

— Кўрсак бўладими? — деди у бир туки ўзгармай.

— Мошина шу ерда, — жавоб бердим мен. — Лекин бир оз кутасиз, ҳозир бандман. Илтимос, ичкарига кириб туринг.

Олифта бир муддат моторнинг ишлашига кулоқ солиб турди. Олдин афтини буриштирди, кейин бирдан чехраси ёришиб кетди. Уни тирсагидан ушлаб, устахонага олиб кирдим.

— Аҳмоқ! — деб бақирдиму дарров изимга қайтдим.

— Мошинани бир ҳайдаб қўрганингизда нархи тўғрисида бунақа демасдингиз, — дедим мен. — Майли, хоҳлаганингизча синааб кўринг. Агар ижозат берсангиз, кечқурун уйингиздан ўзим олиб келаман, кадиллакни эрталабгача миниб юришингиз мумкин.

Аммо Блюменталь яна аввалги ҳолатига қайтди — тош ҳайкалга айланди-қолди.

— Бўлти, — деди у. — Мен борай. Мошина ҳайлагим келиб қолса, қўнғироқ қиласман.

Бозорим касод бўлганини тушундим. Бу одамни гап билан эритиш мушкул экан.

— Яхши, — дедим мен. — Телефон рақамингизни қолдириб кетолмайсизми? Бирорта одам мошинага қизиқиб қолиши мумкин-да, овора бўлмаслигингиз учун... қўнғироқ қилиб қўярдим.

Блюменталь менга ғалати қарапаш қилди.

— Қизиқкан одам ҳали харидор дегани эмас.

У чўнтағидан каттакон сигарета қутисини чиқазиб, менга узатди. Чекаркансан-ку, помард! Сигарета бўлгандаям — «Корона-корона», демак, пулнинг сассиғига ухлаётмайди. Энди менга барни бир эди. Сигаретасидан бир дона олдим. У қўлимни маҳкам

қисди-ю чиқди-кетди. Орқасидан роса гүрига ғишт қаладим. Ке-йин устахонага қайтиб кирдим.

— Хүш, қалай? — деди олифта — унинг ўзи Готтфрид Ленц. — Қотирдимми? Қарасам — қийналяпсан, ёрдамга шошилдим-да. Яхшиям, Отто молия бошқармасига эски кийимида кетган экан. Осиғлиқ турган яп-янги костюмини шартта кийдим-да, деразадан тушиб, харидор қиёфасида дарвозадан кирдим. Зўр бўлди, а?

— Расво бўлди! — дедим энсам қотиб. — У иккаламиздан ҳам айёрроқ-ку. Манови сигаретани кўриб қўй. Бир донаси бир яrim марка туради. Миллиардерни қочирвординг!

— Йўқ, фирибгарни қочирдим. Миллиардерлар бунаقا қиммат сигарета чекишмайди. Улар донаси сарик чақа турдиганини харид қилишади.

У қўлимдан сигаретани олиб. ҳидлаб кўрди, менга қайтармай, ўзи тутатди.

— Бекор айтибсан, — дедим мен. — Фирибгар ўзини Блюменталь деб таништирмайди. Ҳеч бўлмаса граф Блюменау ёки шунга ўхшаш бир исмни айтади.

— Қайтиб келади, — деди Ленц, ҳар галгидай қатъий ишонч билан, кейин юзимга сигарета тутунини пуллади.

— Келмайди, — жавоб бердим мен ҳам ўшандай ишонч билан. — Майли, уни қўявер, лекин ғаров ҳасса билан қўлқопни қаердан олдинг?

— Ижарага олдим. Рўпарамиздаги «Бен ва компания» дўконидан. Сотувчи қиз таниш. Аммо ҳассани қайтариб бермайман. Менга ёқиб қолди. — Шундай деб, ҳассани қўлида айлантира бошлади.

— Готтфрид, — дедим мен, — умрингни бу ерда беҳуда ўтказяпсан. Циркка бор. Сенинг жойинг — эстрада ёки цирк.

Кундузи бир зумга уйга келсам:

— Сизга қўнғироқ қилишибди, — деди фрау Залевскининг ғилай хизматчиси Фрида.

— Қачон?

— Яrim соат олдин. Аёл киши.

— Нима деди?

— Кечқурун яна қўнғироқ қиласмиш. Овора бўласиз, у киши кечқурунлари уйда бўлмайдилар, дедим.

Анграйиб қолдим.

— Нима? Нега унақа дейсиз? Телефонда гаплашишни қачон ўрганасиз?

— Телефонда гаплашишни биламан, — деди у без бўлиб. — Кечқурунлари ростдан ҳам уйда ўтирмаисиз-ку.

— Нима ишингиз бор! — жоним ҳалкумимга келди. — Яна қўнғироқ қилса, бу одаминг пайпоги йиртиқ ҳам дерсиз!

— Нима қипти, айтсан айтавераман, — деди у қизариб кетган кўзларини лўқ қилиб. Фрида билан азалдан чиқишмасдик.

Бошига шүрва қайнааб турган кастрюл билан солгим келді-ю, үзимни тиідім, чұнтағымдан бир марка чиқазиб, құлиға тут-қаздым. Кейин:

- Испинни айтмадими? — деб сұрадым жаҳлимни ичимга ютиб.
- Йүқ, — деди Фрида.
- Овози қанақа эди? Сал бүғиқроқ, мулойим. Шунақамиди?
- Эсімда йүқ, — деди Фрида лоқайдлық билан, гүё бир маркани олмагандай.
- Узугингиз жудаям чиройли экан, бунақаси ҳеч кимда йүқ, — дедим мен.— Яхшилаб эслаб күринг-чи, балки ёдигизга тушар.
- Йүқ, — деди Фрида чүрт кесиб.
- Падарингга лаънат! — тишимни гичирлатиб шундай дедиму ундаң тез узоклашдим.

Кечкүрун роппа-роса олтида уйга келдім. Эшикни очиб, ғалати манзаранинг гувоҳи бўлдим. Йўлакда етимхона ҳамшираси фрау Бендер турар, уни уйимиздаги барча аёллар қуршаб олишганди.

— Бу ёққа келинг, — деб чақири мени фрау Залевски.

Маълум бўлишича, йигиннинг сабабчиси ҳар турли ипак жижекларга буркаб ташланган чақалоқ экан. Фрау Бендер уни аравачада олиб келганди. Ҳамма чақалоқларга ўҳшаган бир чақалоқ, аммо аёллар гүё у ёруғ дунёга келган биринчи одамзот зурриётидай, аравача устига ёппасига энгашиб олишганди. Улар бир нималар деб вижиллашар, кўзлари косасидан чиққудай бўлиб, бир-бирларига гап маъқуллашарди. Ҳатто рӯдапога ўҳшаб кийиниб олган Эрна Бениг ҳам бу мажозий оналик базмидан четда қолмаганди.

- Зўр бола, а? — деб сұради фрау Залевски исхри товланиб.
- Бу ҳақда йигирма-ўттиз йилдан кейин бир нарса дейиш мумкин, — жавоб бердим мен, телефонга кўз қирини ташлаб. Ишқилиб, ҳамма шу ердалигига чақириб қолишимаса гўрга эди.

— Олдин сиз яхшилаб бир қаранг, — деди фрау Хассе.

Қарадим. Чақалоқдақа чақалоқ. Ҳеч бир ортиқча ери йўқ. Фақат қўллари жудаям кичкина, ахир, үзим ҳам бир маҳаллар шунақа бўлганман-да.

— Шўрлик чувалчанг, — дедим мен. — Келажакда ўзини нималар кутаётганини билмайди. Улгайганда бу қатнашадиган уруш қанақа бўларкин?

— Тошбагир одамсиз! — деди фрау Залевски. — Наҳотки заррача ҳис-туйғигиз бўлмаса?

— Ҳис-туйғу кўплигидан шунақа деяпман-да. Акс ҳолда бунақа фикрлар миямга келмасди. — Шундай деб, хонамга кириб кетдим.

Үн минутлардан сўнг телефон жиринглаб қолди. Мени чақиришаётганини эшлитиб, чопиб чиқдим. Аёллар ҳали тарқалмаган эди. Гўшакни олсам — Патриция Хольман. Гул учун раҳмат айтди. Хайрият, оломоннинг ичидә энг ақллиги шу чақалоқ экан, катталарапнинг бемаъни қилиқлари жонига тегди шекилли, бирдан йигини бошлаб юборди.

— Кечирасиз, — дедим мен гүшакка. — Гапингизни эшитмаяман, чақалоқ йиғлаб қолди... Йүқ, меники эмас.

Аёллар бараварига гүдакни юпатишга тушиб кетиши, аммо құлларидан ҳеч нарса келмади — йиғи баттар авжга чиқди. Шундагина бу боланинг зўрлигига тан бердим: афтидан, ўпкаси киндигигача тушса керак-да, бўлмаса, овози шунақа ўткир бўларми! Жуда таңг аҳволга тушиб қолдим, кўзларим ҳамон чақалоқнинг тепасида куймаланаётган аёлларга қаҳр ўтини сочар, оғзимдан эса бол томарди — гўё пёшонамдан бурнимгана яшин чақнаётган тун, бурнимдан иягимгача офтоб чарақлаб турган кун — қиёфам ана шундай эди. Шу ғала-ғовурда қиз билан эртасига кечқурун учрашишга қандай келишвoldим, ўзим ҳам ҳайронман.

— Телефонни овоз ўтказмайдиган нарса билан ўраб қўйсангиз бўларди, — дедим фрау Залевскига.

Бу аёл сўзни бирорлардан қарзга олмайди.

— Нега энди? — жавоб берди у кўзларидан учқун сачратиб. — Биздан яширадиган сирингиз шунақа кўпми?

Индамай хонамга кириб кетдим. Оналик туйғуси жунбушга келиб турган аёллар билан баҳслашишдан фойда йўқ. Дуниснинг жамики насиҳаттўйлари шулар томонида.

Учрашув Готтфридникига тайин қилинган эди. Кичкина бир ресторанда овқатланиб, Ленцинига қараб жўнадим. Йўл-йўлакай эркаклар кийими сотиладиган ҳашаматли дўкондан бўлажак учрашув шарафига антиқа галстук харид қилдим. Ўтган галги учрашувда қовун туширганимни эслаб, эртага, дафи идорасининг бошлиғидай, жиддий бўлишни кўнглимга туғиб қўйдим.

Готтфриднинг уяси чиндан ҳам диққатга сазовор жой. Уй Жанубий Америкадан келтирилган ёдгорликлар билан тўла. Деворга ранг-баранг бўйралар, ниқоблар, қутилилган одам калласи, гаройиб сопол кўзалар, наизалар осиб қўйилган, энг асосий ҳазина — бутун бир деворни эгаллаган суратлар кўргазмаси; ҳиндулар ва европаликлар, бири бирига ўхшамайдиган ғадати жониворлар.

Ленцинида Кестердан ташқари Браумюллэр билан Грау ҳам ўтиришган экан.

Боши тап-тақир Тсо Браумюллэр диванга ястанганча девордаги суратларни томоша қиласарди. Тео автомобиль фабрикасида пайчи, Кестернинг эски ошинаси. Отто ёзилиб келган пойгада у ҳам қатнашиши керак.

Вазмин гавдали, юзи шишиб кетган, кайфи анча ошган Фердинанд Грау стол ёнида ўтиради. Мени кўриб, олдига чақирди.

— Робби, — деди у хириллаган товушда. — Нега келдинг мурдаларнинг олдига? Бу ерда қиласиган ишинг йўқ. Тез жўна. Ўзингни қутқар. Улгурасан ҳали!

Ленцига қарадим. У кўзини қисди.

— Кайфи ошиб қолди. Икки кундан бери мархұма бир аසы хотирасига бетүхтов ичяпти. Суратини чизиб беріб, пулини нақа олган экан.

Фердинанд Грау рассом. Лекин бир соңага ихтисослашмаганды аллақачон очликдан үларди. У вафот этгашларнинг расмига қараб, қариндош-уруғларининг буюртмасига күра, уларнинг суратини чизади. Шундан тузуккина пул топади. Табиат манзараларини ҳам зүр чизади-ю, аммо үларни ҳеч ким харид қылмайды. Шу боис, у анча дилгир бўлиб қолган.

— Бу гал бир ресторон эгаси буюртма бсрди, — деди у. — Сирка ва ҳар хил мойлар билан савдо қиласидиган холаси үлган экан. — У бир сесканиб олди. — Даҳшат!

— Менга қара, Фердинанд, — деди Ленц. — Нега унақа дейсан? Ахир, сени инсоннинг энг яхши хислатларидан бири — иззат-икромга мойиллик туйғуси боқяпти-ку.

— Бўлмаган гап! — эътиroz билдириди Грау. — Мени айбни хис этиш туйғуси боқяпти. Үлганларнинг хотирасига иззат-икром — үларнинг олдидаги гуноҳни англашдан бошқа нарса эмас. Одамлар мархұмлар тириклигига үларга етказган озорларини ювмоқчи бўладилар. — Грау асабийлашиб, юзини ишқалади. — Анови ресторон эгаси холасининг ўлимини қанча кутдийкин? Мана энди суратини ишлатиб, диванпинг тепасига осиб қўяди. Унга шуниси маъқул. Иззат-икром! Одамзот ўзининг бир чимдимгина яхшилигини кўпинча вақт ўтгандан кейин эслайди. Сўнгра нақадар олижаноб бўлиши мумкинлигидан тўлқинланиб, ўзини олихиммат кишилар қаторига қўшиб юради. Яхши фазилат, поклик, олижаноблик... — У қўл силтади. — Бу хислатларни ҳамма вақт бошқалардан қидирансан, азбаройи үларнинг ўзларини чув тушириш учун қидирансан.

Ленц кулди.

— Сен кишилик жамиятининг илдизларига болта уряпсан, Фердинанд.

— Кишилик жамиятининг илдизлари очкўзлик, кўрқоқлик ва сотқинлиқдан иборат, — эътиroz билдириди Грау. — Одамзот ёвуз, лекин эзгуликни яхши кўради... факат бирорлардан чиқадиган эзгуликни яхши кўради. — У қадаҳини Ленцга узатди. — Энди қуй, кейин ҳадеб ўзинг сайрайвсрма, бошқалар ҳам гапирсии.

Кестернинг ёнига бориш учун дивандан ошиб ўтдим. Миямда бирдан ғалати фикр туғилганди.

— Отто, эртага кечқурун кадиллакни беріб тур.

Ярим яланғоч раққосанинг расмига тикилиб ўтирган Браумюллэр менга юзланди.

— Мошинани қайилтиришни ўрганволдингми? — деди у масхараомуз оҳангда.

— Факат тўғри йўлда юардитиг-ку, шунда ҳам рулни сен учун бошқа одам ушлани керак эди.

— Ўчир, Тео, — дедим мен. — Олтинчи куни пойгада абжагингни чиқазамиз.

Браумюллэр қотиб-қотиб кулди.

— Бўптими, Отто? — сўрадим тоқатсизланиб.

— Мошина сугурта қилинмаган, Робби.

— Секин ҳайдайман, ўрмалагандай юраман. Озгина шаҳар айланаман, холос.

Кестер кўзларини қисиб, жилмайди.

— Майли.

— Мошина нима учун керак бўп қолди, янги галстуинггами? — деди ёнимизга келган Ленц.

— Ишинг бўлмасин, — шундай деб, уни бир четга итардим.

Аммо Готтфрид хирагини қўймади.

— Вой-бўй! — у галстуигини ушлаб кўрди. — Жа-а пўрим бўп кетибсан-ку! Ўзингни келинга кўз-кўз қилмоқчисан, шекилли.

— Бугун жаҳлимни чиқазолмайсан, найрангбоз!

— Келин дейсанми? — Фердинанд Грау бошини кўтарди. — Жуда соз. Нима учун келин изламаслиги керак? — У жонланиб, менга гапира бошлади. — Шаштингдан қайтма, Робби. Муҳаббат учун соддалик ярашади. Сенда бу нарса бор. Шуни асраб қол. Оллонинг туҳфаси бу. Бир йўқотсанг, қайтиб тополмайсан.

— Бу гапларга эътибор берма, — деди Ленц тиржайиб. — Аҳмоқ бўлиб туғилиш уятмас, аҳмоқ бўлиб ўлиб кетган ёмон.

— Бас қил, Готтфрид. — Грау уни кетмондай кафти билан нари итарди. — Сен ҳақингда гап кетаётгани йўқ, хотинбоз. Сенга ҳеч ким ачинмайди.

— Опқочавер, Фердинанд, кўнглингни бўшатвол, — деди Ленц. — Гапирсанг енгил тортасан.

— Сен мугомбирсан, — жавоб берди Грау. — Уччига чиқсан мугомбирсан.

— Ҳаммамиз шунақамиз, — кулди Ленц. — Ҳаммамиз ҳам хом хаёллар ва бўйиндаги қарзлар билан яшаб юрибмиз.

— Ҳақ гап, — деди Грау ва қалин, тиканак қошлигини кўтариб, учовимизга бир-бир қараб чиқди. — Хом хаёллар ўтмишдан қолган, қарзлар эса келажак ҳисобидан. — Кейин у яна менга мурожаат қилди. — Соддалик улуф нарса, Робби. Фақат ҳасадгўйлар уни аҳмоқлик дейишади. Ҳафа бўлма. Соддалик қусур эмас, аксинча, истеъдод белгиси.

Ленц бир нима демоқчи бўлган эди, Фердинанд яна сўзида давом этди:

— Нимани назарда тутаётганимни биласан-ку: ҳар хил шубҳагумон ва ўта зиёлилик булғамага соддадилликни назарда тутяпман. Парцифаль аҳмоқ эди. Агар ақлли бўлганда, ҳеч қачон авлиё Грааль кубогини қўлга киритмасди. Фақат аҳмоқларгина ҳаётда ғалаба қозонишади, ақлли одам кўпдан-кўп тўсиқларга дуч келиб, бир ишни бошламасданоқ ҳафсаласи пир бўлади. Оғир пайтларда соддалик — бебаҳо хазина, инсонни турли хавф-хатарлар-

дан асраб қолгувчи сөхрли никоб. — У арақдан бир хўплаб, менга буришгаи юзига жон баҳш этиб турган катта-катта мовий кўзларини тикди. — Ҳеч қачон кўп нарса билишга уринма, Робби! Қанча кам билсанг, ҳаётинг шунча сиғил бўлади. Билим одамини дахлсиз, айни пайтда, бебаҳт қиласди. Келинглар, яхшиси содалик ва аҳмоқлик учун ичамиз; шулар билан боғлиқ ҳамма нарса — муҳаббат учун, келажакка ишонч ва баҳт ҳақидаги орзуларимиз учун ичамиз; антиқа аҳмоқлик ва фойиб бўлган жаннат учун ичамиз!

У ҳоргин қиёфада, ўз хаёллари ва сархушликка ғарқ бир алфозда буткул ғам-андуҳдан яралган гумбаздай бўлиб ўтиради. Унинг ҳаёти чил-парчин бўлган эди, олдинги турмушни қайта тиклаб бўлмаслигини у биларди... Грау ўзининг каттакон устахонасида рўзгорига қараб турадиган аёл билан истиқомат қиласди.

Бу аёл қанчалик кўпол, баджаҳл бўлса, Грау унинг акси, баҳайбат қоматига қарамай, жудаям таъсиран ва ювощ одам эди. У аёлдан сира кўнгил узолмасди, афтидан, энди унга баривир бир эди. Грау қирқ икки ёшга тўлганди.

Гарчи унинг ҳозирги ҳолати ичкилик билан боғлиқ эканини билсан-да, кўнглум бузилиб кетди. У биз билан кам кўришарди, бир ўзи устахонасида ичиб ўтираверарди. Бундай ҳаёт кишини тез нобуд қиласди.

Бирдан Граунинг чесрасига табассум ёйилди. У қўлимга боқал тутқазди.

— Ич, Робби. Ўзингни эҳтиёт қил. Гапларим ёдингда турсин.

— Хўп бўлади, Фердинанд.

Ленц патефон қопқоғини очди. Негрча куйлар ёзилган плас-тинкалари бир талай эди. У бизга Миссисипи ҳақидаги, пахтакорлар, илиқ тун ва мовий тропик дарёлар тўғрисидаги қўшиқлардан анча-мунчасини қўйиб берди.

## VI

**П**атриция Хольман катта кўчани энсизгина, узун майсазор ажратиб турган кўп қаватли сарғиш бинода яшарди. Йўлак қаршисида осма чироқ ёниб турипти. Кадиллакни тўхтатдим. Қора мойга бўялган мошина чироқ ёруғида ярқирап, худди қоп-қора улкан филга ўхшарди.

Ясанволгандим: галстукдан ташқари янги шляпа билан қўлқоп сотвоздим. Эгнимда Ленцининг узун пальтоси — нозик шотланд матосидан тикилган қулинг ўргилсин кулранг пальто. Мана шу қиёфа билан кайфим ошиб қолган биринчи учрашув таассуротини тарқатиб юбормоқчи эдим.

Сигнал бердим. Бешала қават йўлагидаги чироқлар бараварига ёнди. Лифтнинг гувиллагани эшитилди. Ҳаял ўтмай, Патриция Хольман эшикни очиб, зинапоядан чопқиллаб тушиб келли. Эгнида жигарранг мўйна камзул, шу рангдаги юбка.

— Салом! — у қўлини узатди. — Келганингиз яхши бўлди. Кун бўйи уйда ўтириб, сиқилиб кетдим.

Кўлимни кутилганидан кўра маҳкамроқ қисгани маъқул бўлди. Кафти ўлган балиқнинг қорнидай илвиллаган одамларни жишимдан баттар ёмон кўраман.

— Нега илгарироқ айтмадингиз? Куішузи кслардим.

— Бўш вақтингиз шунаقا кўпми?

— Кўпмас-у, бир йўлини қилардим-да.

У энтикиб нафас олди.

— Ҳаво ажойиб-а! Кўкламнинг ҳиди келяпти.

— Агар хоҳлассангиз, бундан ҳам ажойиб ҳаводан нафас олишимиз мумкин, — дедим мен. — Шаҳар честига, ўрмонга борамиз — ана мошина. — Мен кадиллакка бенисанд ишора қилдим.

— Кадиллакми? — сўради у таажжубланиб. — Ўзингизникими?

— Бугун ўзимники. Умуман устахонамизга тегишли. Таъмиrlаб, яп-янги қилиб қўйдик. Сотмоқчимиз. Яхшигина пулласак керак.

Мошина эшигини очдим.

— Олдин «Лоза»га кириб ўтмаймизми? Тамадди қилволардик.

— Тамадди қиламиз, лекин шима учун айнан «Лоза»га?

Қизга гарангсиб қарадим. Мен билган бирдан-бир тузук ресторан шу эди.

— Ростини айтсам, — дедим мен, — бундан яххисини билмайман. Кейин, кадиллакка ҳам муносиб бўлиш керак-да.

Қиз кулди.

— «Лоза»да нуқул жиддий, расмиятпараст одамлар ўтиришади. Бошқа жойга бора қолайлик.

Иккиланиб қолдим. Ўзимни басавлат кўрсатиш орзузи тутундай тўзгигб кетди.

— Ихтиёргиз. Лекин баъзан мен кириб турадиган ресторанларга қўполроқ мижозлар тўпланишади. Сизга маъқул бўлармикин?

— Нега унақа дейсиз? — Қиз менга ялт этиб қаради. — Бориб қўрайлик.

— Бўпти. — Мен режани кескин ўзгартирдим. — Агар қўрқмасангиз, Альфонснинг олдига борамиз.

— Альфонс! Бу ном кулоқча ёқимлироқ эшитилади, — деди қиз. — Бугун оқшом ҳеч нарсадан қўрқмайман.

— Альфонс — пивохона эгаси. Ленцинг қадрдон дўсти.

Қиз кулиб юборди.

— Менимча, унинг дўстлари кўп бўлса керак.

Мен бош силкидим.

— Жуда илашимлик. Биндинг билан ҳам дарров тил топишиб кетди-ку.

— Рост, — деди қиз. — Бир зумда апоқ-чапоқ бўп кетишиди.

Биз йўлга тушдик.

Альфонс барваста, оғир-вазмин киши эди. Ёноқ сүяклари чиққан. Күзлари кичкина. Күйлак сүглари доим шимарилган. Құллари одамсімөн маймуниң әслатади. Фашига теккан міжоз-ни бирорнинг ёрдамисиз, бир ўзи пивохонадан күчага чиқарып ташларди, ҳатто «Ватаңга садоқат» спорт уюшмасининг аъзола-ридан ҳам тап тортмасди.

Ҳаддан ташқари қайсар меҳмонлар учун пештахта остида болғача сақларди. Пивохона жуда қурай ерда — касалхона ёнида жойлашғанди, биностарин, боши ёрлігін міжозларга йўлкира сарфлаб ўтирумасди.

Альфонс жундор кафти билан очранг қарағай стол устини сидириб ташлади.

— Пивоми?

— Арақ билан егулик бир нарса, — дедим мен.

— Хонимга-чи?

— Хоним ҳам арақ ичмоқчи, — жавоб берди Патриция Холь-маннинг ўзи.

— Арақ жудаям ўткир, — деди Альфонс. — Ейишга тўқмоқ-ланган чўчқа гўшти билан тузланган қарам бор.

— Чўчқани ўзинг сўйганимисан? — сўрадим мен.

— Албатта.

— Хонимга балки снгилроқ таом таклиф қиласан?

— Бекорга бунақа деяпсиз, — эътиroz билдири Альфонс. — Олдин бир татиб кўринглар.

У хизматчига бир ликопча гўшт келтиришни буюрди.

— Ажойиб жонивор эди, — деди у. — Медаль олганди. Иккита соврини бор эди.

— Ундай бўлса, бош тортмаймиз! — хитоб қилди Патриция Хольман. Унинг дадиллигига қойил қолдим; ўзини гўё ҳар куни бу ерга келиб турадигандай тутарди.

— Демак, иккى ликопча? — сўради Альфонс.

Қиз бош силкиди.

— Бу бошқа гап! Ўзим опкеламан.

У ошхонага қараб кетди.

— Сизга бу ер ёқмайди, деб бекор ташвишланған экан-ман, — дедим мен. — Альфонсни бир зумда ром қилдингиз-қўйдингиз. Овқат опкелишга ўзи кетди. Одатда фақат доимий ми-жозларга ўзи хизмат қиласди.

Альфонс қайтиб келди.

— Янги колбаса ҳам қўшлим.

— Яхши бўпти.

Альфонс бизга хайрихоҳлик билан тикилиб турарди. Арақ билап учта қадаҳ келтиришди. Биттаси Альфонсга мўлжаллан-ган эди.

— Қани, олдик, — деди у. — Фарзандларимизнинг ота-она-лари бой-балавлат бўлишсин!

Қадақларни бир күтаришда бўшатдик. Патриция ҳам шундай қилди.

— Ўткир, ўткир, — деб қўйди Альфонс ва пештахта томонига қараб кетди.

— Қалай, арақ маъқулми? — сўрадим қиздан.

У елкасини қисди.

— Сал ўткирроқ. Лекин Альфонснинг олдида хижолат бўлишни хоҳламадим-да.

Гўшт ростдан ҳам зўр эди. Икки ликопчасини паққос туширдим. Патриция ҳам иштаҳа билан еди. Менга унинг ўзини табий ва оддий тутиши ёқарди. У ҳеч қандай ноз-карашмасиз Альфонс билан уриштириб, иккинчи қадаҳни ҳам бўшатди.

Альфонс сездирмай кўз қисиб қўйди, бу — яхши қиз экан, дегани. У одам танлашни биларди. Инсоннинг ҳусни ёки маданийтига ақли етмаса ҳам, унинг моҳиятига бехато баҳо берарди.

— Агар омадингиз келса, ҳозир Альфонснинг табиатидаги заиф жойини билволасиз, — дедим мен.

— Қизиқ. Заиф жойи борга ўхшамайди.

— Бор! — Мен пештахта ёнига қўйилган столчага ишора қилдим. — Ана...

— Ҳа-а, патефонми?

— Йўқ, патефон эмас. У хор қўшиқларининг жинниси. Рақс-пақс, ҳеч қанақа мумтоз куйларни тан олмайди. Унга хор бўлса бас. Пластинкаларини кўряпсизми? Ҳаммаси хор қўшиқлари. Ана, яна қайтиб келяпти.

— Қалай, овқат ёқдими? — деб сўради Альфонс.

— Уйда ойим пиширгандай, — жавоб бердим мен.

— Хонимга-чи?

— Бунақасини умримда емаганман, — деди қиз ҳам дангал. Альфонс мамнун бўлди.

— Ҳозир янги пластинка қўйиб бераман. Маза қиласизлар!

У патефон ёнига борди. Олдин игнанинг шигиллагани эшилди, сўнг хона эркаклар хорининг қудратли овозига тўлиб кетди. Хор жамоаси «Ўрмон сукунати» қўшиғини ижро этарди. Бу чинакам баланд суқунат эди.

Ҳамма жим бўлиб қолди. Агар бирор хор куйларига беписанд қараса, Альфонснинг жаҳли чиқиб кетарди. Мана у пештахтага серонг тирсагини қўйганча, тошдай қотиб турипти. Чехраси ўзгариб кетган. Хор қўшиғи унга ниҳоятда таъсир қилган эди. Қўшиқ тинглаётганда у эндиғина туғилган кийик боласидай ювош бўлиб қоларди. Агар пивдоҳонада бирор жанжал бўлиб турган пайтда бирдан эркаклар хорининг овози янграб қолса, Альфонс шу заҳоти ёқалашишни тўхтатиб, рақиблари билан ярашиш йўлини изларди. Илгари, қони қайноқ пайтларда, хотини ҳар доим у севгани пластинкани кўзга кўринадиган жойда сақларди. Мабодо, воқеа хавфли тус олиб, эри пештахта ортидан болға кўтариб чиққулай бўлса, дарров ҳалиги пластинкани айлантириб юбо-

парди. Қарабсизки, Альфонс қўйдай ювош тортиб, кўллари шалвирарди-қоларди. Ҳозир бунга эҳтиёж йўқ — Альфонс кексайиб, эҳтирослари анча сўнган, хотини эса оламдан ўтган. Аёлининг Фердинанд Грау пивохонада текин овқатланиши эвазига тақдим этган сурати пештахта тепасида осиглиқ турипти.

Пластинка тўхтади. Альфонс ёнимизга келди.

— Зўр! — дедим мен.

— Айниқса биринчи овоз, — қўшиб қўйди Патриция.

— Тўппа-тўғри, — деди Альфонс кўзлари чақнаб, — фарқига борарканисиз! Биринчи овозга стадигани йўқ!

Биз у билан хайрлашдик.

— Готтфридга салом айтиб қўйинг, — деди у. — Қорасини бир кўрсатсин.

Кўчада турибмиз. Бино олдидаги чироқлар тарвақайлаб кетган қари дараҳтга титроқ нур сочяпти. Новдалар майнин барг ёза бошлаган. Ола-чалпоқ нур орасидан дараҳт бениҳоя улкан ва дароз қўринади. Тепа шоҳлари сурмаранг осмонга илтижо билан кўл чўзиб тургандай.

Патриция андак қунишди.

— Совқотдингизми?

У слкасини хиёл кўтариб, қўлларини камзулининг чўнтағига солди.

— Ҳозир ўтиб кетади. Ичкари жуда иссиқ экан.

— Енгил кийинибсиз-да, — дедим мен. — Кечкурунлари ҳали совуқ.

— Оғир кийимни ёқтирмайман. Кунлар тезроқ илий қолсади. Совуққа тоқатим йўқ. Айниқса, шаҳарда.

— Кадиллакнинг ичи иссиқ, — дедим мен. — Ҳар эҳтимолга жун рўмол ҳам ташлаб қўйганман.

Патрицияги мошинага ўтқазиб, тиззасига рўмолни ёпдим. У рўмолни юқорироқ тортди.

— Яхши бўлди, зўр бўлди! Совуқда одам сиқилади.

— Фақат совуқда эмас. — Рулга ўтирдим. — Бир оз айланамизми?

Киз бош иргади.

— Жоним билан.

— Қаёққа борамиз?

— Фарқи йўқ, шошмасдан шаҳар кўчаларини томоша қила-миз.

— Майли.

Моторни юргиздим. Биз бемўлжал, бемақсад йўлга тушдик. Ҳаракат тифиз пайт эди. Мошиналар оқимига қўшилволдик. Мотор бир маромда ишлар, кадиллак гўё ҳаётнинг турли-туман дарёларида сузиб бораётган кемага ўхшарди. Кўчалар, хиёбонлар, ёп-срўғ йўлаклар, хонадоинларнинг чироқлари, тунги ҳаётнинг ёнгил ҳаяжонию ширин титроғи, ўнгу сўлдаги бино томлари ора-

лиғидан шаҳар шуъласи тушиб турған барқут осмон — барі-  
бари иккі ёнимиздан вазмин сузіб ўтарди.

Қиз ёнимда индамай ўтирипти. Ойнадан тушаётган нур ва  
соялар уннің юзини сийпалаб ўтади. Ахён-ахён қызға қараб  
күйман; уни биринчи бор күрганим ўша оқшомни эсладим. Чсҳ-  
раси янада жиддийроқ, мен учун бегонароқ бўп қопти, аммо  
жуда очилиб кетипти; бу чеҳра ўшандәқ мени ром этган ва ҳануз-  
гача тинчлик бермасди. Қизниң юзида табиатга — дараҳтларга,  
булутларга, жонзорларга, баъзан аёлларга хос бўлған аллақан-  
дай сеҳрли сукунат бор эди.

Биз шаҳар четидаги кўчалардан кетиб бораардик. Шамол зўра-  
йиб, тунни олдига солиб қува бошлади. Кенг бир майдон атро-  
фида дараҳтлар билан қуршалган ихчам-ихчам уйлар кўринди.  
Мошинани тўхтатдим.

Патриция Хольман, худди уйкудан уйғонгандай, керишиди.

— Қайдай ажойиб, — деди у. — Мошинам бўлганда ҳар оқшом  
сайрга чиқардим. Кўчалардан шошмасдан ўтиб бораётганингда  
ҳамма нарса бошқача кўринади. Бир ўнгга, бир тушга ўхшайди.  
Бундай пайтда ҳамроҳнинг ҳам кераги бўлмай қолади.

Мен сигарета қутисини олдим.

— Умуман, кечқурунлари ённингда бирор бўлгани маъқул,  
шундай эмасми?

— Кечқурунлари — ҳа... Аммо қоронғи тушганда... Фалати ҳолат.  
Кутини очдим.

— Америка сигаретаси. Сизга ёқадими?

— Ҳа, бошқаларнидан тузук.

Олов тутдим. Гугурт чўпининг илиқ алангаси бир лаҳзага қиз-  
нинг юзи ва кафтимни ёритди, шунда миямга, биз кўпдан буён  
бир-бирилизга даҳлдормиз, деган бемаъни фикр келди.

Тутун чиқиб кетиши учун ойнани туширдим.

— Бир ҳайдаб кўрасизми? Буниям гашти бор.

Қиз менга қаради.

— Қанийди, лекин билмайман-да.

— Бутунлай-а?

— Йўқ. Менга ўргатишмаган.

Мана энди хопаси келди, дедим ичимда.

— Биндинг ўргатмадими?

Қиз кулиб юборди.

— Биндинг мошинасини шунаقا яхши кўрадики, бирорни  
яқин йўлатмайди.

— Аҳмоқ экан-ку, — фурсатдан фойдаланиб, бақалоққа бир  
ниш урдим. — Қийин жойи йўқ буни. Келинг, бир уриниб кўра-  
миз.

Кестерининг барча огоҳлантиришлари ҳавога учиб кетди. Эшик-  
ни очиб, қизни рулга ўтказиш учун мошинадан тушдим. Патри-  
ция шошиб қолди:

- Ростдан ҳам ҳайлашни биямайман.
- Биласиз, — дедим мен. — Фақат журъат этмаяпсиз.
- Қандай қилиб тезликка солиши лаппакни босишини күрсатдым.
- Бўлди. Энди оёқни сескин бўшатиш.
- Ҳозир, ҳозир! — деди у олисдаги бир автобусни кўрсатиб. — Ўтқазворайми?
- Кераги йўқ!
- Мен дарҳол тезликка солиб, лаппакни қўйиб юбордим. Патриция жон ҳолатда рулга ёпишиб олди.
- Жуда тез кетяпмиз-ку!
- Тезликни кўрсатадиган асбобга қарадим.
- Соатига йигирма беш километр. Аслида йигирма. Узоққа югурадиган спортчининг тезлиги билан баравар.
- Назаримда саксон километрга ўхшайди.
- Орадан бир неча минут ўтгандан кейин дастлабки қўркув тарқалди. Биз кенг, тўппа-тўғри кўчадан пастга қараб бораидик. Ка-диллак худди унга бензин эмас, конъяқ қуилгандаи у ёқдан-бу ёққа чайқаларди. Баъзан филдирак йўлкага чиқиб кетгудай бўла-ди. Лекин аста-секин мошина бир изга тушволди. Мен шуни кут-гани эдим: гўё кадиллақда устоз билан шогирд ўтиргандай. Мен шу устунлигимдан фойдаланмоқчи бўлдим:
- Диққат! Полициячи!
- Тўхтатайми?
- Энди кеч.
- Қўлга тушеам нима бўлади? Гувоҳномам йўқ-ку.
- Унда иккаламиз ҳам турмага равона бўламиз.
- Худо кўрсатмасин! — У оёғи билан тормозни қидира бош-лади.
- Газни босинг! — деб буюрдим мен. — Газ! Қаттиқроқ бо-синг! Унинг ёнидан тез ва бепарво ўтиб кетиш керак. Қонунга қарши курашда сурбетлик энг яхши восита.
- Полициячи бизга эътибор бермади. Қиз енгил уҳ тортиб қўйди.
- Йўл назорати ҳодимлари оғзидан олов пуркаётган аждаҳо-га ўхашини билмас эдим, — деди у анча ўтганимиздан сўнг.
- Уларни мошина билан тутиб юборилганда шунаقا кўри-нишади. — Мен аста қўл тормозини тортдим. — Анови кўча бўм-бўш экан, ўша ёққа буриламиз. Хоҳлаганча машқ қилишимиз мумкин. Аввалига ўриндан қўзғалишини ва тўхташини ўрганамиз.
- Патриция биринчи тезликда мошинани ўрнидан жилдираёт-ган пайтда бир неча бор моторни ўчириб қўйди. У камзулининг тұгмаларини счиди.
- Исиб кетдим! Лекин ўрганмагунча қўймайман!
- У айтганларимни эътибор билан, пишиқ-пухта бажара бош-лади. Кейин мошинани ўнгга ва сўлга қайилтириб кўрди, улда-лай олганидан кувониб, ҳар қайирганда қийқириб қўярди. Рўпара-

дан келаётган мошиналар чирогини күрганда капалаги учыб кетар, улар ўтиб кетгандан кейин эса вужудини фурур ҳисси чулғаб оларди. Шундай қилиб, мошина ичидаги чироқлар хира ёритиб турган кичкина масканда ўзаро яқынлык пайдо бўлди, орадан бир муддат ўтгач, қизни элтиб қўйиш учун рулга яна ўзим ўтирган пайтимда эса биз гўё бир-биримизни минг йилдан бўён биладиган қадрдонларга айланиб қолган эдик.

Николайштрассе яқинида яна тўхтадим. Тепамизда кинорекламанинг қизил чироқлари ярқираб турарди. Унинг шуъласидан асфальт йўл ранги уннишиб кетган қизил матога ўшаб кўринали. Йўлка олдида бир парча доғ йилтиллайди — қайсиdir мошинанинг мойи тўкилипти.

— Хўш, — дедим мен, — энди бир қалаҳдан ичишга юз фоиз ҳаққимиз бор. Қаёққа борамиз?

Патриция Хольман пича ўйланниб турди.

— Келинг, яна ўша елканли қайиқ осиб қўйилган қаҳвахонага бора қолайлик, — деди у кейин.

Юрагимга шу заҳоти фулфула тушди. Ўлай агар, ҳозир у срда ашаддий саргузашт ишқибози ўтирипти. Бизни кўриб, афт-ангари қай аҳволга тушишини кўз олдимга келтирдим.

— Э-э, — дедим шоша-пиша, — у ернинг нима қизиги бор? Яхши жойлар кўп-ку.

— Қайдам... Менга жуда ёқсан эди.

— Ростданми? — сўрадим таажжубланиб. — Маъқул бўлганмиди ўша қаҳвахона?

— Ҳа, — деди у кулиб. — Жудаем...

«Ана холос! — ўйладим ичимда. — Мен бўлсан ўзимни койиб юрибман».

Қизни фикридан қайтаришга уриндим:

— Бориб кўрайлик-чи.

— Шунақами... Майли, майли.

Қаҳвахона олдига келганда мошинадан шошиб тушдим.

— Мен қараб келаман. Тез чиқаман.

Қаҳвахонада Валентиндан бўлак бирорта таниш йўқ эди.

— Готтфрид келмадими?

— Отто билан чиқиб кетишиди. Ярим соатча бўлди, — деди Валентин.

— Э, аттанг, — елкамдан тоғ ағдарилгандай бўлди. — Кўришим ксрак эди-да.

Мошина олдига қайтиб чиқдим.

— Таваккал, кираверамиз. Бугун одам камроқ.

Ҳар эҳтимолга мошинани муюлишдан нарига, энг қоронги жойга элтиб қўйдим.

Ўтирганимизга ўн минут бўлмасдан пештахта олдида Ленш сочини ҳурпайтириб турибди-да, «Ҳа, палакат! — дедим ичимда, — шу пайтда келасаними!»

Назаримда, Ленц кетишга тараддуланиб турган эди. Бир ма-  
ҳал қарасам, Валентин мени күрсатыпти. Оббо, худо урди — чак-  
кига дакки, деганлари шуда. Готтфриднинг бизни кўрган пайт-  
даги башараси ҳар қандай актёр учун мимикасиниг ноёб намуна-  
си бўлиб хизмат қилиши мумкин эди. Кўзлари товага солинган  
тухум саригидай бўртиб чиқди, жағи узилиб тушмасайди, деб  
кўрқиб турибман. Афсус, қаҳвахонада режиссер йўқ эди-да. Қа-  
сам ичиб айтаманки, уни ҳозирнинг ўзидаётк инога таклиф  
қилган бўларди. Мана, масалаи, кема ҳалокатга учради, сув сат-  
хида қалқиб турган денгизчининг бурни остидан лоп этиб сув-  
илон отилиб чиқади — Готтфридга кинонинг худди мана шу жо-  
йини ўйнашни топширишарди.

Хайрият, Ленц ўзини тез ўнглаб олди. Мен унга йўқол, де-  
гандай назар ташладим. Аммо у ишшайганча ёнимизга келди.

Вақтни бой бермай, ҳужумга ўтдим.

— Бомблат хонимни уйига кузатиб қўйдингми? — деб сўра-  
дим уни қуролсизлантириш мақсадида.

— Ҳа, — Ленц пинагини бузмади, бунаقا исмни биринчи  
марта эшитаётганини ҳам сездирмади. — Сенга салом айтди,  
эрталаб қўнғироқ қиларкансан.

Жавоб зарбаси чакки бўлмади. Ноилож бош силкидим:

— Бўпти, қўнғироқ қиламан. Ҳар ҳолда мошинани олса ке-  
рак.

Ленц яна бир нима демоқчи бўлиб оғиз очган эди, оёғига  
тепдим, ҳартугул у инсофга келиб, дамини ичига ютди.

Биргаллашиб ичдик. Мен кайфим ошиб қолишидан қўрқиб,  
лимонли шарбат ичиб ўтирдим..

Готтфриднинг кайфияти яхши эди.

— Олдинга кирсам, йўқ экансан, — деди у. — Бир айланам-  
из, деб ўйловдим. Кейин ўзим сайилгоҳга кирдим. Антиқа ҷарх-  
палак билан Америкадан келтирилган ажойибхона ўрнатишип-  
ти. Ўша ёққа бормаймизми? — У Патрицияга қаради.

— Ҳозироқ борамиз! — деб хитоб қилди қиз. — Дунёда энг  
яхши кўрган нарсам — ҷархпалак!

— Кетдик, — дедим мен. Тезроқ шу ердан жилворсак бас. Очик  
ҳавода одам сал енгил тортади.

Шарманкачилар — сайилгоҳнинг асосий истеҳкомлари. Бир  
хил, дилгир оҳанг. Шарманкаларнинг сийкаси чиққан духоба  
филофлари устида тўтиқуш ёки мовут камзул кийдирилган кич-  
кина маймунларни кўриш мумкин. Савдо-сотиқ қилаётганилар-  
нииг жағи жағига тегмайди. Улар чинни елимлари, ойна кесади-  
ган олмослар, турк асали. пуфланадиган шарлар ва кийимбоп  
матолар сотишади. Ромчилар, фолбинилар, ширинлик дўкончалари,  
арғимчоқлар, турли-туман кўнгилочар анжомлар ўрнатиш-  
ган чодирлар. Ва ниҳоят, кучли мусиқа садолари остида айланиб  
турган, чироқлари кўзни қамащтирувчи ҷархпалак.

— Олға! — деди шамолда соchlари тұзғиб кетған Ленц ва Америка ажайибхоналари томон отилди — әңг катта оркестр шу ерда эди. Олтита ялтири-юлтири чодирдан бараварига олтита сурнайчи отилиб чиқиб, қулоқни қоматта келтиришади-да, у ёқ-бу ёққа алапглаб, яна қайтиб кириб кетишиади. Бу манзара дам-бадам так-рорланаверади.

Биз оққуш бошли каттакон қажавага ўтириб, гоҳ тепага, гоҳ пастга чиқиб тушиа бошладик. Борлық гоҳ чайқалар, гоҳ қийшаяр, гоҳо қоп-қоронғи жағаннамга тушиб кетарди. Ер остида учеб кетаётганимизда нөфоралар гүмбурлаб турар, тепага чиққанимизда эса бизни сурнай садолари қарши оларди.

— Энди бу ёққа! — Готтфрид дирижабль ва самолётлар ўрнатылған чархпалак томон югурли. Чархпалакда ҳам уч марта айландик.

Ниҳоят, ҳарсиллаб ерга тушдик.

— Навбат шайтон лаганчага! — деди Ленц.

Бу айланиб турадиган ва тезлиги тобора ошиб борадиган каттакон, сип-силлик доира эди. Шунинг устида мувозапатин сақлаб туриш керак. Үнга йигирма киши сиғади. Готтфрид ҳам лип этиб чиқволди. У тинч турмай, оёғини күтартғанча ўзини минг күйіга солар, томошабинлар қарсак чалишарди. Күп ўтмай, доирадан ҳамма учеб кетди. Фақат қандайдир ошпаз аёл билан Готтфрид қолди. Доира роса тезлашғанда аёл мұғомбірлик қилиб, ўртага ўтироволди, Готтфрид эса уннинг атрофида тик турганча айланаверди. Пировардда ашалдый саргузашт ишқибозининг ҳам силласи қуриб, ошпазнинг устига қулаб түшди, икковлари ҳам доирадан чирпирак бўлиб учеб кетишиди. У аёлни тирсагидан ушлаб, ёнимизга бошлаб келди ва Лина деб таништириди. Аёл хижолатомуз жилмайди. Ленц ундан, бирор нарса ичасизми, деб сўрали. Аёл пиво чанқоқни босади, деди. Икковлашиб бир чодирга кириб кетишиди.

— Биз нима қиласымиз? — Патриция менгә жовдираб қаради.

— Арвоҳлар қасрига борамиз, — дедим маҳобатли чодирни кўрсатиб.

Бу ер тасодифларга тұла эди. Уч-тўрт қадам қўймасимиздан ер тебраниб, киминингдир құллари қоронғида оёқларимизни сий-палай бошлади, бурчак-бурчакдан тасқара башаралар тикилиб турар, арвоҳлар увилларди; биз қулардик, аммо Патриция зангори шур тушиб турған биш суяғидан қўрқиб кетиб, ўзини орқага ташлади. Уни елкасидан қулоқлаб олдим, ипакдай майнин соchlари лабларимга тегди, зум ўтмай қиз яна кула бошлаганда бағримдан бўшатдим.

Бўшатдим-у, аммо вужудимда ундан бир нима қолди. Биз аллақачон чодирдан чиққан бўлсак-да, уннинг елкалари, майнин соchlари, шафттоли ҳиди анқиб турған баданини ҳамон ҳис қилиб турардим... Қизга қарамаслим. У мен учун бошқа одам бўлиб қолған эди.

Ленц бизни кутарди. У ёлғиз эди.

— Липа қани? — сўрадим мен.

— Пиво симирияпти, — жавоб берди у чодирга ишора қилиб. — Қандайдир темирчи билан.

— Ҳамдардлик билдираман.

— Арзимайди. Яхиси, эркакча иш қилайлик.

Биз илмоққа резина ҳалқа отиладиган чодирга қараб кетдик.

— Хўш, — деди у Патрицияга ва шляпасини қаншарига сурди. — Ҳозир сизга сеп йигамиз...

У биринчи бўлиб бошлаб, қўнғироқли соат ютди. Кейин мен ҳалқа отиб, духоба айиқчани қўлга киритдим. Чодир эгаси янги мижозларни жалб қилиш мақсадида ютуқларни бизга шанғиллаб, тантанали равишда топширди.

— Ҳозир попугинг пасаяди, — деди Ленц ва шу заҳоти товага эга бўлди. Менга яна айиқча насиб этди.

— Омадинглар кеп қолди! — деди чодир эгаси ютуқларни бера туриб.

Шўрлик ўзини нималар кутаётганини ҳали билмасди. Ленц ротада қўл гранатаси отиш бўйича биринчи ўринда эди. Қиши пайтлари иш кам бўлгани учун биз ойлаб шияпани илмоққа отишни машқ қилардик. Ҳалқа отиш нима бўпти! Готтфрид осонгина биллур гулдонни қўлга киритди. Мен олтита пластинка ютдим. Чодир эгаси бу гал ўлжани миқ этмай топшириди-да, илмоқларни текшириб кўрди. Ленц мўлжаллаб туриб ҳалқани яна отди ва баҳоси бўйича иккинчи ўринда турадиган қаҳва идишлари йиғмасига эга бўлди. Атрофимизга одам йиғилди. Мен апил-тапил битта илмоққа учта ҳалқа отдим. Натижаси: тазарру қилаётган Магдалинанинг зарҳал рамкага солинган сурати.

Чодир эгасининг башараси тиш дўхтирга борган беморникига ўхшаб кетди. У бизга ҳалқа беришдан бош тортди. Ўйинни тўхтатишга рози бўлиб турган эдик, аммо томошабинлар тўполон кўтаришди. Улар чодир эгасининг хонавайрон бўлишини исташарди. Ҳаммадан ҳам қаёқдандир темирчи билан бирга пайдо бўлиб қолган Лина шовқин соларди.

— Нима, ютқазиш мумкин-у, ютиш мумкин эмасми?!

Темирчи маъқуллаб, нуқул бош силкирди.

— Бўпти, — деди Ленц. — Яна бир мартадан отамиз.

Мен бошладим. Ювинадиган тос, ёнида обдастаси ва совундени билан. Кейин Ленц тайёрланга бошлади. У бешта ҳалқа олди. Тўртгасини ҳаш-паш дегунича битта илмоққа илиб қўйди. Бешинчисига шошмади, атайлаб пайсалга солиб, чўнтагидан сигарета чиқазди. Уч эркак бараварига унга гугурт тутишди. Темирчи елкасига қоқиб қўйли. Лина ҳаяжонланганидан рўмолчасини чайнарди. Ленц мўлжаллаб туриб, чандастлик билан охирги ҳалқани ҳам олдинги тўртгасининг устига туширди. Оломон ўкириб юборди. Ленц энг катта ютуқ -- пуштиранг адёлчаси ва тўр ёпинғичи бор болалар аравачасини қўлга киритган эди.

Хўжайин сўкина-сўкина аравачани фиддиратиб чиқди. Биз ҳамма ўлжани унга солиб, навбатдаги чодирга равона бўлдик. Аравачани Лина итариб борарди. Темирчи унга уят-уят ҳазил қиласвергани учун Патриция икковимиз сал орқада қолдик. Кейинги чодирда вино шишасига ҳалқа отдик. Олти шиша ютдик. Ленц винонинг ёрлиғига қараб, биттасини темирчига сонға қилди.

Яна битта шунақа чодир бор эди. Аммо хўжайн сезиб қолдими, яқин борганимизда ишламайди, деб турволди. Темирчи ичкарида пиво шишалари турганини кўриб қолиб, жанжал қила бошлаган эди, биз уни шаштидан қайтардик: чодир эгасининг бир кўли йўқ экан.

Кўпчилик кузатувида қадиллак ёнига келдик.

— Энди нима қиласми? — деди Ленц бошини қашлаб. — Энг кулайи — аравачани мошина орқасига тиркаймиз.

— Албатта. Фақат аравачага ўзинг ўтировласан, бўлмаса афдарилиб кетади.

Патриция Хольман эътиroz билдириди. У ростдан ҳам Готтфрид аравачага ўтиради, деб ўйлаётганди.

— Хўп, — деди Ленц, — унда бўлса, нарсаларни тақсимлаймиз. Иккала айиқча ўзингизда қолсин. Пластиналар ҳам. Товани нима қиласми?

Қиз бош чайқади.

— Унда устахона тасарруфига ўтказамиш. Ол уни, Робби, қуймоқ пиширишга устасан-ку. Қаҳва идишларини-чи?

Патриция Линага ишора қилди. Ошпаз қизариб кетди. Готтфрид идишлар йифмасини бўлиб-бўлиб, худди мукофотлагандай тақдим этди. Кейин аравачадан ювинадиган тосни олди.

— Сополдан ишланган! Буни жаноб темирчига берсак, майлими? Керак бўп қолади. Қўнғироқли соатни ҳам. Темирчиларнинг уйқуси қаттиқ бўлади.

Мен Готтфридга гулдонни узатдим. У буни ҳам Линага йилини. Лина ҳаяжондан дудукланиб, рад эта бошлади. У Магдалинадан кўз узолмасди. Агар гулдонни олса, сурат темирчига тегишидан фашиланаётганди.

— Санъатни жуда яхши кўраман. — У рўпарамизда қип-қизил бармоқларини тишлаб, очкўзликнинг ажойиб тимсоли бўлиб турарди.

— Сиз нима дейсиз, ҳурматли хоним? — Ленц Патриция Хольманга виқор билан қаради.

Патриция суратни олиб, Линага узатди.

— Бу жудаям чиройли сурат, — деди у.

— Каравотнинг тепасига осиб қўйиб, илҳомланиб юр, — қўшиб қўйди Ленц.

Ошпаз суратга ёпишли. Кўзлари намланди. Қаттиқ севинганидан ҳиқичноқ тутди.

— Энди навбат сенга келди, — деди Ленц болалар аравачасига қараб.

Линанинг кўзлари яна чақнаб кетди.

— Келгусида нима керак бўлишини одамзот ёч қачон олдиндан билмайди, — деди темирчи. Шундай деб, ҳохолаб кулган эди, қўлидан вино шиши тушиб кетиб, чил-чил синди.

— Шошмай туринглар. — Ленц бир ёққа қараб чопиб кетди. Салдан кейин қайтиб келиб, аравачани гидратиб кетди. — Ҳаммаси жойида, — деди у аравачасиз қайтиб келиб.

Биз кадиллакка ўтиридик.

— Совға-саломга кўмиб ташладинглар! — деди Лина хайрлашиб учун қип-қизил кафтини узатиб. У олган буюмлари орасида турар, юзи баҳтдан ял-ял ёнарди.

Темирчи Готтфрид иккаламизни бир четга чақириб олди.

— Менга қаранглар! — деди у. — Яна бирортасини бопламоқчи бўлсаларинг, — яшаш жойим: Лейбницштрассе, ўн олти, орқа ҳовли, иккинчи қават, чап қўлдаги эшик. Сизларга бирор қаршилик қисса, йигитларимни бошлаб келаман.

— Келишдик! — шундай деб, биз жўнаб кетдик.

Сайилгоҳдан ўтиб, чапга бурилганимизда ҳақиқий чақалоқ ётган аравачамизни кўрдик. Аравача ёнида рангпар, хижолатдан ҳали ўзига келмаган аёл турарди.

— Зўр бўлди, а? — деди Готтфрид.

— Айиқчаларни ҳам берайлик, — деб қолди бирдан Патриция. — Болага овунчоқ бўлади.

— Биттасини берамиз, — деди Ленц. — Биттаси ўзингизда қолсин.

— Йўқ, иккаласини ҳам берамиз.

— Бўпти, — Ленц мошинадан сакраб тушди-да, айиқчаларни аёлнинг қўлига тутқазиб, у эс-хушини йиғиб олмасдан, худди ёв қувгандай, чопиб изига қайтди. — Бўлди, — деди у нафасини ростлаб, — олижанобликдан чарчаб кетдим. Мени «Интернациональ»да қолдириб кет. Озгина коњяқ ичмасам бўлмайди.

Ленцини айтган жойида тушириб, Патрицияни уйига олиб кетдим. Бу гал ўтган сафаргидан бошқача бўлди. У эшик олдидаги тураркан, тебранаётган чироқ нури юзини лип-лип ёритарди. Патриция гўзал эди. У билан жудаям қолгим келди.

— Яхши ётиб туринг, — дедим мен, — яхши тушлар кўринг.

— Ўзингиз ҳам.

Зинапоядаги чироқ ўчмагунча орқасидан қараб турдим. Кейинн кадиллакка ўтириб, йўлга тушдим. Мени ғалати ҳислар чулғаб олганди. Бу оқшом бирорта қизни кўриб, савдои бўла бошлаганим бошқа тунларга ўхшамасди. Ҳаммаси ўхшаши йўқ аллақандай назокатга йўғрилгандай. Бир кечада бағрим бутун бўлиб қолгандайми-ей. Кани энди кетаверсанг... Ҳеч тўхтамай, кетаверсанг... кетаверсанг...

Ленцининг олдига, «Интернациональ»га қайтиб келдим. Қаҳвахона деярли бўм-бўш эди. Бир бурчакда Фрици ԁўсти Алоис билан ўтирипти. Улар нима ҳақдадир баҳслашишяпти. Готтфрид

Мими ва Валли билан пештахта ёнидаги диваңда сұхбатлашыпти. Ленц улар олдида, ұтто баҳтиқаро Мими олдида ҳам үзини жуда сипе тутарди.

Бир оздан сүнг қызлар тарқалишди. Уларнинг ишлайдиган вақты бүлган эди. Мими иуқул қон томирларидан зорланиб, охвақ қиларди. Готтфриднинг ёнига ўтирдим.

— Гапира қол, — дедим сабрим чидамай.

— Нима кераги бор? Сен түғри қиляпсан, — жавоб берди у, мениң таажжубга солиб.

Анча енгил тортдим.

— Нега шуни олдинроқ айтмадинг? — дедим мен.

У құйини силтади.

— Ҳечқиси йўқ!

Ром буюрдим. Кейин Ленцга түғрисини айтдим:

— Биласанми, у қыз ким, нима хислати бор — бутунлай бехабарман. Биндинг билан муносабати ҳам менга қоронғи. Дарвоқе, ўшанда бақалоқ сенга ҳеч нарса демаганмиди?

У менга тикилиб қаради.

— Нима фарқи бор?

— Фарқи йўқ.

— Ҳа, баракалла. Аммо-лекин пальто ярашипти.

Мен қизарип кетдим.

— Қизарма. Сен ҳақсан. Қанийди мен ҳам шундай бўлолсам...

Бир оз жим ўтирдим.

— Готтфрид, нега бунақа, а? — дедим ниҳоят.

— Чунки бошқа ҳамма нарса бир тийин, Робби. Бизнинг замонамиизда арзидиган нарсанинг ўзи йўқ. Кеча Фердинанд нишалар деганини бир эсла. Марҳумларнинг ҳомийси түғри гапирди. Энди анови пианино ёнига ўтириб, қадимий аскарий қўшиқлардан айтиб бер.

Мен «Уч нибуфар» ва «Аргон ўрмони»ни ижро этдим. Кейин бу қўшиқларни қаерда айтганимизни эсладим, назаримда, улар бу ерда, бўм-бўш қаҳвахонада бошқачароқ жаранглагандай туялди.

## VII

**О**радан икки кун ўтгач, Кестер устахонадан ҳарсиллаб чиқиб келди.

— Робби, Блюменталь қўнғироқ қилди. Соат ўн бирга кадиллакни олиб боришинг керак. Синаб кўрмоқчи. Ажабмас, ишимиз юришиб кетса!

— Мен нима деган эдим? — устида форда турған зовур ичидан Ленцинг овози эшитилди. — Яна қайтиб келади, демаганмидим? Готтфридин гапига ҳамма вакт қулоқ солинглар!

— Э, ўчирсанг-чи, вазият жилдий! — бақириб бердим унга. — Отто, қашага ён босай?

— Узоги билан — икки мингга. Бор, ая — икки минг икки юз. Сира иложи бўлмаса — икки минг беш юз. Шундайм оёқ тираб туриб олса, майли — икки минг олти юзга рози бўлавер, лекин умрбод қарғаб ўтамиш, деб писандада қилиб қўй.

— Бўпти.

Мошинани ярқиратиб артдик. Мен рулга ўтиридим. Кесстер елкамга қўлини қўйди.

— Робби, ёдингда тут — сен жангчи бўлгансан, қийинчиликни кўп кўргансан. Сўнгги томчи қонинг қолгунча устахонамиз шарафини ҳимоя қил. Ўлсанг ўлки, Блюменталнинг пулини олмай қайтма.

— Бажарамиз! — дедим кулиб.

Ленц чўнтағидан қандайдир бир нишонни чиқазди.

— Манави туморга қўл теккизуб қўй, Робби!

— Хўп бўлади.

Мен туморга бармоқларимни теккиздим.

Готтфрид фотиҳа берди:

— Абрақадабра, улуғ Шива, манови қўрқоқча журъат ато эт! Энг яхшиси — туморни ёпнингга соловол. Энди уч марта тупур!

— Яхши бўлди, — шундай деб, оёғининг остига тупурдимда, жўнаб кетдим. Юлл қўлини силкитиб қолди.

Йўл-йўлакай бир неча боғлам чиннигул харид қилиб, уларни кузов атрофидаги кичкина биллур гулдонларга ҳафсала билан териб чиқдим. Бу гуллар фрау Блюменталга аталган эди.

Бахтга қарши, Блюменталь мени уйида эмас, идорасида қабул қилди. Чорак соат кутишга тўғри келди. «Ниятингни билиб турибман, — дедим ичимда. — Мени ийдирмоқчисан». Қабулхонада котиба қиз билан гаплашиб қолдим, бир дона чиннигул тақдим этиб, хўжайнининг фирмаси тўғрисида сўраб-суришира бошладим. Маълум бўлишича, фирма трикотаж кийимлар ишлаб чиқараркан, савдоси ёмон эмас, идорада тўққиз киши ишлайди. «Мейер ва ўғли» фирмаси билан қаттиқ рақобатда, Мейернинг ўғли икки ўринли қизил автомобилда харидор қилириб, шаҳарма-шаҳар юради — билганларим шу бўлди. Ниҳоят, Блюменталь хонасига чақирирди.

У дарров хужумга ўтди:

— Йигитча, — деди у. — Вақтим зиқ. Сиз айтган нарх хомхаёл. Бўладиганини гапиринг.

— Етти минг, — жавоб бердим мен.

У шартта юзини терс бурди.

— Тўғри келмайди.

— Жаноб Блюменталь, — дедим мен, — мошинани яна бир кўринг.

— Нимасини кўраман? — гапимни бўлди у. — Яқинда кўрдим-ку.

— Ҳар қанча кўрса ҳам арзийди, — дедим мен. — Синчиклаб кўриш керак. «Фоль ва Рурбек» фирмасида тайёрланган олий

навли бүсөк сурىлган, таниархи икки юз эллик марка. Резиналари янги, бу ҳам олти юз марка. Шунинг ўзи саккиз юз эллик марка бўп турипти. Ўриндиқ жилдлари пишиқ матодан...

У боши-боши қилди. Мен сайрашда давом этдим. Ярқираб турган асбоб-анжомларни, кузов тепасига чарм қоплангани, радиаторга хром суртилгани, бир жуфти олтмиш марка турадиган бамперларнинг ўта замонавийлиги — бари-барини санаб ўтдим. Шу тобда мен, кудди чақалоқ онасига талпингандай, кадилакка талпинар ва Блюментални ҳам ўзим билан бирга мосиҳанинг олдига бошлаб чиқишга уринардим. Ташқарида, Антей мисоли, ердан куч-қувват олишимга ишонардим. Одам буюмни ўз кўзи билан кўриб турганда нарх олдидаги мубҳам қўрқув сал камаяди.

Аммо Блюменталь ёзув столи ортида ўтиаркан, ўз кучини яхши ҳис қиласарди. У кўзойнагини олиб қўйиб, мен билан ҳақиқий жангга киришди. Биз йўлбарс билан бўғма илонга ўхшардик. Бўғма илон Блюменталь. Ҳаш-паш дегунча у нархни бир ярим минг маркага пасайтиришга муваффақ бўлди.

Тиззам қалтирай бошлади. Кўлимни чўнтағимга солиб, Готт-Фриднинг туморини маҳкам қисдим.

— Жаноб Блюменталь, — дедим мени. — Соат бир бўлди, балки овқатлангани борарсиз?

Нарх-наво қордай эриб кетаётган бу хонадан тезроқ чиқиб кетишини ўйлардим.

— Ҳамма вақт соат иккода овқатланаман, — деди у совуқ-қонлик билан. — Дарвоқе, мосинани ҳозир бир синаб кўрмаймизми?

Елкамдан тоғ ағдарилгандай бўлди.

— Кейин яна гаплашаверардик, — қўшиб қўйди у.

Яна нафасим ичимга тушиб кетди.

Блюменталнинг уйига қараб жўнадик. Мени таажжуға солган нарса шу бўлдики, у мосинага ўтириши билан тамом ўзгариб кетди ва кулиб-кулиб, кайзер Франц-Иосиф ҳақидаги қадимий латифани гапириб берди. Мен унга трамвай кондуктори тўғрисидаги латифа билан жавоб қайтардим; шундан кейин у йўлдан адашган саксониялик ҳақидаги латифани айтди, мен унга шотландиялик ошиқ-маъшуқлар тўғрисидаги латифани... Фақат уйига яқинлашганда иккаламиз ҳам жиддийлашдик. У менга, кутиб туринг, деди-да, хотинини айтиб чиқиш учун уйига кириб кетди.

— Қадрдоним қадиллак, бақалогим,— дедим мен мосинанинг радиаторига шапатилаб. — Бу латифаларнинг замирида яна бир шумлик бор. Лескин сен парво қилма, худо хоҳласа, шу одамнинг гаражида қўним топасан. Сени олади, албатта: яҳудий изига қайтдими, демак, харид қиласди. Насроний қайтгани билан аччиқ ичакдай чўзверади. Таксидан тежаш учун беш-ўн марта миниб кўради, охир-оқибатда, унга мосина эмас, ошхона жи-

хозлари кераклигини эслаб қолади. Ана шунақа, яхудийлар німа қилишини билади. Лекин оңт ичиб айтаманки, бақалоғим, нархингни яна юз маркага бўлсаям туширсан, қайтиб ичклиликни кўлимга олмайман.

Фрау Блюменталь кўринди. Ленцинг ўгитларини эслаб, дарҳол жангчидан хуштор йигитга айландим. Блюменталь буни пайқаб, заҳарханда қилди. Метин одам-да лекин, у газмол эмас, паровоз сотиши керак.

Бир амаллаб, аслни ёнимга, эрини орқага ўтқаздим.

— Қаёққа олиб борай, бекам? — сўрадим ипакдай эшилиб.

— Ихтиёрингиз, — жавоб берди у оналарга хос табассум билан.

Гапга тушиб кетдим... Очиқ кўнгил одамлар билан суҳбатлашсанг роҳат қиласан-да. Мен пицирлаб гапирдим. Блюменталь сўзларимни узуқ-юлуқ эшитаётганди. Шундан хурсанд эдим. Аммо унинг орқамда ўтиргани таъбимни хира қилиб турарди.

Тўхтадик. Мошинадан тушиб, рақибимнинг кўзларига тик қарадим.

— Қалай, юриши ёмонмас, а?

— Ёмонмас, лекин бундан нима фойда, йигитча? — эътиroz билдириди у англаб бўлмайдиган хушмуомалалик билан. — Ҳаммасини солиқ еб қўяди. Бу мошинанинг солиғи катта, мен сизга айтсам.

— Жаноб Блюменталь, — дедим ўзимни йўқотмай, — сиз ишбилармон одамсиз, шунинг учун дангал гапираверишим мумкин. Солиқ эмас, сарф-харажат тинкани қуритади. Ўзингиз айтинг, бугунги кунда ишни юрғазиш учун нима керак? Аввалгидай, сармоя эмас, кредит керак. Буни яхши биласиз. Хўш, кредитни қандай олиш мумкин? Бунинг учун одам ўзини кўрсата билиши зарур. Кадиллак — дабдабали, тезюарар мошина, шинам, лекин урфдан қолган эмас. Айнан соғлом буржуйча турмушнинг кўзгуси. Фирма учун тап-тайёр жонли реклама.

Блюменталь кулиб, хотинига мурожаат қилди:

— Калласи яхудийларницидан қолишмайди, а? Йигитча, — кейин менга юзланди, — ҳозирги замонда савлатнинг энг яхши белгиси — эски костюм билан автобусда юриш! Мана сизга реклама! Агар сиз билан менда ёнимиздан ўтиб турган серҳашам мошиналарга тўланмаган маблағ бўлганида, бемалол оёғимизни узатиб ётсан бўлаверарди. Мен сизга айтсам.

Унга ишонқирамай қарадим. Нега бирдан мулойим тортиб қолди? Балки хотини ёнида тургани учун попуги пасайиб қолгандир? Ҳужумни кучайтиришга қарор қилдим:

— Кадиллакни аллақандай эссеқсга солиштириб бўладими, бекам? «Мейер ва ўғли» фирмасининг кичик хўжайини, масалан, эссеқсда юради, мен бунақ шалоқ аравани текинга ҳам олмасдим...

Блюменталь томоқ қириб қўяди, мен давом этдим:

— Дарвоқе, бекам, мошина ичидаги қопламаларнинг ранги сизга жуда ярашли — тўқ кўкранг ваmall соchlар...

Бирдан Блюменталнинг юзига табассум ёйилди. Одам эмас, маймун кулаётгандай эди.

— «Мейер ва ўғли» — зўр! Буни зўр топдигиз! Айниқса, тўқ кўкранг билан mall соchlар тўгрисидаги сафсатангиз...

Унга қараб, кўзларимга ишонмасдим: у астойдил куларди. Фурсатдан фойдаланиб, яна авжга чиқдим:

— Жаноб Блюменталь, баъзи бир нарсаларга аниқлик киритишга рухsat берсангиз. Аёл киши учун бу сафсата эмас. Бу мақтov сўзлари, бизнинг аянчли замонамида, афсуски, тансиқ бўлиб кетган илиқ сўзлар. Аёл — темир буюм эмас, аёл бамисоли гул. У илиқ-иссиқ гапларни хуш кўради. Унинг учун умри бўйи елкангизни яғир қилиб ишлаганингиздан кўра ҳар куни уч-тўрт оғиз ширин сўз айтганингиз минг марта афзал. Мен сизга айтсам. Дарвоқе, мен бу кишига ҳеч қандай хушомадгўйлик қилганим йўқ, фақат физиканинг оддий қонунларидан бирини эслатдим, холос: кўк ранг mall соchlарга ярашади.

— Булбулигўё бўп кет-э! — деди Блюменталь. — Менга қаранг, жаноб Локамп! Мошинанингизнинг нархини бемалол яна минг маркага туширишим мумкин...

Орқага тисландим. «Вой, маккор-ей. Шу зарбани кутгандим-а». Энди оғзимга бир қултум ҳам олмасдан ўлиб кетаман шекилли, деган хаёл билан фрау Блюменталга чавоқланган кўзичоқдай мўлтираб қарадим.

— Дадаси, сал инсоф қилинг, — деди аёл.

— Сен аралашма, ойиси. — Блюменталь уни қайириб ташлади. — Қўлимдан келади... Лекин мен бундай қилмайман. Тадбиркор одам сифатида қандай ишлашингизни қизиқиб кузатдим. Дуруст, лаб-даҳанли йигит экансиз. Айниқса, «Мейер ва ўғли» ни бопладингиз. Онангиз яхудий эмасми?

— Йўқ.

— Тайёр кийимлар дўконида ишлаганмисиз?

— Ҳа.

— Ҳаммаси ана шундан. Қандай кийимлар соҳасида?

— Кўнгил кийимлари, жаноб Блюменталь, — дедим мен. — Мактаб ўқитувчиси бўлмоқчи эдим.

— Жаноб Локамп, — жавоб берди у. — Офарин сизга. Ишсиз қолсангиз, менга қўнғироқ қилинг.

У чек ёзиб, менга узатди. Кўзларимга ишонмасдим. Мўъжи-за-ку бу!

— Жаноб Блюменталь, — дедим мен, — рухsat этсангиз, мошинага иккита биллур кулдон билан чиройли резина гиламчани текинга қўйиб берсам.

— Майли, — жавоб берди у, — кекса Блюменталга ҳам совға қиладиган одам бор экан-ку.

Кейин у эртаси кечкуунга кечки овқатга таклиф қилди. Фрау Блюменталь менгэ оналарча жилмайды:

— Қиймаланган чүртәнбалиқ бүләди, — деди аёл мулойим оханды.

— Тансиқ овқат, — дедим мен. — Бүлмаса, эртагаёқ мошина-ни олиб келаман. Эрталабдан расмийлаштирамиз.

Устахонага қалдирғочдай учиб келдим. Ленц билан Кестер овқатлангани кетишгэн экан. Севинчимни ичимга ютиб туришга мажбурман. Юпп ўз ўрнида эди.

— Сотдингизми? — дес сүради у.

— Ҳамма нарсаны билишинг керак-да, а, зумраша? Мана сенга уч марка. Самолёт қурдирволасан.

— Демак, сотибсиз-да, — тиржайди у.

— Мен ҳам овқатланиб келай, — дедим мен. — Лекин қайтгүннимча уларга оғзингдан гуллаб қўйсанг, таъзириңгни бераман.

— Жаноб Локамп, — у қўлидаги тангани ўйнаб туриб мени ишонтириди. — Оғзимга талқон соловоламан.

— Сендан қўнглим тўқ, — шундай деб, газни босдим.

Устахона ҳовлисига қайтиб киришим билан Юпп мени имлаб чақириди.

— Нима гап? Гапириб қўйдингми?

— Йўғ-э, жаноб Локамп. Соқовман. — Фақат... Анови фордни эгаси келди.

Кадиллакни ҳовлида қолдириб, устахонага кирдим. Новвой бўёқ намуналари қўйилган альбомга тикилиб ўтиради. Эгнида белбоғли катак-катақ пальто, билагига мотам белгиси сифатида қора мато боғлаб олган. Ёнида кўзлари қоп-қора, қуён мўйнали пальто кийган хушрўйгина жувон. Локланган туфлиси оёгини қисаётгани шундоқ сезилиб турипти. Қора кўз аёл очиқ қизғиши рангга мойил эди, аммо новвой азадор бўлгани учун сўлғин сарғиши-кулрангни маъқул қўраётганди.

— Топганингни қара-ю! — деб тўнғиллади аёл. — Форд кўзга ташланадиган рангда бўлиши керак, акс ҳолда у ҳеч нарсага ўхшамай қолади.

Новвой альбомни вараклаётган пайтда аёл, менинг таклифимни маъқулланглар, деган маънода бизга кўзларини қисар, елқасини учирар, ҳар хил имо-ишора қиласарди. Ниҳоят, улар қалампиргулни эслатувчи зангорига мойилроқ рангда тўхташди. Бундай кузовнинг очилиб-ёпиладиган тепаси, аёлнинг талаби бўйича, очиқ рангда бўлиши керак эди. Аммо новвой бўш келмади: азадорлигини рўяқач қилиб, қора тусли чармии танлади. Бундан у ютди ҳам; кузовнинг тепасини текинга қилиб беришини бўйнимизга олгандик, чарм эса брезентдан қиммат туради.

Улар устахонада чиқиб, ҳовлида тўхтаб қолишиди. Қора кўз аёл кадиллақни кўрди-ю, олдига чопиб борди.

— Мана бунга қараб қўй, — деди у новвойга. — Мошинами-сан-мошина! Менга шунақаси ёқади!

Шу лаҳзада эшикни очиб, рулнинг олдига ўтирволди.

— Оҳ-оҳ, мана буни ўриндиқ деса бўлади! Зўр! Ҳақиқий ўриндиқ! Сенинг фординг эмас, бу!

— Бўпти, кетдик, — деди новвой энсаси қотиб.

Ленц мени туртди — бу билан, хужумга ўт, мошинани новвойга ишқалаб кўр, демоқчи эди. Готтфридга бошдан-оёқ ижирғаниб қарадим. У мени яна туртди. Тескари қараб олдим.

Новвой жазманини мошинадан аранг тортиб чиқарди, бироз букчайганча кайфияти бузилиб жўнаб қолди.

Уларнинг орқасидан қараб турдик.

— Уддабурро одам экан, — дедим мен. — Мошинасини таъмирлатиб олди, манови аёлни ҳам эргаштириб юритти... Қойил!

— Ҳа, — деди Кестер. — Бу аёл ҳали уни кўп диконглатади.

Улар кўздан фойиб бўлиши билан Готтфрид менга ташланиб қолди:

— Эсинг жойидами ўзи? Шундоқ мижозни қўлдан чиқазиб ўтирибсан-а! Биринчи синф ўқувчисининг ҳам ақли етадиган иш эди-ку бу.

— Унтер-офицер Ленц! — жавоб бердим мен. — Унвони катталар билан гоз туриб гаплашиш керак. Сизнингча мен қўш хотинлилик тарафдориману мошинани икки марта эрга бераманими?

Шу дақиқада Ленцнинг башарасини томоша қиласидаги эди. Таажжубланганидан кўзлари шокосадай бўлиб кетганди.

— Бунақ нарсалар билан ҳазиллашма, — деди у дудукланиб.

Мен унга қарамасдан, Кестерга мурожаат қилдим:

— Otto, фарзандимиз кадиллак билан хайрлашавер! У энди бизники эмас. Бундан кейин у иштои фабрикаси эгасига хизмат қиласиди. Уницида ҳаёти ёмон бўлмаса керак. Тўғри, бу ердагичалик қаҳрамонона бўлмайди, аммо хотиржам яшаши аниқ.

Чўнтағимдан чекни чиқаздим. Ленц шайтонлаб қолай деди.

— Ахир бу ҳали тўланмаган-ку. Пул йўқ-ку ҳали? — деб тўнғиллади у.

— Сизлар яхшиси қанча пул олишимизни топинглар! — дедим чекни ҳавода силкитиб.

— Тўртта! — қичқирди Ленц кўзларини юмиб.

— Тўрт минг беш юз! — деди Кестер.

— Бешта! — бензоколонка олдидан Юппнинг овози эшигилди.

— Беш минг беш юз! — хитоб қилдим мен.

Ленц чекни қўлимдан тортиб олди.

— Бўлиши мумкинмас! Чек тўланмай қолиб кетса керак!

— Жаноб Ленц, — дедим мағрур туриб. — Сиз қанчалик ишончсиз бўлсангиз, бу чек шунчалик ишончли! Дўстим Блюменталь йигирма баравар кўпроқ тўлашга ҳам қодир. Эртага ўша дўстимницида қўймаланган чўртсанбалиқ ейман. Бу сизга ўрнак бўлсин! Дўстлашволиш, закалат олиш ва кечки таомга таклиф этилиш — мана сизга мол пуллашнинг ёрқин намунаси! Энди гоз турмасангиз ҳам бўлавсари.

Готтфрид ҳамон гаранг эди. У охирги далилни ишга солди:

— Газетадаги әэлоним-чи? Тумор-чи?

Туморини қўлига тутқаздим:

— Ушла матоҳингни! Эсимдан чиқиб кстипти.

— Робби, мошинани яхши пуллабсан, — деди Кестер. — Худога шукур, бу даҳмазадан қутулибмиз. Пул бизга жуда асқодади.

— Ҳамир учидан патир қилиб эллик марка бериб турасан.

— Юз марка. Ҳизматинг арзиди.

— Эҳтимол, биратўла кулранг пальтомни ҳам оларсан? — деди Готтфрид қўзларини қисиб.

— Эҳтимол, қасалхонага тушгинг келаётгандир? — сўрадим мен ҳам ўз навбатида.

— Йигитлар, бўлди! Бугунга етади, — деди Кестер. — Кўп ишлавордик. Ҳудонинг қаҳрини келтирмайлик. «Карл»га ўтириб, машқ қилишга борамиз. Пойга яқинлашиб қолди.

— Жаноб Кестер, демак, вақтинча мен бу ерда хўжайнманда, а? — деди бензоколонка олдида қўлларини ишқалаб турган Юпп.

— Йўқ, Юпп, — деди кулиб Кестер. — Сен ҳам биз билан кетасан!

Олдин банкка кириб, чекни топширдик. Ленц чекнинг ҳақиқийлигига ишонгандан кейин сал ўзига келди. Банкдан чиқиб, катта йўлдан мошинани учирив кетдик.

## VIII

Үй бескаси қаршисида турардим.

— Нима гап, бирор ерга ўт кетдими? — сўради фрау Залевски.

— Ўт кетгани йўқ, — жавоб бердим мен. — Ижара ҳақини тўламоқчидим.

Тўлаш муддатига ҳали уч кун бор эди, бинобарин, фрау Залевски ҳанг манг бўлиб қолди.

— Бу ерда бир гап бор, — деди у шубҳаланиб.

— Ҳеч гап йўқ, — дедим мен. — Бугун кечқурунга меҳмонхонангиздаги иккита кимхоб креслонгизни олиб турсам бўладими?

У хужумга ҳозирланиб, қўлларини йўғон белига қўйди.

— Ана холос! Хонангиз ёқмай қолдими?

— Ёқади. Лекин кимхоб креслоларингиз ундан ҳам кўпроқ ёқади.

Мен унга холамнинг қизи кеп қолиши мумкинлигини, шунинг учун хонани сал саришта қилиб қўймоқчилигимни айтдим. Фрау Залевски шунаقا хоҳолаб кулдики, қўзларидан тирқираб ёш чиқиб кетди.

— Холамнинг қизи, денг, — такрорлади у кулгидан ўзини базур тўхтатиб. — Қачон келиши керак ўша холаваччангиз?

— Келиш-келмаслиги жудаям аниқ эмас. Мабодо келган тақ-дирда ҳам кечкүрүн келади. Дарвоң, фрау Залевски, нима учун дунёда холаваччалар бўлмаслиги керак?

— Бўлади, албатта, — деди у. — Лекин улар учун бировдан креслони ижарага олишмайди-да.

— Мен бўлсам оламан, — жавоб бердим дадил. — Қон-қарин-дошлиқ туйғулари жуда кучли-да менда.

— Бўлмаган гап! Ҳамманглар бодпарракка ўхшайсизлар. Бесистисно. Майли, олинг. Мехмоихонага ҳозирча қизил духоба қопланган креслоларни қўйиб турасиз.

— Э, яшанг. Эртага опчиқиб бераман. Гиламни ҳам.

— Гилам? Қанақа гилам? — деди у ҳайрон бўлиб. — Гилам тўғрисида гап бўлгани йўқ-ку.

— Бўлди. Ҳозиргина гаплашдик.

У менга жаҳл билан қаради.

— Гиламсиз иложи йўқ, — дедим мен. — Ахир, креслоларни гиламнинг устига қўймайманми?

— Жаноб Локамп! — жавоб берди фрау Залевски жиддий қиёфада. — Оширворманг. Ҳамма ишда меъёр бўлиши керак, дер эди марҳум Залевски. Сиз ҳам шунга амал қилинг.

Мен билардимки, марҳум Залевски шундай дегани билан ўзи арақни бўкиб ичиб, бир кечада ўлган-қолган. Буни хотини кўп гапириб берган. Лекин гап бунда эмас. Аёл эридан баъзилар инжилдан фойдалангандаи фойдаланарди, яъни кўчирма келтиришни яхши кўрарди. Йил ўтган сайин у эрининг ҳикматли сўзларини тобора кўпроқ эслайдиган бўлиб қолган. Энди марҳум Залевски, худди инжилдай, ҳаётда учрайдиган барча воқса-ҳодисаларга даҳлдор.

Хонамни йифиштириб, ясатган бўлдим. Кундузи Патриция билан телефонда гаплашдим. Тоби қочиб қолгани учун бир ҳафтадан буён кўрмаган эдим. Соат саккизда учрашадиган бўлдик; менинида овқатланиб, кейин кинога тушишни таклиф қилдим.

Кимхоб креслолар билан гилам зўр эди-ю, хира чироқ таас-суротни бузиб туарди. Столга қўйиладиган чироқни сўраш учун Хасселар эшигини тиқиллатдим. Фрау Хассе дераза олдида маъюс ўтирган экан. Эри йўқ. У ишдан бўшатворишиларидан қўрқиб, ҳар куни бир-икки соат ортиқча ишлаб беради. Хотини негадир касал қушни эслатади. Сўлғин юзида ҳали ҳам ғамгин ва ноумид боланинг чеҳрасига хос мулойимлик бор.

Илтимосимни айтдим. У жонланиб, чироқни олиб узатди.

— Ҳа-а, — деди аёл чуқур уҳ тортиб. — Ўша пайтда шу ишлар бўлмаганида...

Бу тарихни биламан. Ўша пайтда Хассега тегмаганимда тақ-дирим бошқача бўларди, демоқчи. Эри ҳам айнан шу гапни так-рорлайди. Баъзан, бўйдоқ ўтганим яхши эди, дейди. Менинчча, дунёда энг кўп тарқалган ва, айни пайтда, энг чорасиз армон шу бўлса керак.

Гапларинни бир оз эшитиб турдим, ҳеч нарсаны англатмайдиган уч-түрт оғиз сўз билан тасалли берган бўлдим-да, патефонини олиш учун Эрна Бенигникига чиқдим.

Фрау Хассе Эрнага «ёнма-ён яшайдиган бир кимса» деб қарапди. Уни ёмон кўярди, чунки ҳасад қиласади. Мен бўлсам, ҳурматини жойига кўярдим. Эрна ҳар турли ҳом хәёллар билан яшамас, баҳт деб аталмиш нарсадан жиндай бўлса ҳам юлиб қолиш учун ҳаётга маҳкамроқ ёпишиш керак, деб ҳисобларди. У шуни ҳам билардики, баҳт учун икки-уч ҳисса ортикроқ тўлашга тўғри келади. Баҳт — дунёдаги энг мавҳум ва энг қимматбаҳо матоҳ.

Эрна чамадон ёнига чўқкалаб, уч-тўртта пластинка олди.

— Сизга фокстрот керакми? — деб сўради у.

— Йўқ, — дедим мен. — Рақсга тушмайман.

У менга ажабланиб қаради.

— Ие, нега? Аёл киши билан бирор жойга борсангиз, нима қиласиз?

— Ичкилик рақсини ташкил қиласан. Ёмон бўлмайди.

Эрна бошини сарак-сарак қилди.

— Рақсга тушмайдиган эркак билан бир кун ҳам турмасдим.

— Сизнинг тартиб-қоидаларингиз жудаям қаттиқ, — эътиroz билдиридим мен. — Бошқа пластинкаларингиз ҳам бор-ку. Яқинда эшитувдим — хушовоз бир аёл қўшиғи ёзилган пластинка. Гавайя куйларини эслатади...

— Ҳа-а, зўр қўшиқ! «Сенсиз қандоқ яшайман?» Шуни айтапсизми?

— Ҳа, худди ўзи! Бунақа қўшиқ муаллифларининг хаёлига нималар келмайди дейсиз! Назаримда, ер юзида шулардан ортиқ хаёлпарастлар бўлмаса керак.

Эрна кулди.

— Эҳтимол, шундайдир. Илгари альбомларга шеър ёзишарди, энди одамлар бир-бирларига альбом совға қилишади. Патефон ҳам альбомдай гал. Бирор нарсаны эслагим келса, дарров керакли пластинкани қўяман, қарабсизки, бари кўз ўнгимда жоғланади.

Ерда тахланиб ётган пластинкаларга разм солдим.

— Мана буларга қараганда, хотидаларингиз беҳисобга ўхшайди, Эрна.

Аёл ўринидан туриб, пешонасига тушиб қолган малла сочларини орқага силкиди.

— Ҳа, — шундай деб, оёғи билан пластинкаларни четга сурди, — ундан кўра битта, ҳақиқий хотира билан яшаганим маъкул эди.

Кечки таомга харид қилган нарсаларимни столга жойлаштира бошладим. Ошхонадан ёрдам кутиш бефойда — Фрида билан ит-мушукмиз. У қасддан бир нарсани синдиради. Лескин ўзим эпладим. Кўп ўтмай, хонам таниб бўлмас даражада ўзгариб кетди. Гилам билан креслолар кўзни қамаштиради, стол бинойидек ясатилган, буларни кўриб, вужудимни кутишнинг бетоқат дақиқалари тимдалай бошлади.

Гарчи ҳали бир соатдан ортиқроқ вақт бўлишига қарамай, уйдан чиқдим. Қаттиқ шамол эсяпти. Кечки чироқлар ёнган. Бинолар оралиғида денгиздай кўм-кўк нимтатир қоронгилик осилиб туритти. «Интернациональ» гўё елкаилари йигиштирилган ҳарбий кемадай ана шу денгизда сузиб кетяпти. Бирров кириб чиқмоқчи бўлдим.

— Э, қайси шамол учирди, Роберт? — Роза мени кўриб, суюниб кетди.

— Нима қилиб ўтирибсан? Овга чиқмадингми?

— Ҳали барвақт.

Ёнимизда Алоис шарпадай пайдо бўлди:

— Ромми? — деб сўради у.

— Уч ҳисса.

— Ишга астойдил киришасан, — деди Роза.

— Сал ўқланволмоқчиман.

— Куй ҷалиб берасанми?

Бош чайқадим.

— Бугун кайфиятим йўқ, Роза. Кўча шамол. Дарвоқе, боланг қалай?

Роза тилла тишлигини ялтиратиб кулди.

— Яхши. Илойим, кўз тегмасин. Эртага яна олдига бориб келаман. Бу ҳафта тузуккина пул ишладим: қари айғирларнинг иштаҳаси очилиб кетди — баҳор миясига урган-да. Эртага қизимга янги пальто олиб бораман. Қизил мовутдан тикилган.

— Қизил мовут ҳозир урф бўлган.

— Қандай назокатли йигитсан-а, Робби.

— Янглишаётган бўлмагин тағин. Ичасанми?

У бош силкиди. Uriштиридик.

— Менга айтгин-чи, Роза, муҳаббат ҳақида нима дея оласан? — сўрадим ундан. — Ахир, сен бунақа нарсаларнинг фарқига борасан-ку?

У хандон ташлаб кулди:

— Қўйсанг-чи шунақа гапларни! — деди у ўзини тўхтатиб олгач. — Муҳаббат! О, Артурим! Ўша аблажни эсласам, ҳозир ҳам тиззаларим қалтираб кетади. Агар жиддий сўраётган бўлсанг, менинг фикрим шу: битта муҳаббат учун инсон умри узоқлик қиласди. Артур уйдан чиқиб кетаётисб, шундай деган эди. Тўғри гап. Муҳаббат ажойиб нарса. Аммо икки кишидан бирига ҳамиша зерикарли бўлади. Иккинчиси эса қуп-қуруқ қолаверади. Ниманидир кутади... Телбаларча кутади...

— Тушунарли, — дедим мен. — Лекин муҳаббатсиз инсон — таътилга чиқсан марҳумдай гап-ку.

— Сен мендан ибрат ол, — жавоб берди Роза. — Бола асраб ол. Муҳаббатингни ўша болага берасан, кўнглинг хотиржам бўлади.

— Раҳмат, — дедим мен. — Шуниси етмай турувди.

Роза бошини сарак-сарак қилди.

— Ох, Артур мени шунақа дүппослардик! Лекин ҳозир тел-  
пагини қашарига қўндириб кириб қолса борми... Э, худойим-  
ей! Ўласам — этим жунжикиб кетади!

— Ке, Артурнинг соғлиги учун ичамиз.

Роза кулиб юборди.

— Майли, омон бўлсин ўша саёқ ҳам!

Ичдик.

— Хайр, Роза. Овинг бароридан келсин!

— Раҳмат. Хайр, Робби!

Эшик очилди.

— Салом, — деди Патриция Хольман. — Нега ҳомушсиз?

— Йўқ, унақамас! Ўзингиз қалайсиз? Тузалиб қолдингизми?

Нима бўлди?

— Ваҳима қиласидиган жойи йўқ. Озгина шамоллабман, сал  
ҳароратим кўтарилди.

Ростдан ҳам у бетобга ўхшамасди. Аксинча, қўзлари менга  
ҳеч қачон бунақа катта-катта ва чақноқ кўринмаганди, икки юзи  
қип-қизил, ҳаракатлари охуларникӣай енгил.

— Кўринишингиз яхши, — дедим мен. — Сирайм қасалга  
ўхшамайсиз! Бугун тўйиб сайр қиласиз.

— Қанийди, — жавоб берди у. — Бугун иложим йўқ-да.

Қизга анграйиб қарадим.

— Иложим йўқ?

У бош чайқади.

— Афсуски, шундай.

Мен ҳамон тушунмаётгандим. Патриция меникига келишдан  
айниган, мен билан бошқа жойда овқатланмоқчи, деган ҳулоса  
чиқаздим.

— Кўнфироқ қилсан, йўқ экансиз, — деди у. — Овора бўлманг,  
деб огоҳлантириб қўймоқчи эдим.

Ниҳоят, тушундим.

— Ростдан ҳам иложингиз йўқми? Бутун оқшом бандмисиз?

— Бугун шунақа бўп қолди. Бир жойга боришим керак. Ўзим  
ҳам буни ярим соат олдин билдим.

— Бошқа кунга кўчиролмайсизми?

— Афсуски йўқ, — деди у кулиб. — Иш билан боғлиқ учрашув.

Тепамдан бирор музделек сув қуйиб юборгандек бўлди. Ҳамма  
нарсани тахмин қилишим мумкин эди, лекин буни эмас. Қиз-  
нинг сўзларига ишонмаётгандим. Иш билан боғлиқ учрашув —  
лекин кўриниши унақа эмас! Балки баҳона қилаётгандир. Кеч-  
курун қанақа иш билан боғлиқ учрашув бўлиши мумкин? Кун-  
дизи бўлади-да. Кейин, ярим соат илгари билганмиш. Ўзи ҳоҳла-  
маяпти — бор гап шу.

Ёш боладай хафа бўлиб кетдим. Бу оқшом мен учун нақадар  
азизлигини мана энди ҳис этдим. Лекин сир бой бермадим.

— Майли, — дедим қизга. — Зорим бор, зўрим йўқ. Хайр.

Патриция менга синовчан назар ташлади.

— Ҳали вақт бор. Соат тўққизга келишганмиз. Пича айланишимиз мумкин. Бир ҳафтадан бери уйдан чиққаним йўқ.

— Бўпти, — рози бўлдим истар-истамас. Бирдан руҳимни аллақандай ҳорғинлик ва ҳафсаласизлик чулғаб олди.

Кўчадан шошмасдан кета бошладик. Осмон тиниқлашган, томлар тепасида юлдузлар чаракларди. Биз йўлкадан майсазор бўйлаб борарадик. Ичкарироқда бир исча бута қорайиб кўринди. Патриция Хольман шартта тўхтади.

— Сиренъ, — деди у. — Сиреннинг ҳиди келяпти. Наҳотки! Ҳали эрта-ку.

— Ҳеч қандай ҳидни созаётганим йўқ, — жавоб бердим мен.

— Йўқ, сиреннинг ҳиди келяпти, — у панжара устига энгашди.

— Бу антиқа дарахт, бекам, — қоронғилиқдан дағал овоз эшитилди.

Сал нарида дарахтга суюниб, сарғиш нишонли фуражка кийган боғбон турарди. У хисёл чайқалиб, ёнимизга келди. Чўнтағидан шишанинг оғзи чиқиб турарди.

— Бугун кўчириб ўтқаздик, — деди у. — Ана.

— Ҳурсандман, — жавоб берди Патриция, кейин менга қарди. — Ҳалиям сезмаяпсизми?

— Йўқ, энди сезяпман, — жавоб бердим боягидай беҳафсала. — Тоза буғдойдан қилинган арақнинг ҳидини сезяпман.

— Топдингиз! — Боғбон шундай деб, қаттиқ кекирди.

Турфа гулларнинг сурмаранг қоронғилиқдан сизиб чиқаётган муаттар ҳидини сезиб турардим, албатта, лекин буни тан олгим келмасди.

Қиз кулиб, қоматини ростлади.

— Қандай ажойиб, айниқса, уйда узоқ ўтирганингдан кейин! Аксига олиб, шу бугун иш чиқиб қолганини қаранг! Биндингда! Уники доим шошилинч. Учрашувни эртага қолдирса ҳам бўлаварди!

— Биндинг? — сўрадим мен. — Биндинг билан учрашасизми?

Қиз тасдиқлаб, бош силкиди.

— Яна бир одам ҳам бор. Ҳаммаси ўшанга боғлиқ. Жиддий бир иш. Тасаввур қиляпсизми?

— Йўқ, — дедим мен. — Буни тасаввур қилолмайман.

Қиз яна кулиб, тушунтира бошлади. Аммо мен эшиитмасдим. Биндинг! Менни худди чақмоқ ургандай бўлди. Патриция уни мендан кўра яхшироқ билишини ўйламабман. Мен бақалоқнинг жудаям баҳайбат, ярқираб турган мосинасини, қимматбаҳо костюми билан ҳамёнини кўрдим, холос. О, менинг беҳуда ясатилган шўрлик хонам! Қаёқдан шу фикр миямга урилди-я! Ҳассининг чироги, фрау Залевскининг креслолари! Бу қиз менинг tengim эмас! Кимман ўзи? Бир кечага кадиллакни сўраб олган ялангоёқ, ночор пиянистаман, бошқа ҳеч нарса эмас! Менга ўшаганлар ҳар қадамда учрайди. «Лоза» ресторани эшиги олди-

да турган дарбоннинг Биндингни қандай кутиб олишини, ёп-ёруғ, иссиқ, шинам хоналарни, тамаки тутуни ва башанг кийинган одамларни кўз олдимга келтирдим, мусиқа садолари ва қаҳқаҳалар, меснинг устимдан кулаётган кишиларнинг қаҳқаҳалари қулоғим остида янграгандай бўлди. «Қайт орқангга, — ўладим ичимда — қайт. Нима қиляпсан ўзи? Озигина умид туғилган эди, холос. Бошқа ҳеч нарса бўлгани йўқ. Қадамни ўйлаб босиш керак эди. Энди орқага қайтишдан бўлак чора йўқ!»

— Агар ҳоҳласангиз, эртага кечқурун учрашишимиз мумкин, — деди Патриция.

— Эртага кечқурун бандман, — жавоб бердим мен.

— Бўлмаса, индинга ёки ҳафтанинг исталган куни. Бошқа ҳамма кунларим бўш.

— Қийин бўлса кераг-ов, — дедим мен. — Бугун шошилинч буюртма олдик. Ҳафта давомида алламаҳалгача ишлашимизга тўғри келади.

Бу ёлғон гап эди, лекин шуңдай демасам бўлмасди. Бирдан қонимда ғазаб ва алам ўти ловиллаб кетганини сездим.

Майдонни кесиб ўтиб, қабристон ёнидаги кўчага тушиб олдик. Узоқдан Роза кўринди. У «Интернациональ»дан келаётганди. Кўнжи узун этиги ёғ тушса ялагудек. Мен бурилиб кетишим мумкин эди, эҳтимол, бошқа маҳал бўлганда шундай қилардим ҳам, аммо ҳозир тўппа-тўғри рўпарасига қараб юравердим. Роза, гўё биз бир-биримизни танимайдигандай, тескари қаради. Ёзилмаган қонун шунаقا: бу қизлардан бирортаси, ёнингизда одам бўлса, сизни танимайди.

— Салом, Роза, — дедим мен.

У нима қилишини билмай, олдин менга, кейин Патрицияга кўз қирини ташлади-да, бош силкиб, тез-тез юриб кетди. Сал ўтмай, юзига упа-эликни обдан чаплаган Фриццига дуч келдик. У орқасини ўйнатиб, сумкачасини қўлида айлантирганча келарди. Яқинлашганда, менга лоқайд назар ташлади.

— Салом, Фрицци!

У маликалардай бош эгди, аммо таажжубланганини сездирмади; қадами тезлашганини сезиб турибман, биламанки, Розага етиб олиб, бўлиб ўтган ҳозирги воқеани муҳокама қилмоқчи. Ҳалиям ён кўчага бурилиб кетсам бўларди, сабабки, ҳаял ўтмай бошқаларига ҳам дуч келишим мумкин, — ҳозир айни «ов» пайти. Аммо мен қайсарлик билан олдинга қараб юравердим — хўш, нима учун улардан қочишим керак; ахир, бу қизларни ёнимда кетаётган қиздан, унинг Биндинги билан бъюикидан яхшироқ биламан-ку. Майли, кўраверишсин, яхшилаб кўриб қўйишин.

Дарҳақиқат, ҳаммалари бирин-кстин ёнимиздан ўтишиди — башанг кийинган, хушбичим, соҳибжамол Валли, ёғоч оёқли Лина, чорпахил Эрна, «жўжа» лақабли Марион, қизил юзли Марго, хотинчалиш Кики ва ниҳоят, болдир томирлари ўйнаб, ўзи пати юлингган бойқушга ўҳшаб қолган Мими буви. Ҳаммалари билан сўрашдим, сарделка солингган қозони олдида ўтирган «онахон» ёнидан ўтастганимизда эса қўлини астойдил қисиб қўйдим.

— Танишларингиз кўп экан, — деди Патриция анча сукутдан кейин.

— Ҳа энди, кўча кўрган одаммиз-да, — жавоб бердим пингимни бузмай.

У менга тикилиб қараганини сездим.

— Энди орқага қайтсак ҳам бўлар, — деди у.

— Майли.

Биз Патрициянинг йўлаги олдида тўхтадик.

— Омон бўлинг, — дедим мен, — оқшомни кўнгилдагидай ўтказинг.

Қиз жавоб бермади. Қўнғироқ тумачасидан нигоҳимни аранг узуб, Патрицияга қарадиму кўзларимга ишонмадим. Мен уни таҳқирланган деб ўйлагандим, аммо қиз кулиб турар, кўзларидан учқун сачрарди. Бирдан у хоҳолаб кулиб юборди. Шунақа бегубор кулдик... Қиз менинг устимдан кулаётганди.

— Бола экансиз, — деди у. — Худо ҳаққи, ёш бола экансиз!

Унга жовдираб қарадим.

— Ҳа энди... — дедим дудуқланиб, — ҳар ҳолда... — Бирдан ноқулай аҳволга тушиб қолганимни англадим. — Ҳали мени жинни ҳам дерсиз?

Қиз яна кулди. Уни маҳкам бағримга босдим. Нима деб ўйла-са ўйлар. Сочи ёноқларимга тегди, юзи шу қадар яқин эдики, шафтолининг нафис ҳидини туйдим. Кейин кўзлари яқинлашди ва бирдан у лабларини лабимга босди...

Нима бўлганини англаб улгурмасимдан қиз гойиб бўлган эди.

Қайтишда яна сарделка сотиб ўтирган «онахон» ёнига келдим.

— Бир порси беринг.

— Горчица ҳамми? — сўради у. «Онахон» оппоқ, топ-тоза пешбанд боғлаб олган эди.

— Ҳа, горчицадан кўпроқ солинг.

Қозон олдида тик турволиб, сарделкани иштаҳа билан едим. Алоис «Интернациональ»дан бир кружка пиво опчиқиб берди.

— Инсоннинг табиати қизиқ-да, онахон, нима дедингиз?

— Ҳақ тап,— жавоб берди у жон-жаҳди билан. — Мана, масалан, кечак: бир жаноб сосискани еди-еди, тўлай деса, пули йўқ. Тушуняпсанми? Кеч бўп қолган, теварак-атрофда одам қораси кўринмайди. Ҳўш, нима қилишим керак эди? Кўйвордим. Ўша одам бугун келиб, ҳисоб-китоб қилди, яна чойчақа ҳам ташлаб кетди. Мана бунақалари ҳам бўлади ҳаётда.

— Унақалар урушдан олдин бўларди, онахон. Умуман савдо қалай кетяпти?

— Ёмон. Кечак атиги стти порси сосиска билан тўққиз порси сарделка сотдим. Агар қизлар бўлмаганда, ҳолимга маймуналар йиғларди.

Қизлар деганда у фоҳишаларни қазарда тутаётганди. Улар «онахон»га қўлларидан келганча ёрдам бериб туришарди. Бирорта «куёв»ни илинтиришса, албатта, «онахон»нинг ёнидан

үтишар, бир порсидан сарделка еб, шу тариқа уни құллаб-күвватлашарди.

— Ҳадемай күнлар илииди, — давом этди «онахон», — қиша азоб... Ҳар қанча қалып кийинма, совуқ жолингдан ўтиб кетади.

— Яна сарделкадаң беринг, — дедим мен, — бугун кайфиятим жудаям яхши. Үйлар тинчми?

У менга кичкина, сувдай рангсиз күзларини тикди.

— Ўша аҳвол. Яқында қаравотни опчиқиб сотди.

«Онахон» оиласи эди. Үн үйл бурун эри юриб кстаёттан метро поездига чиқаман деб остига құлаб тушган, оқибатда иккала оғидан айрилғанди. Бахтсизлик унга ғалати таъсир күрсатди. Ногирон бўлиб қолгач, хотини билан ётмай кўйди — уялди. Бундан ташқари, касалхонада қорадорига ўрганди. Бора-бора тубанлашиб, баччабозлар гуруҳига қўшилди, эллик үйил рисоладаги-дай эркак бўлиб юрган одам ўғил болалар даврасидан чиқмай қолди. Улардан уялмасди, чунки болалар ҳам эркак жинсидан-да. Аёллар учун у ногирон, назаридан, аёллар ундан жирканадигандай. Буни у ҳазм қилолмасди. Эркаклар орасида эса ўзини бошига кулфат тушган кишидай ҳис этади. Болалар ва қорадорига пул топиш учун «онахон»нинг бор бисотини ўғирлаб сота бошлияди. Аммо «онахон», гарчи эри тез-тез дўппослаб турса ҳам индамасди, унга суюниб қолганди. Ўғли билан ҳар кечада эрталаб соат тўртгача кўчада сарделка сотарди. Кундузи кир-чир ювар, зина-пояни супуриб-сириарди. Хушмуомала эди, гарчи озиб-тўзиб кетган, ичагида яраси бўлса ҳам ҳаётидан нолимасди. Баъзан эрининг тоқати тоқ бўлиб кетар, шунда у хотинининг олдига келиб, йиғларди. Бу «онахон» учун энг яхши дамлар эди.

— Ҳалиям ўша ишингдамисан? — деб сўради у.

— Ҳа, онахон. Топиб-тутишим ёмон эмас.

— Унақа бўлса, маҳкам ушла ўша жойни.

— Ҳаракат қиласман, онахон.

Үйга келдим. Эшик олдидан хизматчи Фрида турарди. Худонинг ўзи етказди уни менга.

— Ажойиб қизсиз, Фрида, — дедим унга яхши кўриниш ниятида.

У сирка ичган одамдай, афтини буриштириди.

— Рост, — давом этдим мен. — Қачонгача бир-бири мизга ёв бўлиб юрамиз, умр қисқа. Одамнинг бошига ҳар хил күнлар тушади. Ҳозирги замонда аҳил бўлиш керак. Келинг, ярашайлик!

Қиз узатган қўлимга қарфамади ҳам, «исқиқрт пиянисталар» тўғрисида бир нималар деб тўнғиллаганча, эшикни қарсиллатиб ёпиб, ичкарига кириб кетди.

Георг Блокнигини тиқиллатдим. Эшик остидан чироқ нури кўришиб турарди. У дарс тайёрлаб ўтирган экан.

— Юр, Жоржи, овқатланамиз, — дедим унга.

Менга ичи ачиб чақирияпти, деб ўйлади шекилли, таклифимни рад этди.

— Қорним түқ.  
— Сен олдин қанақа таомлигини бир күр, — дедим мен. — Юр, бары бир бузилиб қолади. Ташлаворғандан нима фойда?

Йўлакдан кетаётганимизда Эрна Бенигнинг эшиги қия очиқ-лигини кўрдим. Шу пайт Хасселарнинг эшиги ҳам бир энлик очилди. Билдимки, ҳамма холаваччамнинг йўлини пойлаяпти.

Ёп-ёргу хонамда фрау Залевскининг кимхоб креслолари, Хассенинг серҳашам чироги. Столда ананас, олий навли ўпка-жигар колбасаси, дудланган чўчқа гўшти, бир шиша шерри-брэнди... Жоржи икковимиз бу тансиқ егуликларни пок-покиза тушириб бўлган пайтимизда эшик тиқиллаб қолди. Ҳозир нима бўлишини билардим.

— Жоржи, қараб тур! — дедим-да, қаттиқ овоз бердим: — Киринг!

Эшик очилиб, фрау Залевски кириб келди. Унинг ичини синчковлик ўти ёндираётганди. Умрида биринчи марта шахсан ўзи хат олиб кириши — менга хос таомларни танаввул этиш тавсия қилингандай қоғоз. Кўриниши башанг — кўйлаги устидан попукли оқ рўмол ташлаб, кўксига марҳум Залевскининг сурати туширилган тўғнағич қадаб олган. Юзидаги соҳта табассум қотди-қолди; довдираб қолган Жоржига таажжуб билан қаради. Хоҳолаб кулиб юбордим. У дарров ўзини ўнглаб олди.

— Ҳа, паттандизни қўлингизга тутқаздими? — деди у аччиқ киноя билан.

— Шунақа бўлди, — жавоб бердим мен ҳамон унинг кийимидан кўз узмай. Яхшиям, Патриция келмади.

Фрау Залевски менга ёвқараш қилди.

— Кулинг, кулинг! Ҳар доим айтардим: бошқаларнинг юраги ўрнашган жойда сизда шнапс шишаси жойлашган.

— Зўр гап! — жавоб бердим унга. — Рухсат этсангиз, озгинадан...

У ўйланиб қолди. Лекин синчковлик ғолиб келди, балки яна бирор нарсани билволар. Мен шерри-брэнди шишасини очдим.

Кейинроқ, ҳаммаёқ тинчигач, пальто билан адёлни қўлтиқлаб, йўлакдаги телефон олдига чиқдим. Аппарат турган стол ёнига чўйкалаб, бошимни адёл билан пальтога ўраволдим, чап қўлим билан пальтонинг бир четини ушлаб, гўшакни кўтардим. Гапларимни бирор эшиитмаслиги учун шундай қилдим. Фрау Залевскининг пансионида узунқулоқлар кўп. Омадим келди. Патриция Хольман уйда экан.

— Аїча бўлдими сирли учрашувдан қайтганингизга? — сўрадим ундан.

— Бир соатча бўп қолди.

— Аттанг. Билмабман-да...

Қиз кулди.

— Бары бир ҳеч нарса ўзгармасди. Ётибман, яна сал ҳороратим күтарилиди. Барвақт қайтганим яхши бўлган экан.

— Ҳорорат? Нега унақа бўлди?

— Ҳечқиси йўқ. Ўзингиз нима қилдингиз?

— Бекам билан халқаро вазият хусусида сұхbatлашдим. Ўзингиз-чи? Ҳаммаси жойидами?

— Худо хоҳласа, ҳаммаси жойида бўлади.

Бошпанам, худди маймунлар қафасидай исиб кетди. Бинобарин, ҳар гал қиз гапираётганда адёлни кўтариб, муздай ҳаводан нафас олар, жавоб қайтараётганда яна бошимни ўраволардим.

— Танишларингиз орасида Роберт исмли одам йўқми? — сўрадим мен.

Қиз кулди.

— Йўқ шекилли.

— Афсус. Бу исмни қандай талаффуз қилишингизни эшитмоқчи эдим. Эҳтимол, бир уриниб кўрарсиз?

У яна кулди.

— Қизиқчилик учун-да, — дедим мен. — Масалан: «Роберт эшак».

— Роберт болакай...

— Талаффузингиз чиройли, — дедим мен. — Келинг, энди «Робби» деб кўрамиз. Демак, «Робби».

— Робби пияниста... — олисдан майнин овоз эшитилди. — Энди ухлайман. Уйқу дори ичувдим, бошим гувиллаб кетялти.

— Хўп, яхши ётиб туриңг.

Гўшакни қўйиб, бошимдан пальто билан адёлни кўтариб ташладим. Ўрнимдан турдиму донг қотиб қолдим. Рўпарамда ошхона ёнидаги хонада яшайдиган нафақадаги кассир турарди. Жоним чиқиб, бир нима деб тўнғилладим.

— Тсс! — деди у тишларини гичирлатиб.

— Тсс! — жавоб бердим мен ҳам ичимда уни бўралаб сўкиб.

У бармоғини кўтарди.

— Сизни сотмайман. Сиёсий масала, шундайми?

— Нима? — дедим ҳайрон бўлиб.

У кўзини қисди.

— Ташишланманг. Ўзим ҳам ўта ўнглар тарафидаман. Махфий сиёсий сұхбат, тўғрими?

Уни энди тушундим.

— Юксак даражада сиёсий! — дедим мен ҳам тишларимни гичирлатиб.

У бош силкиб, пичирлади:

— Жаноби олийларига шон-шарафлар!

— Беадад шон-шарафлар! — жавоб бердим унга. — Менга қаранг, телефонни ким ихтиро қилганини билмайсизми?

У таажжубланиб, тепакал бошини сарак-сарак қилди.

— Мен ҳам билмайман. Аммо-лекин, ким бўлса ҳам зўр одам экан...

## IX

**Я**кшанба. Пойга куни. Бир ҳафтадан бүён Кестер ҳар куни машқ қиласы. Кечкүрүнлари ярим кечагача «Карл»ни титкилаб чиқамиз: барча қисмларини күздан кечириб, эңг майда мурватларигача ҳафсала билан мойлаймиз. Бугун ҳам эхтиёт қисмлар омбори олдида ўтириб, Кестернинг старт майдонидан қайтишини кутяпмиз.

Ҳаммамиз жам бўлганмиз: Грау, Валентин, Ленц, Патриция Хольман, эңг муҳими Юпп — у комбинезон ва пойгачиларнинг кўзойнакли шлемини кийиб олган. Вазни бизникidan енгил бўлгани учун мусобақа пайтида Кестернинг ёнида ўтириши керак. Тўғри, Ленцнинг озгина хавотири бор. Юппнинг машина ойнасидан чиқиб турадиган елпигичдай қулоғи ҳаво қаршилигини кучайтириб, тезликни камида йигирма километрга пасайтириб юборармиш ёки, аксинча, машина самолётга айланиб кетармиш.

— Дарвоқе, нега исмингиз инглизча? — деб сўраб қолди Готтфрид ёнида ўтирган Патриция Хольмандан.

— Онам инглиз бўлган. Исли ҳам Пат.

— Пат. Бу бошқа гап. Талаффузга ҳам енгил. — У стакан билан шишани қўлига олди. — Мустаҳкам дўстлик учун, Пат. Менинг исмим Готтфрид.

Анқайиб қолдим. Шу пайтгача қизни нима деб аташни билмай юрган эдим, бу бўлса куппа-кундузи бемалол у билан кулишиб, ҳазиллашиб ўтирипти. Пат ҳам уни тортинмасдан Готтфрид деб атаяпти.

Ҳаммасидан ҳам Фердинанд Грау оширворди. У қиздан кўз узмас, нуқул баландпарвозд шеърлар ўқир ва албаттга, суратингизни чизишим керак, дерди. Ростдан ҳам яшикка ўтировлиб, қалам билан Патнинг суратини чиза бошлади.

— Менга қара, Фердинанд, қари тия, — дедим қўлидан альбомни олиб. — Сен тирикларга кўз тикма. Сенга ўликлар ҳам стади. Ундан кўра бошқа гаплардан гаплаш. Бу қизга муносабатим жилдий.

— Бўлмаса, ресторон эгасидан менга қолган меросни бирга ичиб тутгатасизларми?

— Ҳаммасини эмас. Бир қисмига шерик бўлишимиз мумкин, — дедим мен.

— Майли. Унда сени аяйман, болакайим.

Пойга йўлини моторларнинг кучли шовқин-сурони ларзага келтирди. Ҳаммаёқни куйган мой ва бензин ҳид тутиб кетди. Мўъжизали, энтиклирувчи ҳид, моторларнинг мўъжизали, энтиклирувчи куюни.

Ёнгинамизда яхши жиҳозланган хоналарда механиклар куймаланишарди. Биз омонатгина қуролланган эдик. Уч-тўртта ас-

боб-ускуна, ўт олдириш свечалари, қандайдир фабрика томонидан совға қилинганин иккита янги филдирак, майда-чуйда эҳтиёт қисмлар — бор-йўғи шу. Кестер бирорта автомобиль заводининг вакили эмас, ўзига ўзи вакил эди, бинобарин, барча харатларни ўз зиммамизга олгандик. Кўлимизда энг зарур нарсалар бор эди, холос.

Отто олдимизга пойга кийимиши кийиб олган Браумюллэр билан бирга келди.

— Хўш, Отто, — деди у, — агар бугун свечаларим дош берса, ҳолингга вой! Лекин дош беролмайди-да.

— Кўрамиз, — жавоб берди Кестер.

— «Қирсилдоқ Қўнғиз»дан эҳтиёт бўл! — Браумюллэр «Карл»га пўписа қилди.

Унинг янги, оғир машинаси шундай деб аталарди. Бу машинани пойгада биринчи ўринни олишга имконияти бор, деб ҳисоблашаётганди.

— «Карл» адабингни бериб қўяди, Тео! — деди Ленц. Браумюллэр уни болохонадор қилиб сўкмоқчи эди, Патрицияни кўриб қолиб, дамини ичига ютди. Бир оз талмовсираб турди-да, нарироқ кетди.

— Фалаба бизда! — деб хитоб қилди Ленц.

Йўлда мотоциклларнинг уввоси эшишилди. Кестер тайёрлана бошлади. «Карл» спорт машиналари тоифасига киритилганди.

— Сенга ортиқча ёрдам беролмаймиз, Отто, — дедим асбобускуналаримизга ишора қилиб.

У қўл силтади.

— Кераги йўқ. Агар «Карл»га бир гап бўлса, бутун бошли устахона ҳам ёрдам беролмайди.

— Қайси ўринда кетаётганингни кўрсатиб турадиган асбоб қўйиб берайликми?

Кестер бош чайқади.

— Баравар старт берилади. Ўзим кўраман. У ёғини Юпп кузатиб боради.

Юпп мамнун бош силкиди. У тўлқинланганидан титраб турар, нуқул шоколад чайнарди. Лекин ҳозир шунақа, старт берилгандан кейин ўзини босволади. Буни яхши биламиз.

— Қани, кетдик бўлмаса. Ишимиз ўнгидан келсин!

«Карл»ни озгинна олдинга итардик.

— Стартда депсиниб қолма, суюкли ўлаксам, — деди Ленц радиаторни сийпалаб. — Кекса отангни шарманда қилма, «Карл»!

«Карл» юриб кетди. Орқасидан қараб қолдик.

— Анови тошбақага қаранглар! — деган овоз эшишилди ногаҳон ёнимиздан. — Айниқса, кетинги кўприги... Туяқушнинг ўзи-я!

Ленц қип-қизарib кетди.

— Оқ машинани айтаяпсизми? — сўради у ўзини аранг босиб.

— Албатта-да, — жавоб берди ён бўйлада ишлаётган барваста механик. У беписандлик билан шундай деди-ю, шеригига пиво

тұла шишани узатди. Ленцинг жоң-попи чиқиб кетди. Пастак таҳта түсіқдан сакраб үтмоқчи бўлган эди, базур ушлаб қолдим. Хайрият, сўқиншишга улгурмади.

— Кўйсанг-чи! — дедим унга. — Бизга шу ерда кераксан. Элдан бурун касалхонага тушиб қолишининг нима кераги бор!

Готфрид нуқул ҳалиги одамга хезланарди. У «Карл» шаънига айтилган бирорта ёмон сўзни ҳазм қилолмасди.

— Кўрдингизми, — дедим Патриция Хольманга. — Бу даканг хўрзни яна хаёлпараст ҳам дейишиади. Шуни шеър ёзганига ишонасизми?

Бу гап дарров унга таъсир қилди. Атайлаб нозик жойига теккан эдим.

— Урушдан олдин ёзганман, — деди Ленц, худди гуноҳ иш қилгандай. — Бундан ташқари, болакай, пойга пайтида қизишиб кетиш уятмас. Шунақамасми, Пат?

— Ақдан озиш ундан ҳам зўр!

— Бебаҳо сўзлар!

Бирдан моторларнинг шовқини ҳаммаёқни босиб кетди. Ҳаво, ер, осмон бараварига титради. Бир тўда машина олдимиздан ўқдай учиб ўтди.

— Охиридан иккинчи! — деб фўлдиради Ленц. — Бизнинг йўлбарс бари бир стартни яхши ололмаган.

— Ҳечқиси йўқ, — дедим мен. — «Карл» стартга бўшроқ. Жойидан секин қўзгалади, лекин уни кейин тўхтатиб бўлмайди.

Моторлар шовқини сал пасайгач, радиокарнайнинг овози эшилди. Қулоқларимизга ишонмадик: энг хавфли рақиблардан бири Бургер старт пайтида панд еб қолган.

Яна машиналарнинг гувуллагани эшилди. Улар узоқдан далани босган чигирткалардай кўринар, сўнг тез катталашиб, минбар ёнидан шамолдай ўтиб костишарди. Пойгода олтида машина қолган, «Карл» ҳамон охиридан иккинчи эди. Биз тайёр турардик. Муюлиш ортидан двигателларнинг наъраси ва гулдурак акс садо гоҳ заиф, гоҳо баралла эшиллар, сўнг машиналар тўғри йўлга тушиб оларди. Олдиндаги биринчи машина билан иккинчи ва учинчи машиналар кетма-кет борарди. Уларнинг ортидан Кестер: у қайрилишда рақибидан ўзиб кетиб, тўртинчи ўринга ўтиб олган эди.

Булуллар ортидан қўёш кўринди. Тилим-тилим нур ва соя тасмалари пойга йўлинини бир зумда йўлбарс терисига ўхшатди-қўйди. Булуллар кўланкаси томошабинилар устидан сузуб ўтарди. Моторлар сурони қақшаб кетган асабларимизни баттар пармалай бошлади. Ленц оғирлигини у оёғидан-бу оёғига солар, оғзи-даги сигаретани чайчайвериб, шилта қилиб юборган эди. Патриция эса, эрта тоғдаги қулундай, хавотирланиб-хавотирланиб нафас оларди. Фақат Валентин билан Граугина беспарво. Улар бамайлихотир офтобда исиниб ўтиришибли.

Яна олдимиздан мошиналар ғувуллаб ўтди. Биз Кестердан кўз узмасдик. Отто жавоб тариқасида бош иргиб қўйди. Баллонларни алмаштиришни хоҳламади. Кейинги айланиб ўтишида у учинчи мошинага стиб олган эди. Шу алпозда яна кўздан гойиб бўлишиди.

— Ёмопмас! — Ленц шишани кўтариб, бир қултум ичди.

— Бу томони зўр, — дедим Патрицияга. — Қайрилишда рақибларини доғда қолдиради.

— Пат, бир қултум ичасизми? — шундай деб, Ленц шишани қизга узатди.

Унга ранжиб қарадим. Аммо Готтфрид бу нигоҳимга киприк қоқмай бардош берди.

— Стакан тузук, — деди Патриция. — Бунақа ичишга ўрганмаганман.

— Яхшимас! — Готтфрид стакани олди. — Замонавий тарбиянинг кусури бу.

Кейинги давра айланишларида мошиналар оралиғи узайди. Олдинда Браумюллар бораарди. Тўртта мошина аста-секин уч юз мстр ўзиб кетди. Кестер учинчи пойгачини таъкиб қилганча минбар орқасида гойиб бўлди. Кейин мошиналар яна бизга яқинлашди. Сапчиб туриб кетдик. Учинчи мошина қани? Отто энди олдиндаги иккита мошинани таъкиб қилаётганди. Ниҳоят, учинчи мошина ҳам кўринди. Орқа баллонлари дабдала бўлиб кетганди. Ленц ичи қоралик билан кулиб қўйди: мошина ёнимиздаги хона олдига келиб тўхтади. Барваста механик сўқинди. Бир зумда мошинани созлашди.

Яна бир неча давра айланишди, аммо вазият ўзгармади. Ленц вақтни кўрсатадиган асбобни бир четга қўйиб, хомчут қила бошлиди.

— Ҳали «Карл»нинг имкониятлари бор, — деди у.

— Бошқаларда ҳам бўлиши мумкин.

— Нафасингни ел олсин! — У менга еб юборгудай қаради.

Ҳали яна битта айланиш бор эди. Кестер тағин бош иргаб, ўтиб кетди. У таваккал қилиб, баллонларни алмаштирумасдан пойгани тугатмоқчи эди. Ҳаво ҳали салқин бўлгани учун баллонлар охиригача чидаш берса ажабмас.

Кенг майдон ва минбарлар узра кутишнинг асабий дақиқалари бошланди — пойганинг сўнгги босқичи қолганди.

— Ҳамма дарахтга ёпишсин, — дедим болғача дастасини қисиб. Ленц қўлини бошимга қўйди. Итариб ташладим. У илжайиб, тахта тўсиқни чанглалади.

Шовқин гулдуросга, гулдурос наърага, наъра момақалдириқча айланди. Моторлар чинқириб, бор куч-имкониятларини ишга солганди. Браумюллар муюлишга ўқдай учиб кириб кетди. Ортидан иккинчи мошина ўтди. Унинг орқа ғилдираклари вишишлар ва гийчилларди. Бу мошина Браумюллердан қуий йўлакда эди. Афтидан, пойгачи пастки ҳалқага тушиб олишни мўлжаллаётганди.

— Овора бўласан! — деб қичқирди Ленц. Шу пайт Кестер кўринди. Унинг машинаси қаттиқ тезлиқда энг юқори йўлкага чиқди. Биз қотиб қолдик. Ишқилиб, «Карл» нарёққа учиб кетмаса бўлди. Йўқ, мотор бир маромда ишлар, машина ўз йўлида борарди.

— Кайрилишга охирги тезлиқда кирди! — дея хитоб қилдим мен.

— Тентак-да, — деди Ленц.

Биз тўсиққа кўксимишни тираб, юрак ҳовучлаб турардик. Нима бўларкин? Мен Патрицияни қўтариб, асбоблар солингаи яшик устига қўйдим.

— Шунда яхшироқ кўринади! Елкамдан ушлаволинг. Қараб туринг, бурилишда ундан ҳам ўзиб кетади.

— Ўзиб кетди! — қичқирди у. — Олдинга чиқволди!

— Браумюллера яқинлашяпти! Ўзинг мадад бер, о Мусо пайғамбар! — деб бақирди Ленц. — У ростдан ҳам иккинчини ортда қолдирди, Браумюллера хужум қиласпти!

Минбардагилар нафасини ичига ютиб ўтирипти. Муюлишдан уч машина отилиб чиқиб, бизга қараб кела бошлади. Биз тинмай қичқирадик, бизга Валентин билан йўғон овозли Грау ҳам қўшилишди. Кестер шаштидан қайтмади, иккинчи машинани ҳам қайрилишда қувиб ўтди — рақиби хатога йўл қўйган ва ўзи танлаган кескин бурилишда тезликни пасайтиришга мажбур бўлган эди. Энди Отто Браумюллор билан кетма-кет борарди. Оралиқ йигирма метрча, холос. Афтидан, Браумюллера свечалар панд берган эди.

— Бўш келма, Отто! Бос! «Кирсилдоқ қўнғиз»ни янчид ташла! — деб қичқирадик биз кўл силкиб.

Пойгачилар сўнгги бор бурилиб кетишли. Ленц нукул туморини силкитар ва қўмак сўраб, Осиё билан Жанубий Америка-нинг жамики худоларига илтижо қиласарди. Мен ҳам туморимни қўлимга олдим. Патриция елкамга суянганча, машиналар йўлини пойларди. Шу тобда у мармардан ясалган қўйма ҳайкални эслатарди.

Машиналар кўринди. Браумюллernerning мотори ҳамон тақилларди. Қўзларимни юмиб олдим; Ленц йўлкага орқасини ўгирди — ичимизда фақат «Э, худо!» — дердик. Бирорнинг қичқиригидан ўзимизга келдик. Кестер рақибидан икки метр олдинга ўтиб, марра чизигини биринчи бўлиб кесиб ўтган эди.

Ленц жинни бўла ёзди. У асбобни ерга улоқтириб, ҳар эҳтимолга қарши ушлаб турилган гилдирак устида оёғини осмондан қилди.

— Боя нима деганингиз?! — деб бақирди у барваста механикка шу алпозда турганча. — Тошибақа деганингиз?

— Тирғалма менга, овсар! — деди механик энсаси қотиб. Ашаддий саргузашт ишқибози ўз шаънига айтилган ҳақоратли сўзни ёшитиб, биринчи марта пинагини бузмади. У фақат куларди.

Биз Оттони кута бошладик. У ҳакамлар ҳайъати аъзолари билан гаплашиши керак эди.

— Готтфрид, — деган бўғиқ овоз эшитилди орқамиздан. Ўгирилиб қарасак, тепамизда жудаям тор йўл-йўл шим ва худди шундай қорамтирик костюм кийган одамсимон маймун турибди.

— Альфонс! — бирдан бақириб юборди Патриция.

— Худди ўзи! — деди у.

— Биз ютдик, Альфонс! — хитоб қилди қиз яна.

— Зўр бўпти, зўр бўпти! Демак, мен кечикибман-да?

— Сен ҳеч қачон кечикмагансан, Альфонс, — деди Ленц.

— Сизларга егулик у-бу нарса опкелувдим. Қовурилган гўшт, озгина сур гўшт. Кесиб қўйилган.

У қаттакон қоғоз халтани очди.

— Ў-хў, — деди Патриция Хольман, — бутун полкка етади-ку!

— Буни охирида гаплашамиз, — деди Альфонс. — Дарвоқе, анавиндан ҳам бор!

У иккита шиша чиқазди.

— Очиб, тайёрлаб қўйилган.

— Ўткир ичимлик-ку! — деди Патриция.

Альфонс дўстона кўз қисиб қўйди.

Шу пайт тарақа-туруқ қилиб, «Карл» олдимиизга келди. Кестер билан Юпп мошинадан сакраб тушиши. Юпп худди ёш Наполеонга ўхшарди. Қулоқлари қизарип кетган — сурат соладиган рангли ойнанинг айнан ўзи. Қўлида ниҳоятда хунук ишланган каттакон кумуш кубок.

— Олтинчи, — деди Кестер кулиб. — Бу йигитларнинг ўйлаб топгани фақат шу бўлди.

— Сенга шу даҳмазани раво кўришдими? — деб сўради Альфонс жиддий оҳангда. — Қуруғи-чи?

— Қуруғи ҳам бор, — Кестер уни тинчлантирган бўлди.

— Маза қиларканмиз-да, — деди Грау.

— Оқшомни яхши ўтказишимиз мумкин.

— Меникидами? — сўради Альфонс.

— Бу биз учун шараф! — деди Ленц.

— Чўчқанинг калла-почасидан нўхатли шўрва қилиб бераман.

Шу тобда унинг ҳурмати ошиб кетганини Патриция Хольманнинг юз ифодасидан ҳам сезса бўларди.

— Албатта, текинга, — қўшиб қўйди у.

Мой сачраган бир нечта свечани кўтариб, Браумюллар келиб қолди. У мағлубиятидан хуноб эди.

— Парво қилма, Тео! — деди унга Ленц. — Яқинда бўладиган болалар арвачаси пойгасида биринчи ўринни оласан.

— Ҳеч бўлмаса конъяк ичишда ютиб чиқай.

— Пиво кружкасида иссанг ҳам майли, — ҳазиллашди Грау.

— Шунда ҳам ютиб чиқишингиз даргумон, жаноб Браумюллар, — деди Альфонс худди ҳакамдай. — Шу пайтгача Кестернинг панд сканини кўрмаганман.

— Мен бұлсам, шу күнгача «Карл»нинг олдинда кетаётганини күрмаганман, — жавоб берди Браумюллэр.

— Худо сабр берсин, — деди Грау. — Ушла мановини. Мошиналар маданиятни маҳв этиши учун ичамиз.

Шаҳарга жүнай туриб, Альфонс келтирған егуликларнинг қолганини олиб кетмоқчы бўлдик. Ҳали уч-тўртта одам тўядиган озиқ-овқат бор эди. Бир маҳал қарасак, ерда ғижимланган қофоздан бошқа хеч нарса йўқ.

— Оббо, азamat-сй! — деди Ленц илжайиб турған Юппни кўрсатиб. Унинг иккала қўлида бир бўлакдан гўшт, қорни дўмбирарай шишиб кетган. — Бу ҳам ўзига хос рекорд!

Альфонснинг пивохонасида давом этган зиёфат пайтида, назаримда, ҳамманинг эътибори Патриция Хольманда бўлди. Грау яна суратингизни чизаманга тушиб қолди. Қиз кулиб, бунга сабри чидамаслигини, ундан кўра расмга тушиш қулайлигини айтди.

— Балки расмингизга қараб чизар, — Фердинандни чимчиб олгим келди. — Бу одам шу соҳага ихтисослашган.

— Жикиллама, Робби, — деди Фердинанд хотиржам оҳангда. У беғубор, мовий кўзларини Патрициядан узмасди. — Арақ сени қутуртиради, мени эса ювош қилиб қўяди. Икки авлод орасидаги фарқ мана шунда.

— Бор-йўғи ўн ёш каттасан, — дедим беписандлик билан.

— Бизнинг замонамиизда бу ёш авлодларни иккига ажратиб турари, — давом этди Фердинанд. — Бутун умрга, балки минг йилларга ажратиб турари. Ҳаёт тўғрисида нимани биласизлар? Сизлар ўз туйғуларингиздан чўчийсизлар. Сизлар мактуб ёзмай-сизлар — телефонда гаплашиб қўя қоласизлар. Ҳаёл суриш сизларга бегона — шанба-якшанба кунлари шаҳар ташқарисига чиқсанглар бўлди. Сизлар муҳаббатнинг ҳисоб-китобини қиласизлар, сиёсатнинг ҳисоб-китобини билмайсизлар — ана шунаقا noctor авлодсизлар!

Бир қулоғим Фердинандда-ю, наригиси Браумюллерда. У ўтирган жойида хиёл чайқалар, Патриция Хольманга, мосина ҳайдашни сизга ўзим ўргатаман, дерди. Ўргатармиш-а!

Кулай пайт келиши билан уни бир четга тортдим.

— Менга қара, Тео, аёлларга айланишиш спортчи учун жуда зарарли!

— Менга алоқаси йўқ, — деди Браумюллэр, — соғлигим жойида.

— Майли. Лекин билиб қўй: мана шу шиша билан бошингга бир туширсам соғлигинг жойида бўлмайди.

У жилмайди.

— Кўйсанг-чи, болагинам. Ҳақиқий назокатли одам қанақа бўлади. биласанми? Ғазабини тизгинлай олган одам назокатли бўлади. Кимлигимни биласан-а?

— Мақтанчоқсан!

Шу ерда ўтирганлардан бирортаси қизга ёмон күз билан қара-  
маслигига ишонардим: орамизда бунақа одат йўқ. Лекин қиздан  
күнглим тўқ эмас эди. Чунки биз бир-биримизни яхши билмай-  
миз. Унга оғайниларимизни бирортаси ёқиб қолса-чи? Бунақа  
бўлмайди, деб ким кафолат бера олади?

— Секин жилмаймизми? — пичирладим Патрицияга.

Қиз ўрнидан турди.

Кўчага чиқволдик. Кўкни булат қоплаган. Шаҳарни кўким-  
тири-кумушранг туман забт этмоқда. Патрициянинг кафтидан  
ушлаб, пальтомнинг чўнтағига солдим. Шу алфозда узоқ юрдик.

— Чарчадингизми?

Қиз майин жилмайиб, бош чайқади.

Қаҳвахона ёнидан ўтаётганимизда: «Кирамизми?» — десам:

— Йўқ... Кейин, — деб жавоб берди.

Ниҳоят, қабристонга яқинлашдик. У атрофини кўп қаватли  
тош бинолар оқими қуршаган осуда оролга ўхшарди. Дараҳтлар  
шовуллар, уларнинг тела шоҳлари кўк бағрига сингиб кетганди.  
Бўш скамейкага бориб ўтирик.

Рўпарамиздаги ўйлка четига ўрнатилган баланд чироқлар ат-  
рофида зарҳал доиралар ҳосил бўлган. Куюқ туман бағрида ғаро-  
йиб нур ўйини бошланди. Баҳор ҳидидан маст бўлган тиллакўн-  
гизлар япроқлар остидан вазмин учиб чиқиб, чироқ ёнида айла-  
на-айланана ахийри унинг нам шишиасига бориб урилишарди. Ту-  
ман ҳамма нарсани заминдан узиб олиб, уларга ажабтовур тус  
берганди. Рўпарадаги меҳмонхона асфальт кўзгусида бамисоли  
ҳамма чироқлари ёқиб қўйилган уммон кемасидай сузиб кетяп-  
ти, меҳмонхона ортидаги черковнинг кулранг кўланкаси синч-  
лари баланд хаёлий елканли қайиқقا ўхшайди. Кейин бинолар  
карвони ҳам ўрнидан қўзғалди...

Биз ёнма-ёни чурқ этмай ўтирадик. Туманда ҳамма нарса,  
жумладан, ўзимиз ҳам омонатга ўхшардик. Патрицияга қарадим, —  
чироқ нури унинг катта-катта кўзларида жилоланарди.

— Яқинроқ ўтир, — дедим унга, — тағин туман ютиб кетма-  
син...

Қиз менга бурилиб, кулимсиради. Оғзи ним очиқ, тишлари  
йилтирайди, тик қараб туриби... Аммо, назаримда, у мени сез-  
маётгандай, табассуми ҳам, нигоҳи ҳам ёнимдан сирғалиб ўтиб,  
кумуш оқимга қўшилиб кетаётгандай; гўё у япроқларнинг сехр-  
ли титроғи ҳамда дараҳтларнинг қорамтири танасидан сирғалиб  
тушаётгандан томчиларга омухта бўлиб кетган; бутун жисми қулоққа  
айлангану аллақандай эшитилмас товушларни илғаб туриби;  
худди мана ҳозир ўрнидан туриб, замин ва замонининг олис ҳамда  
мубҳам даъвати янграётгандан томонига туман оралаб бемақсад, ле-  
кин ишонч билан жўнаб қоладигандай.

Мен бу чөхрани ҳеч қачон унутмайман, гүзәл ва пурмаңын, нағис ва мұлойым, меңр ва нұрга йүғрилған бу чөхра қай тариқа мен томон әнғашганини, худо шоқид, унұтолмайман, кейин лаблары яқынлашды, күзлары бир мұддат жовдираб турди, сұнг үйгілі бу күзлар, гүе таслим бўлғандай, аста юмилди...

Теграмизда ҳануз туман айланарди. Унинг увадалари орасидан қабр тошларидаги хочлар фира-шира күзга ташланарди. Пальтомни ечиб, устимизга ёпдим. Шаҳар ғарқ бўлди. Вакт ўлди...

Шу алфозда узоқ ўтиридик. Аста-сескин шамол зўрайди. Бирдан рўпарамизда узун соялар пайдо бўлди. Қадам товушлари ва фўнғир-фўнғир гаплар қулоғимга чалинди. Сўнг гитаранинг заиф овози эшишилди. Бошимни кўтардим. Соялар яқынлашиб, қора шарпаларга айландию доира шаклини олди. Кўққисдан кўшиқ бошланди: «Исо Масих чорлайди сени...»

Титраб кетдим. Нима гап ўзи? Мабодо ойга келиб қолганимиз йўқми? Бу аёлларнинг ҳақиқий хор жамоаси эди.

— «Осий банда, қаддингни кўтар...» — қабристон узра ҳарбий марш оҳангига ана шу сўзлар янгарди.

Патга гарангсиб қарадим.

— Тушунолмай қолдим, — дедим унга.

— «Газарруга шошил, эй гумроҳ...» — кўшиқ давом этарди.

Бирдан ўзимга келдим.

— Ё парвардигор! Ахир бу Қутқариш Армияси-ку!

— «Гуноҳлардан фориғ бўл тезроқ...» — яна шарпаларнинг даъвати янгради. Мулойим оҳанг кучайиб бораради.

Патнинг кўзлари чақнар, кулгидан ўзини аранг тийиб ўтиради.

Қабристон тепасида эса кўшиқ қанот қоқарди:

Даҳшатли ўт, дўзах олови —

Гуноҳингга мукофот шудир.

Исо чорлар: «Эй, ғофил банда,

Кечикмасдан Оллоҳга юз бур!»

— Бўлди, бас! Ҳе, яшин урсин сенларни! — туман орасидан кимнингдир қаҳрли овози эшишилди.

Бир лаҳза парокандалик юз берди. Аммо Қутқариш Армияси бунақаларни кўп кўрган. Кўшиқ баттар авжга чиқди.

— «Ёлғиз киши не қилсин, э воҳ?» — дейишди аёллар бара-варига.

— Нима қиласарди, ўпишсин! — деб бақирди бояги овоз. — Наҳотки шу ерда ҳам тинчлик бўлмаса?

— «Шайтон йўлдан оздирмиш сени...» — жавоб қайтаришиди аёллар.

— Сен, қари мегажинлар, кўпдан буён бирорни йўлдан оздиромайсанлар! — Шу заҳоти туман орасидан луқма эшишилди.

Кулиб юбордим. Пат ҳам чидаб туролмади. Роса хохоладик. Бу олишув шаклан айтишувга ўхшаб кетарди. Қутқариш Армияси қабристондаги скамейкалар ошиқ-маъшуқлар учун қулай маскан эканидан хабардор эди. Севишгандар шаҳар гала-ғовуридан қочиб, шу срда ором топишарди. Шунинг учун художўй «Армиячилар» якшанбадан фойдаланиб, бетавфиқларга қақшатгич зарба беришга аҳд қилишганди. Устоз кўрмаган ашулачилар бор овозларини қўйиб, юқоридаги қўшиқ сўзларини айтишар, уларга ҳамоҳанг гитаралар тўнгирларди.

Қабристон жонланиб қолди. Туман ичидан пиқир-пиқир кулгилар ва хитоблар эшитила бошлади. Мундоқ қарасам, ҳамма скамейкаларда одам бор экан. Мұҳаббат ҳимоясига отланган танҳо исенкор булар тимсолида кўзга ташланмайдиган, аммо құдратли кучга эга бўлган эди. Норозилик белгиси сифатида зудлик билан қарши ҳужум уюштирилди. Булар орасида, афтидан, сошиб, ҳарбийлар ҳам кўп эди. Қутқариш Армиясининг марш мусиқаси уларни илҳомлантириб юборганди. Кўп ўтмай, «Мен Гамбургда бўлганман — чаманзорин кўрганман» деган қадимий қўшиқ янграй бошлади.

Қутқариш Армияси саросимага тушиб қолди. Аёллар шляпаларини силкита бошлашди. Кейин яна ҳал қилувчи ҳужумга ўтишга уриниб кўришди.

— «Елворамиз, ўжарликни кўй...» — Авж пардадан олди аёллар хори.

Аммо рақиблар бунга жавобан бошқа қуролни ишга солишди:

Мен исмимни айтмайман, зеро —

Мұҳаббатни пулга сотаман...

— Кетдик, — дедим Патрицияга. — Бу қўшиқни биламан. Ичida уят гаплари кўп. Тура қол!

Яна автомобиллар мўрмалаҳдай қатнаб турган шаҳарга чиқдик. Аммо шаҳар ҳануз тилсимот оғушида эди. Туман автобусларни баҳайбат махлуқларга, мосиналарни кўзлари ёниб турган мушукларга, дўкон витриналарини ўзига имлаётган бежама форларга айлантириб кўйганди.

Биз қабристон ёнидаги кўчадан юриб, луна-парк майдонини кесиб ўта бошладик. Яна ўша кучли мусиқа садолари остида айланиб турган, чироқлари кўзни қамаштирувчи чархпалак, қийқириқларга тўла шайтон лаганча, зангори нурга кўмилган арвоҳлар қасри.

— Худо сийлаган қаср! — дедим Патга.

— Нима учун?

— Чунки унга иккаламиз кирганмиз.

У бош иргади.

— Назаримда минг йил бўлгандай.

— Яна кирамизми?

— Йўқ, — дедим мен. — Кеч бўп қолди. Бирор нарса ичсанми?

Қиз бош чайқади.

Қаидай гўзал қиз-а! Айниқса, туман унинг ҳуснига ҳуси қўшиб юборганди.

— Чарчамадингми?

— Йўқ ҳали.

Биз ҳалқа отиладиган чодир ёнига бордик. Чодир олдиаги чироқлар кўкиш нур таратиб турарди. Пат менга қаради.

— Йўқ, — дедим унга. — Бугун отмайман. Битта ҳам отмайман. Искандар Зулқарнайнинг ичимлик тўла ертўласини ютсам ҳам отмайман.

Биз боғдан чиқиб кетдик.

— Қаердадир, шу ерда сирень бўлиши керак, — деди Пат.

— Ҳа, ҳиди келяпти. Рост. Сезиб турибман.

— Очилганга ўхшайди, — деди у. — Бутун шаҳарни сирень ҳиди тутиб кетибди.

Бўш скамейка қидириб, атрофга алангладим. Сирень баҳона-ми ёки якшанба бўлгани учунми, ёхуд омадимиз келмадими — бўш жой тополмадим. Ҳамма скамейкаларда жуфт-жуфт бўлиб ўтиришарди. Соатимга қарадим. Ўн иккidan ўтиб кетипти.

— Бизниги борамиз, — дедим қизга. — Ҳеч ким халақит бермайди.

Пат индамади, орқага қайтдик. Қабристонда кутилмаган ман-зарага дуч келдик. Қутқариш Армияси қўшимча кучларни жалб қилган эди. Энди хор жамоаси икки қатор эмас, тўрт қатор бўлиб турар, уларнинг таркибида бир хил кийинган эркаклар ҳам бор эди. Ингичка икки хил овоз ўрнига тўрт овоз омухта бўлиб, қудратли оҳанг осмонга ўрлар, қабр тошлари узра қўшиқ калима-лари сузиб юради: «О, Куддуси шариф...»

Рақиблардан ном-нишон қолмаганди, улар тор-мор этил-гандилар.

Мен ўқиган гимназиянинг директори: «Фосиқлик ва даҳо-ликдан кўра қатъият билан иштиёқ афзал», — деган гапни кўп такрорларди.

Эшикни очдим. Бир оз тўхтаб, чироқни ёқдим. Қаршимизда йўлакнинг ёқимсиз ҳалкуми аччиқ ичакдай чўзилиб ётарди.

— Қўзингни юм, — деб шивирладим Патга, — бу томоша чиниқкан одамларга мўлжалланган.

Уни даст кўтардим-да, худди ёлғиз келаётгандай, йўлакдан битта-битта босиб, хонамга кирволдим.

— Бефайз-а, тўғрими? — дедим Патга ва хонадаги одми жи-ҳозларга паришон назар ташладим, фрау Залевскининг кимхоб кресслолари, гилами, Хассенинг чироги ҳозир бўлганда эди...

— Нега унақа дейсан?

— Бефайз, бефайз, — шундай деб, драза олдига бордим. — Аммо манзара чиройли. Креслоларни дераза ёнига суралып келинди?

Пат хонада айланиб юрарди.

— Жудаям шинам, энг муҳими — иссиқ.

— Совқотяпсанми?

— Иссиқ бўлгани яхши-да, — деди у слкаларини хиёл қисиб.

— Совуқ билан ёмғирни хуш кўрмайман. Бунинг устига, менга зарарли.

— Э, аттанг... шунча вақт кўчада, туманда ўтирибмиз-а...

— Шунинг учун ҳам бу ернинг қадрига стиш керак.

У бир керишиб, яна хонада у ёқдан-бу ёққа юра бошлади.

Ҳаракатлари бирам ўзига ярашади! Ўзимни ноқулай сесиз, яна атрофга кўз ташладим. Хонам унчалик ҳам бесаранжом эмас. Ўртада қўққайиб турган эски туфлимни сездирмай каравотнинг тагига тепиб юбордим.

Пат жавон ёнига келиб, тепага қаради. Жавон устида Ленц совға қилган чамадон турарди. Унинг атрофига дўстимнинг ғаройиб мамлакатларга қилган саёҳатидан гувоҳлик берувчи рангбаранг ёрлиқлар ёпишириб ташланганди.

Қиз ўқий бошлади:

— «Рио-де-Жанейро... Манаос... Сант-Яго... Буэнос-Айрес... Лас Пальмас».

У чамадонни жойига сурниб, ёнимга келди.

— Шунча жойга боришига улгурдингми?

Бир нима деб минғирладим. У тирсагимдан ушлади.

— Гапириб бер, бу шаҳарлар тўғрисида гапириб бер. Олис мамлакатларга саёҳат қилиш қандай яхши-я...

Патга тикилиб қарадим. Ёш, гўзал, қалби орзу-умидларга лиммо-лим қиз бўм-бўш, бемазмун ҳаётимга, ҳувиллаган, факирона кулбамга баҳтли тасодиф туфайли учиб кириб қолган капалакка ўхшарди. Сал ножӯя ҳаракат қилсанг — учади-кетади... Майли, мени сўкишсин, уялтиришсин, аммо шу лаҳзада мен «йўқ» дейлмасдим, бу шаҳарларнинг бирортасида ҳам бўлмаганман; дейлмасдим... Ўша пайтда бу гапни айттолмасдим...

Биз дераза олдида турардик. Қуюқлашган туман ойналарга суркалар, туман ортига эса менинг мунғайган, кўримсиз ўтмисим яширинганди... Даҳшат ва совуқ терга қоришиқ кунлар, ноумидлик, исқиртлик, ўлат оралаган дамлар, чорасизлик, бисамара меснат, бехуда елиб-югуришлар, бемақсад ўтаётган умр — бари-бари дераза ортида эди — бу ерда, ичкарида эса Патнинг оромбахш нафасини, унинг ростдан ҳам мавжудлигини, ҳароратини, мусаффо ҳаётини ҳис қилиб турардим, — мен бу хазинани бой бермаслигим, уни қўлдан чиқазмаслигим керак...

— Рио... — дедим мен. — Рио-де-Жанейро — бамисоли эртакнамо бандаргоҳ. Денгиз стги ёй шаклида кўрфазга туташади, тепада эса нуқрадай оппоқ шаҳар кўкка бўй чўзган...

Мен жазирама шаҳарлар ва ҳадсиз-ҳудудсиз текисликлар, лойқа сувли дарёлар, узоқдан милт-милт кўзга ташланадиган ороллар ва тимсоҳлар, одам кирса қайтиб чиқолмайдиган ўрмонлар, йўлбарсларнинг тунги наъраси, чирмовуқларнинг хушбўй ва балчиқнинг бадбўй ҳидлари оралаб дим кечаларда сузib юрадиган дарё кемалари тўғрисида ҳикоя қила бошладим — буларнинг барини Ленидан эшитгандим, лекин ҳозир гапира туриб, ўзимни худди ўша жойларда юргандай ҳис қиласадим — хотиралар мана шу нарсаларга ташналик, зимистон ва бешавқ ҳаётимга жиндай бўлса ҳам шукуҳ киритиш иштиёки билан ажидиб бир тарзда қоришиб кетаётганди; ишқилиб, таърифга сифмайдиган мана шу гўзал чехрадан, қалбимда ногоҳ барқ урган умид ва ишончдан, менга баҳт ҳадя этиб турган ушбу дақиқалардан айрилиб қолмасам бас... Бу қизнинг олдидла мен кимман? Кейин, вақт-соати етганда, тўғрисини айтаман... Атрофимда юз бераётган воқеалар туш эмас, ўнгим эканига ишонч ҳосил қилганимдан сўнг ётиғи билан тушунтираман... факат ҳозир эмас... кейин... ҳозир эса... «Манаос» дердим, «Буэнос-Айрес» дердим ва ҳар бир калимам афсундай, илтижодай янграрди.

Тун. Ёмғир ёға бошлади. Томчилар бир ой бурунгидай тасира-тусур қилмас, энди кўз очган япроқларга майнин шивирлаб, ерга бешовқин сингиб кетарди. Бу томчилар дараҳт илдизларидан яна тепага кўтарилиб, баҳор кечалари ёмғирга зор бўлган япроқларга айланиш учун ерга сингиб кетарди.

Жимжитлик. Кўча шовқини ҳам тинган. Йўлкада биттагина чироқ ёниб турибди. Даражатларнинг нозик барглари шуъла ёғудишида кумушдай ярқирар, кўклам шабадасида енгил тебраниб, жажжи елканларни эслатарди.

— Эшитяпсанми, Пат? Ёмғир...

— Ҳа.

У ёнимда ётарди. Тим қора соchlари оппоқ ёстиққа сочишган. Сал чиқиб турган бир елкаси жилосиз мис каби йилтирайди. Кўлига бир тутам нур тушиб турибди.

— Қара... — деди у кафтини нурга тутиб.

— Кўчадаги чироқ, — жавоб бердим мен.

Пат туриб ўтироди. Нур энди унинг юзи, елкалари, шам алансасидай сарғиш кўксини ёритарди. Шуъла акси ўзгариб, бирдан тўқ сариқ, кейин зангори тусга кирди, бир маҳал боши устида қип-қизил ёғду пайдо бўлди, бу ранг аста-секин тепага кўтарилиб, шифтда айлана бошлади.

— Реклама чироқлари...

— Кўрдингми, хонанг қандай ажойиб!

— Сен борлигинг учун ажойиб. Энди ҳамма вақт шунаقا бўлади... чунки бу ерга сенинг қадаминг тегди.

Пат оқ-кўкиш нур остида, тўшакда чўқаллаб ўтиради.

— Лекин... — деди у, — ҳали жуда күп келаман-ку... Жудаям күп келаман...

Мен шириң ҳорғинлик ва бахт оғушыда қимир этмай ётар, ундан күй узмасдим.

— Мунча яхшисан-а, Пат! Бирорта күйлагингда ҳам бу қадар күхли бўлмайсан.

У жилмайиб, устимга энгашди.

— Сен мени севишинг керак, Робби! Севгисиз ҳолим нима кечади?!

Пат менга термулар, ҳаяжонли, эҳтиросга тўла очиқ чехраси шундоқ тепамда турарди.

— Мени маҳкам ушла, — деб пичирлади у. — Кимдир мени ушлаб туриши керак, бўлмаса йиқиламан. Мен кўрқаман.

— Кўрқадиганга ўхшамайсан.

— Ўзимни шунақага соламан, аслида жуда кўрқоқман.

— Хавотирланма, маҳкам ушлайман, — дедим мен, ҳамон туш кўряпмани ёки бу бахтиёр онлар ўнгимда кечяптими, англаёлмасдим. — Жудаям қаттиқ ушлайман. Ўзинг ҳам ҳайрон қоласан.

У кафтини юзимга қўйди.

— Ростданми?

Мен бош силкидим. Елкаларини зангори нур ёритаётгани боис у худди тиник сув ичидаги турганга ўхшарди. Кўлидан ушлаб, бағримга тортдим, — вужудимни кучли, айни пайтда, шириң бир титроқ чулгади... Ҳамма нарса сўнди...

Пат бошини билагимга қўйиб ухларди. Мен тез-тез уйғониб, унга қараб-қараб қўярдим. Қанийди, ҳеч қачон тонг отмаса, дердим. Биз вақтнинг нарёғида эдик. Бари шу қадар тез юз бердики, ҳануз эс-хушимни бир жойга жамлаб ололмасдим. Мени ҳам бирор севиши мумкинлигига ақлим бовар қилмасди. Тўғри, эркаклар билан дўстлаша олишимни билардим, аммо аёл киши қайси фазилатим учун менга кўнгил қўйиши мумкинлигини тасаввур этолмасдим. Ҳаммаси бир кечага боғлиқ, уйғонгандан кейин барни тугайди, деб ўйлардим.

Тонг ёриша бошлади. Қимир этмай ётардим. Кўлим қизнинг боши устида увишиб қолди. Бир маҳал Пат уйқусида нариги ёнбошига афдарилди, шундан фойдаланиб, қўлимни аста бўшатвoldим. Секин ўрнимдан туриб, соқолимни олдим. Кейин кафтимга атириб, бўйин ва соchlаримга суртдим. Жимжит хонада хаёл сурғанча дераза ортидаги дараҳтларнинг қорамтири суратини томоша қила бошладим. Салдан кейин бурилиб қарасам, Пат кўзларини очиб ётибди. Нафасим ичимга тушиб кетди.

— Бу ёқقا ке, — деди у.

Ёнига бориб, каравот четига ўтиридим.

— Тушимми, ўнгимми? — сўрадим ундан.

— Нега унақа деяпсан?

— Қайдам. Тонг отгани учун бұлса керак-да.

— Бұлмаса кийинволай.

Ерда ётган іопқа ички күйлагини олдим. Пардай енгил. Бошқача. Демак, буни киядиган қыз ҳам бошқача бўлиши керак. Мен уни ҳеч қачон тушунмайман. Ҳеч қачон.

Кўйлакни узатдим. У бошимни ўзига тортиб, юзимдан ўпди.

Кейин уни кузатиб қўйдим. Биз кумушранг тонг палласи ёнмаён борар, деярли гаплашмасдик. Кўчадан сут ташийдиган мосина ўтиб кетди. Сўнг бирин-кетин газетафуруш болакайлар пайдо бўлди. Йўлка четида бино деворига суюнганча бир мўйсафид пишакка кетганди. Ияги нукул титрайди — худди мана ҳозир узилиб тушадигандай. Бўлка тўла кажавалар ортилган велосипедлар ўта бошлади. Кўчани иссиқ юннинг хушбўй ҳиди тутиб кетди. Ложувард осмондан самолёт гувиллаб ўтди.

— Бугунми? — сўрадим Патдан йўлаги олдига стганимизда.

У жилмайди.

— Соат еттида, — дедим мен.

Қизнинг чехрасида ҳорғинлик аломати сезилмасди, қайтанга юзи тўйиб ухлаган кишиникидай тип-тиниқ эди. У чаккамдан ўпид, хайрлашди. То хонасида чироқ ёнмагунча кўчада турдим.

Кейин изимга қайтдим. Йўл-йўлакай унга айтишим лозим бўлган қанчадан-қанча чиройли сўзларни эсладим. Менинг ўрнимда бошқа одам бўлганида кўнглида борини тўкиб соглан ва қизга кўпдан-кўп эзгуликлар қилган бўларди. Алламаҳалгача кўчаларда тентираб юриб, бозорга кирдим. Сабзавот, гўшт ва гуллар ортилган фургонлар келиб ултурганди. Бу ерда гулни дўкондагига қараганда уч баравар арzonга харид қилиш мумкинлигини билардим. Қолган-кутган пулимга бир даста лола сотовлдим. Улар, эндинга узилгани боис, диркиллаб турар, косачаларида шабнам томчилари ярқиради. Сотувчи аёл лолаларни соат ўн бирга Патрицияга етказишга вайда берди. Кейин кула-кула, бир тутам бинафша ҳам қўшиб қўйди.

— Аёлингиз бу гуллардан камида икки ҳафта ҳузур қилади, — деди у. — Фақат вақт-вақти билан гулдонга пирамидон ташлаб турсин.

Мен бош силкиб, ҳисоб-китоб қилдим. Кейин аста уйга жўнадим.

## X

**Ү**стахонада таъмирланган форд турарди. Бошқа буюртма йўқ эди. Демак, чорасини топиш керак. Кестер иккаламиз аукционга йўл олдик. Кимошди бозоридан такси сотовлиш ниятида эдик. Таксини у ёқ-бу ёғига қараб, пуллавориш қийинмас.

Шаҳарнинг шимолий қисмига бордик. Бир ҳовли ичидаги қурилган иморат кимошди савдосига ажратилган эди. Таксидан ташқари бу срла ҳар хил лаш-лушлар: каравотлар, шалоқ столлар,

қафас ичидан: «Салом азизим!» — деб ғұлдираб турадиган түти-күшлар, құпoldan-құпол қадимий соатлар, китоблар, жавоннлар, эски кийимлар, ошхона курсилари, идиш-товоқлар — хуллас, хароб ва дабдала бұлған турмуш матоҳлари сотиларди.

Жуда баравақт келган эканмиз, аукцион бошқарувчиси күринмади.

Теріб қўйилган буюмларни оралаб юриб, юонон вә Рим мумтоз адибларининг жүн муқовали арzon китобларини варақтай бошладим. Бу китоблар кўп қўлдан ўтган, ҳошияларига қаламда ҳар хил битиклар ёзиб ташланғанди. Сарғайган, тўкилай деб турған саҳифалар. Булар энди Горацийнинг шеърлари ёки Анакреонтнинг қўшиқлари эмас, ҳаёти чил-парчин бўлған бир шўрликнинг унсиз фарёдлари эди. Эҳтимол бу китоблар ўз соҳибининг бирдан-бир юпанчи бўлғандир, у буларни шу кунгача кўз қора-чиғидай асрар-авайлаб келғандир, мана энди сотиш учун ким-ошли бозорига олиб чиқдан экан — демак, бари тугапти.

— Одам эзилади, нима дединг?

Мен беҳисоб буюмларга ишора қилдим.

Кестер менга маъюс нигоҳ ташлади.

— Ҳа, Отто. Одамлар бу нарсаларни ночорликдан олиб чи-қишган.

Ҳовли четида турған такси ёнига бордик. Мошинанинг бўёқлари сал кўчган бўлса ҳам кўриниши бинойидек эди. Чорпахил, қўллари бақувват бир киши нарироқдан бизга қараб турарди.

— Ҳайдаб кўрганимидинг? — деб сўрадим Кестердан.

— Ҳа, кеча ҳайдаганман. Анча эскирган, лекин дуруст одамнинг қўлида бўлған.

— Сезилиб туриби. Мошина эрталаб ювилған, аммо бу ишни аукцион хўжайини қилмаган.

Кестер бош силкиб, чорпахил кишига қаради.

— Эгаси анови одам бўлса керак. Кечада эрталаб шу ерда машинани юваётган эди.

— Кўйсанг-чи! — дедим мен. — Кўриниши жа-а абгор-ку.

Шу пайт белбоғли пальто кийган бир йигит ҳовлини кесиб ўтиб, машина олдига келди. Турқидан чапани болага ўҳшайди.

— Шалоқ арава-ку, — деди у, лекин бизга галирятими, машина сотувчигами — билиб бўлмасди. Кейин қўлидаги таёқча билан капотга уриб қўйди. Такси эгасининг титраб кетганини сездим.

— Ҳечқиси йўқ, — давом этди йигит ҳудди ёш болага тасалли бергандай, — бўёги бир тийинга құммат. Үзи эски тогора. Музейга топширган маъқұлмасми-а? — У ўз пичингидан завқланаб, хохолаб күлди ва мақтов илинжида бизга қаради. Биз чурқ этмадик. — Ҳўш, бу қарияни қанчага пулламоқчисиз? — йигит машина эгасига беписанд ияк қоқди.

Халиги одам бир ютиңди-ю, индамади.

— Темир-терсак баҳосига-да, түғрими? — у ҳамон кесатиғи-ни күймасди. Кейин бизга юзланың: — Сизлар ҳам харидор мисиз-лар, жаноблар? — Сүнг пичирлашга ўтди: — Патини юламиз буны. Мошинани олма билан тухумга айирбошлаб, даромадни бўлишволамиз. Бу пандавақига ортиқча пул беришнинг нима кераги бор? Дарвоқе, танишиб қўяйлик: Гвидо Тисс, «Аугека» пайчилар жамиятидан.

У қўлидаги гаров таёқчасини ўйнатиб, «қалай?» — дегандай, бизга кўз қисиб қўйди, аммо сира паст тушгиси йўқ эди: «Анча пиҳини ёрган йигит экан», — деб ўйладим ичимда ғижиниб. Ёни-мизда лол бўлиб турган мошина эгасига ичим ачиб кетди.

— Фамилиянигизни ўзгартирсангиз бўлар экан. Тисс унчалик жарангламайди, — дедим унга.

— Йўғ-э! — хитоб қилди у гердайиб. Афтидан, уни учарлиги учун кўп мақташган кўринади.

— Хўп деяверинг, — давом этдим мен. — Сизга Сопляк деган фамилия ярашади. Гвидо Сопляк.

У орқага тисарилди.

— Албатта, — деди у хийла ювош тортиб. — Бир кишига қарши икки киши сизлар-да...

— Агар гап шунда бўлса, бир ўзим сиз билан истаган жойин-гизга бораман.

— Раҳмат, раҳмат! — Гвидо шундай деб, жуфтакни ростлаб қолди.

Чорпахил киши фаромуш бир аҳволда миқ этмай турар, мошинасидан кўз узмасди.

— Ке қўй, Отто, шу мошинани олмайлик, — дедим мен.

— Биз олмасак анови ҳаромзода олади-да, — зътиroz билдириди Кестер, — унда мошина эгасига ёрдам беролмаймиз.

— Бу гапинг ҳам тўғри, — дедим мен. — Лскин нимагадир кўнглим чопмаяпти-да.

— Қизиқсан-а. Шу замонда одамнинг кўнгли нимагаям чопади, Робби. Гапимга ишон: бу одамга бизнинг шу ерда бўлганимиз маъқул. Ҳеч бўлмаса мўлжалидаги пулни олади-ку. Аммо анави аглаҳ оладиган баҳосини айтмагунча индамай туравераман.

Аукциончи келди. У типирчилаб турарди. Иши кўп бўлса ке-рак-да: шаҳарда ҳар куни ўнлаб кимошли савдоси бўлади. У эски-туски лаш-лушларни сотишга киришди. Ҳатти-ҳаракатлари, ҳазил-мутойибалари, артистона имо-ишораларидан ҳар куни қашшоқликка дуч келадиган ва лекин ўзи бундан буткул йироқ бўлган одамнинг қиёфаси мана-ман деб турарди.

Буюмлар сув текинга сотила бошлади. Уч-тўртта дўкондор харидор деярли ҳамма нарсани олиб қўйди. Аукциончининг маънодор нигоҳига улар бармоқларини тепага кўтаришар ёки бош чайқаб қўйишарди. Аммо бу нигоҳни бошка кўзлар ҳам таъқиб этиб турарди. Юзларига мунг чўккан аёллар дўкондорларнинг бармоқларига ҳадик ва умид билан боқишаарди. Таксига учта хари-

дор чиқди. Бириңчи нархни Гвидо айтди — уң юз марка. Бу бориб турған ноинсофлик эди. Мошина әгаси яқынроқ келди. Үүзича бир нималар деб пичирлади. Балки күнглидаги нархни айтмоқчи бұлаётгандир — ким билади. Аммо овози чиқмади, яна изига қайды.

Кейинги нарх түрт юз марка бўлди. Гвидо уни түрт юз эллик-ка чиқазди. Орага жимлик чўйди.

— Ким ошади?... Түрт юз эллик — бир, түрт юз эллик — икки...

Такси әгаси худди бошига тўқмоқ тушишини кутаётгандай срга тикилганча миқ этмай турарди.

— Минг марка! — деди Кестер. Ҳайрон бўлиб қарасам: — Аслида уч мингга арзиди, — деб шивирлади. — Бечорани хонавайрон қилишларини хоҳламайман.

Гвидонинг кўзлари ола-кула бўлиб кетди. У бизга минг турли имо-ишоралар қиласарди.

— Бир минг бир юз, — деб ғудранди у ноилож. Кейин яна жилпанглаб, иккала кўзини қиса бошлади. Агар орқасида кўзлари бўлганда уларни ҳам қисармиди — мен қайдан билай.

— Бир минг беш юз, — деди Кестер.

Аукциончига жон кирди. У қўлидаги тўқмоқчасини ўйнатиб, ликиллай бошлади. Албатта, бу пул бошқа лаш-лушлар сотилган икки-уч марка эмас-да.

— Бир минг беш юз ўн! — деб бақирди Гвидо. У терга ботиб кетган эди.

— Бир минг саккиз юз! — деди Кестер.

Гвидо Оттога бир оз бақрайиб турди-да, «шап» этиб пешонасига урди. У таслим бўлган эди. Аукциончи бир сакраб қўйди. Шунда бирдан Пат ёдимга тушди.

— Бир минг саккиз юз эллик! — деб юбордим беихтиёр. Кестер анқайиб қолди.

— Эллигини ўзим қўшаман, — дедим унга шоша-пиша, — шундай қилишимиз керак... кейин хурсанд бўласан.

Отто кулиб, бош ирғаб қўйди.

Аукциончи тўқмоқчasi билан мис лаганни урди — мошина бизники бўлди. Кестер шу заҳотиёқ пулни санаб берди.

Гвидо ўзини мағлуб сезишини истамай, худди ҳеч нарса бўлмагандай, ёнимизга келди.

— Бу қанақаси?! — деди у. — Шу шалоқ аравачани минг маркага ҳам олишимиз мумкин эди-ку. Учинчи харидор аллақачон ўйиндан чиққан эди.

Шу пайт Гвидонинг орқасида:

— Салом, азизим! — деган овоз эшитилди.

Бу қафасдаги тўтиқуш эди — унга энди навбат етганди.

— Сопляк! — қўшиб қўйдим мен.

Гвидо елкасини қисди-ю, ғойиб бўлди.

Мен мошинанинг собиқ әгаси олдига келдим. Энди ёнида раңгпаргина хотини ҳам турарди.

— Ана, бўлди... — дедим мен.  
— Худога шукур.  
— Аралашмасак ҳам бўларди-ю, лекин сизни чув туширишарди-да.

У ерга тикилганча бош силкиди.

— Мошина ёмонмас, — у бирдан жўшиб ётди, — яхши мосмина... пулларингга ачинманглар... Лекин гап мосминада ҳам эмас, худо ҳаққи, гапимга ишонинг... нима десамикин... муҳтожлик курсин...

— Тушундим, тушундим.

— Бу пулнинг бир маркасиниям рўзгорга ишлатолмаймиз, — деди аёл. — Ҳаммаси қарзга кетади.

— Ҳечкиси йўқ, онаси, бу кунлар ҳам ўтади, — деди эркак. — Кўп куюнаверма.

Аёл индамади.

— Иккинчи тезликка согланда сал шақирлайди, — эркак бизга мурожаат қилди. — Лекин бу нуқсон эмас, янгилигига ҳам шунака эди. — У мосминаси ҳақида худди ўз фарзандидай гапираради. — Уч йил миндик, бирор марта бузилгани йўқ. Гап шундаки, аввалига касал бўп қолдим, кейин... дўстим хиёнат қилди...

— Разил одам экан! — деди аёл қизишиб.

— Қўйвер, онаси. Бир амаллаб ўзимизни ўнглаб оламиз. Тўғрими, онаси?

Аёл жавоб бермади. Эркакнинг юзини тер қоплади.

— Яшаш жойингизни ёзиб беринг, — деди Кестер, — бальзан бизга ҳайдовчи керак бўп туради.

У залворли, ҳалол қўли билан ўз манзилини ёза бошлади. Мен Кестерга қарадим: бу шўрликни фақат мўъжизагина қутқара олишини иккаламиз ҳам сезиб турардик. Аммо мўъжизалар даври ўтган, мабодо шу нарса юз берган тақдирда ҳам яхшилик эмас, кишига фақат янги кулфатлар келтириши мумкин.

Мосмина сотган одам тинмай гапирав, худди алаҳсираётганга ўхшарди. Кимошди савдоси тугаганди. Ҳовлида ўзимиз қолгандик. У бизга қишида мосминани қандай ўт олдиришни қайта-қайта тушунтириди. Сўнг таксининг у ёқ-бу ёғини сийпалаб, жим бўлиб қолди.

— Юр энди, кетдик, — деди хотини.

Кўл қисишиб, хайрлашдик. Улар кетишди. Фақат кўздан ғойиб бўлишгандан кейинги моторни юргиздик.

Ҳовлидан чиқаётib, чуваккина кампирга кўзимиз тушди. У тўтиқуш солинган қафасни кучоқлаб олган, эргашиб келаётган болаларни нари ҳайдарди.

Кестер тўхтади.

— Каёққа борасиз? — деб сўради у кампирдан.

— Э, болам! Таксига пул менда нима қилсан? — жавоб берди у.

— Пул керакмас, — деди Отто, — бугун туғилган куним, текинга обориб қўяман.

Кампир бизга ишонқирамай қаради, қафасни бағриға маҳкамроқ босди.

— Кейин, тұлант, деб қолсаларинг-чи?

Биз уни юпатиб, мөшинага ўтқаздик.

— Тұтиқушни нима қиласиз, бувижон? — деб сүрадим стиб келганимиздан сүңг.

— Қечки пайтларга-да, — жавоб берди у. — Дон қимматмасмикин?

— Йўқ, — дедим мен. — Нима учун кечки пайтларга?

— Гапиришни билади-да. Кечқурунлари гаплашиб ўтирамиз... ёлғизлигим билинмайди...

— Э, шунақа денг...

Тушдан кейін ғордина өлиб кеттани новвой келди. Кайфияти чатоқ эди. Ҳовлида бир ўзим турған эдим.

— Ранги маъқудми? — сүрадим ундан.

— Ёмоғмас, — деди у таажжубланарлы лоқайдлик билан.

— Айниқса, тепаси яхши чиқди.

— Ҳа, ҳа...

У бир ерда депсинар, кетишга шошилмасди. Яна бир нарса ундиromoқчиёв, деб ўйладим ичимда. Домкратми, куллонми...

Аммо гап бошқа ёқда экан. У ёнимда бир оз пишиллаб турдиди, кейин жияклари қизарған нурсиз күзларини менга қадади.

— Пешонамга сиғмади-я: уч-түрт ҳафта бурун мана шу мөшинада соппа-соғ, очилиб-сочилиб ўтирувди-я!..

Новвойнинг бирдан бунақа күнгилчал бўлиб қолганига сал ажабландим, сүңг ўзи билан бирга охирги марта устахонага келганди анови жикилаган қора аёл қонини ичаётгандир-ов, деган ўйга бордим. Ахир одамлар муҳаббатдан кўра кўпроқ ранж-аламдан ҳассос бўлиб кетишади.

— Яхши аёл эди, — давом этди у, — дили пок аёл эди. Борига шукур қиласади. Битта пальтони ўн йил киярди. Кўйлакларини ўзи тикволарди. Рўзгорни хизматкорсиз, бир ўзи эпларди...

«Баттар бўл, — дедим ичимда, — янги топган аёлинг бунақа ишларни қилиб бўпти!»

Новвой дилини бўшатволмоқчи эди. У хотинининг тежамкорлиги ҳақида гапирди, энг қизифи, тежалган пулларни бу одам пивохўрлик ва қиморбозликка сарфларсан. Хотини пулни қизғаниб, расмга тушишни ҳам хоҳламассан. Шунинг учун унинг кўлида никоҳ тўйларидан олинган биттагина расм билан кўча-кўйда тушилган ва бир зумда тайёрлаб бериладиган уч-түртта кичкина расмлар бор экан, холос.

Миямга ярқ этиб, бир фикр келди.

— Хотинингизнинг каттакон суратини ишлатинг, — дедим унга. — Умрбод эсадалик бўлиб қолади. Шунақа иш билан шуғулланадиган бир рассом бор.

Унга Фердинанд Грау ҳақида сўзлаб бердим. У дарҳол ҳушёр тортиб, жудаям қиммат бўлса керак, деди. Агар мен билан бир-

га борса, арzonроққа тушиши мүмкінлігінің айтдым. У яна чап беришга уриңған эди, бүш келмадим — хотиннинг хотираси ҳамма нарасадан қиммат, дедім. Хуллас, у рози бўлди. Фердинандга кўнғироқ қилиб, огоҳлантириб кўйдим. Кейин новвой билан расмларни олгани жўнадик.

Қора кўз аёл новвойхонадан отилиб чиқиб, форднинг атрофига айланади.

— Қизил ранг зўр чиқарди-да! Қайсарлик қилиб, айтганингдан қолмадинг.

— Бошимни қотирма! — новвой уни жеркиб берди.

Мәҳмонахонага қўтарилидик. Аёл бизга эргашди. Новвой асабийлаша бошлади. Унинг олдида расмларни қидиришни хоҳла маётганди.

— Бизни холи кўй, — деди у ниҳоят сабр косаси тўлиб. Аёл бурнини бир жийирди-да, таранг кўксини олдинга чиқазиб, изига қайтди. Новвой кўк духоба альбомдан бир нечта расмни олиб, менга узатди. Мана, хотиннинг келинлик пайти, ёнида ўзи — мўйлови қайрилган йигит; келиннинг чехрасидан нур ёғилади. Бошқа расмдаги аёл озғин, ҳолдан тойған, кўзлари сўнік. Стулнинг бир четида омонатгина ўтирипти. Иккита гина расм, лекин уларда бутун умр акс этган.

— Бўлади, — дедим мен. — Шуларга қараб, қойилмақом сурат чизади.

Фердинанд Грау бизни узун белбурма камзулда кутиб олди. Қўриниши пурвиқор. Касби шуни тақозо этади. Аксарият азадорлар учун қайғунинг ўзидан кўра уларнинг қайғусига эҳтиром муҳимроқ эканини Фердинанд яхши билади.

Устахона деворларида зарҳал рамкаларга солинган, мой бўёқда ишланган маҳобатли суратлар осиғлиқ турар, уларнинг остига кичкина расмлар — намуналар ёпишириб қўйилганди; ҳар қандай буюртмачи ҳатто сарғайиб кетган, хира расмлардан ҳам ажойиб мўъжизалар чиқиши мүмкінлігига дарров ишонч ҳосил қиласади.

Фердинанд новвойга ҳамма суратларни кўрсатиб бўлгач, унга қайси услубда ишланган сурат маъқуллигини сўради. Ўз навбатида новвой ҳамма суратнинг катта-кичиклиги нархига таъсир этиш-этмаслиги билан қизиқди. Фердинанд гап ҳажмда эмас, тасвир ижросида эканлигини тушунтириди. Шундан кейин новвой энг катта суратни афзал кўриши маълум бўлди.

— Дидингиз зўр экан, — деб мақтади уни Фердинанд. — Бу малика Боргезенинг сурати. Нархи рамкаси билан саккиз юз марка туради.

Новвой бир сапчиб тушди.

— Рамкасиз-чи?

— Етти юз йигирма.

Новвой тўрт юз марка беришини айтди. Фердинанд бош чайқади.

— Түрт юз маркага пари борганда ёnlamasiga чизилган калла суратини буоришингиз мумкин. Лекин зипхор тик қараб турған ва бошдан оёққача чизилган суратни эмас. Бунақа иш икки баравар күп мәхнатни талаб қилади.

Новвой, менга ёnlamasiga чизилган калла сурати ҳам бўла-веради, деди. Фердинанд унга хотинининг иккала расми ҳам рўпа-радан олинганини, буларга қараб ҳатто Тицианнинг ўзи ҳам ёnlama сурат чизолмаслигини айтди. Новвой терлаб кетди; шуни олдинроқ ўйламаганига пушаймон бўлаётгани шундоқ сезилиб турарди. Фердинанднинг фикрига қўшилишга тўғри келди. Ту-шундик, тик қараб турған суратни чизиш учун ёnlamasiga қараганда ярим башара ортиқча бўёқ чаплаш керак. Демак, Фердинанд айтган нарх тўғри. Новвой ҳамон иккиланаарди. Шу пайтгача хотиржам гапирайтган Фердинанд энди уни қўндириш йўлига ўтди. Унинг дўриллаган овози устахонада бўғиқ акс садо берарди. Ҳакам сифатида шуни айтишим керакки, дўстим вазифасини аъло даражада бажараётганди. Аста-секин новвой битимта келишишга етила бошлади. Айниқса, Фердинанд ичиқора қўшниларнинг дабдабали суратни кўрганда қай аҳволга тушишини тас-вирлаб берганида новвой буткул таслим бўлди.

— Бўлти, — деди у, —Faқат пулни нақд санааб берганим учун ўн фоиз чегириб ташлайсиз.

— Келишдик, — рози бўлди Фердинанд. — Мен ўн фоиздан воз кечаман, сиз уч юз марка закалат берасиз, — бўёқ билан мато учун.

Улар яна хийла вақт баззи икир-чикирларни муҳокама қилиши-ди. Новвой хотинининг кўксидаги марварид шодаси билан брил-лиант кўзли тўғнағич бўлишини хоҳларди. Расмларда бу нарса-лар йўқ эди.

— Ихтиёр сизда, — деди Фердинанд. — Тақинчоқларни чи-зиш қийин эмас. Faқат ўша қимматбаҳо буюмларни бирор соат-га келтириб берсангиз, янаям ишончлироқ чиқарди-да.

Новвой қизариб кетди.

— У нарсалар монда йўқ... Қариндошларда.

— Э, шунақа денг. Ҳа, майли, бир йўлини қиласман. Айтинг-чи, хотинингизни тўғнағичи анави суратдагига ўхшармиди?

-- Сал кичикроқ эди.

— Бўлти, кичикроқ қиласми. Марварид шодасининг кераги йўқ. Ҳамма марваридлар бир-бирига ўхшайди.

Новвой енгил тин олди.

— Қачон тайёр бўлади?

— Олти ҳафтадан кейин.

— Майли.

Новвой хайрлашиб, чиқиб кетди. Фердинанд билан устахо-нада қолиб, бир оз гаплашиб ўтиридим.

— Суратни олти ҳафта ишлайсанми?

— Қаёқда! Тўрт-беш кунлик иш. Лекин унга бунақа деб бўлмайди. Тўғрисини айтсан, соатига нечапул ишлашимни ҳисоб-

лашға тушиб кетади, үзини алданғандай ҳис этади. Олти ҳафта — унинг учун маъқул муддат, малика Боргезега ҳам шу муддатни айтғанман. Инсоннинг табиати шунақа, азизим Робби. Агар новвойга бу аёл малика эмас, шляпадўз десам, унинг назаридаги хотинининг сурати ўз латофатини ярим баравар йўқотган бўларди. Дарвоқе, олти марта гувоҳ бўлиб турибман, вафот этган аёллар анови суратдагига ўхшаган тақинчоқлар тақишишаркан. Мана шунақа тасодифлар ҳам бўлиб туради. Бу сурат ҳеч ким танимайдиган ажойиб аёл Луиза Вольфнинг сурати. Тап-тайёр реклама.

Яна устахонага нигоҳ ташладим. Деворлардан аллақачон қабрларда кўзлари тупроққа тўлган қиёфалар термулиб турарди. Булар қариндошлари томонидан буютирилган, аммо харид қилинмай, ташлаб кетилган суратлар. Ахир, улар ҳам қачонлардир ўшалар билан бирга юрган, ҳаётнинг аччиқ-чучугини бирга тотган инсонлар-ку.

— Менга қара, Фердинанд, бунақа муҳитда ишлайвёриб, дилгир бўлиб қолмайсанми?

У елкасини қисди.

— Йўқ, лекин сурбет бўлиб қолишим мумкин. Ҳаёт ҳақида ўйлаганингда дилгир бўласан, аммо одамлар ҳаётни нимага айлантириб юборганини кўрганингда сурбет бўлишинг турган гап.

— Тўғри, лекин баъзилар астойдил изтироб чекишиади...

— Унақалар сурат буюришмайди.

Фердинанд ўринидан турди.

— Яхшиямки, Робби, инсониятни ҳаётга боғлаб турадиган икир-чикирлар ҳали тутаган эмас. Ёлғизлик эса — ҳақиқий ёлғизлик — ақлдан озиш ёки ўз жонингга қасд қилиш арафасида бошлилади.

Ҳайҳотдай хона ним қоронғилик ичра сузарди. Девор орқасида кимдир у ёқдан-бу ёққа бориб келяпти. Бу биз йигилганда қорасини кўрсатмайдиган хизматчи аёл. У ҳаммамизни ёмон кўради, сабаби — булар Фердинандни менга қарши қайрайди, деб ўйлади.

Кўчага чиқиб, худди илиқ ваннага тушгандай, оломонга қўшилиб кетдим.

## XI

**Б**иринчи марта Патникига меҳмонга кетяпман. Шу пайтгacha у меникига келар ёки мен уни уйининг олдида кутиб олиб, бошимиз оққан томонига қараб жўнардик. Назаримда, Пат менинг олдимга шунчаки ташриф билан, омонатгина келиб-кетаётганига ўхшарди. Мен у ҳақда, унинг турмуш тарзи тўғрисида кўпроқ нарса билишни хоҳлардим.

Гул олиб бормоқчи бўлдим. Бу қийин иш эмас: луна-паркнинг орқасидаги шаҳар боғи гулга кўмилиб ётилти. Панжарадан сакраб ўтиб, оппоқ сирснъ шохчаларини уза бошладим.

— Нима қиляпсиз? — деган овоз эшилди бехосдан. Қайрилиб қарадим. Ёнбошимда шоп мүйловли бир киши турарди. Полициячи ҳам, қоровул ҳам эмас, күринишидан истеъфога чиққан кекса зобитга ўшайди.

— Кўрмаяпсизми, — дедим мулойим оҳангда, — сирень гулларидан оляпман.

Истеъфодаги ҳарбий бир лаҳза лол бўлиб турди. Сўнг:

— Бу ер шаҳар боғи эканини биласизми? — деди жаҳл билан. Кулиб юбордим.

— Албатта. Сизнингча, бу ерни Канар ороллари деб ўйлајпманми?

Зобит қўкариб кетди. Ишқилиб, юрагини чанглаб қолмаса гўрга эди.

— Ҳозироқ жўнанг бу ердан! — деб бақирди у дўриллаган овозда. — Шаҳар мулкини талон-торож қиляпсиз! Ҳибсга олишни буюраман!

Мен анча-мунча сирень шохчаларини узишга улгургандим.

— Олдин тутволиш керак. Қани, кувинг, бобой! — шундай деб, панжарадан сакрадиму қўённи сурвордим.

Патнинг уйига етганда яна у ёқ-бу ёғимга қарадим. Сўнг зинапоядан кўтирила бошладим. Бу замонавий янги бино бўлиб, менинг хароб кулбамдан фарқ қиласди. Зинапояга қизил поян-доз тўшалган. Фрау Залевскининг пансионида бу нарса йўқ, лифт ҳақида-ку гап бўлиши мумкин эмас.

Пат тўртингчи қаватда яшарди. Эшикда салобатли мис ёрлик: «Подполковник Эгберт фон Гаке». Ёрликқа бир оз термулиб турдим. Қўнгироқ тугмачасини босишдан олдин галстугимни тўғриладим.

Эшикни пешонасига оппоқ тўр безак, белига чиройли пешбанд боғлаган қиз очди. Уни бизнинг бесўнақай, филай Фрида билан қиёслаб бўлмасди. Бир лаҳза довдираб қолдим.

— Жаноб Локампмисиз?

Бош силкидим.

Қиз мени кичкина даҳлиздан олиб ўтиб, бир хонанинг эшигини очди. У ерда байрамона ҳарбий кийимда подполковник Эгберт фон Гаке ўтирган бўлса-ю, мени сўроққа тута бошласа, балки унчалик ажабланмасдим. Чунки даҳлиз деворларига осигулиқ кўпдан-кўп генералларнинг суратини кўриб, шунга тайёр бўлиб қолган эдим. Орден таққан генераллар менинг фуқароча қиёфамга алланечук таҳқиромуз қарагандай туюлди. Хайрият, шу пайт Пат кириб келди-ю, хона бир зумда ҳарорат ва шодликка тўла оролчага айланди-қолди. Эшикни ёпиб, қизни бағримга босдим. Сўнг янги узилган сирснларни тақдим этдим.

— Мана, — дедим унга. — Шаҳар бошқармасининг саломи ҳам шунинг ичидা.

Пат гулларни дераза ёнида, ерда турган каттакон шаффоғ гуллонга жойлаштира бошлади. Шу орада мен хонага күз югуртиздим. Қадимий күркем жиҳозлар, ҳаво ранг гилам, дераза пардалари худди рассом қалами билан чизилгандай, духоба қопланған ихчам креслолар. Бары беозор, майин тусда.

— Ё алҳазар, бунақа хонани қанаққиб топдинг, Пат, — дедим мен. — Одатда одамлар ижарага жой берсанда шалағи чиққан тақир-туқұрлар, туғилған кунда олинған ва ҳеч кимга асқот-майдиган совғаларни қолдиришарди-ку:

Қиз энгәшиб, гулдонни өхтиётлик билан девор ёнига сурди. Шунда унинг хиёл әгилған бүйни, бежирим елкаси, нозик құлларига назарим тушди. Рүпарамда чүккалаб тураркан, у ҳимояға муҳтож ёш болага үхшарди. Айни пайтда чайир ва ҳүркак жони-ворни ҳам эслатарди. Аммо ўрнидан туриб, құлларини бүйнимга ташлаганда құzlари ва лабларидаги илтижоли интиқлик, сеҳрли бир даъватни күрдиму андак довдирағ қолдим. Бу нопок дунёда бундай манзараға қайтиб дүң келаман, деб үйламагандим.

Күлимни елкасига қўйдим. Қиз яна ёнимда турганидан беҳад баҳтиёр эдим.

— Буларнинг ҳаммаси ўзимнинг нарсаларим, Робби. Олдин квартира ойимники эди. Қазо қылғанларидан кейин икки хона-ни ўзим эгаллаб, қолганини топширвордин.

— Демак, квартира сенини экан-да? — сўрадим енгил тортиб. — Подполковник Эгберт фон Гаке ижарада туради, шундайми?

Пат бош чайқади.

— Унақа эмас. Квартирани сақлаб қолишига қурбим етмади. Үндан воз кечишга тұғри келди, ортиқча жиҳозларни сотдим. Ҳозир ўзим ижарадаман. Қарі Эгбертга намунча қизиқиб қолдинг?

— Шунчаки. Полициячи ва катта офицерлардан чўчиб турман. Ҳарбий хизматдан қолған одат.

Қиз кулди.

— Менинг отам ҳам майор эди.

— Майорга чидаса бўлади.

— Гакени танийсанми? — деб сўради у.

Кўнглім бирдан ғаш бўла бошлади.

— Паст бўйли, юзи қип-қизил, оқ соч, шоп мўйлов, овози йўғон киши-да? Шаҳар боғида кўп сайр қиласиди?

Пат жилмайиб, сиренга қаради.

— Йўқ, у баланд бўйли, рангпар, кўзойнак тақиб юради.

— Бўлмаса, танимайман.

— Таништириб қўяйми? Яхши одам.

— Худо сақласин! Ҳозирча менинг жойим устахона билан фрау Залевскининг пансиони.

Эшик тиқиллади. Оқсоқ қиз пастак столчани ғилдиратиб кирди Кумуш ликопчада пирожний, нағис оқ чинни идиша бутер-

бродлар, күл сочиқ, сигарета ва яна алланималар. Анграйиб қолдим.

— Раҳм қил, Пат! — дедим ниҳоят. — Ҳудди кинодагига ўхшайди. Зинапоядан чиқаётгандаёқ сезувдим, иккаламиз жамият пиллапояларининг бошқа-бошқа зиналаридамиз. Мен фрау Залевскининг деразаси ёнида ёки ўзимнинг қадрдан примусим олдида ўтиришга, яғири чиққан дастурхондан тамадди қилишга ўрганганиман. Мабодо бирорта идишни қўлимдан тушириб юборсам, гариб пансионнинг гариб фуқаросини уят қилмайсан!

Қиз кулиб юборди.

— Йўқ, идишни тушириш мумкин эмас. Автомобилчи деган шарафли ном бундай қилишингга йўл қўймайди. Сен эпчил бўлишинг керак. — Пат чойнакни ушлади. — Чойми, қаҳвами?

— Ёпирай! Иккаласидан ҳам борми?

— Албатта. Мана, қарагин.

— Қойил! Ҳашаматли ресторанлардагидай! Фақат мусиқа етишмайди, холос.

Қиз энгашиб, жажжи приёмник тугмачасини босди, шу пайтгача уни пайқамаган эканман.

— Хўш, чой ичасанми, қаҳвами?

— Қаҳва, Пат, қаҳва ичаман. Деҳқонман-да. Ўзинг-чи?

— Сен билан бирга қаҳва ича қоламан.

— Бошқа пайт чой ичаркансан-да.

— Ҳа.

— Бўлмаса, қаҳва ичиб нима қиласан?

— Секин-секин ўрганяпман. Пирожний сйсанми, бутербродми?

— Иккаласиниям. Фурсатдан фойдаланиб қолиш керак. Кейин чой ҳам ичаман. Ҳаммасидан татиб кўраман.

Қиз кула-кула, ликопчамни тўлдира бошлади. Ҳай-ҳайлайдим.

— Бўлди, бўлди! Нариги хонада подполковник ўтирипти! Бошлиқдар унвони кичикларда меъср бўлишини ёқтиришади.

— Фақат ичкилик масаласида, Робби. Кекса Эгбертнинг ўзи олхўрили пирожнийни хуш кўради.

— Йўқ, Пат, улар унвони кичиклардан майший қулайлик масаласида ҳам чегарадан чиқмасликни талаб қилишади, — дедим мен. — Ўз вақтида обдан миямизга шуни қўйишган. — Мен резина гидиракли столчани орқа-олдинга суреб, ўйнай бошладим. Заб эрмак топилди-да: столча гилам устида бешовқин у ёқданбу ёққа бориб келарди. Шу асно атрофга кўз югуртирдим. Хонадаги ҳамма нарса дид билан танланган эди. — Ҳа, Пат, — дедим унга, — ота-боболаримиз яшашни билишган!

Қиз яна кулди.

— Нималарни ўйлаб топяпсан?

— Ўйлаб топаётганим йўқ. Бор гапни гапирияпман.

— Бу ердаги баъзи буюмлар тасодифан сақланиб қолган.

— Тасодифан эмас. Гап буюмларда ҳам эмас. Гап буюмлар ортида нималар турганида. Ишонч ва хотиржамлик. Сен буни тушунмайсан. Буни шу нарсалардан мосуво бўлганлар тушунади.

Пат менга тикилиб қаради.

— Агар астойдил хоҳласанг, сен ҳам шунга эришишинг мумкин.

Қизнинг қўлини олдим.

— Хоҳламайман. Биласанми, нима учун? Унда ўзимни таваккалчи деб ҳисоблашимга тўғри келади. Мен бор вужудимни сарфлаб яшашиб керак. Шунга кўникали одам. Замон шунаقا.

— Бундай яшаш қулай ҳам-да.

— Эҳтимол, — дедим кулиб. — Энди чой қуй. Бир татиб кўрай-чи.

— Йўқ, — деди у, — қаҳва ичамиз. У-бу нарса е. Бор вужудингни сарфлаш учун.

— Айни муддао. Лекин анови пирожнийхўр Эгберт, менга ҳам бирор нарса тегармикин, деб ўтиргандир?

— Қайдам. Фақат унвони кичикларнинг қасоскор эканини унутмаса бўлди. Бу ҳам бутунги кунимизга хос нарса-ку. Сен бемалол олавер.

Қизнинг қўzlари чақнаб турар, ўзи бениҳоя сувув эди.

— Қачон боя айтганимдай яшамаслигимни, бунинг учун бирорнинг раҳми келиши шарт эмаслигини биласанми?

Пат менга савол назари билан қаради.

— Сен билан бирга бўлганимда! — дедим мен. — Энди Эгбертга қарши шафқатсиз ҳужумга!

Тушда шоффёлар ошхонасида озгина қуруқ шўрва ичган эдим. Шунинг учун столчадаги таомларни паққос туширдим. Патнинг қистови билан қаҳвани ҳам ичиб тугатдим.

Биз дераза олдига ўтироволиб, чека бошладик. Ботаётган қўёш нурлари осмонни қонталаш қилиб юборганди.

— Хонанг яхши, Пат, — дедим унга.— Бу ерда ҳафталааб кўчага чиқмасдан ўтириш, дунёнинг ташвишларини тамом унтиш мумкин.

Қиз кулди.

— Шундай пайтлар бўлганки, қайтиб кўчага чиқишидан умидимни узиб қўйганман.

— Қачон?

— Касал бўлганимда.

— Бу бошқа масала. Нима бўлган эди?

— Ваҳима қиладиган ҳеч нарса. Шунчаки ётишга тўғри келган. Тез ўсаётган пайтларим эди, овқат етишмасди. Уруш йиллари, ҳатто ундан кейин ҳам анча оғир бўлган.

— Тўғри. Қанча ётдинг?

— Бир йилга яқин.

— Шунаقا узоқ ётиб қолдингми? — Унга дикқат билан разм солдим.

— Кўп вақт бўлди бунга. Аммо ўшанда абадиятдай туюлган эди. Эсингдами, қаҳвахонада дўстинг Валентин ҳақида гапириб берган эдинг? Урушдан кейин у нуқул яшашнинг қандай баҳт экани тўғрисида ўйларкан. Бу баҳт олдида ҳамма нарса унинг учун ўз аҳамиятини йўқотган экан.

— Ҳа, уннутмабсан, — дедим мен.

— Сабаби, бу ҳолатни яхши тушунаман. Ўшандан буён мен ҳам сал нарсага қувониб кетаман. Афтидан, енгилтак одам бўлсан керак-да.

— Ўзларини донишманд ҳисоблайдиганлар енгилтак бўлишади.

— Йўқ, мен ростдан ҳам енгилтакман. Ҳаётнинг жиддий муаммоларига ақлим етмайди. Менга фақат гўзал нарсалар хуш ёқади. Мана, сен сиренъ опкелдинг — шунинг ўзи менга баҳт.

— Бу енгилтаклик эмас, бу олий фалсафа.

— Эҳтимол, лекин мен учун эмас. Мен бари бир енгилтак ва юзаки одамман.

— Мен ҳам.

— Менчаликмас. Боя тавакқалчилик ҳақида гапирудинг. Мен бориб турган тавакқалчиман.

— Шунаقا деб ўйлагандим.

— Рост. Аллақачон яшаш жойимни ўзгартиришим, бирор касбни эгаллашим, пул топишим керак эди. Лекин буни орқага суравердим. Маълум вақт кўнглимга ёққандай яшашни ихтиёр этдим. Тўғри қилдимми, нотўғрими — фарқи йўқ. Шундай яшаб келяпман.

— Нега бунчалик жиддий гапиряпсан? — дедим кулиб.

— Бор гапни айтяпман. Одамлар менга, снгилтак бўлма, кўлингдаги арзимаган пулни тежа, бирор срга ишга жойлаш, дейишарди. Мен бўлсан, эркин, даҳлсиз яшашни, кўнглимга келган ишни қилишини хоҳлардим. Бу хоҳиш менда онам вафотидан сўнг, ўзим узоқ ётиб қолганимдан қейин пайдо бўлди.

— Ака-сингилларинг борми?

Қиз бош чайқади.

— Тахминим тўғри экан.

— Сен ҳам мени енгилтаклик қилган, деб ҳисоблайсанми?

— Йўқ, сен мардона йўл тутгансан.

— Бунинг нимаси мардлик? У қадар жасур эмасман. Шунаقا кўркув босган пайтлар бўлганки! Худди театрга бориб, бирорвнинг жойига ўтириб олган одамнинг аҳволига тушганман.

— Демак, мард экансан, — дедим унга. — Мардлик қўркувсиз бўлмайди. Қолаверса, сен тўғри иш қилгансан. Пулингни бехуда совуришинг мумкин эди. Ҳозир эса нимагадир эгасан. Қандай юмуш билан шуғуллангансан?

— Ҳеч қандай. Шунчаки ўзим учун яшаганман.

— Офарин! Бундан зўр иш йўқ.

Қиз кулди.

- Ҳадемай бунга чек қўйилади, ишга кираман.
- Қаерга? Биндинг билан ўша кунги учрашувингга алоқадор эмасми?
- Алоқадор. Биндинг ва «Электрола» патефон компаниясиға қарашли дўконлар директори доктор Макс Матушайт билан учрашган эдим. Сотувчи бўлиб ишга кирмоқчиман.
- Биндинг бундан кўра дурустроқ нарса ўйлаб тополмадими?
- Топди, лекин мен хоҳламадим.
- Унга маслаҳат бермаган бўлардим... Қачон ишни бошлимоқчисан?
- Биринчи августан.
- Ҳали вақт бор экан. Балки бошқа иш топармиз. Лекин барабир сенинг харидорларинг бўламиз.
- Патефонинг борми?
- Йўқ, лекин дарров ҳарид қиласман. Ростини айтсам, шу ишинг менга ёқмай турибди-да.
- Ўзимга ёқади, — деди у. — Бошқа иш қўлимдан келмайди. Аммо сен билан бирга бўлганимдан бери ўзимни енгил ҳис эта-ман. Дарвоқе, бу режамни сенга айтмаслигим керак эди.
- Йўқ, айтишинг керак эди. Сен ҳамма вақт менга бор гапни айтишинг керак.
- Хўп, Робби. — Шундай деди-да, ўрнидан туриб, жавон ёнига борди.
- Нима олиб қўйганимни биласанми? Ром. Сен учун. Назаримда яхши ром. У столчага қадаҳ қўйиб, менга тикилди.
- Ёмонмас, узоқданоқ сезилиб турибди, — дедим унга. — Лекин сал тежамкорроқ бўлганинг тузукмиди, Пат? Лоақал патефон масаласини бир оз нарироқча суриш учун ҳам.
- Кераги йўқ.
- Бу гапинг ҳам тўғри.
- Ромининг рангидан билдимки, бир нарса қўшилган. Винофурш Патни алдаган. Қадаҳни бўшатдим.
- Зўр! — дедим унга, — яна битта кўй. Қаердан олдинг?
- Муюлишдаги дўкондан.
- «Хароб бир дўкон бўлса керак-да», — деб ўйладим ичимда. Бирор кун кириб, сотувчини тузлашни кўнглимга тугиб қўйдим.
- Энди мен борай, Пат.
- Яна пича ўтирайлик.
- Биз дераза олдида турардик. Кўча чироқлари ёнди.
- Ётоқхонангни кўрсатмайсанми?
- У бир эшикни очиб, чироқни ёқди. Остонада туриб хонага кўз ташладим. Кўнглимдан нималар кечмади!
- Демак, бу сенинг каравотинг, Пат, шундайми?
- Кимники бўлмаса?
- Дарвоқе. Мана бу телефон. Буни ҳам билиб олдим... Энди менга рухсат.

Пат кафтини юзимга босди. Қанийди шу ерда қолсам, юмшоқ зангори түшак ичиди у билан биргэ бүлсам... Аммо нимадир мени тийиб турарди. Тортинчоқлик, күркүв ёки эхтиёткорлик эмас, йүқ, жудаям улкан назокат, ҳар қандай хохишини даф эта-диган назокат мейи тийиб турарди.

— Хайр, Пат, — дедим мен. — Келганимдан ниҳоятда хур-сандман. Сен тасаввур қилганингдан кўра ҳам хурсандман. Бунинг устига, ром... Менга кўнглингни очганинг...

— Оддий нарсалар-ку булар...

— Мен учун ундеймас. Бунга ўрганмаганим.

Фрау Залевскининг пансионига қайтиб, хонамда бир оз ўтири-дим. Патининг Биндинг олдидаги бурчдор бўлиши ичимни гаш қилаётганди. Йўлакка чиқиб, Эрна Бенигнинг олдига кир-дим.

— Зарур иш билан келдим, Эрна. Аёллар меҳнатига талаб қанақа ҳозир?

— Сизга нима кераги бор буни? — ҳайрон бўлди у. — Бунақа саволни кутмагандим. Очифини айтсам, вазият жудаям оғир.

— Сира иложи йўқми?

— Қасби нима?

— Котиба, ёрдамчи...

У қўл силтади.

— Юз минглаб ишчилар сарсон бўлиб юрипти... Ўша аёлнинг бирор ихтисоси борми?

— Жудаям гўзал, — дедим мен.

— Нечта ҳижо?

— Лаббай?

— Минутига нечта ҳижо ёза олади? Нечта тилни билади?

— Хабарим йўқ, — дедим мен, — лекин биласизми... ваколат-хоналар учун...

— Азизим, сезиб турибман: аёл ўзига тўқ оиласдан бўлган, эмйн-эркин яшаган, бугунги кунга келиб... ҳоказо ва ҳоказо. Иложи йўқ, ишонинг. Агар бирорта эркак астойдил киришиб, чорасини топмаса... Аммо бунинг тўлови нима бўлишини биласизми? Сиз буни хоҳламайсиз-ку, тўғрими?

— Саволингиз қизиқ бўлди.

— Сиз ўйлаганчалик қизиқ эмас, — жавоб берди Эрна синиқ табассум билан. — Бир нарсани билмасам гапирмайман.

Эрнанинг бошлиги билан алоқасини эсладим.

— Сизга дўстона маслаҳатим, — давом этди у. — Ўзингиз шундоқ ишлангки, топганингиз икки кишиига етсин. Энг осон йўли шу. Ўйланинг.

Кулиб юбордим.

— Э, қойил! Хотинни боқолармикинман?

Эрна менга таажжуб билан қаради. Ниҳоятда ҳарақатчан, ти-ниб-типпимас аёл бўлишига қарамай, шу тобда у кўзимга сўлгин, ҳатто кексайиб қолгандай кўринди.

— Ростини айтсам, — деди у. — Тирикчилигим ёмон эмас, керагидан ортиқ тақыр-туқурим бор. Аммо бирор киши ёнимга келиб, ҳалол ва покиза турмуш қуришни астойдил таклиф қылса, ҳамма нарсамдан воз кечиб, ўша одам билан ертүлада яшашга ҳам рози бўлардим. — Эрнанинг чехрасига яна олдинги ифода қайтди. — Э-э, нималар деялман — ҳар бир инсонда маълум даражада ҳиссиёт бор. — У сигарета тутуни орасидан кўз қисиб қўйди. — Ҳатто сизда ҳам.

— Нега энди?

— Ҳа, ҳа... — деди Эриа. — Бу ҳиссиёт кутилмаганда қалқиб чиқади...

— Менда қалқиб чиқмайди, — жавоб бердим унга.

Соат саккизгача хонамда ўтиридим, кейин юрагим сиқилиб, бирортасини учратиб қоларман, деган умидда қаҳвахонага тушдим.

Стол ёнида Валентин ўтиради.

— Ўтири, — деди у. — Нима ичасан?

— Ром. Шу бугундан бошлаб ромга ихлосим ошиб кетган.

— Ром — аскарнинг сути, — деди Валентин. — Дарвоқе, кўри нишинг ёмонмас, Робби.

— Наҳотки?

— Ёшариб кетибсан.

— Худога шукур, — дедим унга. — Соғ бўл, Валентин.

— Омон бўл, Робби.

Биз қадаҳларни столга қўйдик-да, бир-биrimизга тикилиб, кулиб юбордик.

— Азизим, — деди Валентин.

— Жин урсин сени, дўстим! — хитоб қилдим мен. — Энди нима ичамиз?

— Яна ўзидан.

— Бўпти.

Фред қадаҳларни тўлдирди.

— Ўлмайлик, Валентин.

— Яшащ учун, Робби.

— «Ўлмайлик» — қандай ажойиб сўз, тўғрими?

— Бундан зўр сўз йўқ!

Яна бир неча бор қадаҳ кўтардик. Сўнг Валентин кетди.

Мен қолдим. Қаҳвахонада Фреддан бошқа ҳеч ким йўқ эди. Деворлардаги эски хариталарни, слканлари сарғайиб кетган кемаларни томоша қиларканман. Пат ҳақида ўйлардим. Ҳозир жон деб қўнғироқ қиласадим-у, аммо ўзимни базур тийиб ўтирадим. Уни ҳадеб ўйлавермаслигим керак. У мени учун кутилмаган туҳфа, бир келиб кетадиган баҳт. Мен шундай бўлишини хоҳлардим. Аслида ҳам бошқача бўлиши мумкин эмас. Биламанда: ҳар қандай муҳаббат боқий бўлишни истайди, унинг боқий азоби ҳам шундан. Лекин дунёда интиҳосиз нарсанинг ўзи йўқ.

— Яна битта күй, — дедим Фредга.

Шу пайт қаҳвахонага бир эркак билан аёл кириб келишиди. Улар пештахта олдида туриб, бир стакандан шарбат ичишили. Аёлда мажол қолмаган, эркак эса унга ҳамон ҳирс билац тикиларди. Тез чиқиб кетишиди.

Қадаҳни бўшатдим. Балки бугун Патникига бормаганим тузукмиди? Кўз олдимда ҳануз ним қоронғи, серфайз хона, бозор оқшом, ўз ҳаёти, ўз режалари тўғрисида паст ва майин товушда гапираётган соҳибжамол қиз. Ахир шу пайтгача ҳайратомуз саргузаштдай туюлган нарса назокат қаърига сингиб кетмаганими? Бу назокат мен ўйлаганим ва хоҳлаганимдан кўра ҳам кучлироқ бир тарзда вужудимни чулғаб олмаганими? Бугун, худди шу бугун нақадар ўзгариб кетганимни ҳис этмадими? Нега кетиб қолдим, нега уницида қолмадим? Хоҳлаб турувдим-ку. Минг лаънат. Бўлар иш бўлди. Ундан айрилганимдан кейин ақлдан озсам ҳам майли, лекин ҳозирча Пат мен билан бирга, бошқа нарса билан ишим йўқ. Одмигина ҳаётимни ўзгартиришга уринишм шартмиди? Ҳамма нарса буюк тўфон остида қоладиган кун бари бир келади-ку.

— Мен билан ичасанми, Фред?

— Қачон «йўқ» деганман.

Икки қадаҳдан арақ урдик. Сўнг навбатдаги қадаҳни ким буюришидан қуръа ташладик. Мен ютдим, лекин бари бир кўнглим тўлмади. Қуръа ташлайвердик, бешинчи мартасида ютқаздим, кейин қаторасига яна уч марта омадим келмади.

— Кайфим ошдими ё ростдан ҳам момақалдироқ гумбурляяпими?

Фред қулоқ солди.

— Рост, момақалдироқ. Бу йил биринчи марта эшлишиш.

Эшик олдига бориб, осмонга қарадик. Қоп-қора булат. Лекин ҳаво илиқ, аҳён-аҳён яшин чақнайди.

— Унақа бўлса, яна биттадан отамиз, — дедим мен.

Фред эътироуз билдирамади.

— Расво арақ экан, — шундай деб, қадаҳни пештахта устига қўйдим. Фред ҳам ўткирроқ нарса, масалан, олча араги ичиш тарафдори эди. Менга қолса, ром тузук. Баҳлашмаслик учун унисидан ҳам, бунисидан ҳам ичдик. Бира тўла катта бокалларда ичиб қўя қолдик, ҳадеб қуйиб ўтирадими! Кайфимиз энди чоғ эди. Бир исча марта кўчага чиқиб, осмонга қарадик. Чақмоқ чақнаганини кўрмоқчи эдик, аммо омадимиз келмади. Нукул қаҳвахонада ўтирганимизда гумбуrlаган овоз эшитиларди. Фред, қайлигим бор, деди. Автомат-ресторан хўжайнининг қизи эмиш. Лекин чол ўлмагуича уйланмоқчи эмас, чунки ресторан қизга мерос бўлиб қоладими-йўқми, шуни аниқ билиши керак. Менимча, Фред ҳаддан ташқари эҳтиёткорлик қиляпти. Унициг айтишича, чол ярамас одам эмиш, сўнгги дақиқаларда ресторанни черковга васият қилиб юборниши ҳам ҳеч гап эмас, дейди.

Шундан кейин индаёлмай қолдим. Аммо Фред умидини узмаганди. Чол шамоллаб ётганмиш, Фреднинг фикрича, грипп бўлса ҳам ажабмас, бу оғир дард. Мен унга, ичадиганлар учун грипп писандмас, дедим. Айниқса, сурункасига отадиган одам гриппдан кейин бавзан гул-гул очилиб, ҳатто семириб ҳам кетади. Фред, ҳечқиси йўқ, чол бари бир бирорта мошинанинг тагида қолади, деди. Шундай бўлиши мумкинлигини тан олдим, айниқса, асфальт ҳўл бўлса. Бу гапимни эшитиб, Фред шартта ўрнидан турди-ю, кўчага қараб югурди: ёмғир бошладими-йўқми, шуни билмоқчи бўлдиёв. Аммо ёмғир ёғмаётганди. Ҳамон момақалдироқ гумбурларди. Унга бир стакан лимон шарбати қуйиб бериб, телефон ёнига бордим. Сўнгги дақиқада қўнғироқ қилмасликка аҳд этганимни эслаб қолдим. Аппаратга қўл силтаб, унинг ҳурматига шляпамни ечмоқчи бўлган эдим, қарасам, бошимда шляпам йўқ экан.

Жойимга қайтиб келсам, стол ёнида Кестер билан Ленц туришарди.

— Қани, «куҳ» де-чи! — деди Готтфрид.

Талабни адо этдим.

— Ром, олча арафи ва эрмонли арақ, — деди у. — Эрмон қўшилган арақни ичдингми, галварс?!

— Мени маст деб ўйлаётган бўлсанг, янглишасан, — дедим унга. — Қаёқдан келяпсизлар?

— Сиёсий мажлисдан. Лекин Оттога ёқмади. Фред нима ичяпти?

— Лимон шарбати.

— Сен ҳам бир стакан ичворсанг ёмон бўлмасди.

— Эртага, — дедим мен. — Қорним таталаб кетяпти.

Кестер менга ачиниб қараб турарди.

— Жаҳлинг чиқмасин, Отто. Озгина олдим, лекин хафачиликдан эмас, хурсандчиликдан.

— Унда майли, — деди у. — Юр, бирга овқатланамиз.

Соат ўн бирда яна гижинглаган тойдай эдим, кайфдан асар ҳам қолмаганди. Кестер, Фреддан бир хабар олайлик, деди. Қаҳвахонага қайтдик. Фред пештахта ортида оёқда зўрга турарди.

— Ичкарига олиб киринглар, — деди Ленц. — Мен савдо қилиб турман.

Кестер иккаламиз Фредга қайноқ сут ичкизиб ўзига келтирдик. Сут дарров таъсир қилди. Кейин уни стулга ўтқазиб, яrim соат дам олишни буюрдик.

Готтфрид бало-да. У ҳамма нархларни билар, коктейль тайёрлашга устаси фаранг, худди умр бўйи буфетчилик қилгандай, ўлчови ёзилган идишни ўйнаб турарди.

Бир соатлардан сўнг Фред чиқиб келди. Ошқозонида спиртдан бошка нарса бўлмагани учун тез ўзига келганди.

— Оширвордик-да, Фред, — дедим мен. — Овқатсиз ичганимиз чатоқ бўлди.

— Ҳечқиси йўқ, — жавоб берди у. — Баъзан шунаقا бўп тургани яхши.

— Тўппа-тўғри.

Телесфон ёнига бориб, Патни чақирдим. Бояги мулоҳазаларим эсимдан чиқиб кетган эди. Пат гўшакни кўтарди.

— Ўн беш минутда етиб бораман, — шундай дедиму гўшакни қўйиб қўйдим. Чарчаганини баҳона қилишидан қўрқдим. Лекин уни кўрмасам бўлмасди.

Пат пастга тушди. Кўча эшигини очаётган пайтида ойнанинг бу томонидан Патнинг боши теккан срини ўпдим. У бир нарса демоқчи бўлган эди, гапиртирумадим — лабимни лабларига босдим. Иккаламиз кўча бўйлаб чопиб кетдик. Яшин чақнار, момақалдироқ гумбурларди.

— Ҳозир ёмғир қуяди, — дедим мен.

Таксига ўтиридик. Йирик-йирик томчилар ногора чала бошлиди. Мошина чорқирра тош терилган йўлдан сакраб-сакраб борарди. Олам гўзал эди — такси ҳар силкингандан ёнимда Пат ўтирганини жон-жонимдан ҳис этардим. Ҳа, олам гўзал эди: ёмғир, шаҳар, сархушлик. Буларнинг бари қўшилиб, улкан ва гўзал бир нарсага айлангаңди! Кайфим чоғ эди, чунки бояги бадмастликдан халос бўлгандим. Минг хил истиҳолалар пардек тўзиб кетган, тун бакувват ва зим-зиё, атрофимда юз бераётган ҳодисалар рост ва табиий эди. Мошинадан тушганимизда жала қуя бошлиди. Ҳайдовчи билан ҳисоб-китоб қилаётганимда эса қора асфальтни савалаётган томчилар ҳали қоплон терисидаги доғларга ўхшарди. Аммо пансионга етиб-етмасимиздан кўчада чучвара қайнай бошлади — ёмғир челаклаб қуярди. Чироқни ёқмадим. Ҷақмоқ хонани ёритиб турарди. Шаҳар тепасида момақалдироқ кўкни ларзага келтиради.

— Мана энди ҳар қанча бақирсак ҳам бўлаверади, — дедим мен. — Овозимизни ҳеч ким эшитмайди!

Дераза ёришиб кетди. Қабристондаги дараҳтларнинг қоп-қора шарпаси кўзга бир ташланди-ю, яна қоронгилик қаърига яширинди. Дераза олдида, тун билан менинг орамда Патнинг қамчиндай қомати бир тутам нурдай ярқ этиб кўринди. Елкасидан кучдим, у пинжимга қапишиди, сўнг лабларини, нафасини туйдим ва бу дунёни буткул унутдим...

## XII

**У**стахонамиз ҳамон, худди ҳосил ўрими арафасидаги омбордай, хувиллаб ётарди. Шунинг учун кимошли бозоридан ҳарид қилинган мошинани сотмасдан, такси сифатида фойдаланишга аҳд этдик. Уни навбати билан Ленц иккаламиз минадиган бўлдик. Янги буюртма тушгунча Кестер Юпп билан бирга устаҳонани эплаб туради.

Мошинани ким биринчи бўлиб минишини ҳал қилиш учун Ленц билан ошиқ ташладик. Мен ютдим. Чўнтағимни майда пулларга тўлдириб, ёнимга зарур ҳужжатларни солиб, аста шаҳар айланана бошладим. Энг олдин мижозлар кўп бўладиган бекатни топиш керак эди. Бошида ғалати туюлди. Ҳар қандай аҳмоқ тўхтатса, уни истаган жойига олиб бориб қўйишга мажбур эдим. Бунақа ишга ўрганмаганман.

Бешта машина турган жойни танладим. Бу жой «Вальдекер гоф» меҳмонхонасининг рўпарасида, гавжум мавзеда эди. Кўп туриб қолмасам керак. Мошинани ўчириб, ташқарига чиқдим. Олдинда турган таксиларнинг биридан чарм пальто кийган йигит тушиб, менга қараб кела бошлади.

— Йўқол бу ердан! — деди у қовоғини солиб.

Хотиржам қараб туравердим, мабодо муштлашишга тўғри келса, иягининг остига бир мушт уриб, қулатиш керак, деган ўй кечди кўнглимдан. Кийими қўпол, ўзини дарров ҳимоя қилолмайди.

— Тушунмадингми? — деди у ва оёғимнинг остига оғзидағи сигаретасини туфуриб ташлади. — Йўқол, деялман! Ўзимиз етарлимиз! Ортиқча ионхўрнинг кераги йўқ!

Унга яна битта машина тиркалгани ёқмаётганди. Лекин менинг ҳам ҳаққим бор-ку бу ерда туришга.

— Арақ қўйман, — дедим мен.

«Хўп» дея қолса бўларди. Чунки таомил ўнука: янги кўшилган одам арақ қўйиши керак. Ёнимизга ёштина бир шофер келди.

— Майли, ҳамкасб. Тегма унга, Густав...

Аммо Густавга нимамдир ёқмаётганди, эҳтимол, мени ҳаваскор киракаш, деб ўйлаётгандир.

— Учгача санайман...

Бўйи мендан бир қарич баланд, шунга ишоняпти, шекилли.

Муросага кўнадиганга ўхшамайди. Ё кетиш, ёки солишиш керак.

— Бир, — деди Густав ва пальтосининг тугмаларини ечди.

— Кўйсанг-чи, — дедим уни шаштидан қайтариш умидида. —

Ундан кўра, озгинадан отайлик.

— Икки... — тўнғиллади у.

Сезиб турибман, пўстагимни қоқмоқчи.

— Яна бирни кўшса...

У фуражкасини орқага сурди.

— Бас қил, тентак! — деб бақирдим бирдан. Густав анграйиб қолди, сўнг бир қадам олдинга ташлаган эди, мен учун қурай жойга келиб қолди. Яшин тезлигига ияги остига мушт солдим. Буни менга Кестер ўргатгани эди. Бокс усувларини яхши билмасдим, машқ қилишни ҳам ортиқча дахмаза деб ҳисоблардим. Ҳаммаси биринчи зарбага боғлиқ. Мўлжални тўғри олган эканман. Густав «турс» этиб йўлкага ағдарилди.

— Феълига яраша, — деди ёш шофёр. — Ҳаммага тирғалгани тирғалган. — Биз Густавни мошинаси олдига судраб бориб, ўриндиққа ташладик. — Ҳечқиси йўқ, ҳадемай ўзига кеп қолади.

Кайфиятим бузилган эди. Бунинг устига, бош бармоғимни нотўри буқлаган эканман, урган пайтимда лат епти. Агар Густав ўзини тез ўнглаб олгандা, мени дабдала қиласди. Ёш шофёрга шуларни гапириб, энди мен кета қолай, дедим.

— Парво қилма, — деди у. — Бўлар иш бўлди. Пивохонага кирамиз — озгина эрийсан. Касбинг шоферлик эмас, тўғрими?

— Тўғри.

— Мен ҳам актёрман.

— Ие. Бу ёғи қандоқ бўлди?

— Яшаб юрибман, — деди у. — Бу ёрнинг ҳам театрдан қолишадиган жойи йўқ.

Пивохонага беш киши кирдик — икки қария ва уч нафар ёш. Кўп ўтмай, Густав ҳам келди. У бизга ёв қараш қилиб, столга яқинлашди. Чап қўлим билан чўнтағимдаги бир шода қалитни пайпаслаб қўйдим: яна тирғалса, охиригача олишаман.

Лескин бундай бўлмади. Густав стулни оёғи билан орқага сурниб, ўзини тағпа ташлади. Пивохона эгаси унинг олдига қадаҳ келтириб қўйди. Густав бошқаларга қўшилиб, ичворди. Яна күйлди. Густав менга кўз қирини ташлаб, қадаҳни кўтарди.

— Омон бўл, — деди у афтини бужмайтириб.

— Ўзинг ҳам, — жавоб бердим унга ва қадаҳни бўшатдим.

Густав ёнидан сигарета қутисини чиқазди-да, қўзимга қарамасдан, мен томон узатди. Бир донасини олиб, унга олов тутдим. Кейин яна арақ буюрдим. Ичдик.

— Каллаварам! — деди у менга очиқ юз билан қараб.

— Тўпори! — жавоб қайтардим ўша оҳангда.

— Зарбанг ёмон эмас...

— Тасодиф... — Унга лат еган бармоғимни кўрсатдим.

— Шошгансан-да, — деди у кулиб. — Дарвоқе, исмим Густав.

— Меники — Роберт.

— Бўпти. Ўтган ишга салавот, Роберт. Сени онасининг этагига ёпишиб юрадиган бола, деб ўйлабман.

— Унутамиз буни, Густав.

Шу дақиқадан бошлаб дўст бўлиб қолдик.

Мошиналар аста-сскин ўринидан қўзғала бошлади. Актёр, исми Томми, вокзалга қараб жўнади. Густавга сал наридаги ресторонга борадиган мижоз тўғри келди. Унинг роса энсаси қотди. Чунки арзимаган пул олади-да. Бир зумда қайтиб келиб, яна навбатга туриши керак. Менга худо берди — кекса бир инглиз аёли, шаҳарни томоша қилдирасиз, деб қолди. У билан бир соатча айландим. Қайтишда яна икки-учта мижозга хизмат қилдим. Тушликка пивохонага тўпланиб, бутерброд еб ўтирганимизда ўзимни минг йиллик таксичидай ҳис этардим. Ҳайдовчилар орасидаги

муносабат собиқ қуролдошларимнинг меҳр-оқибатини эслатарди. Булар турли касб эгалари эди. Тўплангандарнинг ярми ҳақиқий шоффёр бўлса, қолганлари тирикчилик вожидан рулга ўтиришганди.

Кечга яқин ҳориб-чарчаб, устахонага кириб бордим. Ленц билан Кестер кутиб ўтиришган экан.

— Хўш, оғайнилар, қанча пул топдинглар? — деб сўрадим улардан.

— Етмиш литр бензин сотдик, — деди Юпп.

— Бор-йўғи шуми?

Ленц гижиниб осмонга қаради.

— Бир ёмғир қўйсайди! Кейин дарвозамиз олдида мошиналар сирпаниб, тўқнашиб кетса, лекин ҳеч ким жабрланмаса! Роза ишга кўмилиб кетардик-да.

— Кўриб қўйинглар! — Кафтимда турган ўттиз беш маркани кўрсатдим.

— Э, қойил! — деди Кестер. — Йигирма маркаси соф фойда.

Бугун шуни ишлатамиз. Биринчи рейсни ювишимиз керакми-йўқми?

— Вино ичамиз, — деди Ленц.

— Вино? — ҳайрон бўлдим. — Нима учун вино?

— Чунки Пат бирга бўлади.

— Пат?

— Нега ажабланасан? — деди ашаддий саргузашт ишқибози, — аллақачон келишиб қўйганмиз. Соат еттида олиб кетишимиш керак. Огоҳлантириб қўйганмиз. Сен ўйламаганингдан кейин биз ўйлаймиз-да. Ахир у билан биз туфайли танишгансан-ку.

— Отто, — Кестерга мурожаат қилдим, — бу сурбетни нима қиласа бўлади?

Кестер кулиб юборди.

— Қўлингга нима қилди? Эгиброқ турибсан.

— Чиққанга ўхшайди. — Густав билан бўлган воқеани гапириб бердим.

Ленц бармоғимга кўз ташлади.

— Чиққан! Насроний ва собиқ тиббиёт талабаси сифатида, ўлгудай тўнг бўлишингга қарамай, уқалаб қўяман. Юр, бокс чемпиони.

Устахонага кирдик. Готтфрид ёғ суртиб, қўлимни уқалай бошлиди.

— Патга, таксичилик фаолиятимизнинг бир кунлик юбилейини нишонлаймиз, дедингми, тентак? — сўрадим ундан.

У хуштак чалиб қўиди.

— Ҳа, уяласизми, йигитча?

— Ўчир, — жеркиб бердим узи. Аммо Ленц тўғри гапирган эди. — Шунаقا дедингми?

— Мұҳаббат, — деди у қўзини лўқ қилиб, — гўзал нарса. Лекин одамни бузади.

- Ёлғизлик эса бсандиша қилиб құяди, тушундингми?
- Айдиша — бирөвнинг хатосини айтмаслик<sup>2</sup> ва уни тузатмаслик хусусида ёзилмаган норасмий битим. Жирканч муроса. Немис фахрийси бу йүлга юрмайди, жигаргүшам.
- Мабодо бир аёл телефон орқали таксингни чақирсаю кейин бу аёл Пат экани маълум бўлса, нима қилган бўлардинг? — деб сўрадим ундан.
- Ленц илжайди.
- Айтган жойига олиб бориб қўярдим, лекин пул олмасдим. Уни итариб ташладим.
- Ҳа, ярамас! Шу қилганингга, кечқурун олдига таксида бораман.

— Тўппа-тўғри! — деди Готтфрид бармоғини тепага кўтариб. — Фақат эркингни қўлдан берма! Эрк муҳаббатдан қўмматроқ нарса. Аммо инсон буни кеч тушунади. Таксини эса беролмаймиз. Фердинанд Грау билан Валентин сўраган. Бугун жиддий ва улкан зисфат бор.

Биз шаҳар четидаги кичкина ресторон чорбоғида ўтирадик. Ўрмоннинг шундоққина тепасида қип-қизил машъаладай бўлиб намиққан ой осилиб турипти. Каштан гулларининг рангсиз чилчироқлари милтиллайди, теварак-атрофни сиреннинг кишини мааст қилувчи ҳиди тутиб кетган, стол устида оқ вино тўла каттакон шиша жом. Сўнаётган шафақ жом ичидаги кўкимтир-садаф рангида товланади. Келганимиздан бўён вино идиши тўрт марта тўлдирилди.

Фердинанд Грау раислик қиласади. Унинг ёнида Пат ўтирипти. Кўйлагига Фердинанд тақдим этган оқиш-пуштиранг гулни қадаб олган.

Фердинанд қадаҳига қўнгандаги капалакни тутиб олиб, авайлаб столга қўйди.

— Мана бунга бир қаранглар, — деди у. — Қанотларига разм солинглар! Энг тоза кимхоб ҳам бу қанотлар олдида латтага ўхшаб қолади. Афсуски, шундоқ жонивор бир кунгина умр кўради. — У ҳаммамизга бир-бир қараб чиқди. — Дунёда энг даҳшатли нарса нима, биласизларми?

— Бўш турган стакан, — деди Ленц.

Фердинанд унга ижирғаниб қаради.

— Эркак киши учун майнавозликтан ортиқ шармандалиқ йўқ, Готтфрид. — Кейин яна бизга юзланди: — Энг даҳшатли нарса, бу — вақт, оғайнилар. Вақт. Биз яшаётган ва ўзимиз ҳеч қачон измимизга сололмайдиган дақиқалар.

У чўнтағидан соатини чиқазиб, Ленцининг кўзига тутди.

— Мана, шилқим дўстим! Дўзах мошинаси бу. Тўхтовсиз чиқиллайди, узлуксиз фано эшигини қоқади. Сен тоғ кўчкисини тўхтатиб қолишинг мумкин, аммо буни тўхтатолмайсан.

— Тўхтатмоқчи ҳам эмасман, — деди Ленц. -- Тинчгина қаримоқчиман. Қолаверса, менга ҳаётдаги ранг-баранглик ёқади.

— Инсон учун бу жудаям оғир, — деди Грау, Готтфридга эътибор бермай. — Чидаб бўлмайдиган даражада оғир. Шунинг учун ҳам одам орзуни, абадият ҳақидаги қадимий, жозибали. Аммо икки дунёда ҳам ушалмайдиган орзуни ўйлаб топган.

Готтфрид кулиб юборди.

— Фердинанд, дунёнинг энг оғир дарди — тафаккур! Дарди бедаво бу.

— Агар фақат шу бўлганда, сен ҳеч қаҷон ўлмасдинг, — жавоб берди унга Грау. — Сен — углеводлар, оҳак, фосфор ва темирнинг ер юзида Готтфрид Леиц деб атальмиш муваққат қориш масисан.

Готтфрид яйраб кулди. Фердинанд ҳурпайган сочини орқага силкиди.

— Оғайнилар, ҳаёт бу — қасаллик, инсон туғилиши билан ўлим бошланади. Ҳар нафас олиб — нафас чиқаришда, юракнинг ҳар бир зарбидаги ўлим зарралари бор — булар бизни муқаррар жаҳаннамга етаклади.

— Ҳар култум арақ ҳам шу вазифани бажаради, — деди Леиц. — Сенинг соғлиғинги, Фердинанд! Аслида ўлимдан осон нарса йўқ.

Грау қадаҳини кўтарли. Унинг патнисдек юзидан, унсиз чақиндай, табассум сирғалиб ўтди.

— Омон бўл, Готтфрид! Сен — вақт чақиртошлари устида сакраб юрган бургасан. Сени яратаетганда қодир эгам нимани ўйладийкин?

— Бу унинг шахсий иши. Дарвоқе, Фердинанд, сал ўйлаб гапирсанг бўларди. Агар одамлар безавод яшайверишига, сен ишсиз қоласан-ку, ўлимнинг кекса ювиндиҳўри!

Фердинанднинг елкалари силкинди. У куларди. Кейин Патга мурожаат қилди:

— Сув мавжида ёлғиз тебранаётган нилуфар биз вайсақилар устидан кулиб ўтиргандир?

Сўнг Пат билан боғни айландик. Ой энди анча тепага кўтарилиган, ўтлоқлар кумушдай товланарди. Дараҳтларнинг узун, қоп-қора соялари худди борса келмасга ундаётган йўл кўрсаткичларига ўхшарди. Кўл бўйига тушиб, яна орқага қайтдик. Йўлда Леицга дуч келдик. У ҳам боғ ичкарисида, сиренъ тагига кўйилган буклама стулда ўтиради. Оппоқ жингалак соchlари ва сигарста чўғи ним қоронғиликда яққол кўзга ташланарди. Ёнида вино идиши билан бокал.

— Зўр жойни топибсиз! — хитоб қилди Пат. — Атрофингиз нуқул сиренъ.

— Ҳа, яхши жой. — Готтфрид ўрпидан турди. — Марҳамат.

Пат стулга ўтириди. Гуллар орасида чехраси янам очилиб кетган эди.

— Сирень жиннисиман, — деди ашаддий саргузашт ишқибози. — Сирень мен учун ватан тимсоли. Минг түққиз юз йигирма түртингчи йилнинг баҳорида Германияда ҳадемай сирень гуллашини эслаб, Рио-де-Жанейродан шартта бу ёқса қараб жўна-вортганман. Кечикканман, албатта. — Готтфрид кулиб қўйди. — Доим кечикиб юраман.

— Рио-де-Жанейро... — Паг сирснь шохчасини ўзига тортди. — Робби билан бирга бўлгансизлар-да у ерда?

Готтфрид дудукланаб қолди. Менинг этим жимирашиб кетди.

— Ой роса тўлишипти-да! — дедим шошиб ва Ленцнинг оёғини секин босиб қўйдим.

Сигарета чўгининг ёруғида Ленцнинг кулимсираб, менга кўз қисганини пайқадим. Елкамдан тоғ ағдарилгандай бўлди.

— Йўқ, унда бирга эмас эдик, — деди Ленц. — Ёлғиз ўзим эдим. Яна бир хўпламдан ичмаймизми?

— Етади, — деди Пат. — Мен бунаقا кўп ичолмайман.

Шу пайт Фердинанд чақириб қолди, бинога қайтдик.

У эшик олдида тоғдай бўлиб турарди.

— Киринглар, болаларим, — деди у. — Бизга ўҳшаган одамлар тунда табиат билан мулоқотда бўлмаслиги керак. Табиат тунда ёлғизликни хуш кўради. Дехқон ёки балиқчи бўлганимизда бошқа гап эди. Биз шаҳарликларимиз, ҳис-туйғуларимиз ўтмаслашиб кетган... — У қўлини Готтфриднинг елкасига қўйди. — Тун — табиатнинг цивилизация иллатига қарши исёни, Готтфрид. Ўзини билган одам бу ҳолга узоқ бардош беролмайди. У дараҳтлар, ўт-ўланлар, жониворлар; юлдузлар оламидан ва умуман, онгсиз ҳаётдан қувилганини бари бир сезади. — Фердинанд ғалати жилмайди, аммо бу табассумда дард кўпми, қувонч кўпми — билиб бўлмасди. — Киринглар, жигарларим! Хотиралар чўғида исина-миз. Ҳали бизчувалчанг ва калтакесак бўлган ажойиб пайтларимизни эслаймиз — алқисса, эллик ёки олтмиш минг йиллар муқаддам... Ё парвардигор, ўшаңдан бўён қанчалар тубанлашиб кетдиг-у...

У Патнинг қўлини олди.

— Агар гўзалликни ҳис этиш туйғуси ғозигина бўлса ҳам сақланиб қолмаганида ҳамма нарсадан жудо бўлардик. — Фердинанд паншахадай бармоқдари билан қизнинг кафтини авайлагбина ушлаб, ўз тирсаги остидан ўтказди. — Тубсиз жарлик тепасида илиниб турган кумуширанг юлдуз, алмисоқдан қолган қария билан озигина ичмайсизми?

— Майли, — деди Пат. — Сиз нима дессангиз — шу.

Улар ичкирига киришди. Фердинанднинг ёнида Пат унинг қизига — эртаклар қаъридан чиқиб келган ҳорғин паҳлавоннинг позик-ниҳол, аммо довюрак қизчасига ўҳшарди.

Соат ўн бирда шаҳарга қайтдик. Валентин таксида Фердинанд-ни олиб кетди. Қолғанларимиз «Карл»га ўтирдик. Тун илиқ эди. Кестер айланма йўлни ташлади, биз йўл бўйида мудраб ётган бир неча қишлоқлардан ўтдик. Гоҳида яккам-дуккам чироқлар кўзга ташланар, ёлғиз итнинг вовиллагани эшитилиб қоларди. Ленц олдинда, Оттонинг ёнида ўтириб, хиргойи қиласди. Пат иккаламиз орқа ўриндиққа ястаниб олгандик.

Кестер мошинани беозор ҳайдарди. Муюлишлардан қалдиргочдай силлиқ бурилар, гёё бундан ўзи ҳам роҳат қиласди. Баъзи пойгачиларга ўхшаб, бессаранжом юрмасди. Ҳатто айланма довонларда ҳам мошина қилт этмас, одам бемалол ухласа бўларди. Тезлик ҳам билинмасди.

Фиддиракларнинг овозидан қанақа йўлдан кетаётганимизни сезиб ўтирадик. Асфалт йўл бўлса, фиддираклар шифиллайди, тош ётқизилган йўлда эса гувуллагани товуш эшитилади. Мошина чироқлари бир жуфт този итдай олдимизда чопиб борар, гоҳ саф тортган қайнзорларни, гоҳ толзорлар ва ағдарилган симёғочларни, гоҳида пастқам уйлар билан шумшайган ўрмон сўқмоқларини қоронғилик қаъридан суғуриб чиқарди. Минглаб юлдузлар бағрида, ақл бовар қилмайдиган баландликда эса Сомон йўли гажак бўлволиб, оқиш тутун пуркарди.

Кестер мошинани тезлатди. Патнинг устига пальтомни ёпиб қўйдим. У менга қараб жилмайди.

— Севасанми? — сўрадим ундан.

Қиз бош силкиди.

— Сен-чи?

— Мен ҳам севаман. Қандай баҳтиёрмиз-а, тўғрими?

— Албатта.

— Унда бизга жин ҳам урмайди, нима десдинг?

— Бало-қазо биздан узоқ юради, — жавоб берди Пат ва қўлимни олди.

Темир йўл ёнидан кета бошлидик. Пўлат излар ярқиарди. Олисда қизил чироқ кўринди. «Карл» ўкириб, олдинга ташланди. Бу юмшоқ вагонлари ва ёп-ёруғ ресторани бор тезюарар поезд эди. Ҳаш-паш дегунча унга стиб олдик. Йўловчилар қўл силкий бошлиашди. Эътибор бермадик. «Карл» поездни қувиб ўтди. Орқага қарасам, паровоз учқун аралаш тутун бурқситиб, бизга ҳамла қилиб келаётгандай туюлди. Поездни қувишга қувиб ўтдиг-у, аммо биз шаҳарга, таъмирлаш устахонаси ва ҳароб кулбамизга қайтатётгандик. Паровоз эса пишқирганча дарёлар, ўрмон ва далалар оралаб, олис-олисларга — фаройиб ўлқаларга ошиқарди.

Рўпарадан кўчалар ва уйлар чайқала-чайқала бизга қараб сувизб келарди. «Карл» секинлади, аммо ҳамон айнқдай ўкириб борарди.

Кестер қабристон яқинида тўхтади. У Патникига ҳам, меникига ҳам бормади, яқин атрофда тўхтаб қўя қолди. Балки бизни холи қолдирмоқчи бўлгандир. Мошинадан тушлик. Кестер билан

Лепің қайрилиб ҳам қарамай, жұнавориши. Орқаларидан қараб қолдим. Бирдан галати бўлиб кетдим. Дўстларим кетиши, мени ташлаб кетиши...

Бир силкиниб қўйдим.

- Юр, — дедим Патга. У ҳолатимни сезгандай:
- Ўшалар билан кетавермадинг-да, — деб жавоб берди.
- Кетмайман.
- Кетгинг келиб турувди-ку.
- Ана холос, — дедим унинг ҳақлигини билсам-да. — Юр. Биз қабристон ёнидан аста юра бошладик.
- Робби, — деди Пат, — уйга бора қолай.
- Нега энди?
- Мен туфайли нимадандир воз кечишингни хоҳламайман.
- Нималар деяпсан? Нимадан воз кечибман?
- Ўртоқларингдан.
- Воз кечганим йўқ, эрталаб кўришамиз.
- Нимани назарда тутаётганимни сезиб турибсан, — деди у. — Илгари улар билан кўпроқ бирга бўлардинг.
- Чунки у пайтда сен йўқ эдинг. — Шундай деб, эшикни очдим.

У бош чайқади.

- Гап унда эмас.
- Албатта, унда эмас. Худога шукур!
- Патни йўлакдан кўтариб ўтдим.
- Сенга ўртоқларинг керак, — деди у. Лаблари юзимга қарийб тегиб турарди.
- Сен ҳам кераксан.
- Унчаликмас...
- Кўрамиз ҳали...

Хона эшигини очдим, у мени қўйиб юбормай, ерга сирғалиб тушди.

- Яхши ўртоқ бўлолмайман, Робби.
- Умид қиласман. Менга аёл ўртоқнинг кераги йўқ. Менга маҳбуба керак.
- Маҳбуба ҳам эмасман, — деди у.
- Кимсан бўлмаса.
- Чала ҳам эмасман, бутун ҳам эмасман... Шунчаки... бир парчаман...

— Айни муддао. Хаёлни қитиқлайди. Бунақа аёлларни умрбод севишади. Тугал аёллар тез жонга тегади. Ҳаддан ташқари мукаммаллари ҳам. Аммо «парча»лар ҳамиша ўзига маҳлиё этаверади.

Эрталаб соат тўрт эди. Патни кузатиб қўйиб, уйга қайтардим. Осмон ёриша бошлади. Тонг нафаси уфурарди.

Қабристон, сўнг «Интернациональ» қаҳвахонаси ёнидан ўтдим. Кутимаганда касаба уюшмалари биносининг биқинида-

ги шофёрлар ошхонаси эшиги очилиб, қаршимда бир қиз пайдо бўлди. Бошида кичкина берет, эгнида эски қизил пальто, оёғида пошинаси баланд ялтироқ ботинка. Бепарво ўтиб кетмоқчи эдим, бирдан таниб қолдим.

— Лиза...

— Сени ҳам кўралиган кун бор экан-ку.

— Нима қилиб юрибсан?

У ошхонага ишора қилди.

— Ўтиб қоласан деб, ичкарида қутиб ўтирган эдим. Ҳар доим шу пайтда уйингга ўтасан-ку.

— Тўғри.

— Мен билан борасанми?

Дудукланиб қолдим.

— Иложи йўқ...

— Пул керакмас, — деди у шоша-пиша.

— Гап бунда эмас, — жавоб бердим ўйламай-нестмай. — Пулим бор.

— Э, шунақами... — деди Лиза истеҳзо билан ва кетишга чоғланди.

Кўлидан маҳкам ушладим.

— Йўқ, Лиза...

Озгин, ранги бўздек оқариб кетган қиз хувиллаган, бўм-бўш кўчада хомуш туарди. Бундан кўп йиллар муқаддам, бир ўзим бемақсад, ноумид, чор-ночор юрган кезларимда уни ана шундай қиёфада учратгандим. Аввалига, ўзига ўхшаган бошқа қизлар каби, гумонсираб юрди, аммо уч-тўрт марта гаплашганимиздан сўнг, менга буткул боғланди-қолди. Муносабатларимиз ғалати эди. Баъзан ҳафталаб кўришмасдик. Кейин у мени бирор йўлкада пойлаб турган бўларди. Ўша пайтда иккаламиз ҳам ёлғиз эдик, бир-биримизга ҳадя этадиган қиттайгина тафт ҳам биз учун катта давлат эди. Мен унга анчадан бўён, тўғрироги, Пат билан танишганимдан бўён дуч келмагандим.

— Нега кўринмай кетдинг, Лиза?

У елкасини қисди.

— Сенга бари бирмасми? Яна кўргим келди... Майли, кетишм мумкин...

— Турмушинг қалай?

— Кўйсанг-чи, — деди у. — Бошингни оғритиб нима қиласан...

Қизнинг лаблари титради. Қорни оч бўлса керак, деган ўй кечди кўнглимдан.

— Бир оз айланайлик, — дедим унга.

Юзидағи фоҳишаларцикига хос лоқайдлик бир зумда ғойиб бўлиб, чехраси очилиб кетди. Йўл-йўлакай тун бўйи ишлайдиган ошхонадан егулик у-бу нарса харид қилмоқчи бўлдим. Лиза олдинига кўнмади, ўзимниш ҳам қорним оч, деганимдан кеийнингни рози бўлди. Гўштнинг нобоп бўлакларини қўшиб юбор-

масликлари учун күз узмай қараб турди. Ярим қадоқ оламан, десам, унамади, чорак қадоги ҳам етади, озгина сосиска қўшиб ола қол, деди. Мен бари бир ярим қадоқ дудланган гўшт билан икки банка сосиска харид қилдим.

Лиза омборхонани эслатувчи чордоқда яшарди. Стол устида керосин чироқ, каравот ёнида шиша оғзига тиқиб қўйилган шам. Деворларга журналлардан қирқиб олинган суратлар ёпишириб ташланган. Пастак жавон устида уч-тўртта саргузашт романлар билан беҳаё расмлар солинган конверт турипти. Айрим меҳмонлар, айниқса уйлангандари, бу расмларни томоша қилишни хуш кўришади. Лиза конвертни ғаладонга ташлаб, эски, лекин топтоза дастурхон олди.

Харид қилинган нарсаларни столга қўя бошладим. Лиза кийимини алмаштириди. Аввал ботинкасини эмас, қўйлагини ечди. Ҳайрон бўлдим. Ахир, доим оёқ оғриғидан шикоят қиласади-ку. Кечалари озмунча югурадими? У хона ўртасида қўнжи қарийб тиззасигача келадиган ялтироқ ботинка ва қоп-қора ички қўйлак-да турарди.

— Қалай, оёғим ёқадими? — сўради у.

— Зўр.

Жавобимдан сингил тортиб, каравот четига ўтирида-да, ботинка илларини еча бошлади.

— Юз йигирма марка туради, — деди Лиза ечилиган бир пой ботинкасини кўрсатиб. — Шунча пулни топгунимча, титифи чиқиб кетади.

У жавондан яхши кунларидан хотира бўлиб қолган енги кенг шойи қўйлаги билан уйда кийиладиган юмшоқ туфлисини олди; шу асно айбдор кишидай қулимсираб қўйди. У менга ёқишига ҳаракат қиласади. Бирдан томогимга алланима қадалди, худди хароб бу кулбала яқин кишим қазо қилгандай, кўнглим бузилиб кетди.

Тамадди баҳона у ёқ-бу ёқдан гаплашиб ўтиридик. У мендаги ўзгаришни пайқаганди. Қўзларидаги ҳадик шундан далолат берарди. Орамизда ҳеч нима бўлмаганди. Балки худди мана шу нарса одамларни бир-бирига боғлаб, бир-бирининг олдида бурчдор қилиб турар. Ўрнимдан турдим.

— Кетасанми? — деди у, боядан бери шундан хавотирлананётгандай.

— Яна битта учрашувим бор...

У менга таажжубланиб қаради.

— Шу пайтда-я?

— Зарур иш, Лиза. Бир одамни топишим керак. У шунақа пайтда кўпинча «Астория»да ўтиради.

Лизага ўхшаган қизлар бунақа нарсани тез илғашади. Уларни аллаб бўлмайди. Лизанинг тузи ўзгариб кетди.

— Бошқа аёлинг бор...

— Биласанми, Лиза... кўришмаганимизга анча бўлди... қарийб бир йил... Тушунасан-ку...

— Йўқ, йўқ, буни айтмаяпман. Севадиган аёлинг бор, демокчиман. Ўзгарибсан. Сезиб турибман.

— Вой, Лиза-ей...

— Ростини айт!

— Ўзим ҳам билмайман. Эҳтимол...

У бир оз жим тургач, бошини силкитди.

— Ҳа... албатта-да... Тентакман-а... Орамизда ҳеч нарса йўқ-ку... — У пешонасини ишқалади. — Нега тирғалияпман ўзи...

Унинг озғин, пажмурда гавдасига қарадим. Юмшоқ туфли... енги кенг кўйлак... сўнгсиз кечалар... хотиралар...

— Хайр, Лиза.

— Кетасанми?.. Бирпас ўтирумайсанми? Дарров кетасанми?..

Нимага шама қилаётганини тушуниб турардим. Лекин мен бундай қиломасдим. Ўлай агар, қиломасдим бу ишни! Буни бутун вужудим билан сезаётгандим. Илгари сира бунақа бўлмаганди. Садоқат ҳақидаги тасаввурим ҳам ҳаминқадар эди. Аммо ҳозир сира иложи йўқ. Баногоҳ бундай ишлардан нақадар узоқлашиб кетганимни ич-ичимдан хис этдим.

Қиз остонада турарди.

— Кетаман, дегин... — деди у ва шу заҳоти жавон олдига чопиб борди. — Ма, газета остига пул қистириб қўйганингни биламан... кераги йўқ... ма, ушла... энди бор... боравер...

— Унақа қилма, Лиза.

— Энди келмайсан...

— Келаман, Лиза...

— Йўқ, йўқ, бошқа келмайсан, биламан! Келмай қўя қол! Бор, борсанг-чи... — У йиғларди.

Орқамга қарамай, нарвондан пастга тушдим.

Яна анчагача кўчаларда довдираб юрдим. Фалати тун бўлди бу гал.

Қаттиқ чарчагандим, бинобарин, ухломаслигимни билардим. «Интернациональ» ёнидан ўтаётуб, Лиза ҳақида, ўтган йиллар ва аллақачон унтилган яна кўп нарсалар тўғрисида ўйладим. Ҳаммаси олис ўтмишга айланганди, гўё буларнинг менга энди дахли йўқдай. Кейин Пат яшайдиган кўчадан ўтдим. Шамол зўрайди, уй деразалари ҳали қоп-қоронғи, тонг йўлак эшикларига бош уради. Ниҳоят, уйга қайтдим. «Э, худо, — дедим ичимда, — наҳот баҳтим очилган бўлса».

## XIII

— Доим биздан яшириб юрадиган аёлингизни, — деди фрау Залевски, — яширмай қўя қолинг. Тортинмай, bemalol келаверсин. Менга маъқул бўлди:

— Сиз уни кўрганингиз йўқ-ку, — эътиroz билдиридим унга.

— Кўнглингиз тўй бўлсин, кўрганман, — деди фрау Залевски маънодор оҳангда. — Ҳа, кўрганман, менга ёқди. Жудаям ёқди. Лекин тенгингиз эмас.

- Шунақа денг.  
— Ҳа, шунақа. Қанақиб тузоқقا илинтирдингиз, ҳайронман. Дарвоқе, сиздаи кутса бўлади.  
— Мавзудан четлашяпмиз, — унинг гапини бўлдим.  
Фрау Залевски иккала қўлини белига қўйди.  
— Бу аёл ўзига тўқ одамга муносиб, яъни бадавлат йигит-нинг тенги!  
«Ана холос, — дедим ичимда, — бу ёғи қандоқ бўлди? Боплади-ку».  
— Ҳар қандай аёл тўгрисида ҳам шундай дейишингиз мумкин, — жавоб бердим жаҳл билан.  
У оппоқ жингалак соchlарини орқага силкиди.  
— Кўрамиз! Ҳақлигимни келажак кўрсатади.  
— Э, келажак денг! — Енгимдаги илматугмани чиқазиб, столга отдим. — Ким ҳозир келажак тўгрисида гапиради?! Бу ҳақда бош қотиришнинг нима кераги бор?!  
Фрау Залевски улкан бошини сарак-сарак қилди.  
— Ҳозирги ёшларга ҳайронман. Ўтмиш сизларга ёқмайди, бугунги кундан нафратланасизлар, келажак билан ишинглар йўқ. Охири баҳайр бўлсин-да ишқилиб.  
— Баҳайр деганда нимани тушунасиз? — сўрадим ундан. — То шунгача ҳамма нарса бехайр кечган бўлса, охирини баҳайр лейиш мумкин. Ундан кўра охири бехайр бўлгани тузук.  
— Буларнинг бари жуҳудча сафсаталар, — эътиroz билдириди фрау Залевски викор билан ва шартта бурилиб, кета бошлади. Аммо эшик қабзасини ушлали-ю, қоққан қозикдек туриб қолди. — Сизникими? — шивирлади у энтикиб. — Ёпираи!  
У Отто Кестернинг жавон эшигига осиғлиқ турган қайтарма ёқали қора мовут костюмига баҳрайиб қолганди. Костюмни кеч-курун Пат билан театрга тушиш учун Оттодан бир кунга сўраб олгандим.  
— Ҳа, меники! — дедим зарда билан. — Бехато хulosалар чиқариш қобилиятингизга тан бериш керак, бекам!  
У менга бир муддат тикилиб турди. Гўштдор юзидағи фикрлар туғёни заҳарханда билан алмашинди.  
— Шунақа денг! — Кейин яна қайтарди: — Шунақа денг! — Бунақа кашфиётлар қилганда аёл киши туйдиган беадад кувончлан буткул ўзгариб кетган фрау Залевски йўлакдан туриб, кишининг жигига тегадиган оҳангда қичқирди: — Ҳали ишлар шунақа денг!  
— Ҳа, ишлар шунақа, шайтоннинг урғочиси! — деб тўнғилладим орқасидан, биламанки, гапимни эшитмайди. Янги туфли солинглан қутини жаҳл билан ерга улоқтирдим. Бадавлат йигит-нинг тенги эмиш! Худди ўзим билмайдигандай!

Патни олиб кетгани кирдим. У ўз хонасида, аллақачон кийиниб, мени кутаётгани экан. Унга қараб, нафасим ичимга тушиб

кетди. Танишганимиздан бүөн бунақа ясан-тусанда бириңчи күришм әди.

Ялтироқ кимхобдан бежирим тикилган күйлак кифтидан қарийб ергача тушиб турипти. Торга ўхшаб күрінса ҳам бемалол қадам босишига халақит бермайди. Олди берк, орқа томонида уч бурчак шаклидаги қирқими бор. Шомғира-ширасида Пат менға кумуш машъаланы әслатди, у күтилмаганда ҳайратомуз даражада ўзгариб, байрамона қиёфада турар ва мендан жуда олислаб кетган әди. Фрау Залевскининг шарпаси, худди яна огоҳлантираётгандай, бармоғини күтарғанча Патининг ортидан арвоҳ янглиғ ўсиб чиқди.

— Яхшиям биринчи учрашган пайтимизда бу күйлакда эмас эдинг, — дедим унга. — Яқинингга боролмасдим.

— Роза ишондим-да гапингга, Робби. — Пат ширин жилмайди. — Ёқмадими?

— Даҳшат-ку бу! Тамомила бошқа аёлга айланиб қопсан.

— Нимаси даҳшат! Күйлакни шунинг учун кийишади-да.

— Эҳтимол, лекин мени адойи тамом қилдинг. Бундай күйлакка бошқа эркак муносиб. Пулдор эркак муносиб.

Пат кулиб юборди.

— Пулдор эркаклар кўпинча жирканч кимсалар бўлишади, Робби.

— Аммо пул жирканч нарсамас-ку?

— Тўғри. Пул ундей эмас.

— Шунақа деб ўйлагандим.

— Сен бошқача фикрдамисан?

— Йўқ, нега энди? Тўғри, пул одамни баҳтли қилолмайди, лекин ниҳоятда таскин беради.

— Пул даҳлсизликни таъминалайди, азиэм, бу ҳазилакам гап эмас. Майли, бошқа кўйлагимни кия қоламан.

— Асло. Жудаям ярашилти. Бугундан бошлаб чеварларни файласуфлардан устун кўяман. Чеварлар ҳаётга гўзаллик баҳш этишади. Бу ҳар қандай фикрдан юз карра қимматлироқ, фикр ҳатто тубсиз қудуқдан чуқурроқ бўлган тақдирда ҳам. Эҳтиёт бўл, севиб қолмайин тағин!

Пат кулди. Сездирмай у ёқ-бу ёғимга қараб қўйдим. Кестер мендан новчароқ әди, почаси ерии супуриб юрмаслиги учун шимни тўғнағич билан кўтариб қўйгандим. Хайрият, билингмаяпти.

Такси тутиб, театрга жўнадик. Мендан садо чиқмасди, сабабини билмайман. Йўлкирани тўлаётib, ҳайдовчига разм солдим. Соқоли ўсиб кетган, кўригиши ҳорғин. Кўзларининг жияги қизабири турипти. Пулни лоқайдлик билан олди.

— Тушум қалай бугун? — сўрадим секин.

У менға бир қараб қўиди. Бекорчи, миrzакуруқ бир йигит, деб ўйлади шекилли:

— Борига барака. — деди энсаси қотиб.

Сездимки, гаплашгиси келмаялти.

Шу тобда унинг ўрнига ўтириб, жўнаворгим келди. Кейин ёнимда сарвдай бўлиб Пат турганини кўрдим. Ялтироқ кўйлаги устидан ҳудди шу рангдаги енглари кенг калта камзул кийиб олган эди. У гўзал эди.

— Бўла қол, Робби, ҳозир бошланади! — деди Пат типирчилаб.

Киравсришда одам гавжум. Бугун катта премьера. Прожекторлар театр майдонини чароғон қилиб юборган. Бирин-кетин мошиналар келиб туришти. Улардан ажабтовур кийинган, қимматбаҳо тақинчиқлар таққан аёллар, юзидан қон томиб турган, шоду ҳўрам, беғаму беташвиш эркаклар тушишяпти. Ҳорғин ҳайдовчи ўтирган эски такси олифта кимсалар тўпланган бу ошённи чийиллаганча тарк этди.

— Юра қолсанг-чи, Робби! — қистай бошлади Пат, кўзларимга жовдираб қараб. — Бирор нарсангни унудлигми?

Мен атрофимдаги кишиларга бадхоҳлик билан назар ташладим.

— Йўқ. Ҳеч нарсани унуганим йўқ.

Кейин кассага бориб, чипталарни алмаштирудим. Нархи осмонда бўлса ҳам ложага иккита жой олдим. Ҳамма муаммолари ҳал бўлган бекаму кўст одамлар орасида Патнинг ўтиришини хоҳламасдим. Унинг шулар тоифасига даҳлдор бўлишини истамасдим. Пат фақат мен билан бўлиши керак.

Театрга тушмаганимга анча бўлди. Пат қистамаганида бугун ҳам келмасдим. Театрлар, концертлар, китоблар — буларнинг баридан аллақачон қўлимни ювиб, қўлтиққа урганман. Улар замон руҳига мос эмас. Сиёсат ҳар қандай театрнинг, тунги отишмалар ажойиб концертларнинг, одамзот эҳтиёжидан иборат ул-каи китоб бутуни бошли кутубхонанинг ўрнини босади.

Театр томошибинларга лиқ тўла эди. Жойимизга ўтиришимиз билан чироқ ўчди. Фақат саҳна олдидаги чироқлар зални заифгина ёритиб турарди. Оркестр поёнсиз бир куйни бошладию гўё ҳамма нарса ўридаи қўзғалиб, ҳавода муаллақ туриб қолди.

Кресломни ложанинг бир бурчига сурдим. Бу ҳолатда саҳна ҳам, томошибинларнинг хира чеҳралари ҳам кўринмасди. Фақат куй тинглаб, Патга термулардим.

«Гофманинг эртаклари»га ёзилган мусиқа зални сеҳрлаб қўйганди. Куй жануб шабадаси, илиқ тун, юлдузлар остида сузизб кетаётган слканни эслатарди, ҳаётта буткул ўхшамасди. Бепоён, жозибадор, ёп-срӯф кентгликлар ўзига чорларди. Гўё бошқа оламга хос қудратли тўлқин гувиллар, гам-андуҳ чекинган, чегаралар ғойиб бўлганди. Бу срла фақат нафосат, оҳанг ва муҳаббат ҳукмрон эди. Шундоқ мусиқа бор жойда муҳтоҷлик, ғам-қулфат ва умидсизлик бўлишигига ақл бовар қилмасди.

Сақна шуъласи Патнинг юзидан нур бўлиб ёғиларди. У куйга маҳлиё бўлиб қолганди. У менга суйкалмас, қўлимни сийпаламас, бу томонга қарап у ёқда турсин, мени ҳатто унуби юборганди. Мен уни шунинг учун севардим. Турли ҳолатларнинг бир-бирига қоришиб кетишини азалдан ёқтирумайман. Нафосат ва буюк санъат асари бўй кўрсатиб турганда одамларнинг бачкана қилиқлари, имо-ишоралари ғашимни келтиради. Ошиқ-маъшуқларнинг бир-бирларига мужмал кўз сузишлари, ошиқона суйкалиб-ишқаланишларини кўриб, жоним чиқиб кетади. Мен ўз қобигидан ҳеч қачон нари жилолмайдиган бундай беадаб, пуч баҳтдан ҳазар қиласман. Севишигандар қалбининг кўшилиб, бир бутун бўлиб кетиши ҳақидаги саф-саталарни ҳам тан олмайман, зеро бундай кишилар мутлақо омухта бўлиб кетмаслиги керак, янги учрашувларнинг лаззатини тувиш учун иложи борича бир-бирларидан нарироқ юрганлари маъқул. Кўп маротаба ёлғиз қолган одамгина суюклиси билан учрашув баҳтини ҳис қила олади. Бошқа ҳамма нарсалар иштиёқ ва муҳаббат сехрини маҳв этади. Ёлғизлик кишанларини фақат ҳиссиётлар туғёни, бу туғённинг қақшатқич зарбаси, жиловсиз қудрат, бўрон, тун, мусиқа ва... муҳаббатгина парчалай олади...

Чироқ ёнди. Бир лаҳзага кўзларимни юмдим. Ҳозиргина нималар ҳақида ўйладим? Пат ўгирилиб қаради. Томошабинлар эшикка қараб талпинаёттанини кўрдим. Танаффус бошланган эди.

— Чиқмайсанми? — сўрадим ундан.

Пат бош чайқади.

— Яхши қиласан! Фойега чиқволиб, ўзини бозорга соладигандарни ёмон кўраман.

Патга апельсин шарбати олиб келишга чиқдим. Оломон буфетга ёпирилганди. Мусиқа кўпчиликнинг иштаҳасини очворади-да. Худди очарчилик бошлангандай, ҳамма ўзини иссиқ соискага уради.

Шарбатни олиб, ложага қайтганимда Патнинг креслоси орқасида бир эркак турарди. Пат у билан қизғин гаплашаётганди.

— Роберт, бу киши жаноб Бройер, — деди Пат.

«Жаноб эшак», — дедим ичимда ва унга сингир қарап қилдим. Пат Робби эмас, Роберт, деди. Стаканини ложа тўсифига қўйиб, нотаниш кишининг кетишини кутдим. Унинг эгнида қора мовутдан қойилмақом қилиб тикилган қайтарма шойи ёқали костиюм. Пат менга юзланди:

— Жаноб Бройер, спектаклдан кейин «Шаршара»га бормаймизми, деб сўраяпти. У ерда рақсга тушиш мумкин.

— Ихтиёринг.

Бройер ўзини баодоб тутар, умуман, менга маъқул бўлган эди. Фақат ундан ортиқча назокат ёқмаётганди, чунки бу нарса менда йўқ эди. Айнан мана шу фазилат Пагни ром этиши мумкин. Бир маҳал қарасам. Патга «сен»лаб гапирияпти. Қулоқларимга

ишонмадым. Уни оркестр устига улоқтиргим келди, дарвоқе, бунга бошқа яна юзлаб сабаблар бор эди.

Күнфироқ чалинди. Созандалар асбобларини созлай бошладилар.

- Демак, келишдик-а? Ташқарыда учрашамиз, — Бройер шундай деб, хайрият, гум бўлди.
- Ким бу дайди? — сўрадим Патдан.
- Дайдимас бу, яхши одам. Эски танишим.
- Эски танишларингга тоқатим йўқ.
- Вой, азизим-ей, мусиқани эшитсанг-чи, — жавоб берди Пат.

«Шаршара», — мени ваҳима босди, чўнтағимдаги пулимни хаёлан чўтга ташладим. — Рона шиладиган жой».

Таваккал, боравераман. Фрау Залевскининг сайрагани етмагандай, бу ёқдан Бройер чиқиб қолди. У бизни пастда, эшик олдида кутиб турарди.

Такси чақирдим.

- Кераги йўқ, — деди у. — Мошинамда жой етарли.
- Хўп, хўп, — дедим. Унинг таклифини рад этиш одобданмас, лекин бари бир жаҳлим чиқди.

Пат Бройернинг мошинасини дарров таниди. Бу дабдабали паккард эди. Мошина рўпарада, бошқа автомобиллар орасида турарди. Пат тўппа-тўғри унинг олдига борди.

- Бошқа рангга бўябсан-да, — деди Пат лимузин олдида тўхтаб.

— Ҳа, кулранг қилдим, — жавоб берди Бройер. — Сенга маъкулми?

- Ёмонмас.
- Сизга-чи? Шу ранг ёқадими? — Бройер менга мурожаат қилди.

— Қайдам. Олдин қанақа эди?

— Қора.

— Қора машина чиройли кўринади.

— Тўғри. Лескин баъзан ўзгартириб туриш ҳам керак-ку. Ҳечкиси йўқ, кузда янгисини оламан.

«Шаршара»га жўнадик. Бу ажойиб оркестри бор ҳашаматли ресторан эди.

Эшикдан киришимиз билан:

- Ҳамма жой банд, шекилли, — дедим хурсанд бўлиб.
- Э, аттанг, — Патнинг тарвузи қўлтиғидан тушди.
- Ҳозир қотирамиз, — Бройер шундай деб, директорнинг олдига кириб кетди. Афтидан, уни бу ерда ҳамма танийди, шекилли. Дарров ичкаридан стол-стулларни олиб чиқишиди. Ҳеч қанча вақт ўтмай, қарабисизки, биз қулинг ўргилсан жойда, рақс майдони бааралла кўриниб турадиган пастак тўсиқ олдида ўтирадик. Оркестр тангони чаларди. Пат тўсиқ устига энгашди.

— Рақсга тушмагалимга қанча бўлди-ю!

Бройер ўрнидан турди.

— Юринг бўлмаса.

Пат менга савол назари билан қаради.

— Мен у-бу нарса буюриб турман, — дедим унга.

— Бўпти.

Танго узоқ чўзилди. Пат аҳён-аҳён менга қараб, жилмайиб қўярди. Унга жавобан бош силкирдим-у, аммо таъбим хира эди. Пат рақсга уста экан, баҳтга қарши, Бройер ҳам ундан қолишмасди. Икковлари бир-бирларига ярашиб туришарди, назаримда, улар илгари ҳам бу ерга кўп келишган. Каттакон қадаҳда ром буюрдим. Пат билан Бройер қайтиб келишди. Бройер қандайдир танишлари билан сўрашгани кетди. Пат билан бир лаҳзага ёлғиз қолдик.

— Бу болани кўпдан бўён танийсанми? — сўрадим мен.

— Ҳа, нега сўраяпсан?

— Шунчаки. Бу ерга тез-тез келиб турармидиларинг?

Пат менга қаради.

— Эсимда ҳам йўқ, Робби.

— Бунақа нарсалар эсда туради, — дедим қайсарлик билан.

Лекин унинг нима демоқчилигини яхши билардим.

Пат кулиб бош чайқади. Шу лаҳзада унга яна меҳрим товлашиб кетди. У бу табассуми билан ўтмиш унутилганини англатмоқчи бўлганди. Лекин ичимни ит тирнарди. Бу ҳолатим кулгили эканини сезиб турардим, лекин ундаи ҳалос бўлолмасдим. Қўлимдаги қадаҳни столга қўйдим.

— Очигини айтавер. Айб жоий йўқ буни.

Пат менга яна нигоҳини тикиди.

— Агар айб иш бўлганда, биргалашиб шу ерга келармидик?

— Тўғри, — дедим ноилож.

Оркестр яна кўй бошлади. Бройер қайтиб келди.

— Зўр мусиқа, — деди у менга. — Ажойиб кўй. Рақсга тушмайсиздарми?

— Йўқ! — дедим мен.

— Афсус.

— Тура қол, Робби, — деди Пат.

— Турмаганим маъқул.

— Нима учун? — сўради Бройер.

— Менга қизиги йўқ, — жавоб бердим рўйхушсиз. — Қолаверса, рақсни ўрганмаганиман. Вақтим бўлмаган. Сизлар бемалол тушаверинглар. Мен зерикмайман.

Пат иккilanарди.

— Боравер, Пат, — дедим унга. — Сенга ёқади-ку.

— Тўғри... лекин зерикуб ўтирасанми?

— Зерикмайман, дедим-ку! — Мен қадаҳга ишора қилдим. —

Бу ҳам рақсдан қолишмайди.

Улар кетишли. Ресторан хизматчисини чақириб, қадаҳни бўшлатдим. Кейин нима қилишни билмай, стол устидаги шўр

мағизни санай бошладим. Ёнимдан фрау Залевскининг кўланкаси нари жилмасди.

Бройер столимизга кўхликкина икки аёл билан тепакал бир эркакни бошлаб келди. Салдан кейин яна бир одам қўшилди. Уларнинг бари снгилтак, ўзига бино қўйган, тамтам кимсалар эди. Пат тўртовини ҳам таниркан.

Буларнинг орасида тўнкага ўхшаб қолдим. Шу пайтгача Пат иккаламиз холи ўтирадик. У кўпдан бўён танийдиган кишиларни бироричи бор кўриб турибман. Ўзимни қандай тутишни билмасдим. Улар бемалол, ҳазил-хузул қилиб ўтиришар, гўё ўйдим-чукури йўқ, сип-силлиқ ҳаётдан, кўргилари келмаган нарсани кўрмасликлари мумкин бўлган бошқа оламдан кеп қолишганди. Бир ўзим, Ленш ёки Кестер билан ўтирганимда уларга эътибор бермасдим. Аммо ёнимда Пат бор эди, у буларни танирди, мана шу ҳол ҳамма нарсани чигаллаштириб, мени довдиратиб қўйган, бсихтиёр қиёслашга мажбур қилаётганди.

Бройер бошқа ресторонга боришини таклиф қилиб қолди.

— Робби, — деди Пат ташқарига чиққанимизда, — балки уйга қайтармиз?

— Йўқ, — дедим мен, — нега энди?

— Зерикяпсан-ку.

— Мутлақо. Нима учун зерикаман? Сен роҳатланяпсан-ку.

У менга бир қаради-ю, индамади.

Ичишни бошладим. Илгаригидай эмас, чинакамига ича бошладим. Тепакал киши кузатиб турган экан, нима ичяпсиз, деб сўради.

— Ром, — дедим мен.

— Гробмасми?

— Йўқ, ром.

У лабинни теккизиб кўриб, сесканиб кетди.

— Жин урсин, — деди у, — бунга ўрганиш керак экан.

Иккала аёл ҳам менга қизиқиб қолишиди. Пат билан Бройер рақс тушишарди. Пат менга тез-тез кўз қирини ташлаб қўярди. Мен қайтиб у томонга қарамадим. Биламан — яхшимас, лекин ўзимни мажбур ҳам қилолмасдим — жиним тутиб қолган эди. Бунинг устига, ёнимдагиларнинг ичишмани томоша қилаётгани ҳам ёқмаётганди. Ёш болага ўхшаб, нимага қодирлигимни кўз-кўз қилиш ниятим йўқ. Ўрнимдан туриб, пештахта олдига бордим. Пат энди бегонадай туюларди. Дўстлари билан қўшмозор бўлмайдими! Унинг ўзи ҳам шулар тоифасидан. Менга алоқаси йўқ. Лекин...

Тепакал изимдан қолмасди. Буфетчи билан бир қадаҳдан арақ ичдик. Буфетчилар одамга тасалли беришини билишади. Барча мамлакатларда улар билан тилмочсиз гаплашиш мумкин. Рўпарамда турган буфетчи ҳам шунаقا эди. Аммо тепакал ичолмаскан. Нуқул ҳасрат қиласди. Фифи исмли қандайдир аёл юрагидан . урганимиш. Сал ўтмай, бу мавзу ниҳоясига етди, шундан кейин,

кутилмаганды Бройер күп йиллардан бүен Патни яхши күради, деб қолди.

— Ана холос!

У ҳиҳилади. Конъяк, ликёр, вино аралашган суюқликдан бир стаканинни ичирвориб, овозини ўчирдим. Аммо сўзлари миямга михланиб қолган эди. Кулгили аҳволга тушиб қолганимдан, иззат-нафсим таҳқирланаётганидан, столга мушт уриб, хумордан чиқа олмаётганимдан хуноб бўлардим. Ҳамма нарсани дабдала қилишта ундаётган совуқ бир эҳтирос ич-ичимдан гупуриб клаётганди. Аммо бу эҳтирос бирорвга қарши қаратилмаганди, мен ўзимни ўзим ёмон кўриб кетаётгандим.

Тепакал пойинтар-сойинтар валдираб, ғойиб бўлди. Шу пайт елкамга бирорвниң таранг кўкси текканини сездим. Бу Бройер бошлаб келган аёллардан бири эди. У ёнимга ўтирволди. Аёл менга бошдан-оёқ разм солиб чиқди. Кўз сузишидан изоҳга ҳожат қолмаганди — ҳаракат қилиш керак.

— Ичишга фил экансиз, — деди у бир оздан сўнг.

Индамадим. Кўлинини қадаҳимга узатди. Тақинчоқлар ялтираб турган қуруқ ва қотма билаги калтакесакни эслатар, худди ўрма-лаётгандай секин ҳаракат қиласарди. Гап нимадалигини сезиб турардим. «Сени тезда бир ёқлиқ қиласман, — ўйладим ичимда. — Мени писанд қиласман, чунки жаҳлим чиқаётганини кўриб турибсан. Лекин янгилишасан. Аёлларга кучим етади, аммо муҳаббат олдилда ожизман. Мени чорасизлик аброр қиласди».

Аёл гапга тушиб кетди. Овози дардманд, синиқ эди. Патнинг биз томонга қараётганини сездим. Энди менга бари бир эди, ёнимда ўтирган аёлга ҳам лоқайд эдим. Ўзимни тубсиз қудуққа тушиб кетган одамдай ҳис этардим. Бунинг Бройерга ҳам, атрофимдагиларга ҳам, ҳатто Патга ҳам дахли йўқ эди. Бу ҳаётининг шундай маҳзун сири эдики, у бизда хоҳиш туғдиради-ю, аммо уни буткул қондиролмайди. Муҳаббат инсон вужудида пайдо бўлади, лекин ҳеч қачон бу вужудда тугамайди. Ҳатто ҳамма нарса: инсон ҳам, муҳаббат ҳам, баҳт ҳам, ҳаёт ҳам — бари тўла-тўқис бўлгани билан, аллақандай даҳшатли қонунга кўра, мудом камдай туюлаверади, булар нечоғли кўп кўринмасин, аслида жудаям оз. Мен ўғринча Патга кўз қирини ташладим. У кумуш ранг ялтироқ кўйлакда, очилиб-сочилиб, енгил одимлаб келарди, мен уни севардим, чақирганимда «йўқ» демасди, орамизга ҳеч нарса рахна сололмасди, биз эт билан тирнок эдик, шу билан бирга, баъзан беармон кунларимизга сири равишда туман ёпирилар ва бу кунлар буткул азобга айланарди, мен Патни бизга даҳлдор ва дахлсиз ҳаётдан суфуриб ололмасдим, бу ҳаёт ўз ҳукмини ўтка зарди, ўз нафаси ва бебақолигини, тўхтовсиз йўқлик сари кетаётгани борлиқнинг даргумон шукуҳини, ҳис-туйғуларнинг омонаят шаррасини кўндаланг қиласарди... Бир нарсага эга бўлиш аслида йўқотишдир. Ҳеч қачон ҳеч нарсани тутиб қолиш мумкин эмас, ҳеч қачон! Жаранглаб турган вақт занжирини ҳеч қачон.

узиб бўлмайди, ҳеч қачон безовталик оромга, изланиш — сукунатга айланмаган, тубанлашиш ҳеч қачон тўхтамаган. Мен Патни ҳатто тасодифий нарсалардан, танишувимизга қадар бўлган воқеа-ҳодисалардан, минглаб ўйлару хотиралардан, менгача уни шакллантирган барча икир-чикирлардан, ҳатто манови одамлардан ҳам айро қўёлмайман...

Овози синиқ аёл ёнимда ўтириб, бетиним галирарди. Унга бир кечалик ёстиқдош, бирорвнинг бир парчагина ҳаёти керак эди. Шунда у андак таскин топган, бу дунёда «мен» ҳам, «сен» ҳам, «биз» ҳам — ҳеч нарса қолмаслигидан иборат даҳшатли ҳақиқатни унугтан бўларди. Балки у ҳам мен қидираётган нарсанни излаётгандир? Ёлғизликни, ҳаётнинг бемаънилигини унтиш учун ўзига ўйлдош топиш умидида юргандир?

— Юринг, столга борайлик, — дедим унга. — Сиз хоҳлаётган нарса ҳам... мен ўйлаётган нарса ҳам... хомхаёл.

У менга тикилиб турди-да, бирдан бошини орқага ташлаб, хоҳолаб кулиб юборди.

Биз яна бир нечта ресторонга бордик. Бройерниңг кайфи чоғ, бир гапириб ўп куларди. Патнинг эса бояги шашти сўнган. У менга савол бермас, мендан ўпкаламас, ҳеч нарсанни сўраб-суриншири-масди, орамизда гўё унинг ўзи эмас, фақат сояси ўтиргандай эди. Баъзан рақсга тушганида қўғирчоқнамо, беўшов қиёфалар оралаб сокин, чиройли, жажжи қайиқча сузиб юрганга ўхшарли; тоғо у менга қараб жилмайиб қўярди.

Ис-тутунга тўла тунги маишатхоналарнинг деворлари ва одамларнинг бащараси, гўё кимдир ифлос кафтини ишқалагандай, кулранг-сарғиш тусга кирганди. Мусиқа ҳам худди тобут қўйилган ойнаванд супача остидан чиқаётгандай. Тепакал қаҳва ичиб ўтирипти. Қўли калтакесакни эслатадиган аёл бир нуқтага тикилиб олган. Бройер ўлгудай ҳориб-чарчаган гулфурушдан бир даста атиргул сотовлиб, Пат билан ҳалиги икки аёлга улашди. Энди лаб очган гунчалар қатида тиниқ томчилар йилтиради.

— Юр, рақсга тушамиз, — деди менга Пат.

— Йўқ, — дедим, буғун бирорвнинг қўли текканини ўйлаб, — йўқ. — Ўзимни ниҳоятда гўл ва ночор сезардим.

— Бари бир тушамиз, — деди у ва кўз ўнги қоронғилашиб кетди.

— Йўқ, — жавоб бердим унга, — йўқ, Пат.

Ниҳоят, ресторандан чиқдик.

— Сизларни олиб бориб қўяман, — деди Бройер менга.

— Майли.

У ўриндиқда ётган қалин жун рўмолни Патнинг тиззасига ёпди. Бирдан Пат кўзимга жудаям рангпар ва ҳоргин қўриниб кетди. Пештахта олдида ёнимда ўтирган аёл хайрлаша туриб, чўнтағимга хат солиб қўйди. Ўзимни сезмаганликка олдим. Йўл бўйи ойнадан кўз узмадим. Пат қўимир этмасди. Ҳатто нафаси

ҳам эшилтимасди. Бройер олдин Патникига келди. Яшаш жойини билар экан. Пат мошинадан тушди. Бройер унинг қўлини ўпди.

- Яхши ётиб туриңг, — деди у қизга қарамасдан.
- Сиз қасрда тушасиз? — деб сўради у мендан.
- Кейинги муюлишда.
- Унақаси йўқ, уйингизга ташлаб қўяман, — деди у шошапиша ва ўта назокат билан.

Бройер Патникига қайтиб келишимни хоҳламаётганди. Башарасига солгим келди. Ўзимни тийдим.

- Бўлмаса, «Фредди» қаҳвахонасига ҳайдай қолинг.
- Шу пайтда сизни у ерга киргизишадими? — сўради у ҳайрон бўлиб.

— Ташвишланганингиз учун қуллук, — жавоб бердим мени. — Лекин кўнглингиз тўқ бўлсин, мени хоҳлаган жойимга киргизишаверади.

Шундай дедим-у, кейин афсусландим. Шу пайтгача у ўзини бас келиб бўлмайдиган майхўрдай сезаётганди. Ана шу таассуротни бузмаслигим керак эди.

Бройер билан Патга нисбатан ҳам иликроқ хайрлашдим. Қаҳвахона ҳали гавжум эди. Ленц билан Фердинанд аёллар кийими дўконининг соҳиби Больвис ва яна аллақандай одамлар билан қарта ўйнашарди.

- Ўтири, — деди Готтфрид, — бугун қартабоп ҳаво бўляпти.
- Йўқ.
- Кўриб қўй, — деди у бир уюм пулга ишора қилиб. — Ҳалол ютдим. Қўлим кеп турипти.
- Майли, — дедим мен, — бир қўл ўйнаб кўрай-чи.
- Иккита қиролга тўртта саллот олдим.
- Койил! — дедим мен. — Бугун ростдан ҳам фирромларбоп ҳаво бўпти.
- Бунақа ҳаво ҳар доим бўлади, — деди Фердинанд сигарета узатиб.

Бу ерда қолиб кетаман деб ўйламагандим. Аммо энди ўзимни хотиржам сезардим. Гарчи кайфиятим яхши бўлмаса-да, қадрдон бошпанамда ўтирадим.

- Ярим шиша ром бервр! — қичқирдим Фредга.
- Вино аралаштир, — деди Ленц.
- Йўқ, — эътиroz билдиридим унга. — Тажриба қилиб ўтиришга вақтим йўқ. Тўйиб ичмоқчиман.
- Унда ширин ликёр буюр. Uriшиб қолдингми?
- Эсимни ебманми!
- Ёғон гапирма, жигарим. Севги сирларини сўв қилиб ичиб юборган отахонинг Ленцини алдама. «Ҳа» дегину ичавер.
- Аёл киши билан уришиб бўлмайди. Нари боргандада унга зарда қилишинг мумкин.
- Тавба. Кечаси соат учгача зарда қиладиган эркакни биринчи кўришим. Масалан, мен ҳаммаси билан уришиб чиққанман. Уришиб турмасанг, севгининг умри қисқа бўлади.

— Бўпти, — дедим унга. — Ким тарқатади?

— Сен, — деди Фердинанд Грау. — Назаримда, бошингга дунёниг ғам-ташвиши тушганга ўҳшайди, Робби. Парво қилма. Ҳаёт ранг-баранг, лекин мукаммал эмас. Бири кам дунё, дейдилар. Иби, шунча ташвиш билан ҳам юлдузни бенарвон уриб қўйибсан-ку: иккита қирол бериш — бориб турган сурбетлик.

— Бир марта иккита қирол билан етти минг франки босиб олганман, — деди Фред пештахта орқасидан.

— Швейцарияникими ё француздарникими?

— Швейцарияники.

— Бахтинг бор экан, — деди Готтфрид. — Агар француздарниг франки бўлганда ўйинни тўхтатишга ҳаққинг йўқ эди.

Яна бир соатча ўйнадик. Мен кўп ютдим. Больвис нуқул ютқизарди. Тўхтовсиз ичардим, ичганим сайни бошим қаттиқ оғрирди. Кайфим тарқамасди. Ичим ёниб кетаётганди.

— Бўлар энди, бирор нарса евол, — деди Ленц. — Фред, бунга бутерброд билан балиқ-малиқ опке. Пулни соп қўй, Робби.

— Яна бир қўлдан ташлайлик.

— Бўпти. Фақат охиргиси. Икки ҳиссадан отамизми?

— Албатта! — ҳамма бараварига маъқуллади.

Мен ўйлаб ўтирамай ўн чиллик билан қирол устига учта қарта олдим: саллот, мотка ва туз. Шу қарталар билан қўлида тўртта саккизликни ушлаб ўтирган ва ганакни осмонга олиб чиқиб қўйган Больвисни ютдим. У сўкина-сўкина пулни санаб берди.

— Кўрдингми? — деди Ленц. — Қартабоп ҳаво мана бунақа бўлади!

Биз пештахта ёнига ўтдик. Больвис «Карл»ни суриштириб қолди. Кестер пойгада уни ортда қолдирганини сира унуполмасди. У «Карл»ни сотовлиш фикридан ҳамон қайтмаганди.

— Оттодан сўра, — деди Ленц. — Лекин у ўнг қўлини кесиб сотса сотадики, мошинани сотмайди.

— Жа-а оширвордин! — деди Больвис.

— Сен бунақа нарсани тушунмайсан, йигирманчи асрнинг савдогар бачкиси.

Фердинанд Грау кулиб юборди. Унга Фред қўшилди. Кейин бошқалар ҳам хоҳолай бошлиашди. Йигирманчи аср устидан кулмаган одам ўзини осиши керак. Лескин узоқ кулиб ҳам бўлмайди. Акс ҳолда охири вой бўлиши мумкин.

— Готтфрид, рақсга тушишни биласанми? — сўрадим ундан.

— Албатта. Қачонлардир рақс муаллими бўлганман-ку. Эсингдан чиқдими?

— Унугани яхши, — деди Фердинанд. — Боқий ёшликтининг сири мана шунда. Бизни хотиралар қаритади. Унудиши билмаймиз.

— Йўқ, — деди Ленц. — Биз ҳамиша ёмон нарсаларни унутамиз.

— Мениям ўргатасанми?

— Нимага — рақсами? Бир кечада, азизим. Бор ташвишинг шуми?

— Ҳеч қанақа ташвишим йўқ, — дедим мен. — Бошим оғрияпти.

— Бу асримиз иллати, Робби, — деди Фердинанд. — Ундан кўра бошсиз туғилганимиз яхши эди.

Мен «Интернационал» қаҳвахонасига ҳам кирдим. Алоис дебраза пардаларини туширмоқчи бўлиб турган экан.

— Ҳеч ким борми? — сўрадим ундан.

— Роза.

— Юр, қиттай-қиттай отайлик.

— Майли.

Роза пештахта ёнида ўтириб, қизчасига жун пайпоқ тўқирди. У менга кийимлар нусхаси босилган журнални кўрсатиб, қизига камзулча тўқиб қўйганини айтди.

— Ишларинг қалай? — сўрадим ундан.

— Унчаликмас. Одамларда пул йўқ.

— Қарз бериб турайми? Мана — қартада ютдим.

— Текин топилган пул баҳт келтиради, — деди Роза ва узатган пулимга туфлаб, чўнтағига солиб қўйди.

Алоис олдин учта, Фрици келганидан сўнг, яна битта қадаҳ кслтириди.

— Бўлар, — деди у кейин, — ўлгудай чарчадим.

У чироқни ўчириди. Кўчага чиқдик. Роза эшик олдида хайрлашди. Фрици Алоиснинг тирсагидан ушлади. Улар ҳам кетишди. Фрици енгил одимлар, Алоис япасқитавон бўлгани учун оёғини судраб босарди. Орқаларидан бир оз қараб турдим. Фрици энгашиб, оқсоқланиб бораётган, исқирт қаҳвахона хизматчисини ўпди. Алоис лоқайдлик билан уни ўзидан нари итарди. Кейин бурилиб, узундан-узун, бўм-бўш кўчага, деразалари қорайиб турган уйларга, тунги совуқ осмонга қарадиму бирдан — сабабини билмайман, — Патни кўргим келиб кетди. Бу шунақа соғинч, шунақа интиқлик эдики, гўё бирор обдан дўппослагандай, оёқда зўрга турардим. Шу тобда ўзимни ҳам, хатти-ҳаракатимни ҳам, бугунги оқшомни ҳам — ҳеч нарсани идрок этолмасдим.

Деворга суюниб, тош йўлга тикилдим. Нималар бўлди, нега ўзимни бунақа тутдим — тушунмасдим. Аммо поҳақлигимни ичичимдан ҳис қилиб турардим. Зўрга тартибга солган ҳаётимни ўз кўлим билан чил-парчин қилдим. Мана шу ўй миямни аёвсиз пармаларди. Нима қиласимни билмасдим. Уйга боргим йўқ — борсам, баттар сиқиламан. Бирдан Альфонсни эсладим. Каҳвахонаси ҳар доим очиқ. Ўша ёққа қараб кетдим. Эрталабгача қаҳвахонада ўтираман.

Альфонс мени кўриб, миқ этмади. Кўз қирини бир ташла-дию газетасини ўқийверди. Стол ёнига чўқдим. Қаҳвахонада ҳеч ким йўқ эди. Нуқул Пат ҳақида ўйлардим. Қиёфаси кўз оллимдан

нари кетмасди. Кейин ресторандаги ҳар бир хатти-харакатимни ипидан-игнасигача хотираамда тикладим. Ўзимни оқладиган бирор далил-исбот тополмадим. Айб буткул менда. Эсимни сб қўйибман. Столдан кўз узмасдим. Икки чаккам лўқилларди. Ву жудимни бирдан алам ҳисси чулғаб олди. Ўзимдан нафратланиб кетдим. Ўзим, фақат ўзим ҳамма ишни барбод қилдим.

Кўққисдан шишанинг жаранглагани эшитилди. Олдимда турган қадаҳга мушт солиб, чил-чил қилган эдим.

— Топған эрмагингни қара-ю, — деди Альфонс ўрнидан туриб.

У қўлимдан шиша синиқларини олиб ташлади.

— Кечир, — дедим унга, — нима қилганимни билмайман.

Альфонс момиқ пахта билан малҳамли мато олиб келди.

— Бориб ухла, — деди у. — Ўзингга келасан.

— Хўп, — жавоб бердим мен. — Мана, ўзимга кеп қолдим.

Негадир ғазабим қўзиб кетди.

— Ғазабни ғазаб билан эмас, кулги билан сиғиш керак, — деди Альфонс.

— Тўғри. Лекин айтишга осон.

— Машқ қилиш керак. Сизлар бош билан деворни тешмоқчи бўласизлар. Ҳечқиси йўқ, ўтиб кетадиган нарса.

У патефонни бураб, «Трубадур» операсидан «Мизерере» қўшиғи ёзилган пластинкани қўйди. Тонг отди.

Ўига йўл олдим. Шундан олдин Альфонс бир бокал ром қуиб берди. Ичимлик дарров миямга урди. Қўча чайқала бошлади. Елкаларим қўрғошиндай зил-замбил эди. Ҳуллас, кечадан бўён ичавериб, бўлганимча бўлган эдим.

Чўнтағимдаги калитни пайпаслаб, аста зинапоядан кўтарила бошладим. Бирдан ним қоронфиликда бировнинг нафасини эшидим. Энг тепадаги зинада кимнингдир гира-шира шарпаси кўринди. Яна икки-уч зина кўтарилдим.

— Пат... — дедим қўзларимга ишонмай. — Пат... нима қилиб ўтирибсан?

У бошини кўтарди.

— Сал қўзим илинипти.

— Майли, лекин қанақиб кеп қолдинг бу ерга?

— Қўча эшигининг калити бор-ку менда.

— Тўғри. Аммо... — Кайфим тарқаб кетди, мен сийқаси чиқкан зинапояга, сувоғи қўчган деворга, Патнинг кумуш ранг кўйлагиу шхчам, ялтироқ туфлисига бир-бир нигоҳ ташладим. — Нима қилиб юрибсан бемаҳалда?

— Ўзим ҳам шунга ҳайронман...

Пат ўрнидан турди-да, худди ҳеч нарса бўлмагандай, тун бўйи зинапояда ўтириб чиқиш табиий ҳолдай, яйраб керишди.

— Ҳозир Ленц бўлганда: «Конъяк, вино, олча араги, эрман араги...», — дерди.

— Ромни ҳам қўшиб қўярди, — дедим дарров бўйнимга олиб. — Ўлай агар, бебаҳо қизсан, Пат мен бўлсам — қип-қизил аҳмоқман.

Эшикни очиб, уни йўлакдан кўтариб ўтдим. Пат, гўё ҳолдан тойган оққушдай, иккала қўлини бўйнимга ташлаб олган эди. Мен спирт ҳидини яшириш учун юзимни четга буриб нафас олардим. У кулиб турса ҳам, аъзойи бадани қалтиради.

Креслога ўтқазиб, чироқни ёқдим, кейин адёлни олдим.

— Агар билганимда, Пат... қаҳвахонама-қаҳвахона изғиб юрмасдан... Эҳ, қандай тўнкаман-а... Альфонснинг олдидан қўнғироқ қилдим, десранг тагида ҳуштак чалдим... ҳеч ким жавоб бермади... мен билан гаплашгинг йўқ, деб ўллабман.

— Нега кузатганингдан кейин қайтиб келмадинг?

— Шуни ўлламабман.

— Хонангнинг қалитини ҳам бериб қўйсанг бўларкан, — деди у. — Шунда зинапояда кутиб ўтирамасдим.

Пат кулди, аммо лаблари титрарди; шунда ярим кечаси қайтиб келиш, эрталабгача зинапояда кутиш унинг учун осон бўлмаганини англаб етдим. Тағин мен билан бемалол, бозарда гаплашиб ўтирипти...

Қўнглим изтиробга тўлди.

— Пат, — дедим шоша-пиша. — Пат, совқотибсан, иссиқроқ бирор нарса ичишинг керак. Орловнинг чироғи ёниқ. Ҳозир чиқиб келаман, русларда доим чой бўлади... тез қайтаман... — Мен типирчилаб қолдим. — Сира эсимдан чиқмайди бу сабоғинг, — қўшиб қўйдим чиқиб кета туриб, сўнг йўлакдан йўргалаб кетдим.

Орлов уйғоқ экан. У хонанинг бурчагига қўйилган Момо Ҳаво сурати олдиди ўтиради. Суратни жинчироқ ёритиб турипти. Орловнинг кўзлари қизариб кетган. Стол устида кичкина самовар шақирлайти.

— Минг бор узр, — дедим мен, — кутилмаган иш бўп қолди, озгина чойингиздан беролмайсизми?

Руслар тасодифларга қўнишиб кетишган. У икки стакан чой, қанд ва бир ликопча пирожка берди.

— Бирорвинг ҳожатини чиқаҳсан, сингил тортаман, — деди у. — Сизга яна бир нарсани таклиф этишим мумкин... ўзим ҳам бунақа ҳолга кўп тушганман... уч-тўртта қаҳва донаси... чайнаворасиз...

— Миннатдорман, — дедим унга, — кўпдан-кўп раҳмат. Қаҳвани жон деб оламан.

— Яна бирор нарса керак бўлса... — деди у, шунда Орловнинг олижаноблигига қойил қолдим, — бемалол сўрайверинг, тортишманг...

Йўлакка чиқиб, қаҳва донасини оғзимга ташладим. Спиртнинг ҳидини олади. Пат чироқ ёнида ўтириб, юзига упа суртарди. Бир лаҳзагина остоноада тўхтадим. Пат кичкила кўзгуга тикилганча мөмиқ паҳтани чаккаларига босарди. Тўлқинланиб кетдим.

- Иссигида ичвол.
- У стаканни олди. Мен кузатиб турдим.
- Ҳайронман, Пат, мени нима жин урди...
- Нималигини биламан, — деди у.
- Шунақами? Мен билмайман.
- Шарт эмас, Робби. Шусиз ҳам күп нарсаны биласан, чинакам баҳти бўлиш учун етиб ортади.
- Эҳтимол, — жавоб бердим унга. — Лекин танишганимиздан бери тобора енгилтабиат бўлиб кетяпман. Бунақа бўлиш керакмас-да.
- Йўқ, шунақа бўлиш керак! Бу тобора ақлли бўлиб кетишдан афзалароқ.
- Қайдам, — дедим мен. — Мени қийин вазиятдан олиб чиқиб кетишига устасан. Балки бу масалада ўз нуқтаи назаринг бордир.

Пат стаканни столга қўйди. Мен каравотга суюниб турардим. Назаримда уйга олис, машаққатли саёҳатдан қайтиб келгандай эдим.

Кушларнинг чугур-чуғури бошланди. Кўча эшиги очилиб-ёпилди. Бу стимхона ҳамшираси фрау Бендер. Ҳадемай ошхонада Фрида пайдо бўлади, ана унда бу сурʼан сездирмай чиқиб кетишимиз амири маҳол. Пат ухлаб ётипти. Бир маромда чукур ва силлиқ нафас оляпти. Уйғотишга кўзим қиймаяпти... Лекин бошқа иложи йўқ.

- Пат...
- У бир ёлдиради-ю, уйғонмади.
- Пат... — Мен дунёдаги барча ижараҳоналарга лаънат ўқидим. — Пат, тура қол. Кийинишингга ёрдамлашвораман?
- У кўзларини очиб, жилмайди; ҳали уйқуси тарқамаганди. Уйғонган пайтидаги қувончи ҳамма вақт мени таажжублантирас, айни пайтда, шу ҳолати менга жудаям ёқарди. Ўзим уйғонганимдан ҳеч қачон хурсанд бўлмаганман.

- Пат... фрау Залевски тишини қайраб турипти.
- Бугун сеникода қоламан.
- Шу ерда-я?
- Ҳа.
- Жуда соз... лекин нарсаларинг... туфлинг, кечки кўйлагинг...
- Шунинг учун кечгача қоламан.
- Уйингдагилар...
- Қўнғироқ қилиб қўямиз.
- Яхши. Қорнинг очдими?
- Йўқ ҳали.
- Ҳар эҳтимолга бир қўшалоқ иссиқ булочка келтириб қўяй.
- Сотувчи кажавани кўча эшигига илиб кетди. Улгураман.
- Қайтиб келганимда Пат дераза олдида турарди. Оёғида фақат ялтироқ туфлиси. Елкасига тушиб турган тонг шуъласи худди майин ипак матога ўхшайди.

— Кечаги күнни унутамиз, Пат, хўпми? — дедим унга.

Пат мен томонга қарамасдан бош силкиди.

— Бошқа одамлар билан учрашмай қўя қоламиз. Шунда дилсиёхлик ҳам, рашқ талвасаси ҳам бўлмайди. Ҳақиқий севги ёт кишиларни ҳазм қилолмайди. Бројер ўша улфатлари билан биздан нарироқ юраверсинг.

— Тўғри, — деди Пат, — шу жумладан, Маркович ҳам.

— Маркович? Ким у?

— «Шаршара»да сенинг ёнингда ўтирган аёл.

— Э-ҳа, — дедиму негадир севиниб кетдим. — Тўппа-тўғри, у ҳам даф бўлсин.

Мен чўнтағимдаги нарсаларни олиб, столга қўйдим.

— Кўриб қўй. Тунги азобларим кўпам бефойда бўлмади. Қартада шунча пул ютдим. Бугун кечқурун бир маишат қиласми, бўйтими? Фақат ўзимиз, бегоналарсиз. Улар биз учун энди йўқ, тўғрими?

Пат бош силкиди.

Куёш касаба уюшмалари биносининг томига тирмаша бошлади. Дераза ойналари ярқираб кетди. Патнинг сочлари нурга тўлди, елкалари тилла рантига кирди.

— Кеча Бројер ҳақида нима деган эдинг? Яъни, касби тўғрисида.

— У меъмор.

— Меъмор, — такрорладим айдак таассуф билан.

Менга қолса, ҳеч ким бўлмагани тузук эди.

— Меъмор бўлса ўзига, шунга ҳам ота гўри қозихонами, нима дединг, Пат?

— Тўғри, азизим.

— Бўлса бўлти-да.

— Ҳақ гап, — деди Пат қатъий оҳангда ва менга қараб кулиб юборди. — Меъмор бўлса бўлар, бизга нима! Ипириски бир одам-да!

— Хонам ҳам унчалик ёмонмас, тўғрими, Пат? Албатта, бошқаларники бундан яхшироқ...

— Хонанг зўр! — гапимни бўлди Пат. — Хонанг ажойиб, азизим, бундан зиёд хонани кўрмаганман.

— Ўзим эса... тўғри, камчиликларим бор... ундан ташқари, бор-йўғи таксичиман, аммо...

— Сен мен учун энг суюкли одамсан, булочка ўғирлайсан, ром ичасан! Сен — беназирсан!

У бўйнимга осилди.

— Вой, тентаквойим-ей, яшаш қандай яхши!

— Фақат сен билан Пат. Рост... фақат сен билан!

Борлиқقا оппоқ, шаффоф тонг ёйилди. Пастда, қабр тошлиари устида юпқа туман сузарди. Дараҳт таналари қуёш нурига ботган. Уйларнинг мўриларидан тутуғ ўрлаяпти. Газетафурушларнинг бақириқ-чақириқлари эшитила бошлади. Эрталабки

үйкүга ташладик, аммо бу уйқу эмас — ўнгдаги туш эди, бир-биirimизни қучиб ётарканмиз, нафасларимиз омухта бўлиб кетган, биз олис-олисларда парвоз қиласардик... Кейин, соат тўқизларда, олдин Буркхорднинг маҳфий маслаҳатчиси сифатида шахсан подполковник Эгберт фон Гакега қўнгироқ қилдим. Сўнг Ленцдан менинг ўрнимга эрталабки рейсга чиқишни сўрадим.

У дарров гапимни бўлди:

— Кўрдингми, бўталогим, Готтфрид отанг бекорга инсон қалби инжиқликларининг билағони саналмайди. Илтимос қилишингни қўнглим сезувди. Омад тилайман, ҳаваскор ошиқ!

— Ўчир, — дедим енгил тортиб, кейин ошхонага чиқиб, тобим йўқ, тушгача ётаман, деб келдим. Аммо тушгача фрау Залевскининг ҳужумини уч марта қайтаришга тўғри келди. Бир гал мойчечак қайнатмасини, бир гал аспириинни, охирги сафар эса яна аллақандай дорини кўтариб, хонамга кирмоқчи бўлди. Патни ваннахонага яшириб қутулдим. Ҳартугул, бошқа ҳеч ким бе-зовта қилмади.

## XIV

**Б**ир ҳафтадан сўнг кутилмагандан устахонамизга фордини миниб, новвой келиб қолди.

— Қани, чиқ-чи, Робби, — деди Ленц деразадан хўмрайиб қараб. — Тағин бир ғалвани бошлаб келган бўлмасин.

Новвойнинг авзойи бузуқ эди.

— Мошинага бирор гап бўлдими? — сўрадим ундан.

У бош чайқади.

— Аксинча. Мошина зўр. Янгисидан қолишмайди.

— Албатта, — шундай дедиму савол назари билан қараб турвердим.

— Гап шундаки... — деди у, — гап шундаки... мошинани ўзгартироқчиман, каттарофига... У атрофга аланглади. — Шу ерда кадиллакни кўрувдим.

Ниятини англадим. Қора кўз аёл ҳол-жонига қўймаган.

— Э, кадиллакми? — дедим ўйчан қиёфада. — Ўшанда олиш керак эди-да. Зўр мошина эди. Сотордик етти минг маркага. Ярим баҳосига кетди!

— Жа унчаликмасдир...

— Ишонаверинг, ярим баҳосига кетди, — шундай дедиму бу ёғига нима қилишини ўйлаб қолдим. — Мен бир суриштириб кўрай-чи, — давом этдим кейин. — Балки мошинани харид қилганд одам ҳозир пулга муҳтоҷ бўлиб тургандир. Шунақаси ҳам бўлади-ку. Айниқса, бизнинг замонда. Бир минутга.

Устахонага кириб, воқсани гапириб бердим. Готтфрид ўрнидан сапчиб турди.

— Йигитлар, дарров эски кадиллак топишмиз керак.

— Бу ёғини менга қўйиб бер, сен новвойни гапга солиб тур, — дедим унга.

— Бўпти! — Готтфрид чиқиб кетди.

Блюменталга қўнғироқ қилдим. Бирор иш чиқишига қўзим стмасди-ю, лекин бир уриниб кўриш ош-нон сўрамайди. У идо-расида экан.

— Кадиллакни сотмайсизми? — дедим дабдурустдан.

У кулиб юборди.

— Ҳаридор топдим, — давом этдим мен. — Пулинин нақд тўлайди.

— Нақд тўлайди, денг... — такрорлади Блюменталь андак сукутдан сўнг. — Шу кунда бу сўзлар мусаффо шеъриятдай янграйди.

— Мен ҳам шу фикрдаман, — дедим унга ва бирдан тетиклашиб кетдим. — Ҳўш, гаплашамизми?

— Гаплашсак гаплашаверамиз, — деди Блюменталь.

— Бўпти. Қачон учрашамиз?

— Бугун кундузи вақтим бор. Масалан, соат иккilarда, идорамда.

— Келишдик.

Гўшакни қўйдим.

— Отто, — дедим Кестерга, ўпкамни аранг босиб. — Сира кутмагандим, кадиллак қайтиб келадиганга ўхшайди!

— Ростданми? Сотмоқчими?

Бош силкиб, деразадан қарадим: Ленц новвойга бир нималарни ўқтираётганди.

— Ишни пачава қилади, — дедим безовталаниб. — Кўп гапириялти. Новвой шубҳа-гумоннинг уяси. Уни гапирмай ишонтириш керак. Ўзим чиқаман.

Кестер кулди.

— Омад ёр бўлсин, Робби.

Унга кўз қисиб, ҳовлига чиқдим. Чиқдим-у, қулоқларимга ишонмадим. — Готтфрид кадиллакка элдан бурун мадхия ўқиши-ни хаёлига ҳам келтирмас, у новвойга Жанубий Америка ҳиндуларининг зогора ёпиш усулларини ҳикоя қиларди. Унга миннатдорона кўз ташлаб, новвойга юзландим:

— Афсуски, у одам мошинани сотмоқчи эмас...

— Билувдим, — деди Ленц шоша-пиша, худди иккаламиз келишиб олгандай.

Елкамни қисдим.

— Начора... Лекин уни ҳам тушунса бўлади...

Новвой хомуш тортиб қолди. Ленцга қарадим.

— Яна бир гаплашиб кўрмайсанми? — деди у шу заҳоти.

— Чиқмаган жондан умид, — жавоб бердим унга. — Ҳар ҳолда бугун тушдан кейин учрашишга розилигини олдим. Сизни қасрлан топаман? — сўрадим новвойдан.

— Соат тўртла шу томонига йўлим тушади. Кириб ўтаман.

— Жуда соз. Үнгача анигини билиб құйман. Ажабмас ишилгиз битиб кетса.

Новвой бош ирғади. Сүңг фордига ўтириб, жұнаб кетди.

— Эсинг жойидами? — жиғибийрон бўлди Ленц, мошина ҳовлидан чиқиши билан. — Мен уни минг машаққат билан ушлаб турувдим, келдингу қўлдан чиқазвординг.

— Мантиқ ва аҳволи руҳия, азизим Готтфрид! — унинг елкасига қоқдим. — Сен бу нарсаларни тушунмайсан.

У қўлимни силтаб ташлади.

— Аҳволи руҳиямиш... — деди у энсаси қотиб. — Энг яхши аҳволи руҳия — қулай фурсат! Сен шундай фурсатни бой бердинг! Новвой энди қайтиб келмайди.

— Соат тўртда шу ерда бўлади.

Готтфрид менга ачинганидай қаради.

— Гаров ўйнаймиз, — деди у.

— Бўпти. Лекин ютқизасан. Уни сендан яхши биламан! У парвонадай ўзини оловга уришни хуш кўради. Қолаверса, ҳали қўлимиизга тегмаган нарсанни сотолмайман-ку.

— Ё тавба! Топган гапинг шу бўлдими, бўталофим! — хитоб қилди Готтфрид бошини чайқаб. — Ҳеч қачон одам бўлмайсан. Яшайдиган пайтимиз энди келяпти-ку. Юр, ҳозирги замон иқти-садиётидан текинга маъруза ўқиб бераман.

Блюменталнинг идорасига қараб жўнадим. Йўл-йўлакай ўзими-ни қари бўрини зиёрат қилгани бораётган қўзичоққа ўхшатардим. Офтоб асфальтни қиздириб юборган, ундан кўра ҳам, Блю-менталь мени сихга тортмаса гўрга эди, деган ўй кўпроқ азоб берарди. Энг муҳими, ташаббусни қўлдан бермаслик керак.

— Жаноб Блюменталь, — деб гап бошладим кабинет остона-сидан ҳатлабоқ, — яхши бир таклиф билан келдим. Сиз кадиллакни беш минг беш юз маркага олгансиз. Мен сизга олти минг бераман, фақат сотолсам. Бу масала кечқурун ҳал бўлиши керак.

Блюменталь ёзув столи ортида олма еб ўтиради. Шу гапим-дан кейин чайнашдан тўхтаб, менга тикилиб қаради.

— Майли, — деди у бир оздан сўнг, кейин яна олмага ёпиши.

Пўчоқиңи кажавага ташлагунча кутиб турдим.

— Демак, розисиз, а?

— Бир минутга! — У стол ғаладонидан яна битта олма олиб, карсиллатиб тишлади. — Ейсизми?

— Раҳмат, ҳозир эмас.

— Олма еб туриш керак, жаноб Локамп! Олма умрни узайтиради. Кунига уч-тўртта олма есангиз — дўхтирнинг кераги бўлмайди!

— Қўлим синиб қолса-чи?

Блюменталь қулимсиради, иккинчи пўчоқни ҳам кажавага ташлаб, ўрнидан турди.

— Қўлни синдиримаслик керак!

— Яхши маслачат, — дедиму ўйланиб қолдим: бу ёғи нима бўларкин? Олма мавзуси шубҳали туюлди.

У сигарета кутисини олиб, чекишни таклиф этди. Бу менга таниш «Коронас» эди.

— Чекиш ҳам умримни узайтирадими? — сўрадим ундан.

— Йўқ, қисқартиради. Кейин олма уни бараварлаштиради. — Блюменталь оғзидан тутун пуркаб, бошини орқага ташлади ва менга, худди ўй сураётган күшдай, ер остидан қаради. — Ҳамма нарса мутаносиб бўлиши лозим — ҳаётнинг сири мана шунда.

— Буни уддалаш керак.

У жилмайди.

— Гап шунда-ла, улдлалай билиш керак. Тушликдан кейин мана шунаقا хаёлларга берилиб кетаман.

— Айни хаёл сурадиган пайт, — дедим мен. — Демак, кадиллак масаласида ҳам мутаносибликка эришамиз, шундайми?

У қўлини кўтарди.

— Бир дақиқа...

Мен камини камтарин қабилида бош эгдим. Блюменталь ҳолатимни кўриб, кулиб юборди.

— Йўқ, мени тушунмадингиз! Сизга қойил қолганимни айтмоқчи эдим. Гапнинг пўс калласини гапириб, мени довдиратиб қўйдингиз. Мен нимани кутганимни биласизми?

— Аввалига тўрт минг беш юз марка таклиф қилишимни.

— Тўппа-тўғри! Лескин мен бунга кўнмасдим. Ахир, мошинани етти минг маркага сотмоқчисиз-ку, тўғрими?

Эҳтиёти шарт елкамни қисдим.

— Нима учун айнан етти минг?

— Чунки бошда ҳам менга шу нархни айтгансиз.

— Хотирангиз чаккимас, — дедим мен.

— Рақамларга. Фақат рақамларга. Минг афсус. Хуллас, бор барака: олинг мошинани олти мингга!

Кўл ташлашлик.

— Худога шукур, — дедим мен снгил тортиб. — Узоқ танаффусдан кейинги биринчи битим. Кадиллак биз учун хосиятичиқиб қолди.

— Мен учун ҳам, — деди Блюменталь. — Ахир, мен ҳам беш юз марка ишлаб қоляпман.

— Рост. Дарвоқе, нега мошинани бунчалик тез сотиб юборяпсиз? Ёқмадими?

— Ирими бор, — деди у. — Озгина бўлса ҳам фойда чиқадиган ҳар қандай битимни рад этмайман.

— Яхши ирим экан, — дедим мен.

Блюменталь ялтироқ бошини чайқади.

— Сиз ишонмайсиз, лекин чакки қиласиз. Бошқа ишларга қусури тегмаслиги учун шундай қиласман. Бизнинг давримизда фойдали битимни бой бериш — тақдир билан ўйнашишдай гап. Ҳозир ҳеч ким бунаقا нодонлик қилмайди.

Соат түрт яримда Ленц, менга сиғир қараш қилиб, столга бүш шишани қўйди.

— Қани, энди буни тўлдириб қуй, бўталогим! Гаров ўйнаганимиз эсингдами?

— Эсимда, — дедим мен, — лекин ҳали вақт бор.

У кўзимга соатини тутди.

— Тўрт ярим. Нима қипти? Кечикиши мумкин-ку. Бўпти, гаров шартини ўзгартирамиз — ютқизсам, бир шишангга икки шиша қўяман.

— Розиман, — деди тантанали овозда Готтфрид. — Демак, тўрт шиша жин оламан. Сен бой берилган истеҳкомда қаҳрамонлик қиляпсан. Таҳсинга сазовор, лекин фирт аҳмоқлик.

— Кўрамиз...

Ўзимни дадил тутардим-у, аммо ичимни ит тирнарди. Новвойнинг қайтиб келишига ишонмаётгандим. Боя кеткизмаслик керак эди. У жудаям ишончсиз одам.

Соат бешда ёнимиздаги кўрпа-ёстиқ жиллари тайёрлайдиган фабрика гудок чалди. Готтфрид индамай олдимга яна учта бўш шиша қўйди. Кейин деразага суяниб, кўзини лўқ қилиб тураверди.

— Негадир томоғим тақиллаб кетяпти, — деди у маънодор оҳангда.

Шу пайт кўчада форднинг таниш шовқини эшитилиб, ҳовлига новвойнинг мосинаси кириб келди.

— Томоғинг тақиллаётган бўлса, азизим Готтфрид, — дедим виқор билан, — дарров дўконга чопқиллаб бориб, мен ютган икки шиша ромни олиб кел. Майли, текинга бир қултум қуйиб бераман. Новвойни кўряпсанми? Аҳволи руҳия, болакайим! Энди бўш шишаларни йўқот бу ердан! Кейин таксига ўтириб, овга жўнайвер. Бошқа нозик ишларга ҳали ёшлиқ қиласан. Омон бўл, кўзичоғим!

Новвойнинг олдига чиқиб, иш бунинг фойдасига ҳал бўластганини айтдим. Тўғри, собиқ мижозимиз етти ярим минг марка сўрайпти, лекин нақд пулни кўрса, еттитага ҳам бервориши мумкин, дедим.

Новвой гапларимни фаромуш бир ҳолатда эшилди. Шундан хавотирланиб қолдим.

— Соат олтида ўша одамга яна қўнғироқ қиласан, — дедим ниҳоят.

— Олтида? — новвой сергакланди. — Э, соат олтида... — У менга қаради. — Бирга бормаймизми?

— Қаёқقا? — сўрадим ҳайрон бўлиб.

— Рассом дўстингизникига. Сурат тайёр бўпти.

— Ҳа-а, Фердинанд Грауникига денг...

У бош силкиди.

— Бирга борайлик. Мошина тўғрисида кейин гаплашаверамиз.

Афтидаи, Фердинанднинг олдига менсиз боргиси йўқ эди. Ўз навбатида, уни қўлдан чиқазмасликдан мен ҳам манфаатдор эдим. Шунинг учун таклифини рад этмадим:

— Бўпти, борсак бораверамиз.

Фердинанднинг кўриниши бир аҳволда эди. Ранги сўлғин, юз териси осилиб, бужмайиб кетган. У бизни остоңада кутиб олди. Новвой унга рўйхушсиз кўз қирини ташлади. У негадир ҳаяжонланарди.

— Сурат қани? — деб сўради ичкарига киришимиз биланоқ.

Фердинанд дераза томонга ишора қилди. У срда дастгоҳга ўрнатилган сурат турарди. Новвой шошиб бориб, суратнинг рўпа-расида қотди-қолди. Салдан кейин шляпасини ечди.

Фердинанд икковимиз ҳамон эшик олдидা турардик.

— Ишларинг қалай, Фердинанд?

У беҳафала қўл силкиб қўйди.

— Бирор гап бўлдими?

— Нима бўлиши мумкин?

— Кўринишининг яхшимас.

— Шу холосми?

— Ҳа, — дедим мен, — бор-йўғи шу...

У елкамга вазмин кафтини кўйиб, жилмайди. Шу туришида қари арслонни эслатарди.

Салдан кейин новвойнинг ёнига бордик. Сурат ҳақиқатан ҳам яхши чиққан эди. Сарғайиб кетган, марҳума ғамгин қиёфада тушган хира расмларга қараб, Фердинанд анча ёш, дуркун бир жувоннинг суратини чизганди. Аёл жиддий, андак маъюс нигоҳ билан қараб турарди.

— Ҳа, — деди новвой бизга қарамай, — ўхшатибсиз. — Бу сўзни у ўзига айтгандай туюлди, бинобарин, овозини ўзи ҳам эшифтмаган бўлса ажабмас.

— Қоронғилик қўлмаяптими? — сўради Фердинанд.

Новвой жавоб бермади.

Фердинанд дастгоҳни дераза томонга сал буриб қўйди. Кейин орқароққа ўтиб, ишора билан мени устахона ёнидаги чоғроққина хонага таклиф қилди.

— Бунақа бўлишини сира кутмагандим, — деди Фердинанд таажжубланиб. — Ўн фоиз чегирма таъсир қилганга ўхшайди. У йиғлаяпти...

— Ҳар қандай одамга таъсир қилади, — жавоб бердим мен. — Лекин новвойнинг кўзи кеч очилди.

— Анча кеч, — деди Фердинанд, — ҳар дўим ҳамма нарса кеч содир бўлади. Ҳаёт шунақа, Робби.

У хонада аста у ёқдан-бу ёққа юра бошлади.

— Майли, новвой бир оз ёлғиз қолсин, биз шоҳмот ўйнаймиз.

— Ажойиб феълинг бор-да, — дедим унга.

Фердинанд тўхтади.

— Ҳозир феълнинг алоқаси йўқ. Унга бари бир ёрдам беролмаймиз. Нуқул маҳзун нарсалар хусусида ўйланадиган бўлса, бу дунёда ҳеч кимнинг қулишга ҳаққи қолмайди.

— Сен ҳақсан, — дедим мен. — Ке, ўйнасак ўйнай қолайлик.

Доналарни тикиб, ўйинни бошладик. Фердинанд осонгина ютди. Шоҳни қимирлатмасдан, фақат рух билан филни ишга солиб, бир зумда мени мот қилди.

— Қойил! — дедим унга. — Кўринишингдан уч кун ухламаган одамга ўхшайсан, лескин ўйининг денгиз қароқчисини эслатади.

— Дилгир пайтимда ҳар доим яхши ўйтайман, — жавоб берди Фердинанд.

— Нега дилгирсан?

— Чунки қоронғи тушяпти. Бамаъни одам кечга яқин ҳамиша дилгир бўлиб қолади. Унга бошқа сабабнинг кераги йўқ. Шунчаки... дилгир бўлади-қолади...

— Агар ёлғиз бўлса, шундайми?

— Албатта. Завол пайти. Ёлғизлик онлари. Айниқса, конъяк лаззатли туюладиган дақиқаларда.

У шиша билан қадаҳларни олди.

— Новвойпинг олдига чиқмаймизми? — сўрадим мен.

— Ҳозир. — У конъяк қўиди. — Сенинг соғлиғингга, Робби, ҳаммамиз қачонлардир ўлишимиз учун!

— Омон бўл, Фердинанд! Ҳозирча ерни тепкилаб юрганимиз учун!

— Ҳаётимиз қилда осилиб турган пайтлар кўп бўлди, аммо биз омон қолдик. Мана шунинг учун ҳам ичамиз.

— Одик.

Биз устахонага қайтиб чиқдик. Қоронги туша бошлади. Новвой қунишганча ҳануз сурат олдида турарди. Уни қайғу шу қадар абгор қилиб ташлагандики, ҳайҳотдай устахонада жуссаси баттар кичрайиб кетгандай туюларди.

— Суратни ўраб берайми? — сўради Фердинанд.

Новвой сесканди.

— Йўқ...

— Бўлмаса, эртага жўнатвораман.

— Ҳозирча шу ерда қолдиришнинг иложи йўқми? — сўради новвой умидворлик билан.

— Нима кераги бор? — деди Фердинанд ажабланиб ва унга яқинроқ борди. — Ёқмадими?

— Ёқди... Вақтинча шу ерда турсин дегандим-да.

— Тушунмадим.

Новвой менга ёлворгандай қаради. Сездимки, суратни қора соч аёл яшаётган уйга осиб қўйишдан чўчияпти.

Эҳтимол, бу мархума олдидаги қўркувдир.

— Менга қара, Фердинанд, — дедим унга, — пули тўланса, қаерда турди — нима фарқи бор?

— Ҳа, тўғри...

Новвой енгил тортиб, чүнтагидан чек дафтарчасини чиқазди. Икковлари стол ёнига боришиди.

— Сизга яна түрт юз марка беришим керак, шундайми?

— Түрт юз йигирма, — деди Фердинанд, — ўн фоиз чегириб ташлаганим учун. Тилхат ёзиб берайми?

— Майли, — деди новвой, күнгил түқ бўлади-да.

Фердинанд ишдамай тилхатни ёзиб бераб, шу заҳоти чекни олди. Мен дераза ёнида турганча беихтиёр хонага яна кўз ташладим. Фира-шира қоронғиликда олиб кетилмаган ва пули тўланмаган чехралар зарҳал рамкаларда осиғлиқ турарди. Гўё нариги дунёдан келиб қолган арвоҳлар жонсиз нигоҳ билан ҳадемай ўз сафларига қўшиладиган аёлга мунгайиб қараашарди. Кечки шафақ аёл қиёфасига ҳаётнинг сўнгги шуъласини сочарди. Ҳамма нарса — стол устига энгашиб олган икки эр-как ҳам, узун-қисқа соялар ва кўпдан-кўп гунгу лол суратлар ҳам бари гайриоддий.

Новвой дераза ёнига қайтди. Жияклари қизарган кўзлари худди шиша соққаларга ўхшайди, оғзи ним очиқ, пастки лаби осилиб турганидан сарғиш тишлари очилиб қолган. Унга қараб ҳам кулгим қистади, ҳам ичим ачиди. Юқори қаватда кимдир пианино-ни тингиллата бошлади. Энди ўрганаётган одам шекилли, оҳанглар бетартиб чиқар, кулоқни қоматга келтиради. Фердинанд стол ёнида туриб, сигара тутатди. Гугурт олови юзини ёритди. Қизгиш шуъладан ним қоронғи устахона бирдан кенгайиб кетгандай бўлди.

— Суратга сал ўзгартиш киритса бўладими? — сўради новвой.

Фердинанд яқинроқ борди. Новвой тақинчоқни кўрсатди.

— Шуни олиб ташлашнинг иложи йўқми?

У каттакон тилла тўғнағични айттаётганди. Уни чизишни ўзи илтимос қилганди.

— Иложи бор, — деди Фердинанд, — тўғнағич юзнинг тароватини идрок этишга халал беряпти. Буни олиб ташласак, сурат янайам очилади.

— Мен ҳам шу фикрдаман, — новвой бир оз ўйланиб турди. — Қанча тўлашим керак?

Биз Фердинанд билан кўз уриштириб олдик.

— Кераги йўқ, — деди Фердинанд чин кўнгилдан. — Қайтанга мен сизга пулнинг бир қисмини қайтаришим керак, ахир суратда бир нарса камайяпти-ку.

Новвой иккиланиб қолди. Назаримда, пулни олгиси бордай. Кейин, ҳартугул, инсофга келди:

— Йўқ, олмайман... ахир, сиз уни чизгансиз-ку.

— Бу гап ҳам тўғри...

Биз кетдик. Зинапоядан тушиаётгандаги новвойнинг буқчайган қадлига қараб, раҳмим келди. Боя Фердинанд суратдаги тўғнағич масаласида уни калака қилганида виждони уйгонганидан анлак таъсириланган эдим. Кайфияти ёмонлигини сезиб турганим учун

шу тобда кадиллакни ўртага суқиши эп кўрмайтгандим. Аммо кейин ўйлаб қолдим: унинг мархума хотинига бу қадар обидийда қилиши уйида анови қора соч мегажиннинг яшаётгани важидан, холос. Бу фикр менга далда берди.

— Ҳалиги масалани уйда гаплашамиз, — деди новвой, кўча га чиққанимиздан сўнг.

Индамай бош ирғадим. Менга ҳам шуниси маъқул эди. Тўғри, новвой уйида ўзини дадилроқ сезишини ўйлаётганди, мен бўлсам, ўйнашининг мададидан умидвор эдим:

Аёл бизни эшик олдидা кутиб туради.

— Самимий табригимни қабул қилгайсиз, — дедим мен, новвой оғиз очмасидан.

— Нима гап? — сўради у карашма билан қараб.

— Кадиллакли бўлдингиз, — дедим пинағимни бузмай.

— Вой, бебаҳо хазинам! — У новвойнинг бўйнига осилвонди.

— Лекин ҳали... — У аёлнинг кучогидан чиқиб, гап нимадалигини тушунтиromoқчи бўлди. Аммо ўйнаши бўш келмади. Оёқларини типирлатиб, новвой билан бир ерда гир айланар, оғиз очгани қўймасди. Кўз ўнгимдан гоҳ аёлнинг муғомбир чехраси, гоҳ ун қуртининг калласи лип-лип ўтиб туради.

Новвой бир амаллаб ўйнашининг исканжасидан ҳалос бўлди.

— Ҳали келишганимиз йўқ, — деди у ҳансираф.

— Келишганимиз, — дедим ҳеч иккиланмай. — Келишганимиз! Майли, уни беш юзидан кечишга қўндираман, етти минг марка тўласангиз бас, бошқа гап йўқ! Розимисиз?

— Албатта, — деди шоша-пиша. — Қиммат эмас, жонгинам.

— Жим бўл! — Новвой қўлини кўтарди.

— Яна нима бўлди? — ўдағайлари аёл. — Ўзинг, оламиз, деган эдинг-ку, энди нега орқага ташляяпсан?

— Олади, — баҳсга аралашдим мен, — ҳаммасини келишиб қўйганимиз...

— Ана кўрдингми, азизим? Нега гапингдан қайтасан? — У новвойга яна ёпишли. Новвой типирчилаб, ўзини қора сочнинг бағридан бўшатишга уринар, типирчилагани сайин ўйнаши таранг кўксини унинг елкасига баттар ишқаларди. Сал ўтмай, новвой бўшашибди-қолди.

— Форд-чи? — деди у.

— Уни ҳам пулга чақамиз.

— Тўрт минг марка...

— Эди... шундайми? — дедим мулоийимлик билан.

— Йўқ, форд тўрт минг маркага баҳоланиб, кадиллакнинг нархидан чегириб ташланиши керак, — деди новвой паст тушмай, у хийла ўзини ўнглаб олган, энди хужумга ўтишни мўлжаллаётган эди. — Мошина яп-янги...

— Янги эмиш... — дедим мен. — Қанақа таъмирланганини биласизми?

— Эргалаб ўзигиз шундай дедингиз-ку.

— Эрталаб шундай деган бўлсам, бошқа нарсани назарда тутганман. Янгидан япгининг фарқи бор. «Янги» деган сўз харид қилаётганингизда бошқа, сотаётганингизда бошқа маъно касб этади. Фордингизни тўрт минг маркага баҳолаш учун қанотлари соғ олтиндан бўлиши керак.

— Тўрт минг марка — бир тийин ками йўқ, — деди новвой чўрт кесиб. Энди у аввалги ўжар новвойга айланганди; назаримда, боя Фердинаңнинг олдида чеккан изтиробларининг ўчини олмоқчига ўхшайди.

— Унда менга руҳсат! — дедим, кейин аёлга мурожаат қилдим: — Минг афсус, бекам, лекин мен зарар келтирадиган ишни қилолмайман. Кадиллакдан бизга ҳеч нарса тегмайди, шунинг учун эски фордни бунаقا юқори нархга чақиб, пул ўрнида қабул қилолмаймиз. Хайр...

Аёл қўлимга ёпишди. Кўзларидан ўт чақиарди. Кейин новвойни талаб кетди.

— Юз марта айтувдинг-ку форд бир тийинга қиммат деб! — вижиллади у пировардида кўзларига ёш олиб.

— Икки минг марка, — дедим мен. — Икки минг марка, шунда ҳам биз ўз оёғимизга болта урган бўламиз.

Новвой миқ этмади.

— Гапирсанг-чи! Оғзингга талқон соловолганимисан?! — деди қорасоч жиғибийрон бўлиб.

— Жаноблар! — дедим мен. — Бориб, кадиллакни олиб келай. Унгача икковларинг бир қарорга келарсизлар.

Шу тобда ортиқчалигимни сезиб қолдим. Бу ёғини қорасочнинг ўзи қотиради.

Бир соатдан кейин кадиллакни миниб келдим. Ичкарига кирибоқ, баҳс жўнгина ҳал бўлганини фаҳмладим. Новвой афтодадол, эгнига тўшак парлари ёпишган, қорасоч эса, аксинча, боягидан ҳам очилиб кетган, икки қўкраги селкиллар, тўйинган юзида хоинона, сирли табассум ўйнарди. У қоматига ёпишиб турган юпқа шойи кўйлак кийиб олганди. Пайт пойлаб, менга қўзини қисиб қўйди. Сездимки, иш пишган. Энди мошинанинг қандай юришини қўрсатишм керак эди. Пастга тушдик. Қорасоч орқа ўриндиқча ястанволиб, тинмай гапирарди. Мошинадан улоқтириб юборган бўлардим-у, аммо у ҳозирча менга керак эди. Новвой ёнимда ҳўмрайиб ўтиради. У ҳали тўламаган пулига мотам туваётганди — бу мотам бошқа изтиробларига қарагаида ҳақиқатга яқинроқ эди.

Қайтиб келиб, яна тепага кўтарилдик. Новвой пул олиб чиққани нариги хонага кириб кетди. Шундагина у кўзимга қари кишига ўхшаб кўринди, бунинг устига, сочи бўялганини пайқаб қолдим. Қорасоч истифо билан кўйлагини тузатди.

— Қалай, бопладик, а?

— Ҳа, — дедим истамайгина.

— Юз марка чўзасиз...

— Ие, бу ёғи қизиқ бўлди-ку.

— Ўтакетган қурумсок, — деди у пичирлаб ва менга яқинроқ келди. — Пули кўп, лекин чиқазгиси келмайди! Ҳатто васиятнома ёзиб беришни ҳам хоҳламаяпти. Бир гап бўлса, ҳамма молмулкига болалари эгалик қиласди, мен икки қўлимни бурнимга тиқиб қолавераман. Бу сассиқ чол билан умрим ҳазон бўладиганга ўхшайди.

У яна яқинроқ келди. Кўкси селкиллаб турипти.

— Эртага пулга кираман. Қачон уйда бўласиз? Балки ўзингиз келарсиз? — У ҳиҳилади. — Эртага тушдан кейин ёлғиз ўзим бўламан...

— Юз маркани жўнатаман, — дедим мен.

У ҳамон ҳиҳиларди.

— Ўзингиз кела қолинг. Ё кўрқяпсизми?

Унга қўрқоқдай туюлган бўлсан керак-да, шунинг учун менга далла берадиганди.

— Қўрқмайман, — дедим мен. — Вақтим йўқ. Аксига олиб, эртага дўхтирга боришим керак. Захмдан қутуолмаяпман! Жонимга тегиб кетди!

Қорасоч жонҳолатда ўзини орқага ташлаган эди, духоба креслага ўтириб қолаёзди. Шу пайт новвой чиқиб келди. У ўйнашига гумонсираб қаради. Кейин пулни санаб, столга қўйди. Аммо жуда секин, қалтираб санади. Сояси деворга ёпиширилган пуштиранг гулқозига тушиб турар, гўё кўланкаси ҳам пулни биргалашиб санаётганга ўхшарди. Тилхатни узата туриб, ўйлаб қолдим: «Бугуннинг ўзида иккинчи тилхат, биринчисини Фердинанд берганди». Гарчи бу тасодифнинг бирон-бир аҳамияти бўлмаса ҳам менга ғалати туюлди.

Кўчага чиқиб эркин нафас олдим. Ҳаво ёздагидай ёқимли эди. Йўлкада кадиллак ярқираф турарди.

— Хўп, оғайни, раҳмат, — дедим мен калотни шапатилаб. — Тезроқ қайт — иккаламиз ҳали кўп иш кўрсатамиз!

## XV

**Ў**тлоқлар тонг нурига фарқ бўлган. Пат иккаламиз ўрмон четидаги ялангликда ионушта қилиб ўтирибмиз. Мен икки ҳафталик таътилга чиқиб, Пат билан денизига отланганман. Ҳозир йўлдамиз.

Хув нарида ситросн маркали кичкина, эски машина турипти. Бу машинани новвойнинг фордидан қолган пулга олганимиз, Кестер уни таътил пайтига менга берди. Чамадонлар ортилган машина юқ ортмоқланган чайир хўтиқка ўхшарди.

— Ишқилиб, йўлда сочилиб кетмаса бўлди, — дедим мен.

— Сочилмайди, — жавоб берди Пат.

— Қаёқдан биласан?

— Нега билмайин? Чунки биз дам олгани кетяпмиз-да, Робби.  
— Эхтимол, — дедим мен. — Ҳар ҳолда орткى ўқидан күнглигем түк. Лекин күриниши чатоқ-да. Бунинг устига, шунча юк.  
— «Карл»нинг укаси бу — чидайди.  
— Чала туғилган укаси-да.  
— Ношукур бўлма, Робби. Ҳозирги шароитда мен билган яхши мошина шу.

Биз ўтлоққа чўзилдик. Ўрмондан майин, илиқ шабада эсади. Қатрон ва ўт-ўланларнинг ҳиди ҳаммаёқни тутиб кетган.

— Айтгин-чи, Робби, — сўраб қолди Пат бир маҳал, — ҳуванови ариқ бўйидаги гулнинг номи нима?  
— Айиқтовон, — дедим қарамасдан.  
— Нималар деяпсан, азизим? Ҳечам айиқтовон эмас. Айиқтовон кичкина бўлади, қолаверса, у баҳорда гуллайди.  
— Тўғри, — дедим унга. — Бу занжабил.

У бош чайқади.  
— Занжабилни танийман. Кўриниши бутунлай бошқача.  
— Бўлмаса, сув ўти.  
— Қизиқмисан, Робби! Сув ўти оқ бўлади, бу қизил-ку.  
— Унда билмадим. Ким сўраса, шу пайтгача учта номни айтаман. Биттасига бари бир ишонишади.

Пат кулиб юборди.  
— Аттанг. Билганимда, айиқтовонга рози бўп қўя қолардим.  
— Сув ўти! — дедим мен. — Қўп ғалабаларга сув ўти орқали эришганман.

У туриб ўтириди.  
— Йўғ-э! Сендан кўп сўрашармиди?  
— Кўп эмас. Кейин, бутунлай бошқа вазиятларда.  
Пат кафтларини срга тиради.  
— Ростини айтсан, ср юзида юриб, у ҳақда ҳеч нарса билмаслик уят. Ҳатто гулларнинг номини ҳам билмаймиз.  
— Ҳафа бўлма, — дедим унга, — ер юзида нима учун юрганимизни билмаслигимиз ундан ҳам уят. Уч-тўртта ортиқча ном ҳеч нарсани ўзгартиролмайди.

— Ҳавойи гаплар булар! Сен, назаримда, ялқовроқсан.  
Унга қарадим.  
— Тўппа-тўғри. Лекин ялқовлик нималигини аниқлаб олиш керак. Ялқовлик — ҳар қандай баҳтнинг ибтидоси ва ҳар қандай фалсафанинг интиҳоси. Яна пича ётайлик. Инсон жуда кам ётади. Доим оёқда туради ёки ўтиради. Бу кайфиятнинг мўътадил бўлишига халал беради. Фақат ётганингда ўзинг билан ўзинг муроса қиласан.

Мотор шовқини эшитилди, кўп ўтмай ёнимиздан бир мошина ўтиб кетди.  
— Кичкина мерседес, — делим қарамасдан. — Тўрт цилиндрли.  
— Я я биттаси келяпти, — деди Пат.  
— Сизбиз турибман. Рено. Радиатори чўчқанинг тумшуғига ушшайлими?

— Ҳа.

— Демак, рено. Энди эшишиб тур, ҳақиқий мошина келяпти! Лянчия! Мерседесни ҳам, ренони ҳам қувиб ўтса керак. Моторига қулоқ солгин-а! Мусиқа садосига ўхшайди!

Мошина физиллаб ўтиб кетди.

— Бу соҳада учта номдан кўпроқ нарсани биларкансан, — деди Пат.

— Албатта. Бу масалада хато қилмайман.

Пат кулди.

— Яхшими бу ёки ёмонми?

— Яхши-да. Табиий ҳол. Яхши мошина баъзан йигирмата чаманзордан афзал бўлади.

— Йигирманчи асринг боласисан-да! Сенда, афтидан, ҳиссият заиф бўлса керак...

— Нега энди? Кўрдинг-ку, мошина бобида ҳиссиятим зўр.

— Менини ҳам, — деди Пат жилмайиб.

Қарағай шоҳида какку сайрай бошлади. Пат санашга тушди.

— Нега санаяпсан?

— Билмайсанми? Какку неча марта кукуласа — одам шунчайил яшайди.

— Э-ҳа, ёдимга тушди. Бунинг бошқа аломати ҳам бор. Каккунинг овозини эшифтган ҳамон пулни чиқазиш керак. Шунда пул кўпаяди.

Мен чўнтағимдан чақаларни олиб, кафтимда тутиб турдим.

— Ана холос! — деди Пат кулиб. — Менинг дардим яшаща, сенинг дардинг — пулда.

— Яшаш учун-да! — эътиroz билдиридим мен. — Ҳақиқий хаёл-параст пулга интилади. Пул, бу — озодлик. Озодлик эса — ҳаёт.

— Ўн тўрт, — санади Пат. — Бир пайтлар бошқача фикрда эдинг.

— Ноҳуш кунлар эди ўшанда. Пулга жирканч назар билан қарамаслик керак. Кўп аёллар пул важидан севиб қолишади. Севги эса аксарият эркакларни очкўз қилиб қўяди. Хуллас, пул юксак орзуларга, муҳаббат эса, аксинча, манфаатпарастликка чорлайди.

— Омадинг бор экан, — деди Пат. — Ўттиз бешта.

— Эркак, — давом этдим мен, — фақат аёлнинг хархашалири туфайли манфаатпараст бўлиб қолади. Агар аёл бўлмаса, пул ҳам бўлмасди, бинобарин, эркаклар қаҳрамонлар қавмига айланарди. Окопларда биз аёлларсиз яшаганмиз, кимнинг қанча молдунёси борлиги деч биримизни қизиқтиргмаган. Муҳими: қандай аскарсан. Мен окопдаги ҳаётни кўмсаётганим йўқ, шунчаки масалага тўғри шуктари назардан ойдинлик киритмоқчиман. Севги эркакларда ҳарислик, жамиятда нуфузли ўринни эгаллаш, кўпроқ пул топиш, ҳузур-ҳаловатга интилиш каби ёмон иллатларни юзага чиқаради. Ҳукмдорлар сафдошларининг оиласи бўлишини бе-

корга хуш күрмаган — шунда улар камроқ хавф туғдиришади. Католик руҳонийларнинг уйланмаслиги ҳам шундан — акс ҳолда улар бу қадар таптортмас ташвиқотчи бўлишмасди.

— Бугун ростдан ҳам омадинг келди, — деди Пат. — Эллик иккита бўлди!

Чақаларни чўнтағимга солиб, сигарета тутатдим.

— Қачон санаб бўласан? — дедим унга. — Етмишдан ошиб кетди-ку.

— Юзгача, Робби! Юз — яхши рақам. Шунча йил яшашни хоҳлайман.

— Журъатингга таң бердим, Пат! Лескин қандай шунча йил яшаш мумкин? У менга бир қараб кўйди.

— Яшаганда биламиз-да. Ҳаётга сенга нисбатан бошқачароқ қарайман-ку.

— Тўғри. Айтишларича, етмишгача қийин бўлармиш. У ёғига ўзи думалаб кетаверармиш.

— Юз! — хитоб қилди Пат. Биз йўлга тушдик.

Денгиз улкан мовий слкан янглиф биз томон бостириб келарди. Биз унинг шўртаъм нафасини анча олисадан сезиб турардик. Уфқ тобора кенгайиб ва ёрициб борарди, мана, ниҳоят, поёнсиз, қудратли ва асов уммон бор бўй-басти билан намоён бўлди.

Йўл бурилиб, қирғоққача борди. Кейин бир тўп дараҳтзор, унинг ортида қишлоқ кўринди. Йўл-йўлакай ўзимиз яшайдиган уйнинг қаердалигини аниқлаб олдик. Яна анча юриш керак эди. Бу манзилини Кестер айтганди. Урушдан кейин у шу ерда бир йил истиқомат қилган экан.

Мўъжазгина бино бир четда ажралиб турарди. Мошинани эшик олдиди тўхтатиб, сигнал бердим. Деразадан каттакон, ранг-пар чехра бир мўраладнию фойиб бўлди.

— Ҳар ҳолда бу фрейлейн Мюллэр бўлмаса керак, — дедим мен.

— Бизни унинг афт-ангари қизиқтирумайди, — жавоб берди Пат.

Эшик очилди. Хайрият, деразадан қараган фрейлейн Мюллэр эмас, хизматкор аёл экан. Салдан кейин уй эгаси фрейлейн Мюллernerнинг ўзи чиқиб келди. Қари қизга ўхшаган, оқ соч, истараси иссиқ аёл экан. Эгнида кўкси берк қора кўйлак, унга олтин хоч шақлидаги тўғнағич қадаб олган.

— Пат, эҳтиёти шарт, пайпогингни кўтарвол, — дедим хочга ишора қилиб ва мошинадан тушдим.

— Жаноб Кестер келишимиз тўғрисида огоҳлантириб кўйганга ўхшайди, — дедим аёлга.

— Ҳа, телсграммма олдим, — шундай деб, менга бошдан-оёқ разм солиб чиқди. — Жаноб Кестер яхши юритими?

— Яхши... агар бу замонда шундай дейиш мумкин бўлса.

Аёл мендан кўз узмай, бош иргади.

— Кўпдан бўён танишмисизлар?

«Тергов бошланди» — ўйладим ичимда ва Кестер билан минг йилдан бери оғайнилигимизни айтдим. Жавобимдан қаноатланди, шекилли. Пат олдимизга келди. У пайғонини кўтаришга ултурганди. Фрейлейн Мюллернинг чехраси юмшади. Менга нисбатан Пат унга маъқул бўлди чамаси.

— Бизга хона топиб бероласизми? — сўрадим ундан.

— Жаноб Кестер огоҳлантиргандан кейин йўқ деб бўладими, — деди фрейлейн Мюллер. — Сизларга энг яхши хонани бераман, — у Патга қаради.

Пат жилмайди. Фрейлейн Мюллернинг чехрасига ҳам табасум югуруди.

— Юринглар, кўрсатаман.

Кичкина чорбоғнинг тор йўлкасидан ёнма-ён кетишди. Мен уларга эргашдим — ўзимни ортиқча сезардим — фрейлейн Мюллэр фақат Патга мурожаат қиласиди.

Аёл бизга кўрсатган хона биринчи қаватда эди. Кенг-мўл, ёп-ёруғ, шинам, айниқса менга маъқул бўлгани — боққа чиқадиган алоҳида эшиги бор. Хонанинг бир томонида токча. Иккита каравот қўйилган.

— Хўш, қалай? — сўради фрейлейн Мюллер.

— Жудаям зўр! — деди Пат.

— Ҳашаматли, — кўшиб қўйдим аёлга ёқиши учун. — Иккинчиси қаерда?

Фрейслен Мюллер менга аста бурилиб қаради.

— Иккинчиси? Қанақа иккинчиси? Бошқа хона керакми? Бу ёқмадими?

— Йўқ, нега ёқмайди? Ёқди, лекин...

— Ҳайрон бўп қолдим, — деди фрейслен Мюллер сал истеҳзо билан. — Афсуски, бундан яхшиси йўқ.

Бизга иккита алоҳида хона кераклигини айтишга ултурмадим, гапни ўзи давом эттириди:

— Хотинингизга жуда маъқул бўлди менимча...

«Хотинингизга»... Гарчи жойимдан жилмаган бўлсан-да, ўзими бир қадам орқага ташлагандай туйдим. Сездирмай, Патга кўз қирини ташладим. У деразага суюнганча кулгидан ўзини аранг тийиб турарди.

— Хотиним, албатта... — дедим фрейлейн Мюллернинг тилла хочига тикилиб. Кейин, сирни очмай қўя қолишга аҳд қилдим. Тағин шайтонлаб қолмасин. — Биласизми, биз алоҳида ётишга ўрганганимиз, — дедим мен. — Яъни, ҳар ким ўз хонасида.

Фрейлейн Мюллер боши-боши қилди.

— Эр-хотин бўла туриб, алоҳида ётиш нимаси!... Тавба... Янгилик!

— Гап бундамас, — дедим шоша-пиша, шубҳаланиб қолишидан чўчиб. — Гап шундаки, хотинимнинг уйқуси енгил. Мен бўлсан қаттиқ хуррак отаман.

— Э, шунаңа денг! — деди фрейлейн Мюллер худди буни олдиндан сезғандай.

Бирдан хавотирланиб қолдим: иккинчи қаватдан жой күрсатиб қолса-я! Аммо никоң унинг учун муқаддас нарса эди. У ён томондаги эшикни очди, бу хонада каравотдан бўлак ҳеч нарса йўқ эди.

— Қойил! — дедим мен. — Айни мешбоп хона. Ҳеч кимга халақит бермайманми? — Мен пастки қаватда биздан бошқа одам яшайдими-йўқми — шуни билмоқчи эдим.

— Асло халақит бермайсиз, — деди фрейлейн Мюллер, энди бояги важоҳати сал сўнгган эди. — Ундан ташқари, бу ерда сизлардан бошқа ҳеч ким турмайди. Хоналар хувиллаб ётипти. У бир оз сукутдан сўнг, сўради: — Шу ерда овқатланасизларми ёки ошхонадами?

— Шу ерда, — дедим мен.

Аёл бош силкиб, чиқиб кетди.

— Хўш, фрау Локамп! — мен Патта мурожаат қилдим. — Мана, қўлга тушдик. Тўгрисини айтишга юрагим бетламади — диндор аёлга ўхшайди. Ўзим ҳам унча маъқул бўлмадим. Қизиқ, қари аёллар билан ҳар доим тез тил топишиб кетардим.

— Қари аёл эмас, Робби, у жудаям мулойим кекса хоним.

— Мулойим? — Мен слкамни қисдим. — Лекин ўзига бино кўйган аёл. Ҳайронман, хоналари бўш ётипти-ю, нимасига керилади!

— Керилаётгани йўқ.

— Сенга керилаётгани йўқ, тўғри.

Пат кулди.

— Менга ёқди бу аёл. Энди чамадонларни опкириб, чўмилиш кийимларини тайёрлайлик.

Бир соат мириқиб чўмилдим, энди офтобда тобланиб ётибман. Пат ҳалиям сувда. Оппоқ қалпоқаси гоҳ кўриниб қолади, гоҳ зангори тўлқин ортида ғойиб бўлади. Денгиз тепасида балиқчи қушлар чарх уряпти. Уфқ томонда улкан кема тутун чуватиб, сузиб кетяпти.

Офтоб қаттиқ қиздиряпти. Ёқимли чарчоқдан сўнг жиндай мизғигим келяпти-ю, аммо бу истак қуёш тафтида эриб кетяпти. Қўзларимни юмганча роҳат қилиб керишдим. Остимда иссиқ қум шитирлайди. Қирғоққа урилаётган заиф тўлқиннинг шалоплаши эшитилиб турибди. Қачон, қайси кун шу алфозда ётганимни эслай бошладим...

1917 йилнинг ёзи. Ротамиз ўшанда Фландрияда эди, кутилмаганда бизни бир неча кунга Остендга, ҳордиқ чиқаришга олиб кетишиди. Майер, Хольтхоф, Брейсер, Лютенс, мен ва яна кимлардир бор. Кўпчилигимиз денгизни кўрмаганмиз, бинобарин, ўша саноқли кунлар, ўлим билан ҳаёт орасидаги жиндайгина танаффус биз учун чинакам роҳатга айланганганди. Кун бўйи қум-

лоққа ястаниб, офтобда тобланардик. Қип-яланғоч, халтасиз, қуролсиз, формасиз юриш — шунинг ўзи тавсифга сиғмайдиган бир олам эди. Биз соҳилда ҳолдан тойгунча шүхлик қилғандан сўнг, яна ўзимизни сувга отиб, тўлқинлар кифтига тўш урадик. Бизни ҳаётга боғлаб турган аъзойи баданимизни, ўз нафасимизни, жамики хатти-ҳаракатимизни бутун борлиғи билан ҳис этардик. Бундай лаҳзаларда ҳамма нарсани унугардик, унугишини хоҳлардик. Аммо кечга бориб, қоронғи тушгач, уфқ ортидан кўтарилигани қора булатлар кути ўчган дengiz устига ёпирилган пайдада тўлқинлар шовқининг аста-секин бошқа товуш кўшила бошларди; бу товуш борган сари кучайиб, ниҳоят, момақалдироқдай дengiz шовқинини босиб кетарди. Бу фронтдаги отишманинг гумбур-гумбури эди. Шундай дақиқаларда ҳамма жим бўлиб қолар, орага оғир сукунат чўқар, одамлар бошларини кўтариб, уфқ томон қулоқ тутишарди. Кун бўйи беармон ўйнаб-кувнаган ўспиринларнинг шодон чехралари бир зумда жиддий аскар қиёфасига кираради. Яна бир муддат уларнинг юзида чуқур ва нохуш ҳайрат билан ғам-ғусса ифодаси зоҳир бўлардики, бу ифода замирида айтилмаган ҳамма нарса: мардлик ҳам, армон ҳам, яшаш иштиёқи ва ўз бурчини адо этиш хоҳиши ҳам, умид ва ноумидлик ҳам, ёшлиқдан ўлимга маҳкум этилганларнинг сирли изтироблари ҳам — бари-бари мужассам эди. Бир неча кундан сўнг қаттиқ ҳужум бошланиб, учинчи июлдаёқ ротада ўттиз икки киши қолди. Майер, Хольтхофф ва Лютгенс ҳалок бўлишди.

— Робби! — қулогимга Патнинг овози эшигилди.

Кўзимни очдим. Дабдурустдан қаерда ётганимни англаёлмадим. Ҳар гал, уруш хотираларига берилганимда, хаёлим кетиб қолади. Бошқа нарсаларни эслаганимда бундай бўлмайди.

Бошимни кўтардим. Пат сувдан чиқиб келарди. Ортида қизғиш-тилларанг қуёш пояндози олисларга чўзилиб кетган. Елкаларидан томчи-томчи шуъла тўқилар, бўй-басти офтоб нурига буткул ғарқ бўлганидан мусаффо осмон остида худди қоп-қора сояга ўхшаб кўринарди. У мен томон битта-битта одим ташларкан, қуёш то уфққа ёнбошлаб, боши теграсида улкан доира ҳосил қилмагунча, қадам-бақадам кўзни қамаштирувчи шуълага омухта бўлиб бораради.

Сакраб туриб кетдим, — бу ҳайратомуз манзара эди, — ҳад-худудсиз ложувард осмон, дengiz узра оқ ёlli тўлқинлар ва мана шу икки мўъжиза орасида — бетимсол, гўзал қадди-қомат. Назаримда, ер юзида ёлғиз ўзимман, сувдан эса биринчи аёл чиқиб келяпти. Гўзалликнинг улкан ва сокин қурдати олдидаги бир лаҳза лол бўлиб турдим, бу гўзалик ҳар қандай қонли ўтмишдан кучлироқ эканини ва шундай бўлиши кераклигини, акс ҳолда, рўйи замин ағдар-тўнтар бўлиб, ҳароботга айланишини ҳис этдим. Ундан кўра ҳам бу дунёда юрганимга, Патнинг борлигига, уруш даҳшатларидан омон қолганимга, кўзларим, оёқ-кўлим бутлигига, миям ишлаб, томирларимда қон айланиб турганига, бу-

ларнинг бари ақыл бовар қилмайдиган мұйжиза экалига астойдил имон келтирдим.

— Робби! — қичқирди яна Пат узоқдан қүлини силкитиб.

Халатини олиб, истиқболига юрдим.

— Сувда узоқ туриб қолдинг, — дедим унга.

— Совқотганим йўқ, — жавоб берди у ҳансирағ. Ҳўл елкасидан ўпдим.

— Биринчи қунлари ўйлаброқ иш қилиш керак.

— Жуда узоқ муддат ўйлаб иш қилганман.

— Наҳотки?

— Албатта! Керагидан ортиқча! Энди ўйламасдан иш қилмоқчиман! — У кулиб, юзини чаккамга босди. — Ке, ўйламаймиз, Робби! Ҳеч нарсани ўйламаймиз, фақат ўзимизни, қуёшлини, таътилни ва денгизни ўйлаймиз!

— Бўпти! — дедим мен ва паҳмоқ сочиқни олдим. — Ке, артиб қўяй. Қачон бунчалик қорайишга улгурдинг?

Пат халатини кийди.

— «Ўйлаб иш қилган» йилим. Ҳар куни бир соат балконда ўтириб, қуёшда тобланишим керак эди. Кечқурун соат саккизда ўйқуга ётардим. Бугун саккизда эса яна чўмилишга келаман.

— Кўрамиз, — дедим унга, — инсон аҳд қилишга ҳамиша уста. Лекин аҳдини бажаришга эмас. Унинг афсункорлиги ҳам мана шуида.

Кечқурун ҳеч қайсимиз чўмилимадик. Олдин қишлоқни айландик, қороғи тушгач, мошинада сайр қилдик. Бирдан Пат лоҳас бўлиб, орқага қайтишни сўради. Ундаги қувноқ кайфият тўсатдан хомушлик билан алмашинганини олдин ҳам пайқаган эдим. Гарчи кўринишидан сезилмаса ҳам, у ниҳоятда нимжон эди. Ўз кучини ҳамма вақт аямай сарф қилас, ёшлиқ таровати битмас-туганмасдай туюларди. Аммо кутилмаганда юзи бўздай оқариб, кўзлари ич-ичига ботиб кетарди. Бу ҳол аста-секин эмас, бирданига, бир лаҳзада юз берарди.

— Ўйга қайтамиз, Робби, — деди у, овози одатдагидан анча паст эшитилди.

— Ўйга? Кўксига тилла хоч қадаб олган фрейлейн Мюллернинг олдигами? Қизиқ, биз йўқлигимизда шум кампирнинг хаёлига нималар келмадийкин...

— Ўйга, Робби, — Пат ҳолсизликдан елкамга суянди. — Энди ўша ер уйимиз.

Бир қўлимни рулдан бўшатиб, елкасидан қучдим. Биз шомғира-ширасида қишлоқ йўлидан кетиб бораардик, ниҳоят, сой бўйидаги пишабликка жойлашган уй чироқларини кўриб, ростдан ҳам ўзимизни қадрдан уйимизга қайтаётгандай ҳис этдик.

Фрейлейн Мюллер бизни кутарди. У қора юнг кўйлагини шу рангдаги сипо тикилган шоини кўйлакка алмаштирган, хоч ўрнига энди кўксига черков учун эътиқод, ишонч ва муҳаббат рамзи

бүлмиш юрак, лангар ва хочдан иборат бошқа нишонни қадаб олган эди.

Фрейлейн кетаётгап пайтимиздагидан кўра иликроқ кутиб олиб, тайёрлаган овқати: тухум, яхна гўшт ва дудланган балиқقا муносабатимизни сўради.

— Жуда соз, — деди Пат.

— Сизга-чи, маъқулмасми? Яқиндагина дудланган қалқонбалиқ. — У менга ҳадиксираб қаради.

— Яхши, — дедим истар-истамай.

— Янги дудланган қалқонбалиқ ширин бўлиши керак, — деди Пат ва менига ёзғириб қараб қўйди. — Фрэйлейн, биринчи куниёқ шунақа таом! Яна нима керак? Чаласига иссиққина чой бўлса бас.

— Албатта-да! Иssiқ чойсиз бўладими? Жоним билан. Ҳозир ҳаммасини опкелишади.

Фрейлейн Мюллэр енгил тортиб, шойи кўйлагини шилдиратганча шошиб чиқиб кетди.

— Ростдан ҳам балиқ егинг йўқми? — сўради Пат.

— Шунақаям егим борки! Қалқонбалиқ бўладиую емайманми? Шу кунларда тушимга фақат қалқонбалиқ киради.

— Нега бўлмаса тутун қайтаряпсан? Қизиқ одатларинг бор-да...

— Бугун яхши кутиб олмагани учун шундай қиляпман.

— Тавба! — кулди Пат. — Ҳеч нарсани кечирмайсан-а! Мен аллақачон унутвордим.

— Мен унутганим йўқ. Дарров унотолмайман.

— Уиутган яхши...

Хизматкор аёл патнис кўтариб кирди. Қалқонбалиқнинг пўсти тилладай ялтиради. Ундан денгиз ва тутун ҳиди анқирди. Патнисда майда қисқичбақалар ҳам бор эди.

— Энди унутяпман, — дедим кулиб, — ундан ташқари, қорним таталаб кетяпти.

— Мен ҳам очиқдим. Олдин иссиқ чой бер. Негадир этим жунжикиб кетяпти. Лекин ҳаво илиқ-ку.

Унга қарадим. Раңгига қон йўқ, аммо кулиб турарди.

— Энди узоқ чўмилишини хаёлингга ҳам келтирма, — дедим унга ва хизматкор аёлга мурожаат қилдим: — Озгина ром топи-лармикин?

— Нима?

— Ром. Шунақа ичимлик бор.

— Ром?

— Ҳа.

— Йўқ.

Унинг юзи баркашдай юм-юмалоқ эди. Менга маънисиз нигоҳ билан қараб турарди.

— Йўқ, — деди у яна бир марта.

— Ҳа, майли, — жавоб бердим унга. — Бўлмаса ундан нари. Яхши ётиб туринг. Олло паноҳида асрасин.

У кетди.

— Узокни күрадиган дүстларимиз бор-да, Пат, — дедим мен. — Эрталаб, жүнашимиздан олдин Ленц мошинага оғиргина қофоз халта солиб қўйган эди. Қарайлик-чи, нима бор экан...

Мошинадан халтани олиб келдим. Ихчамгина кутида икки шиша ром, бир шиша конъяк ва битта вино турарди. Ромни чироқ ёргуфига тутиб, ёрлиғига қарадим.

— «Сейнт Жеймс» роми, э қойил! Зўр йигитлар-да!

Шишиани очиб, Патнинг чойига озгина қўйдим. Чойни ича-ётганида қўли титраётганини сездим.

— Ҳалиям жунжикяпсанми?

— Сал-пал. Ҳалигидан тузук. Ром яхши экан. Барвақтроқ ётаман.

— Ҳозироқ ёт, Пат, — дедим мен. — Столни каравотнинг ёнига сурамиз.

У бош силкиди. Каравотимдан яна битта адёл опкелиб, столни сурдим.

— Балки мана бу ичимликлардан аралаштириб, шарбат тай-ёрлаб берганим маъқулмикин? Фойдаси кўпроқ-да. Бирпасда қотираман.

— Йўқ, апча яхшиман.

Ростдан ҳам унинг чеҳраси ёришиб қолганди. Кўзлари яна чақираб турар, лаблари қип-қизил, жилосиз териси қайтадаң тинқлашганди.

— Худога шукур, отрайсан. Минг қилганда ҳам, ром-ром-да!

Пат жилмайди.

— Тўшакда ҳам гап кўп, Робби. Мен ётганимда яхши дам оламан. Менинг бошпанам — тўшак.

— Қизиқ. Мен бунаقا барвақт ётсан, жинни бўп қоламан. Бир ўзим ётсан, албатта.

У кулиб юборди.

— Аёл кишининг йўриғи бошқа.

— Упақа дема. Сен аёлмассан.

— Кимман бўлмаса?

— Билмадим. Фақат аёлмассан. Агар рисоладагидай аёл бўлганингда, севолмасдим.

У менга фалати қаради.

— Сен умуман сева оласанми?

— У нима деганинг?! — дедим мен. — Овқат пайтида кўп гапирилмайди. Бошқа саволинг йўқми?

— Эҳтимол, бордир. Олдин ҳозирги саволимга жавоб бер.

Ўзимга ром қўйдим.

— Сенинг соғлиғингга, Пат. Балки сен ҳақдирсан. Балки ик-каламиз ҳам сева олмасмиз. Яъни, ота-боболаримизга ўхшаб. Лекин бундан бир жойимиз камайиб қолаётгани йўқ-ку. Бизники бошқачароқ, жўнроқ деймизми...

Эшик тиқиллади. Фрейлейн Мюллер кирди. Құлида аллақандай суюқлик құйилған шиша кружка.

— Мана, ром опкелдим.

— Миннатдорман, — дедим шиша кружкадаң күз узмай. — Овора бўпсиз-да. Қаловини топдик.

— Ё алҳазар! — Стол устидаги тўртта шишани қўриб, қўзлари ола-кула бўп кетди. — Шунақа кўп ичасизми?

— Азбаройи шифо, — дедим Патга қарамай. — Дўхтири буюрган. Жигарим жудаям қуруқ, фрейлейн Мюллер, ҳўллаб туриш керак. Балки ўзингиз ҳам...

Винони очдим.

— Омад тиляйман! Уйингиз тезроқ мөхмонларга тўлсин!

— Ташаккур! — У таъзим қилиб, винодан бир хўплади. — Таътил яхши ўтсин! — Кейин менга қараб, ноз билан жилмайди. — Жа ўткир-ку! Лекин мазаси ёмонмас.

Ундағи ўзгаришни қўриб, қўлимдаги стаканни ташлаворай ледим. Фрейлейннинг юзи бир зумда ловиллаб кетган, қўзлари йилтилларди, сўнг бизга мутлақо қизиғи йўқ мавзуда валдирај бошлиди. Пат тишини тишига қўйиб, қулоқ соларди. Ниҳоят, у менига мурожаат қилди:

— Демак, жаноб Кестер яхши юрилти денг?

Мен бош ирғадим.

— У пайтда жуда камгап эди, — деди у. — Баъзан кун бўйи бир оғиз ҳам гапирмасди. Ҳозир ҳам шунақами?

— Йўқ, ҳозир аҳён-аҳён гапириб туради.

— Бир йилча шу срда яшади. Ёлғиз ўзи...

— Ҳа, — дедим мен. — Бунақа шароитда ҳар қандай одам ҳам соқов бўлиб қолади.

У жиддий бош силкиб, Патга қаради.

— Чарчабсиз, а?

— Сал-пал.

— Жудаям, — қўшиб қўйдим мен.

— Унда мен борай, — фрейлейн ўрнидан турди. — Яхши ётиб туринглар!

Яна бир оз ивирсиб тургач, чиқиб кетди.

— Ҳали ўтиргиси бор эди, — дедим мен. — Қизиқ... ҳеч нарсалан ҳеч нарса йўқ...

— Бахтсиз аёл-да, — деди Пат. — Кечқурунлари бир ўзи хонасига қамалволиб, ўй сурса керак...

— Албатта-да... Лекин ҳозир унга яхши муомала қилдим назаримда.

— Ҳа, Робби, — деди у қўлимни силаб. — Эшикни сал очиб қўй.

Бориб, эшикни очдим. Осмон тиниқ, катта йўлга тушиб турган ой нури хонамизга қадар пояндоздай чўзилганди. Бое гўё эшик очилишини кутиб тургандай, — хонага бир зумда шаббўй, қаламниргул ва атиргулларниң муаттар ҳиди ёпирилиб кирди.

— Буни қара-я! — дедим мен.

Ой тобора равшанлашар, боғ йўлкаси бошдан-охир барадла кўзга ташланарди.

Гул шоҳлари йўлкага эгилиб тураг, барглари қорамтири кумушдай ялтирас, кундузи барқ уриб турган фунчалар энди, худди қаламда чизилган суратдагидай хирадаштанди. Ой нури билан тун рангларниң қувватини тортиб олганди, аммо муаттар ҳид кундузгидан ўткироқ ва тотлироқ эди.

Патга қарадим. Кўнгир соchlари оппоқ ёстиққа сочилган. У буткул ҳолдан тойгапдай кўринар, аммо унда пазокатнинг, тунғира-ширасида, ой ёруғида очилиб турган гулларниң сеҳрли таровати бор эди.

Пат хиёл қаддини кўтарди.

— Робби, ростдан ҳам жуда толикдим. Ёмонми бу?

Каравоти ёнига бордим.

— Ваҳима қилма. Қайтанга яхши ухлайсан.

— Сен-чи? Ётмайсанми?

— Соҳилда бир оз айланаман.

У бош силкиб, яна ўзини ёстиққа ташлади. Ёнида пича ўтиредим.

— Эшик очик турсин, — деди у кўзларини юмаркан. — Шунда одам ўзини боғда ётгандай сезади...

Пат чуқур нафас ола бошлади. Ўрнимдан туриб, аста боққа чиқдим, тахта девор олдида тўхтаб, сигарета тутатдим. Бу ердан хона ичи кўриниб турарди. Стулда Патнинг сувдан чиққанда киядиган халати, унинг устига кўйлаги ташлаб кўйилган, срда, стул ёнида туфлиси. Бир пойи ағдарилиб қопти. Бу нарсаларга қараб, кўнглимдан илиқ бир ҳис кечди: мана энди у менини, ўзимники, бир неча қадам қўйсам, уни кўраман, ёнида бўламан, бугун ҳам, эртага ҳам, эҳтимол, жуда узоқ йиллар бирга бўларман...

Эҳтимол... Эҳтимол... Миямда нуқул шу сўз айланади. Тўла ишонч йўқ. Ҳаммага ҳам мана шу ишонч етишмайди.

Мен соҳилга, шамол чарх уриб, тўлқинлар замбарак овозидай гумбурлаётган денгиз бўйига тушдим.

## XVI

**K**умлоқда ўтириб, кун ботишини томоша қилардим. Бугун Пат чўмилишга келмади. Ўзини ёмон ҳис этаётганди. Қоронғи тушгач, ўрнимдан туриб, уйга кетишга чоғландим. Шу пайт дарахтлар орасидан хизматкор аёл чопиб чиққанини кўриб қолдим. У менга қўл силкиб, бир пималар деб қичқиради. Аммо овози шамол ва денгиз шовқинига сингиб кетаётгани учун ҳеч нарсани тушунмасдим. Унга тўхтанг дегандай ишора қилдим. У чопиб келаверди, сўнг кафтларини оғзида карнай қилиб, қичқиради:

— Фрау Пат... — овозини базур эшитдим. — Тезроқ...

— Нима бўлди? — бақирдим унга.

У нафасини ростломас эди.

— Тезроқ юринг. Фрау Пат... Мусибат.

Ўрмоннинг кўмлоқ йўлкасидан уйга қараб югурдим. Тахта эшик ҳадеганда очилавермади. Девордан ошиб ўтиб, хонага отилиб кирдим. Пат тўшакда ётарди, кўкраги қон, бармоқлари туғилган. Оғиздан ҳамон қон оқарди. Ёнида фрейлейн Мюллэр сочиқ билан сув солинган тос ушлаб турибди.

— Нима бўлди? — уни бир четга итариб юбордим.

Фрейлейн бир нималар деди.

— Дока билан пахта опкелинг! — дедим унга. — Жароҳати қаерда?

У менга қаради, лаблари титрарди.

— Жароҳати йўқ...

Унга кескин бурилиб қарадим.

— Қон кетялти.

Кўлидан тосини олдим.

— Муз опкелинг, тезроқ... муз топинг.

Сочиқнинг учини ҳўллаб, Патнинг кўксига босдим.

— Уйда муз йўқ, — деди фрейлейн Мюллэр.

Унга бир ўқрайган эдим, орқага тисарилди.

— Худо хайрингизни берсин, муз топинг, шу атрофдаги ресторангга одам жўнатинг, дўхтирга қўнғироқ қилинг.

— Телефонимиз ҳам йўқ.

— Ё тавба! Энг яқин телефон қаерда?

— Массманникида.

— Ўша ёққа югуринг. Тезроқ. Дўхтири топинг. Исли нима?

Қасрда яшайди?

У жавоб беришга улгурмасидан эшикдан итариб чиқаздим.

— Тезроқ, тезроқ, чопинг! Узоқмасми?

— Уч минутлик йўл, — деди фрейлейн Мюллэр ва ғизиллаганча кетди.

— Муз ҳам опкелинг! — қичқирдим орқасидан.

Сувни янгила, яна сочиқни ҳўлладим, аммо Патга кўл теккизишга журъат этмадим. Кулай ётиптими-йўқми, шуни билмасдим. Энг муҳими — бошига яна ёстиқ қўйиш керакми ёки юзтубан ётгани маъқулми, мана шу жумбоқни ечолмай хуноб бўлардим.

Патнинг нафаси қисила бошлади, кейин бирдан бошини кўтарган эди, оғиздан қон отилди. Нафас олиши тезлашиб, кўзларига беадад мунг чўкли, у бетўхтов йўталар ва қон қусарли. Елкасидан ушлаб, гоҳ бағримига босар, гоҳ бўшатарканман, азойи бадани титраётганини ҳис этиб туардим. Назаримда бу азобнинг охири йўқдай эди. Салдан кейин у тамом ҳолсизланиб, ёс-тиққа суяниб қолди.

Фрэйлейн Мюллер қайтиб келди. У менга арвоҳга қарагандай тикилди.

— Энди нима қиласми? — сўрадим ундан.

— Ҳозир дўхтир келади, — пицирлади фрэйлейн. — Мана, муз... кўкрагига қўйиш керак, агар курби етса, бир бўлагини сўргани тузук.

— Қандай ётқизган яхши?.. Баландми, пастми? Гапирсангизчи?

— Қимирлатманг. Дўхтир ҳозир кеп қолади.

Патнинг кўкрагига муз қўя бошладим, ҳар ҳолда бир нарса қилаётганимдан сал сингил тортдим. Музни майдалаб, тез-тез алмаштириб турардим ва Патнинг чиройли, суюкли, қонга беланган лабларидан кўз узмасдим...

Велосипед гилдиракларининг шитирлагани эшитилди. Сакраб туриб кетдим. Дўхтир кириб келди.

— Ёрдамим керакми? — сўрадим шоша-пиша. Дўхтир бош чайқаб, сумкасини очди. Унинг ёнида каравотга суюнганча гарангисиб турардим. У менга қаради. Сал орқага чекиндим. Дўхтир Патнинг қовурғаларини кўздан кечирди. Пат инграрди.

— Дарди оғирми? — сўрадим ундан.

— Хотинингизни ким даволаган?

— Яъни... ким дейсизми? — гўлдирадим мен.

— Қанақа дўхтир? — қайта сўради у бетоқат бўлиб.

— Билмайман... — дедим мен, — хабарим йўқ...

Дўхтир менга таажжубланиб қаради.

— Ахир, сиз билишингиз керак-ку...

— Лекин билмайман. Менга бу ҳақда сира гапирмаган.

У Патнинг устига энгасиб, шу савонни берди. Пат жавоб бериш учун оғиз очган эди, яна йўтал тутиб, қон қуса бошлади. Дўхтир унинг бошини кўтарди. Пат ютақиб нафас олар, ҳаво томогидан ҳуштак чалиб кириб-чиқарди.

— Жаффе, — деди у ниҳоят минг машақкат билан.

— Феликс Жаффеми? Профессор Феликс Жаффе, шундайми? — сўради дўхтир. Пат тасдиқ ишорасини қилди. Дўхтир менга қаради: — Кўнфироқ қилоласизми? Ўзидан маслаҳат олганимиз маъқул.

— Ҳа, албатта, — дедим мен. — Ҳозироқ қўнфироқ қиласман. Кейин сизни ўзим опкеламан. Жаффе дедингизми?

— Феликс Жаффе. Телефон рақамини аниқланг.

— Тузалиб кетадими? — сўрадим ундан умидворлик билан.

— Қон тўхташи керак, — жавоб берди дўхтир.

Хизматкор аёлни чақирдим, иккаламиз чопиб кетдик. У менга телсфони бор уйни кўрсатди. Йўлакдан қўнфироқ қилдим. Ичкарида бир тўда одам қаҳва билан пиво ичиб ўтиради. Уларга лоқайд назар ташладим. Тавба, Пат қонга беланиб ётипти-ю, буларнинг пиво ичиб ўтиришига ўласанми! Шошилинч буюртма бериб, аппарат олдила кута бошладим. Фала-ғовур қулоғимга

әшитилиб турар, парда орасидан ён хонанинг бир бүлдеги күзга ташланарди. У ерда ҳам одамлар ўтиришилти. Ҳамма нарса гирашира, айни пайтда, аниқ-равшан кўринарди. Бошига чироқнинг сарғиш нури тушиб турган тәпакал одам, кўксидаги бор қора кўйлакка қадалган тўғнағич, бағбақа, кўзойнак, тепага турмакланган соч, столни чертаётган ва томирлари бўртиб чиқсан қоқсуюк қўл. Шу тобда ҳеч нарса юрагимга сигмасди, бироқ буларнинг барисиздан кўзимга тикандек қадалаётганди.

Ниҳоят, телефон жиринглади. Профессорни сўрадим.

— Афсуски, профессор Жаффе кетиб бўлди, — деди ҳамшира.

Оёқ-кўлим бўшашиб кетди.

— Қаёққа кетдийкин? Шошилинч гаплашишим керак.

— Билмадим. Балки шифохонага қайтгандир.

— Илтимос, кўнғироқ қилинг. Кутуб турман. Олдингизда бошқа аппарат ҳам бордир.

— Бир минутга. — Яна узун гудок. Бетоқатлик. Бирдан сескашиб кетдим. Парда орқасида, қафасда турган канарейка сайраб юборган эди. Шу пайт ҳамширанинг овози эшишилди: — Профессор Жаффе шифохонадан ҳам чиқиб кетипти.

— Қаёққа?

— Аниқ билмайман, жаноб.

Тамом. Деворга суюниб қолдим.

— Алў! — деди ҳамшира, — гўшакни кўймадингизми?

— Йўқ ҳали. Менга қаранг, ҳамшира, қачон қайтишини билмайсизми?

— Аниқ айтиш қийин.

— Ҳеч нарса демадими? Айтиб кетиши керак-ку. Бирор гап бўлса уни қаердан қидиради одам?

— Шифохонада навбатчи дўхтир бор.

— Ўшандан сўраб кўринг-чи.

— Фойдаси йўқ. У ҳам билмайди.

— Менга қаранг, ҳамшира, — дедим тамом ҳолдан тойиб, — агар профессор Жаффе кеп қолса, илтимос қилинг: дарров бу ёққа кўнғироқ қилсин. — Унга телефон рақамини айтдим. — Фақат зудлик билан! Ёдингиздан чиқмасин, ҳамшира.

— Менга ишонаверинг, жаноб. — У айтган рақамимни такорлаб, гўшакни қўйди.

Жойимдан жилмадим. Чайқалиб турган бошлар, тепакал, тўғнағич, кўшни хона — барисиздан қаёққадир фойиб бўлди. Атрофга алантгладим. Кўлимдан бошқа ҳеч нарса келмасди. Хўжайниндан кўнғироқ бўлса, чақириб кўйишини илтимос қилишим мумкин, холос. Аммо телефондан нари кетолмасдим, у мен учун бамисоли қутқариш чамбараги эди. Бирдан миямга бир фикр урилди. Гўшакни кўтариб, Кестернинг рақамини тердим. Жойида ўтиргандир, ахир. Қаёққа ҳам борарди.

Мана, тун талотүпи орасыдан Кестернинг хотиржам овози эшитилди. Үнга воқеани тушунтирдим. Отто жим қулоқ солар ва гапларимни ёзиг борарди.

— Бўпти, — деди у, — ҳозироқ профессорни топаман. Сенига қўнгироқ қиласман. Ташвишланма. Албатта, топаман.

Худога шукур! Кушдай енгил тортдим. Бутун олам тинчланди. Ваҳима ортда қолди. Уйга қараб югурдим.

— Хўш? — деди дўхтир, — қўнгироқ қилолдингизми?

— Йўқ. Лескин Кестер билан гаплашдим.

— Кестерингиз ким? Эшитмаганман. Нима деди? Қанақа даволаган экан?

— У даволамаган. Қидиряпти.

— Кимни?

— Жаффени-да.

— Ё астағфуруллоҳ! Ким ўзи Кестер?

— Э, ҳа... узр. Кестер — оғайним. Профессор Жаффени қидиряпти. Телефонда тополмадим.

— Аттанг, — деди дўхтир ва яна Патнинг устига энгашди.

— Албатта, топади, — дедим мен. — Агар профессор тирик бўлса, албатта топади.

Дўхтир менга ғалати қараб, елкасини қисди.

Хонада хира лампочка ёниб туради. Дўхтиранд, мендан нима ёрдам керак, деб сўрадим. Ёрдамингя зарурат йўқ эди. Дераза ёнига бордим. Пат узук-узук нафас оларди. Деразани ёпиб, эшикдан йўлга қарай бошладим.

Кимдир қичқириб қолди:

— Телефон!

Орқага ўғирилдим.

— Телефон? Мен борайми?

Дўхтир сапчиб ўрнидан турди.

— Йўқ, ўзим бораман. Баъзи нарсаларни сўраволишим керак.

Шу ерда бўл туринг. Ҳеч нарса қилманг. Тез қайтаман.

Каравот ёнига ўтиредим.

— Пат, — дедим секин. — Ҳаммамиз сенинг ташвишингдамиз. Тузалиб кетасан. Сен албатта тузалишинг керак. Профессор телефонда кўрсатма беряпти. Нима қилиш кераклигини айтади. Эртага ўзи ҳам кеп қолиши мумкин. Сени даволайди. Яхши бўп кетасан. Нега ҳали мазанг йўқлигини менга айтмадинг? Ҳечқиси йўқ, қон кўп кетмаган, Пат. Қонни яна тиклаймиз. Кестер профессорни топибди. Ҳаммаси яхши бўлади.

Дўхтир қайтиб келди.

— Профессор эмас экан...

Ўрнимдан турдим.

— Ленц деган дўстингиз қўнгироқ қипти.

— Кестер профессорни тополмаптими?

— Топибди. Профессор унга нима қилиш кераклигини таинилапти. Дўстингиз Ленц менга ҳамма кўрсатмаларини телефонда айтди. Аниқ ва тўғри кўрсатмалар. Дўстингиз дўхтирими?

- Йүк. Дүхтири бўлмоқчи эди... Кестер қаёқда экан? — сўрадим ундан.
- Кестер бу ёққа қараб йўлга чиқипти. Профессор билан.
- Отто! — дедим мен.
- Ха, — давом этди дўхтири, — Ленцнинг гапига қараганди, икки соатда шу ерда бўлишармиш. Битта ёлғон гапи шу бўлди. Масофани биламан. Роса тез юришганда ҳам уч соатдан кўп вақт кетади.
- Дўхтири, — дедим мен. — Кўнглингиз тўқ бўлсин. Икки соат леган бўлса, демак, икки соатда шу ерда бўлишади.
- Мумкин эмас. Қайрилишлар кўп, бунинг устига тун.
- Мана кўрасиз... — дедим мен.
- Нима бўлганда ҳам... тезроқ келгани яхши.
- Ташқарига чиқдим. Туман тушипти. Сал нарида денгиз шонуллаяпти. Дараҳтлардан шабнам томчилаяпти. Энди ёлғиз эмасман. Ҳозир қаердадир жануб томонда, уфқ ортида мотор гувиллаяпти. Туман яшириб турган оқиш-қулранг йўлдан ёрдам учиб келяпти. Мошина чироқлари ёрқин нур сояпти, фиддираклар шифиллаяпти, икки қўл рул чамбарагини маҳкам қисиб олган, бир жуфт кўз совуқ ва ишонч тўла нигоҳ билан тун бағрини пармаламоқда, бу — дўстимнинг кўзлари... Оттонинг кўзлари...
- Кейин Жаффе ҳаммасини гапириб берди.
- Кестер мен билан телефонда гаплашганидан кейиноқ Ленцга қўнғироқ қилиб, тайёр бўлиб туришни тайинлайди. Кейин у «Карл» ии гараждан олиб чиқади, Ленц икковлари Жаффенинг шифохонасига қараб жўнашади. Навбатчи ҳамшира, профессор овқатлангани кетган бўлиши мумкин деб, у тамадди қиласиган уч-тўртта ресторанинг номини айтади. Кестер профессорни қидиришга тушиди. Қизил чироқ демайди, полициячиларга қарамайди. «Карл» ии улоқчи отдай мошиналар тўдасига уради. Профессорни ҳисоб бўйича тўртинчи ресторандан топади. Профессор овқатини столда қолдириб, Кестерга эргашади. Улар зарур нарсаларни олиш учун Жаффеникига жўнашади. Кестер, гарчи тез юрса ҳам, мошинани пойга пайтидагидай учирмаган дақиқалари йўлнинг мана шу қисми бўлади, холос. Сабаби, профессорни элдан бурун чўчитгиси келмайди. Уйига кета туриб, Жаффе Патнинг қаердалигини сўрайди. Кестер шаҳардан қирқ километрлар наридаги қандайдир жойнинг номини айтади. Энг муҳими, профессор боришдан айниб, мошинадан тушиб қолмаса бўлди. Жаффе нарсаларини йигиширига туриб, Ленцга телефонда айтадиган гапларини тайинлайди. Кейин Кестер билан мошинага ўтиришади.
- Дарди оғирми? — сўрайди Кестер.
- Ха, — дейди Жаффе.
- Шу заҳоти «Карл» арвоҳга айланди. Жойидан кўзғалиши билан ўқдай учиб кетди. У ҳаммани қувиб ўтар, фиддираклари баъзи ийлакага чиқиб кетар, тақиқланган, бир томонлама ҳаракат қилинадиган кўчаларга кириб қоларди. Шаҳардан чиқиб кетиш ўтиши мошина энг яқин йўлни қидиради.

— Эсингизни ебсиз! — қичқирди профессор. Кестер баҳайбат бир автобуснинг рўпарасидан кесиб чиқди, олдинги баланд филдирагига урилиб кетишинг сал қолди, шошиб тезликни пасайтирди, кейин яна газни қаттиқ босди.

— Секинроқ ҳайданг, — дерди нуқул Жаффе, — бир фалокат бўлса, ҳамма уринишларимиз зое кетади.

— Фалокат бўлмайди.

— Агар бу юришингиз бўлса — фалокат юз бериши муқаррар.

Кестер мошинани учирганча, қоидага зид равишида трамвайнин чап томондан қувиб ўтди.

— Фалокат бўлмайди.

Олдинда тўппа-тўғри, узун кўча кўринди. Кестер дўхтирга қаради.

— Биламан, сизни эсон-омон олиб боришим керак. Менга ишонаверинг.

— Бунақа тез юришдан нима фойда! Бир неча минут ютасиз, холос.

— Йўқ, — деди Кестер тош ортилган мошинага чап бериб. — Яна икки юз қирқ километр йўл босишимиз керак.

— Нима-а?

— Ҳа... — «Карл» почта мошинаси билан автобуснинг орасидан ўтиб кетди. — Боя айтмаган эдим.

— Бари бир! — деди Жаффе ҳафсаласи пир бўлиб. — Мен одамларга масоффадан қатъи назар ёрдам бераман. Вокзалга ҳайданг. Поездда тезроқ борамиз.

— Йўқ, — Кестер энди шаҳар ташқарисига чиқиб олган эди. Шамол сўзни оғиздан юлиб кетарди. — Суриштирдим... Поезд жуда кеч жўнаркан...

У яна Жаффега қаради, профессор тақдирга тан берган эди.

— Худо паноҳида асрасин! — ғўлдиради у. — Бемор маҳбубанизми?

Кестер бош чайқади. Қайтиб жавоб қайтармади.

Шийпончали полизлар ортда қолди. Кестер катта йўлга чиқди. Энди мотор бор кучи билан ишларди. Дўхтири пешойна олдида қунишиб ўтиради. Кестер унга чарм қалпогини узатди. Сигнал бетиним чалинар, ўрмонлар унинг чинқиригини шу заҳоти орқага улоқтиради. Кестер фақат қишлоққа кирганди, сира иложи бўлмагаи пайтлардагина хиёл секинларди. Мошинанинг шовқин сўндиригичи йўқ эди. Мотор товуши шамолда ҳилпираб турган матодай ортда қолаётган уйларнинг деворларига урилиб, момақалдироқ янглиғ акс садо берарди. «Карл» илгарилаб бораркан, унинг чироқлари йўлида дуч келган яккам-дуккем биноларни «лип» этиб бир ёритардию яна тун кўксини ўйиб, олға интиларди.

Фидираклар гоҳ гичирлар, гоҳ вишиллар, бир ғувиллаб, бир чийилларди — тезлик шу даражада балағац эди. Кестер рулга ёли-

шыб олган, бутун вужуди қулоққа айланиб, мотор ва гидирактарининг товушини зийраклик билан эшишиб борарди, зеро ҳар бир шубҳали овоз қаърига фалокат ва ўлим яширган бўлиши мумкин.

Тупроқ йўл нам тортган эди. Мошина у ёқдан-бу ёққа чайқала бошлади. Кестер секинлашга мажбур бўлди. Шу сабабли муюлишлардан тез ўтишга ҳаракат қилди. У энди ақлга бўйсунмас, буткул сезгининг домига тушиб қолганди. Мошина чироқлари муюлишларни яхши ёритолмасди. Қайрилишга етганда йўлнинг бир томони кўринмай қоларди. Прожектор-қидиргичдан фойда йўқ — унинг нури ниҳоятда энсиз. Дўхтирдан садо чиқмасди. Бирдан чироқ олдидаги ҳаво гир-гир айланиб, оқиш ранга кирди. Булутга ўхшаган тўп-тўп лахтаклар кўзга чалина бошлади. Жаффенинг айтишича, ана шу дақиқаларда Кестер бир мартағина сўкинган. Сал ўтмай, улар қуюқ туман оралаб боришарди.

Кестер чироқни қичкинасига ўтказди. Мошина момиқ пахта ичиди сузуб борар, соялар, дараҳтлар, сут денгизидаги бенур шарпалар лип-лип ўтиб турар, йўл ғойиб бўлган, фақат тасолиф ва тусмол, мотор шовқинида гоҳ катталашиб, гоҳ кичрай-ётган арвоҳларгина қолганди.

Ўн минутлардан сўнг мошина туман қўйинидан отилиб чиққаила Кестернинг рантига қараб бўлмасди. У Жаффега қайрилиб, бир нималар деди. Кейин рулга қапишганча газни яна охиригача босди. Кестер аввалги ҳолатига қайтганди...

Хонага қўроғиндай оғир, ёпишқоқ ҳарорат таралган.

— Тўхтамадими? — сўрадим дўхтирдан.

— Йўқ, — деди у.

Пат менга қаради. Жилмайиш ўрнига юзим буришди, холос.

— Ярим соат қолди, — дедим мен.

Дўхтир бошини кўтарди.

— Бир ярим соат, агар икки соат бўлмаса. Ёмғир ёғянти.

Томчилар боғдаги дараҳт ва бута япроқларини бир маромда чеरтарди. Қоронғилик қаърига тикиламан. Тунлари уйқудан туриб, шабгул ва қалампиргуллар оралаб юрганимизга, Пат шўхшўх болалар қўшиқларини куйлаганига қанча бўлди? Бое йўлкасининг ой нурида ярқираб туриши ва Патнинг гул туплари орасида ажир оҳудай чопиб-ўйнагани тушимми, ўнгимми?

Юзинчи марта зинапояга чиқдим. Бефойдалигини билардим, лекин кутиш дақиқалари қисқаради-ку. Ҳавони туман қоиласланган. Унга лаънат ўқирдим, чунки Кестернинг аҳволини тасаввур қилияпман-да. Илиқ тун қаъридан қандайдир қушнинг қичқириғи инитилди.

— Ўчир! — деб тўнғилладим. Бирдан башорат қилувчи қушлар ҳақидаги ҳикоялар ёдимга тушди. — Бехуда гап! — дедим овозимни баралла қўйиб.

Этим жунжика бошлади. Қаердадир қўнғиз фўнғиллар, лекин яқинлашмасди... негадир яқинлашай демасди. У аста ва бир ма-ромда фўнғилларди; кейин жимиб қолди; бир оздан сўнг яна овози чиқди... ана, яна фўнғиллади. Қўққисдан титраб кетдим... бу қўнғиз эмас, машина эди; қаердадир олисда у катта тезликда муюлишлардан бурилаётганди. Нафасимни ичимга ютиб, қулоқ сола бошладим: яна ўша... ғазабланган арининг фўнғиллашига ўхшаган овоз. Энди қаттиқроқ эшигитияпти... Компрессорнинг товушини биламан-да! Бирдан беҳад таранглашган уфқ тарс ёрилиб, тубсиз жаҳнинамга қулади ва тунни ҳам, кўркуву даҳшатни ҳам ўзи билан бирга олиб тушиб кетди. Мен эшик олдига чопиб бориб, кесаки-ни ушлаганча қичқирдим:

— Келишяпти, дўхтири! Пат, улар келишяпти. Эшигитяпман!

Шу пайтгача дўхтири мени жинни деб ўйлаётганди. Энди ўзи ҳам қулоқ сола бошлади.

— Бошқа машина бўлиши керак, — деди у салдан кейин.

— Йўқ, моторидан танияпман.

У менга ижирғаниб қаради. Ўзини автомобилларнинг биланони деб ҳисобласа керак. Пат билан худди онасилик, мулойим гаплашади; аммо мен машинадан оғиз очсан, кўзларидан учқун сараб, бирорта фикримга қўшилмайди.

— Мумкин эмас, — у шундай деб, хонага кириб кетди.

Мен жойимдан жилмадим, ҳаяжоним ортиб бораарди.

— «Карл», «Карл»! — такрорладим мен.

Машинанинг шовқини бир кучайиб, бир пасаярди. Афтидан у қишлоқقا кирган, уйлар орасидан учиб келаётганди. Мана, моторининг овози сал пасайиб, ўрмон орқасидан эшитила бошлади, энди яна авжга чиқди... дараҳтларнинг шохлари ёришиб кетди... Довдираф қолган дўхтири ёнимда турарди. Бир жуфт чи-роқ бизга томон шиддат билан яқинлашиб келарди. Тормозлар чийиллаб, машина эшик олдидан тўхтади. Чопиб бордим. Про-фессор машинадан тушди-да, менга эътибор бермай, тўппа-тўғри дўхтирга қараб юрди. Орқасидан Кестер келарди.

— Пат қалай? — сўради у.

— Қон тўхтамаяпти.

— Шунақа бўлади, — деди у. — Кўп ташвишланма.

Мен индамай, унга қарадим.

— Сигаретанг борми?

Сигарета узатдим.

— Келганинг яхши бўлди, Отто.

У сигаретани қаттиқ-қаттиқ тортди.

— Мен ҳам шуни ўйладим-да.

— Тез юрибсан.

— Ҳа, анча тез. Туман бир оз халақит берди.

Зинага ўтириб, профессорнинг чиқишини кута бошладик.

— Тузалиб кетармикин?

— Албатта. Бунга қон кетиши хавфли эмас.

- Илгари менга сира гапирмаганди.  
Кестер бosh иргади.
- Албатта, тузалиши керак, Отто! — дедим мен.  
У менга қарамади.
- Яна битта чекишдан ол, — деди у, — ўзимники қоп кетипти.
- У тузалиши керак, — дедим мен, — акс ҳолда ҳамма нарса бир пул бўлади.
- Професор чиқди. Ўрнимдан турдим.
- Мошинангизни елкамнинг чуқури кўрсин, — деди у Кестерга.
- Мени кечиринг, бу аёл дўстимнинг хотини бўлади.
- Ана холос! — деди Жаффе.
- Тузалиб кетадими? — сўрадим ундан.  
У менга тикилиб қаради. Кўзимни олиб қочдим.
- Аҳволи оғир бўлганда ёнингизда бемалол турармидим? — деди у.
- Тишумни тишимга босиб, муштларимни қисдим. Мен йиғлардим.
- Узр, — дедим унга, — бирдан бўп қолди.
- Бунақа нарсалар бирдан бўлади, — жавоб берди Жаффе кулиб.
- Ўпкам тўлиб кетди, Отто, кечир.  
У елкамни буриб, эшик томон итарди.
- Ичкарига кир. Агар профессор рухсат берса.
- Энди йигламайман, — дедим мен. — Хонага кирсам майлими?
- Фақат бир минутга, — жавоб берди Жаффе, — лекин гапга солманг. У ҳаяжонланмаслиги керак.
- Кўзим жиққа ёш бўлганидан қалқиб турган хира доғдан бошқа нарсани кўрмасдим, қовоқларим титрарди, аммо кўз ёшларимни артишга журъат қилолмасдим. Мени бу аҳвolda кўриб, Пат кўрқиб кетиши мумкин. Ичкарига киришдан аввал жилмайишга уриндим. Кейин Жаффе билан Кестерга бурилиб қарадим.
- Ҳар ҳолда келганингиз яхши бўптими? — сўради Кестер.
- Ҳа, — деди Жаффе, — сал енгил тортди-ку.
- Эртага эрталаб олиб бориб қўяман.
- Кераги йўқ, — деди профессор.
- Секин юраман.
- Раҳмат, яна бир кунга қоламан, Патни назорат қилиб турман. Каравотингиз бўшми? — У менга мурожаат этди.
- Меп бosh силкидим.
- Яхши. Шу ерда тунайман. Сизлар қишлоқдан ётгани жой гопасизларми?
- Албатта. Тиш чўткаси билан пижама тайёрлаб қўяйми?
- Ташаккур. Ҳамма нарсам бор. Бунақа юришларга кўнигиб кетганиман, фақат ановинига ўхшаган мошинада эмас.

— Мени кечириңг, — деди Кестер, — биламан, мендан хаса сиз.

— Йүқ, хафа эмасман.

— Унақа бўлса, мошинанинг феълини бошдаёқ айтардим. Жаффе кулиб юборди.

— Сиз дўхтирлар ҳақида нотўғри фикрдасиз. Энди бораверинглар, ташвиш тортманглар. Мен қоламан.

Тезгина кўрга-ёстиқларни йигиштирудим. Кестер билан қишлоққа жўнадик.

— Чарчадингми? — сўрадим ундан.

— Йўқ, — деди Отто, — ке, бирор жойда пича ўтирайлик.

Орадан ҳеч қанча вақт ўтмай, яна бетоқат бўла бошладим.

— Профессор бекорга қолмагандир, Отто, — дедим мен. —

Ҳали ҳавф аримаган, шекилли. Бўлмаса қолармиди...

— Эҳтиёти шарт қолган-да, — жавоб берди Кестер. — Патни жуда яхши кўради. Йўлда гапириб берди. Онасини ҳам даволаган экан.

— Онасининг ҳам шунақа касали бор эканми?

— Билмадим, — деди Кестер шоша-пиша, балки бошқа касалдир. Ётамизи?

— Боравер, Отто. Уни яна бир кўрмасам бўлмайди... шунчаки... узоқдан.

— Бўпти. Бирга борамиз.

— Бунақа илиқ ҳавода очиқ жойда ётишни яхши кўраман. Сен ташвишланма. Кейинги пайтда кўп қилдим бу ишни.

— Зах-ку.

— Зарари йўқ. Мошинанинг тепасини кўтариб кўйиб, ичидагир оз ўтираман.

— Яхши. Мен очиқ ҳавода бир маза қилай.

Сездимки, ундан кутулолмайман. Яна бир-иккита адёл билан ёстиқ кўтариб, «Карл»нинг олдига қайтиб келдим. Камарларни счиб ташлаб, олдинги ўриндиқ суюнчиқларини орқага ётқиздик. Энди бемалол чўзилса бўларди.

— Фронтдагидан яхши-ку, — деди Кестер.

Деразада тушаётган нур гира-шира қоронғиликка сингиб кетаётганди. Бир неча бор Жаффенинг сояси кўринди. Биз бир кути сигаретани чекиб ташладик. Кейин хонадаги катта чироқ ўчирилиб, кичкина тунги чироқ ёқилди.

— Худога шукур, — дедим мен.

Мошинанинг брезент томига япроқларда илиниб турган ёмғир томчилари туша бошлади. Майин шабада эсади. Ҳаво мусаффо.

— Адёлимнинг биттасини ол, — дедим Кестерга.

— Кераги йўқ, совқотмаяпман.

— Жаффе зўр йигит экан, тўғрими?

— Зўр, уддабуронга ҳам ўхшайди.

— Албатта.

Нотинч уйқудан күзларимни очдим. Тонг ёриша бошлатти.  
Кестер уйғоқ экан.

- Ухламадингми, Отто?
- Ухладим.

Мошинадан чиқиб, дераза ёнига бордим. Тунги чироқ ҳали ёниб турарди. Пат түшакда күзларини юміб ётилти. Қон тұхтаган, лекин ранги оппоқ. Бирдан юрагим орқага тортиб кетди: у менге ўлыб қолғандай туюлди. Кейин ўнг құли сал қимирлага-нини пайқадим. Шу пайт нариги каравотда ёттан Жаффе күзла-рини очди. Күнглім хотиржам бўлиб, деразадан нари кетдим, — десмак, у Патни кузатиб туритти.

— Бу ердан кетайлик, — дедим Кестерга, — тағин профес-сор, мени текширишяпти, деб ўйламасин.

- Ичкарида тинчликми?

— Шунақаға ўхшайди. Жаффе рисоладагидай ухлар экан: бунақа одам қулогининг тагида замбарак отсанг ҳам пинагини бузмайди, аммо юқ халтасига сичқон яқинлашса — дарров уйғонади.

— Чўмилгани борамиз, — деди Кестер. — Ҳавони қара! — У мириқиб керишди.

- Бора қол.

- Бирга борамиз.

Кулранг осмон ёришди. Булутлар орасидан қизғиши нур тара-ла бошлади. Уфқ тепасидаги булат пардаси күтарилиб, мовий сув кўзга ташланди.

Ўзимизни денгизга отиб, сузиб кетдик. Сув кулранг-қизғиши тусда товланарди.

Кейин орқага қайтдик. Фрейлейн Мюллер ҳовлида экан. У полизидан кашнич қирқарди. Овозимни эшишиб, чўчиб тушди. Кечаги қўполлигим учун узр сўрадим. У ҳўнграб юборди:

- Шўрлик. Бираам бамаъни... ҳали жудаям ёш-а.

— Пат юз йил яшайди, — дедим мен, худди Пат жон бераёт-тандай кўз ёши қылганидан ранжиб. — Йўқ, у ўлмайди... Салқин тонг, шамол, денгиз бор экан, вужудимда ҳаёт гупуриб турган экан — Пат ўлмайди... Фақат мен бўш келмасам бас. Унинг ёнида лўстим Кестер бор, мен борман. Олдин биз ўлишимиз керак. Модомики биз тирик эканмиз, уни ўлим чангалига ташлаб қўймаймиз. Ҳамма вақт шундай бўлган. Кестер тирик экан, мен ўлмайман. Иккаламиз тирик эканмиз — Пат ўлмайди.

— Тақдирга тан бериш керак, — деди фрейлейн Мюллер. Унинг сўзларида таъна оҳанги бор эди. Афтидан, мени кечирмаганга ўхшайди.

— Тан бериш керак? — сўрадим ундан. — Нега энди? Бундан фойла йўқ. Ҳаётда биз ҳамма нарса учун икки-уч ҳисса ортиқ гўлов тўлаймиз. Яна тан бериш нимаси?

- Ҳа, ҳа... шунда яхши бўлади.

Тақдирга тан бериш, ўладим мен. Нима ўзгаради шу билан? Кураиш керак, гарчи бу ахлатхонада охир-оқибат мағлуб бўлсанг ҳам кураиш керак. Ўзингга азиз бўлгаи қиттайгина нарса учун курашиц лозим.

Тақдирга етмишга кирганда тан берса ҳам бўлаверади.

Кестер фрэйлейн Мюллерга бир нималар деди. Аёл жилмайиб, кўнгли қандай таом туасётганини сўради.

— Кўрдингми, — деди Отто, — ёшда гап кўп: тоҳ йифи, тоҳ табассум, — одам бир зумда ўзгаради. Қариганда биз ҳам шунаقا бўлсак керак, — қўшиб қўйди у.

Уй атрофини айландик.

— Бир минут кўпроқ ухласа, шунга хурсандман, — дедим мен.

Биз яна боққа ўтдик. Фрэйлейн Мюллер нонушта тайёрлаб қўйипти. Қайноқ қаҳва ичдик. Қуёш чиқди. Бир зумда ҳаво илиди. Дараҳт барглари нур ва намдан ярқиради. Денгиз томондан ба-лиқчи қушларнинг қийқириги эшитилиб турипти. Фрэйлейн Мюллср столга бир даста атиргул келтириб қўйди.

— Кейин Патга берамиз, — деди у.

Гул ҳиди болаликни, боғ панжарасини ёдга солди...

— Биласанми, Отто, — дедим мен, — худди ўзим касал бўлгандайман. Ҳар ҳолда илгаригидай эмасмиз. Ўйлаб, хотиржам иш тутиш керак эди. Қанча хотиржам бўлсанг, бошқаларга фойданг шунча кўпроқ тегади.

— Ҳар доим бунинг иложи йўқ, Робби. Менда ҳам шундай бўлган. Яшаганинг сайин асабларинг ҳам бузила боради. Зарар устига зарар кўраётган сармоядорнинг асаблари каби.

Шу пайт эшик очилиб, пижамада Жаффе чиқиб келди.

— Яхши, яхши! — деди у столни ағдариб юборишимга сал қолганини кўриб. — Нисбатан яхши.

— Кирсам бўладими?

— Йўқ ҳали. Хизматкор аёл бор. Хонани йиғиштиряпти.

Унга қаҳва қуйиб бердим. Профессор кўзларини қисиб, офтобга қаради, кейин Кестерга мурожаат қилди:

— Аслида сизга раҳмат айтишим керак. Бир кунга бўлса ҳам денгиз бўйига келдим-ку.

— Тез-тез келиб турсангиз бўлади, — деди Кестер. — Бугун кечқурин йўлга чиқсангиз, эртасига кечки пайт қайтаверасиз.

— Бўлади, бўлади... — жавоб берди Жаффе. — Инсон ўзини ўзи афтода қилаётган замонда яшаётганимизни ҳали пайқамабсиз, шекилли? Қилиш мумкин бўлган кўп ишларни қилмаймиз, сабабини ҳам билмаймиз. Иш ҳамма нарсадан муҳим бўлиб қолди: қанча одам иш қидириб юрипти, кўзига бошқа нарса кўринмайди. Бу сенинг ажойиблигини қаранг! Қанча йилдан бери энди кўриб турибман. Иккита мошинам, ўн хонали уйим, етарлича пулим бор. Лекин булардан нима фойда? Мана шу фараҳбахш тоңига уларни қиёслаб бўладими! Иш аянчли васвасага айланниб

қолди. Ўлиб-тирилиб ишлаймиз, худди бир нарса ўзгарадигандай. Ҳеч қачон ҳеч нарса ўзгармайди. Одамлар ҳаётларини дўзахга айлантириб юборишди. Қараб туриб, ёқа ушлайсан!

— Менимча, дўхтир — нима учун яшаётганини биладиган камдан-кам одамлар тоифасига киради, — дедим мен. — Сиз шундай десангиз, аллақандай ҳисобчидан нима кутиш мумкин?

— Азизим, — эътиroz билдириди Жаффс, — шуни унумангики, ҳис этиш қобилияти ҳаммада бир хил эмас.

— Тўғри, — деди Кестер, — аммо одамлар ана шу қобилиятиларига қарамасдан касб ташлашган-ку.

— Начора, — жавоб берди Жаффе. — Бу мураккаб масала. — У менга юзланди: — Энди кираверинг. Фақат оҳиста, уни қўзгатманг, гапиришга мажбур қилманг...

Пат, худди бирор уни зарб билан уриб қулатгандай, қимир этмай ётарди. Юзи ўзгариб кетган: кўзларининг ости қўм-қўк, лабларида қондан асар йўқ. Аммо кўзлари илгаригидай каттакатта ва чақноқ. Жудаям катта, жудаям чақноқ.

Кўлинни олдим — муз-муз, оппоқ.

— Пат, дўстгиам, — дедим энтикиб, кейин каравот четига ўтиromoқчи бўлдим. Шунда дераза олдида турган хизматкор аёлни кўриб қолдим. У менга синчковлик билан қараб турарди. — Чиқиб кетинг, — дедим унга жаҳл билан.

— Парда тутишим керак.

— Бўпти, тезроқ тута қолинг, кейин бизни холи қўйинг.

У деразага сарғиш парда торта бошлади, ҳадеганда уддалаёлмади, сўнг шошмасдан тўғнағич қадашга тушди.

— Менга қаранг, — дедим унга, — театр эмас бу ер. Чиқа қолинг!

У аста ўгирилди.

— Биринглар, парда тут, дейсизлар, биринглар, чиқиб кет, дейсизлар.

— Сен илтимос қилганмидинг? — сўрадим Патдан.

У бош силкиди.

— Кўзингга нур тушяптими?

— Бугун менга ёп-ёруғ хонада қарамаганинг маъқул...

— Пат, — дедим безовталаниб, — сенга ҳали гапириши мумкинимас! Агар шу шарт бўлса...

Эшикни очдим, хизматкор аёл зипиллаб чиқиб кетди. Каравот ёнига қайтдим. Бояги паришонлигим тарқалганди. Ичимда хизматкор аёлни алқадим. Ўша туфайли сал дадиллашгандим. Ҳар ўнла Патни бу аҳволда кўриш оғир эди.

Стулга ўтирдим.

— Пат, — дедим унга, — ҳадемай тузалиб кетасан.

Унинг лаблари титради.

— Эртагаёқ...

— Эртага эмас, уч-түрт кундан кейин. Оёққа туришиніг билан уйга қайтамиз. Келмасак бұлар экан, бу ернинг ҳавоси сенга ёқмади.

— Ҳечқиси йўқ, — пичирлади у. — Касалмасман-ку. Шунчаки кутилмаган тасодиф бу.

Унга қарадим. Наҳотки касаллигини билмаса? Ёки тан олгиси келмаяптыми? Кўзлари жовдираб турарди.

— Кўрқма... — пичирлади у яна.

Нега унақа деяпти? Нимадан кўрқмаслигим керак? Кўриб турибман, безовталаңыпти. Кўзларида мунг ва аллақандай илтижо бор. Бирдан миям ишлаб қолди. Унинг нимани ўйлаётганини фаҳмладим. Касали юқади, деб кўрқма демоқчи.

— Ё, тавба, — дедим мен, — шунинг учун индамаганмидинг?

Пат жавоб бермади, сездимки, сабаби шу.

— Сени қара-ю. Мени ким деб ўйлаяпсан?

Устига энгашдим.

— Бир дақиқа жим ёт... қимиrlама... — лабларидан ўпдим. Дудоги қуруқ ва қайноқ эди. Қаддимни ростлаб, йиғлаётганини кўрдим. Унсиз йигларди. Юзида бирор ифода йўқ, катта-катта кўзларидан ёстиққа ўш қуйиларди.

— Кўйсанг-чи, Пат...

— Яхшиям борсан, — деди у.

Тик турганча ундаи кўз узмасдим. Икки оғиз сўз айтди. Аммо бундай талаффузни ѡч қачон эшитмаганман. Кўп аёлларни биламан, улар билан учрашувлар ҳамиша тасодифий юз берган, шунчаки вақт ўтқазиш, жиндай саргузашт, жиндай шодмонлик билан якун топган, кейин яна ёлғизлик, бўум-бўшлиқ, ўзингдан нафрлатаниш, умидсизлик — мана шунақа ҳолатларни бошдан кечирганман. Бошқа ѡч нарсани қидирмаганман ҳам: чунки ўзимдан, нари борганда оғайнимдан бўлак кимсага суюнолмаслигими ни билардим-да. Бирдан кимгадир кераклигимни, ёнида бўлганимдан у одам ўзини баҳтиёр хис этишини англаб етдим. Бундай сўзлар оғиздан осонгина чиқиб кетавериши мумкин, лекин астойдил мағзини чақсанг, ушбу калиманинг нақадар бебаҳолигига имон келтирасан. Бу нарса инсон қалбини ларзага солиб, уни тамом ўзгартириб юбориши мумкин. Бу муҳаббатдан бошқачароқ нарса. Фақат шунинг учунгина яшасанг арзийдиган нарса. Эркак киши ёлғиз муҳаббатга суюниб яшай олмайди. У азбаройи бошқа одамни деб яшашга қодир.

Патга бир нималар дегим келарди-ю, аммо айттолмасдим. Қизиқ-да, ростдан ҳам айтадиган гапинг бор пайтда сўз тополмай қийналасан. Ҳатто топганингда ҳам оғиз очишга ийманасан. Бундай сўзлар ўтган асрларга тааллуқли. Бизнинг давр туйгуларни ифода этадиган сўзларни ҳали топмаган. Бу замона фақат одобнисзликни билади, холос, қолган барчаси — сунъий.

— Пат, — дедим унга, — ўқтам дўсттинам...

Шу пайт Жаффе кириб келди. У дарров вазиятни пайқади.

— Билувдим! Боплабсиз! — түнгиллади у. — Шундай бўлиши-  
ни кўнглим сезувди.

Бир нималар демоқчи бўлган эдим, қулоқ солмай, хонадан  
чиқариб юборди.

## XVII

**О**радан икки ҳафта вақт ўтди. Пат анча ўзига келиб, шаҳар-  
га қайтиш имкони туғилди. Нарсаларимизни йиғиштириб, Ленц-  
нинг келишини кута бошладик. У мошинани олиб кетиши керак  
эди. Пат иккаламиз поездда жўнайдиган бўлдик.

Кун илиқ ва дим эди. Кўкда булат увадалари осилиб турар,  
қумтепалар устида иссиқ ҳаво жимиirlар, қўрошиндай денгиз  
сатҳи оппоқ ҳовурга бурканганди.

Готтфрид тушдан кейин келди. Узоқданоқ ҳурпайган, жинга-  
лак соchlарига кўзим тушди. Фрейлейн Мюллер уйи томон бурил-  
ганинагина унинг ёлғиз эмаслигини пайқадим. Ёнида автопойга-  
чига ўхшаган миттигина одам пилдираб келарди: бошида айвони  
орқага сурилган лагандай катак кепка, кўзида каттакон қора кўзой-  
нак, оқ комбинезон, қип-қизил, супрадай баҳайбат қулоқлар.

— Ёпирай, Юппимисан?! — дедим таажжуб билан.

— Шахсан ўзлари, жаноб Локамп, — жавоб берди Юпп.

— Пўрим бўп кетибсан-ку! Нима бўлди?

— Э, сўрама, — деди кулиб Ленц мен билан сўрашаркан.  
Пойгачи бўлмоқчи. Саккиз кундан бери мошина ҳайдашни ўрга-  
таман. Эргашди. Биринчи шаҳарлараро пойга учун қулай фур-  
сат-да.

— Қотираман, жаноб Локамп! — деди Юпп виқор билан.

— Қотирганинг қурсин! — Готтфрид кулди. — Бунақа ким-  
ўзарга ишқибоз ҳайдовчини сира кўрмаганман. Биринчи куниёқ  
эски таксимизда мерседесни қувиб ўтмоқчи бўлди. Бориб турган  
шумтака бу.

Юпп гурурланиб, Ленцга меҳр билан қараб қўйди.

— Ўзи олифтагарчилик қилди-да, жаноб Ленц! Худди жаноб  
Кестердай, муюлишда қисиб қўймоқчи бўлдим-у, тагин қўй де-  
лим.

Мен хоҳолаб кулиб юбордим.

— Бошланиши ёмонмас, Юпп.

Готтфрид ўз шогирдига оталарча фахр билан қаради.

— Энди чамадониларни олиб, вокзалга жўна.

— Бир ўзимми? — Юпп ҳаяжондан энтикиб кетди. — Бир  
ўзим боришимга рухсат берасизми, жаноб Ленц?

Готтфрид бош силкиди. Юпп ичкарига чопиб кириб кетди.

Юкларни топширдик. Кейин орқага қайтиб, Патни олдик-  
ла, яна вокзалга келдик. Посезднинг жўнашига чорак соат вақт  
қолган эди.

Бўм-бўш перронда уч-тўртта сут бидонлари турарди.

— Кетаверинглар, — дедим мен, — бесмаҳалга қолманглар.

Рулда ўтирган Юпп менга ўпкаланиб қаради.

— Бунақа гап сенга ёқмайди, а? — деди Ленц.

Юпп қаддини ростлади.

— Жаноб Локамп, — деди у таъна билан. — Йўлнинг ҳисоб-китобини қилиб қўйганман. Соат саккизда устахонага кириб борамиз.

— Тўппа-тўғри! — Ленц унинг елкасига қоқди. — Гаров ўйна, Юпп. Бир шиша сельтер сувидан.

— Сувни нима қиласман, — эътиroz билдириди Юпп. — Бир кути сигаретадан бўлса, майли.

‘У менга такаббурона қаради.

— Йўл ёмонлигини биласанми? — сўрадим ундан.

— Ҳаммаси ҳисобга олинган, жаноб Локамп.

— Муюлишлар-чи?

— Муюлишлар менга чўтмас. Менда асаб йўқ.

— Бўпти, Юпп, — дедим жиддий оҳангда. — Гаров ўйнаганим бўлсин. Фақат жаноб Ленц манзилга етгунча рулга ўтираслиги керак.

Юпп кафтини юраги устига қўйди.

— Сўз бераман!

— Яхши, яхши. Қўлингдаги нима?

— Вақт ўлчагич. Вақтни ҳисоблаб бораман. Шалоқ аравангиз нимага қодирлигини билмоқчиман.

Ленц жилмайди.

— Ҳа, дўстларим. Юпп пухта қуролланган. Шўрлик машина-миз қўрқанидан тутдай тўкилиб кетса керак.

Юпп кинояга парво қиласми. У ҳаяжонланиб, кепкасини чертарди.

— Хўш, кетдикми, жаноб Ленц? Гаров ўйнаб қўйганман-а.

— Албатта, жажжи пойгачим! Хайр, Пат! Яхши боринглар, Робби! — Готтфрид машинага ўтириди. — Қани, Юпп, энди бу хонимга ҳақиқий йигит ва бўлажак жаҳон чемпиони ўрнидан қандай қўзғалишини бир кўрсатиб қўй!

Юпп кўзойнагини тушириди, бизга бир кўз қисиб, худди чинакам пойгачилардай, машинани бамайлихотир биринчи тезликка солди-да, тош йўлдан дадил юриб кетди.

Биз вокзал олдидаги узун курсида яна пича ўтиридик. Жазира-ма офтоб перрондаги тахта тўсиқни қиздириб юборганди. Қатрон ва туз ҳиди анқирди. Пат бошини орқага ташлаб, кўзларини юмиб олган. Юзини қўёшга тутганча қимир этмай ўтирипти.

— Чарчадингми?

У бош чайқади.

— Йўқ, Робби.

— Ана, поезд келяпти, — дедим мен.

Кичкина қора паровоз жимиirlаб турган беҳудуд сароб бағридан сузib чиқиб, пишқирганча вокзал олдида тұхтади. Вагонта чиқдик. Деярли бүм-бүш эди. Күп үтмай, поезд жойидан жилди. Паровознинг қоп-қора тутуни ҳавода муаллақ туриб қолди. Тапиши манзара — жигарранг похол томли уйлар, от ва сигирлар ўтлаб юрган яйловлар, ўрмон ва фрейлейн Мюллернинг қумтепиң ёнидаги шинам, осуда уйи аста-секин орқага ческина бошлади.

Пат ёнимда, дераза олдида турар ва уйдан күз узмасди. Поезд бурилаёттанда уйга жуда яқин келиб қолдик. Деразамиз баралла күриниб турарди. Лаш очиқ. Дераза остига күрпа-ёстиқ жилдағы ёйиб қўйилган.

— Ана фрейлейн Мюллер! — деди Пат.

— Худди ўзи!

Фрейлейн эшик олдига турволиб, қўл силкирди. Пат рўмолчасини олиб деразадан чиқазди.

— Кўрмаяпти, — дедим мен, — рўмолчанг жудаем кичкина. Ма, меникини ол.

Пат менинг рўмолчамни силкита бошлади. Фрейлейн Мюллар пайқаб, қизгин жавоб қайтарди.

Поезд очиқ далага чиқди. Уй ҳам, қумтепа ҳам ортда қолди. Қоп-қора ўрмон нарёғида ярқираб турган денгиз яна бир муддат биздан бедор нигоҳини узмади. Сўнг сарғиши-кўкимтири кенгликлар, уфққа қадар чўзилиб кетган фаллазорлар бошланди.

Пат рўмолчамни бериб, купе бурчагига ўтиреди. Дераза ойнасип кўтардим. «Тугади! — ўйладим мен. — Худога шукур, ҳаммаси тугади! Буларнинг бари туш эди! Машъум, бадният туш эди».

Соат олтида шаҳарга стиб келдик. Такси тутиб, чамадонларни юкладим.

— Уйга кирасанми? — сўради у.

— Албатта.

Олдин уни тепага кузатиб қўйдим, кейин шофёр билан чамадонларни олиб чиқишиб учун қайтиб тушдим. Яна чиққанимда Пат ҳамон йўлакда турарди. У подполковник фон Гаке ва хотини билан гаплашарди.

Хонага кирдик. Намозгар пайти эди. Столдаги гуллонда бир ласта қип-қизил атиргул. Пат дераза олдига бориб, кўчага қаради. Кейин менга юзланди:

— Сафарда қанча бўлдик, Робби?

— Ронпа-роса ўн саккиз кун.

— Ўн саккиз кун? Назаримда бир йил юргандаймиз.

— Менга ҳам шундай туюляпти. Шаҳардан бирор жойга чиқсанг, ҳамма вақт шунақа бўлади.

У бош чайқали.

— Мен бошқа нарсанни айтяпман...

Пат балкон эшигини очиб, ташқарига чиқди. У ерда оппоқ енгил крессло турарди. Уни ўзига тортиб, бирпас термулиб қолди.

Хонага кайфияти ўзгариб, кўзлари нурсизланиб кирди.

— Қара, қанақа атиргул, — дедим мен. — Кестер жўнатипти. Мана ташрифномаси.

Пат ташрифномани олиб, столга қўйди. Атиргулга лоқайд назар ташлади. Ҳайрон бўлдим. Кўринишидан хаёли ҳамон балкондаги креслода эди. Энди қутулдим деганда, наҳотки яна унга михланиб қолса — Пат шуни ўйларди.

Унга халал бермадим. Шундай қилиш керак эди. Майли, ўзига келволсин. Бу ҳолати тез ўтиб кетади, чунки ёнида мен борман. Ҳозир тасалли бериш бефойда. Бирор нарса десам, номига хотиржам бўлади-ю, кейин яна нохуш ўйлар гирдобида қолади, қайтанга баттар изтироб чекади.

У бошини ҳам қилганча столга суюниб турарди. Кейин менга қаради. Индамадим. Айланиб ўтиб, елкамга қўлини қўйди.

— Дўстим, — деди у.

Пешонасини кўксимга босди. Аста қучдим.

— Энди ишга киришамиз.

Пат сочини орқага силкиди.

— Негадир хаёл босди... бир лаҳзага...

— Ҳечқиси йўқ.

Эшик тиқиллади. Хизматкор қиз столчани филдиратиб кирди.

— Бу бошқа гап, — деди Пат.

— Чой ичасанми?

— Йўқ, қаҳва.

Ярим соатча ўтирдим. У толиқа бошлади. Кўзларидан пайқадим.

— Озгина ухлавол, — дедим унга.

— Сен-чи?

— Уйга бориб, мен ҳам жиндай мизғийман. Икки соатдан кейин келаман, овқатлангани борамиз.

— Чарчагансан-ку? — деди у келишимга ишонқирамай.

— Сал-пал. Поезд иссиқ экан. Устахонага ҳам бирров кириб ўтаман.

Бошқа гап сўрамади. Ўзи оёқда зўрға турарди. Каравотга ётқизиб, устини ёпиб қўйдим. Шу заҳотиёқ кўзлари юмилди. Олдига атиргул билан Кестернинг ташрифномасини қўйдим — уйғонганида фақат шуни ўйласин. Кейин оёқ учida юриб, чиқиб кетдим.

Кўчада телефон-автомат олдида тўхтадим. Жаффе билан гаплашмоқчи бўлдим. Уйдан қўнғироқ қилиш қийин: пансиондаги лар кулоқ солиб туришади.

Гўшакни кўтариб, шифохона рақамини тердим. Аппаратга Жаффенинг ўзи келди.

— Локампман, — дедим шоша-пиша. — Бугун келдик. Бир соатча бўлди.

— Мошинада келдингларми? — сўради профессор.

— Йўқ, поездда.

— Хўш... Ишлар қалай?

— Ёмонмас, — дедим мен.

У жим бўлиб қолди.

— Эртага фрейлейн Хольманнинг олдига кираман. Эрталаб соат ўн бирда. Айтиб қўёлмайсизми?

— Йўқ, — дедим мен. — Сиз билан гаплашганимни билмагани тузук. Балки ўзи қўнғироқ қиласар. Ўшанда айтиб қўя қоласиз.

— Бўпти. Шунаقا қиласиз. Ўзим айтаман.

Мен қўл тегавериб кир бўлиб кетган қалин телефон китобини беихтиёр бир четга сурдим. У тахта токчада турарди. Деворга телефон рақамлари ёзил ташланганди.

— Эртага олдингизга кирсам бўладими? — сўрадим Жаффе-дан.

Жаффе жавоб бермади.

— Соғелигини билиб қўймоқчи эдим-да.

— Эртага сизга аниқ бир нима деёлмайман, — деди профессор. — Камида бир ҳафта кузатиш керак. Ўзим хабар қиласман.

— Раҳмат. — Токчадан кўз узолмасдим. Унга кимдир каттакон похол шляпа кийган семиз қизчанинг суратини чизиб қўйипти. Остида «Элла — жинни» деган ёзув.

— Бирор даво тадбирларини кўллаш керак бўладими? — сўрадим мен.

— Эртага маълум бўлади. Менимча, уйида парвариш ёмонмас шекилли.

— Билмадим. Эшитишимча, қўшнилари кейинги ҳафта қаёққадир кетишармиш. Хизматкор қиз билан қоладиганга ўхшайди.

— Шунақами? Майли, буни ҳам суришираман.

Мен токчадаги суратни телефон китоби билан тўсдим.

— Сизнингча... касали яна хуруж қилиши мумкинми?

Жаффе жавоб беришга шошмади.

— Албатта, такрорланмайди, дейиш қийин, — деди у салдан кейин. — Аммо эҳтимолдан йироқ. Яхшилаб текширганимдан сўнг анигини айтишим мумкин. Сизга қўнғироқ қиласман.

— Майли, раҳмат.

Гўшакни қўйдим. Кўчага чиқиб, яна бир оз гарангсиб турдим. Ҳаво дим эди. Сўнг уйга қараб кетдим.

Йўлакда фрау Залевски билан тўқнашиб кетдим. У фрау Бендернинг хонасидан отилиб чиқди. Мени қўриб, таққа тўхтади.

— Ҳа, келдингизми?

— Қўриб тўрганингиздай. Нима янгиликлар?

— Янгилик йўқ... Битта янгилик — фрау Бендер кўчиб кетди.

— Ие. Нега энди?

Фрау Залевски құлларини белига тиради.

— Ҳамма ерда ғаламислар бор. Мушугини құлтиқлад, йигирма олты маркасини чүнтагига солдию боқиб турадиган насропийлар уйига кетди-ворди.

Унинг айтишича, фрау Бендер ишлайдиган етимхона касодатында учраган. Етимхона раҳбари бўлмиш руҳоний биржада олдисотдига аралашиб, чув тушган. Фрау Бендерни икки ойлик иш ҳақини ҳам тўламасдан, ишдан бўшатишган.

— Бошқа иш топибдими? — сўрадим ундан.

Фрау Залевски менга бир қараб қўйди.

— Ҳа-да, топмаган, албатта, — дедим мен.

— Кетманг, ижара ҳақини кейинроқ тўларсиз, десам ҳам қўнмади.

— Камбағал одамларнинг аксарияти ориятли бўлади, — дедим фрау Залевскига. — Унинг хонасида энди ким яшайди?

— Хасселар оиласи. Арzonроқ-да.

— Уларнинг хонаси нима бўлади?

У елкасини қисди.

— Кўрамиз. Янги ижарачилардан умидим йўқ.

— Қачон бўшайди?

— Эртага. Хасселар кўчишяпти.

Миямга бир фикр келди.

— Қанча туради ўша хона? — сўрадим ундан.

— Етмиш марка.

— Қиммат.

— Эрталаб нонуштага қаҳва, иккита булочка, сарёғи бор.

— Бари бир қиммат. Фрида тайёрлайдиган қаҳвадан воз кечаман. Нонуштанинг нархини чегириб ташлайсиз. Эллик марка, бир тийин ҳам кўп эмас.

— Ижарага олмоқчимисиз? — сўради фрау Залевски.

— Эҳтимол.

Хонамга кира туриб, Хассенинг эшигига разм солдим. Пат пансионда яшайди! Йўқ, пухта ўйланмаган. Шунга қарамай, эшикни тақиилатдим.

Фрау Хассе ҳувиллаган хонада юзига упа суртиб ўтиради. Бошида шляпа.

Ҳол-аҳвол сўраб, хонага кўз югуртирдим. Ўйлаганимдан кўра каттароқ экан. Жиҳозларининг бир қисми олиб чиқиб кетилгани учун яққол кўзга ташланиб турипти. Деворга ёпиширилган гул-қозоғ деярли янги, эшик-ромлар яқинда бўялган, бунинг устига, кенг-мўл балкони бор.

— Эримнинг қилаётган ишини қаранг, — дели фрау Хассе. — Рӯпарадаги анови манжалаки яшаган хонага кўчирялти! Қандай шармандали!

— Нимаси шармандалик? — сўрадим ундан.

— Бундан ортиқ шармандалик бўладими? — давом этди у. — Бир-биримиз билан ит-мушуклигимизни биласиз. Энди эрим

ушанинг хонасида яшашга мени мажбур қиляпти. Балкони йўқ, деразаси битта. Азбаройи арzonлиги учун шундай қиляпти! Энди анови танноз овқати тайёр уйда ўтирволиб, устимдан роса кулади!

— Йўғ-э, кулмаса керак.

— Кулади! Кашиб болалар ҳамшираси бўлгани билан ўзи кирмаган тешиги йўқ бир мегажин! Бу ҳам етмагандай, энди суюқоёқ ёрна Бенинга қўшини бўламан! Мушугининг ҳидига тоқатим борми!

Унга таажжуб билан қарадим. Кирмаган тешиги йўқ бир мегажин! Тавба: одамлар уришиб қолишганда қанақа сўзларни тошишмайди дейсиз! Фақат муҳаббатга дахлдор сўзларгина абадий ва ўзгаришсиз қолаверади. Ҳақорат лугати эса ранг-баранг ва битмас-туганмас!

— Мушуклар озода, чиройли жонворлар-ку, — дедим унга. — Ҳозиргина хонасига кирдим, ҳид-пид деган нарса йўқ.

— Ҳо-о! — деди у чўзиб ва шляпасини тўғрилади. — Бу ҳид сезиш қобилиятига ҳам боғлиқ. Нима бўлганда ҳам кўч-кўчга аралашмайман, зарил кептими! Ашқол-дашқолни ўзи таисин! Бориб, сайр қилиб келаман! Турмушим ит ётиш-мирза туриш бўлгандан кейин, лоақал шуни ўзимга раво кўрсан-кўрибманла!

Фрау Хассе ўрнидан турди. Фазабдан юзлари пир-пир учар, суртган уласи эгнига тўқиларди. Лабларига беармон бўёқ чаплаган ва умуман ўзига шу қадар зеб берган эдикни, кўйлагини шиллиратиб ёнимдан ўтаётганида ундан бутун бошли упа-элик дўканининг ҳиди анқиб кетди.

Орқасидан анграйиб қараб қолдим. Кейин яна хонага назар ташладим, Патнинг жиҳозларини қандай жойлаштиришни мўлжалладим. Аммо дарров бу фикрдан қайтдим. Патнинг ҳарлоим шу ерда, кеча-кундуз ёнимда бўлишини тасаввур қиломасдим! Соғ бўлганида бундай фикр хаёлимга келмасди. Лекин ҳар ҳолда... Балкон эшигини очиб, чамалаб кўрдим, сўнг ниятимдан воз кечиб, хонамга қайтдим.

Патникига кирганимда у ҳалиям ухлаб ётарди. Аста каравот ёнидаги креслога чўқдим, аммо Пат уйғониб кетди.

— Уйғотвординм-а?

— Боядан бери шу ердамидинг? — сўради у.

— Йўқ. Ҳозир келдим.

У чўзилиб, қўлинни юзимга босди.

— Яхши бўпти. Ухлаб ётганимда бирорванинг тикилиб туришини ёқтирумайман.

Тушунаман. Мен ҳам ёқтирумайман. Тикилиб ўтириш ниятим йўқ эди. Уйғотгим келмади. Балки яна пича ухларсан?

— Йўқ, уйқуга тўйдим. Ҳозир тураман.

Пат кийиниб бўлгунча қўшини хонага чиқиб турдим. Кўча қопкорониғи эди. Рўпарадаги уйнинг қия очиқ деразасидан ҳарбий

марш оңанги қулоққа чалинарди. Патефон ёнида тепакал бир одам уймаланяпти. У дастани айлантириб бўлгач, куй оңангига мос равишда хонада у ёқдан-бу ёққа юра бошлади. Боши сарғиш ойдай ярқираарди. Уни лоқайд кузатиб турдим. Вужудимни аллақандай бешавқ, дилгир туйғулар чулғаб олди.

Пат кириб келди. У гўзал ва тетик эди. Ҳоргинликдан асар ҳам қолмаган.

— Кўринишинг зўр, — дедим унга.

— Ўзимни яхши сезяпман, Робби. Гўё тун бўйи ухлагандайман. Ўзи жуда тез ўзгараман.

— Ҳа, худо шоҳид. Баъзан шу даражада тезки, одам илғашга ҳам улгуролмайди. У елкамга суюниб, кўзларимга қаради.

— Шунақа тезми, Робби.

— Йўқ. Ўзим сусткашман. Кўпинча ҳаддан ташқари сусткашлик қиласман, тўғрими?

Пат кулди.

— Шошмаслик — пухталик. Пухта нарса эса ҳамиша яхши бўлади.

— Сувдаги пўкақдай пухтаман.

У бош чайқади.

— Сен ўзинг ўйлагандан кўра ҳам пухтасан. Қанақалигингни билмайсан. Сенчалик ўзи тўғрисида нотўри фикрда юрган одамни кам учратганиман.

Елкасидан қўлимни олдим.

— Ҳа, азизим, — деди у, — ростдан ҳам шунақа. Энди овқатлангани кетдик.

— Қаёққа борамиз?

— Альфонснинг олдига. Кўнглим ўша ёққа чопяпти. Бормаганимга худди минг йил бўлгандай.

— Бўпти! — дедим мен. — Иштаҳанг қалай? У ерга қорин оч ҳолда бориш керак.

Пат кулди.

— Иштаҳам аждаҳоникидай.

— Унда кетдик!

Бирдан енгил тортдим.

Кириб боришимиз Альфонс учун чинакам тантанага айланди. Биз билан сўрашгач, шошиб ичкарига кириб кетди, сал ўтмай, оқ қўйлак устидан хол-хол кўк галстук тақиб чиқди. Ҳатто император шарафига ҳам бунақа кийинмасди. Кўз кўриб, қулоқ эшишмаган бу тубанликдан ўзи ҳам сал довдираб қолди.

— Хўш, Альфонс, тузукроқ нимангиз бор бугун? — сўради Пат қўлларини столга қўйиб.

Альфонс оғзининг таноби қочиб, кўзларини қисди.

— Омадинглар бор экан! Бугун қисқичбақа бор!

Бу ҳабар бизга қандай таъсир этганини билиш учун бир қадам орқага ташлади. Табиийки, биз ҳангуманг бўлиб қолган эдик.

— Бунинг устига, янги мозел виноси ҳам топилади, — шунтай леб, у яна бир қадам орқага чекинди. Бунга жавобан гулдунос қарсаклар янгради, қарсак овози эшик томондан ҳам эшигиди. Остонада сочларини ҳурпайтирганча, бурнини носқовоқтайди қилиб, ашаддий саргузашт ишқибози тиржайиб турарди.

— Готтфрид! — қичқириб юборди Альфонос. — Ўз, чгмисан? Қанақа кун бугун! Ке, бағримга бир босай!

— Қанақа кунлигини кўрсатади, — шипшидим Патга.

Улар бир-бирларининг бағирларига отилишди. Альфонс Ленцнинг елкасига шапатилар, худди сандонга болға тушгандаи бўлаштанди.

— Ганс, — қичқирди у хизматчига, — «Наполеон»ни опчиқ!

Альфонс Ленцни пештахта олдига судради. Хизматчи чанг босган каттакон шишани кўтариб чиқди. Альфонс иккита қадаҳни тўлдирди.

— Соғ бўл, Готтфрид, фирт чўчқа экансан!

— Омон бўл, Альфонс, заҳматкаш қария!

Улар қадаҳларни бир кўтаришда бўшатишли.

— Зўр! — деди Готтфрид. — Фаришталар ичадиган конъяк!

— Бирдан ичвориш уят, — деди Альфонс.

Хурсанд бўлиб кетганингдан кейин қандай қилиб секин ичасан! Яна биттадан отамиш! — Ленц тағин қуиб, қадаҳини кўтарди. — Вой, ошқовоғ-ей! — хоҳолади у. — Вой, қадрон дўстим-ей!

Альфонснинг кўзларига ёш келди.

— Чала бўп қолди, Готтфрид! — деди у энтикиб. — Оламиз яна!

— Доим тайёрман! — Ленц қадаҳини тутди. — Бунақа конъякдан ийқилиб қолмагунимча бош тортмайман!

— Қойил! — Альфонс учинчи марта қўйди.

Ленц олдимизга келиб, соатини чиқазди.

— Ўн минути кам саккизда устаҳонага кириб келдик. Бунга нима дейсизлар?

— Рекорд! — деди Пат. — Юллга шон-шарафлар! Мен ҳам бир қути сигарета тақдим этаман.

— Эвазига бир ликопча ортиқча қисқичбақа оласан! — деди Готтфриддан бир қадам ҳам нари жилмаётган Альфонс. Кейин ҳаммамизга сочиқчалар улашди. — Пиджакни ечиб, сочиқни буниига боғлаволинглар. Хоним эътиroz билдирмайдилар, шунлайми?

— Аксинча, жудаям соз бўлади, — деди Пат.

Альфонс севиниб кетди.

Ақлли аёлсиз, биламан. Қисқичбақани мириқиб, кийим инфлос бўлишидан ҳайиқмай ейиш керак. — У яйраб кулди. — Сина бошқа нарса бераман.

Ганс оппоқ халат опкелди. Альфонс уни Патга кийдириб қуйди.

- Жудаям ярашди, — деди у мамнун бўлиб.  
— Ўткир, ўткир! — жавоб берди Пат кулиб.  
— Сўзларим ёдингизда экан, — Альфонс гуурлациб кетди. —  
Кўнглимни кўтардингиз.  
— Альфонс! — Готтфрид сочиқни беўхшов боғлаб олган эди. —  
Сартарошонага ўҳшаб қолди-ку.  
— Ҳозир ҳаммаси жойинга тушади. Олдин пича санъатдан баҳ-  
раманд бўламиз.  
Альфонс патефон ёнига борди. «Тангейзер» асаридан хор  
кўшиги янгради. Жим қулоқ солдик.  
Кўшиқ тугаши билан ошхонадан каттакон тофора кўтариб,  
Ганс чиқиб келди. Қисқичбақа тўла тофорадан буғ кўтарилади.  
Ганс уни инқиллаб столга қўйди.  
— Менга ҳам сочиқ опке, — деди Альфонс Гансга.  
— Биз билан овқатланасанми? Ўзим ўргилай! — деди Ленц. —  
Бу биз учун шараф!  
— Агар хоним эътиroz билдириласа.  
— Хурсанд бўламан, Альфонс!  
Пат стулини сурди. Альфонс унинг ёнига ўтириди.  
— Ёнингизга ўтирганим яхши бўлди, — деди у. — Гап шундаки,  
буни майдалашга устаси фаранг бўлиб кетганман, аёл киши  
қийналади.  
У тофорадан битта қисқичбақани олиб, чаққонлик билан  
бўлакларга ажратса бошлади. Гурзидаи қўллари шунақа тез ҳара-  
кат қиласдики, Пат Альфонс узатган луқмаларни оғзига солиш-  
га аранг улгуради.  
— Мазаси қалай? — сўради у.  
— Бекиёс! — Пат қадаҳини кўтарди. — Сиз учун, Альфонс.  
Альфонс у билан уришириб, винони аста симириди. Патга  
қарадим. Ичишини хоҳламасдим. У нигоҳимни пайқади.  
— Сен учун, Робби.  
Пат мамнун, очилиб-сочилиб ўтиради.  
— Сен учун, Пат, — шундай деб, қадаҳини бўшатдим.  
— Ажойиб жой, а? — сўради у ҳамон мендан кўз узмай.  
— Мўъжиза! — Ўзимга яна қайдим. — Омон бўл, Пат.  
Унинг чеҳраси ёришиб кетди.  
— Омон бўл, Робби! Омон бўл, Готтфрид!  
Ичдик.  
— Тенги йўқ вино! — деди Ленц.  
— Азиз меҳмонлар учун олиб қўювдим, — жавоб берди Аль-  
фонс. — Қадрига етганингдан хурсандман!  
У яна битта қисқичбақани олиб, оёгини ажратди-да, Патга  
узатди.  
Пат бош тортиди.  
— Ўзингиз синг, Альфонс. бунақада оч қоласиз.  
— Кейин. Мен овқатни тез ейман. Етволаман.

— Ҳа, майли. — Пат оёқни олди. Альфонс қилаёттән меҳри-бончилигидан роҳатланарди. Шу тобда у уясида палапонини бо-қаёстән баҳайбат, қари бойқушга ўхшарди.

Кетишдан олдин бир қадаҳдан «Наполеон» ичдик. Кейин Аль-фонс билан хайрлашдик. Патнинг кайфи чоғ эди.

— Яхши ўтириш! — деди у Альфонсга қўлини узатиб. — Мин-нагдорман, Альфонс. Рост, жудаям яхши ўтириш!

Альфонс бир нималар деб, Патнинг қўлини ўпди. Таажжу-ланганидан Ленцинг кўзлари ола-кула бўлиб кетди.

— Кеп туринглар, — деди Альфонс. — Жим бўп кетма, Готт-Фрид.

Қўчада, чироқ остида ҳамманинг ёдидан кўтарилигани кички-на мошишамиз турарди.

— О! — хитоб қилди Пат. — Ёлғиз қоп кетипти-ку шўрлик.

— Бугунги сафардан кейин унга Геркулес деб ном қўйдим, — леди Ленц. — Ўйингизга ташлаб қўйами?

— Йўқ, — деди Пат.

— Билувдим. Қаёққа борамиз?

— Қаҳвахонага. Ёки бормаймизми, Робби? — У менга юзлан-ди.

— Борамиз, — жавоб бердим мен. — Албатта қаҳвахонага ҳам борамиз.

Йўлга тушдик. Тун илиқ, ҳаво мусаффо эди. Қаҳвахона олди-даги йўлкада одамлар ўтиришарди. Мусиқа садоси эшитилиб ту-рипти. Пат ёнимда. Касал бўлиши мумкин эмас — негадир кўнглимдан шу ўй ўтди. Бу фикр таскин бердими, у менга соп-па-соғдай туюлди.

Қаҳвахонада Фердинанд билан Валентин ўтиришган экан. Фердинанд ширақайф. Ўрнидан туриб, Патга пешвуз чиқди.

— Ўрмонлардан ўз паноҳига қайтган Диана...

Пат жилмайди. Фердинанд унинг елкасидаи қучди.

— Кумуш қамонили жасур сайёд! Нима ичамиз?

Готтфрид Фердинанднинг қўлини Патнинг елкасидан олиб ташлади.

— Эҳтиросли одамлар беандиша бўлишади, — деди у. — Хонимига икки эркак ҳамроҳлик қиляпти. Сезмадингми шуни, мун-кйиган жоҳил??

Саргузашт ишқибозлари думдаи бошқа нарса эмас. Улар фақат эргашади, ҳамроҳлик қилолмайди, — жавоб берди Фер-динанд пйнагини бузмай.

Ленц кулиб, Патга мурожаат қилди:

— Ҳозир сизга ажойиб ичимлик тайёрлаб бераман. «Колиб-ри» коктейли, рецептти Бразилиядан келган.

У пештахта олдига бориб, ҳар хил ичимликларни узоқ ара-лишириди. Сўнг ҳалигини кўтариб келди.

Маъкулми?

— Бразилия учун бўшроқ, — деди Пат.

Готтфрид кулиб юборди.

— Аксинча, ўткир нарса бу. Ром билан арақ қўшилган.

Кўриб турибман, унда ром ҳам, арақ ҳам йўқ.

Готтфрид мева, лимон ва помидор шарбатини аралаштирган, эҳтимол, бир томчи вино қўшгандир. Топ-тоза, спиртсиз ичимлик. Хайрият, Пат сезмади.

Унга «колибри» коктейлидан уч бокал келтириб беришди, Пат ўзига соппа-соғ одамдай муомала қилинаётганидан хурсанд эди. Бир соатдан сўнг қўзғалдик. Қаҳвахонада фақат Валентин қолди. Бу ҳам Ленцнинг иши. Ўзи мошинада Фердинандни олиб кетди. Хуллас, Патга биз бошқалардан олдин жўнаворгандай туюмади. Ленцнинг олижаноблигидан фоят таъсирландим, аммо кўнглимнинг бир чети бари бир гаш эди.

Пат тирсагимдан ушлади. У ёнимда чиройли, ўқтам одим ташлар, қўлининг тафтини сезиб турардим. Чироқларнинг шуъласи кўркам чеҳрасида йилтилларди — йўқ, унинг бетоблигига ақлим бовар қилмайди, кундузи ишонишим мумкин, аммо ҳаёт ширип ва мурувватли бўлиб турган, кўп нарсаларни ваъда қилаётган мана бундай оқшомда...

— Ўйга кирамизми? — сўрадим ундан.

Пат эътиroz билдиrmади.

Пансионимиз йўлагида чироқ ёниб турарди.

— Оббо, палакат-ей! — дедим мен. — Тағин нима бўлдийкин? Бир минут кутиб тур.

Эшикни очиб, ичкарига назар ташладим. Бўм-бўш йўлак шаҳар четидаги тор кўчани эслатарди. Фрау Бендер хонасининг эшиги ланг очиқ. Хассе қизил қалпоқли, ерга қўйиладиган баҳайбат чироқни инқизилаб кўтариб келарди. Қадди букчайиб кетган. Худди қора чумолига ўхшайди. У кўчмоқда эди.

— Хорманг, — дедим мен. — Намунча бемаҳалда...

У ипакдай силлиқ мўйловини йилтиратиб, бошини кўтарди.

— Ишдан келганимга бир соат бўлди. Кечаси кўчишдан бошқа иложим йўқ.

— Хотинингиз қани?

У бош чайқади.

— Дугонасииникида. Худога шукур, дугона топволди, энди ўша билан андармон.

Хассе бу гапни безарда, кулиб гапирди, кейин оёғини таптап босганча йўлига равона бўлди. Патни тезгина йўлақдан олиб ўтдим.

— Чироқни ёқмаганимиз маъқул, нима дединг? — сўрадим ундан.

— Йўқ, ёқа қол, азизим. Бирпастдан кейин ўчирасан.

— Сен нима десанг — шу, — шундай деб, хонамдаги аянчли дабдабани бир лаҳзага ёритдиму дарров яна ўчирдим.

Ташқаридан хонага дараҳтларнинг муаттар ҳиди кириб турарди.

- Қандай ажойиб! — деди Пат дераза токчасига ўтирволиб.
- Сенга ростдан ҳам ёқадими бу ср?
- Ҳа, Робби. Ҳудди каттакон боққа ўхшайди. Ташқарига қарасанг, баҳри-дилинг очилади.
- Йўлакдан келаётганимизда чап томондаги очик хонага кўзинг тушмадими?
- Йўқ, нимайди?
- Ўша хонадан анови балконга чиқилади. Икки ёни тўсилган, рўпарасида бино йўқ. Агар шу ерда яшаганингда чўмилиш кийимисиз ҳам бемалол офтобда тобланган бўлардинг.
- Ҳа, шу ерда яшаганимда...
- Бунинг қийин жойи йўқ, — дедим бепарво оҳангда. — У ердан кўчишяпти. Хона эрта-индин бўшайди.

Пат менга қараб кулди.

- Сенингча, шундай қылсак тўғри бўладими? Ҳар доим бирга бўламиزمи?
- Ҳар доим эмас, — дедим мен. — Кундузи ишдаман. Кечқурунлари ҳам кўпинча алламаҳалда келаман. Агар бирга бўлсак, ресторанма-ресторан юрмасдик, ҳудди омонат меҳмонлардай, ашил-тапил хайрлашмасдик.

Пат ўрнашиброқ ўтирди.

- Гўё ҳаммасини ипидан-игнасигача ўйлаб қўйгандай гапирасан-а, азизим?
- Ўйлаганман-да, — дедим мен. — Кун бўйи шу ҳақда ўйладим.

У қаддини ростлади.

- Ростдан ҳам жиддий гапирияпсанми, Робби?
- Албатта, — дедим мен. — Наҳот сезмайтган бўлсанг?

Пат ўйланиб қолди.

- Робби, — деди у кейин паст, хотиржам оҳангда. — Нима учун айнан шу бугун бу ҳақда гап очиб қолдинг?
- Гап очгим келди-да, — овозим баландлаб кетганини сезмай қолдим. Бўш хонадан кўра ҳам муҳимроқ нарсани ҳал қилволиш пайти келганини бирдан англаб етдим. — Шунинг учун тапирияпманки, кейинги бир-икки ҳафта ичиди ҳар доим бирга бўлишимиз зарурлигини ҳис этдим. Омонат учрашувлар жонимга тегди! Менга сендан кўпроқ нарса керак! Ҳар доим ёнимда бўлишингни хоҳдайман. Қачонгача ошиқона бекинмачоқ ўйнаймиз?! Менга бунинг кераги йўқ, менга сен кераксан, фақат сен кераксан, ҳеч қачон сенга тўймайман ҳам, бирор дақиқа кўзимдани нари кетишингни ҳам истамайман.

Патнинг нафасини илғаб турадим. У дераза токчасида тиззиларини кучоқлаганча чурқ этмай ўтиради. Рўпарадаги, дараҳттар ортидаги рекламаларнинг қизил чироқлари юқорига ўрматаб чиққанда Патнинг ялтироқ туфлиси, кўйлаги ва қўлларига чира шуъла ташларди.

- Майли, устимдан кулсанг кулавер, — дедим мен.
- Нега куламан? — ажабланы у.
- Чунки уни хоҳлайман, буни хоҳлайман, деганим деган.

Ахир сен ҳам хоҳлашинг керак-ку.

Пат менга қаради.

— Ўзгариб қолганингни биласанми, Робби?

— Йўқ.

— Ўзгаргансан. Сўзларингдан кўриниб турипти. Сен хоҳлайсан. Сўраб ўтирумайсан. Хоҳлайсан — вассалом.

— Э, бу катта ўзгариш эмас. Мен ҳар қанча хоҳлаганим билан сен «йўқ» дейишинг мумкин-ку.

У устимга энгашди.

— Нега «йўқ» дейишим керак, Робби, — деди у ҳароратли, майин овозда. — Мен ҳам шуни хоҳлайман-да...

Шошиб қолдим, сўнг елкасидан қучдим. Соchlари юзимни сийпалади.

— Ростданми, Пат?

— Албатта, азизим.

— Буни қара-я. Менга мушкулотдай туюлган эди.

У бош чайқади.

— Ҳаммаси ўзингга боғлиқ, Робби.

— Мен ҳам шу фикрдаман.

Пат бошимни кўксига босди.

— Баъзан ҳеч нарса тўғрисида ўйламасанг, бирон ишга қўл урмасанг, кимгадир суюнишинг мумкинлигини ҳис этсанг — ўзингни күшдай енгил сезасан. Эҳ, азизим, оддий нарсалар бу-лар, фақат ҳаётимизни ўзимиз мураккаблаштирмасак бас!

Тишимни тишимга босдим. Ундан шу гапларни эшитиш!

— Тўғри, Пат. Тўппа-тўғри! — дедим сўнг шоша-пиша.

Аслида сираям тўғри эмас эди.

Яна бир оз дераза олдида турдик.

— Нарсаларингни бу ёққа опекаламиз, — дедим мен. — Токи ҳеч нимага зориқмагин. Ҳатто ғилдиракли столча ҳам оламиз. Фрида ундан қандай фойдаланишни ўрганади.

— Унақа столча бор, азизим. Ўзинг кўрган ўша столча ме-ники.

— Жуда соз. Эртадан бошлаб Фридани машқ қилдиришга киришаман.

Пат елкамга бошини қўйди. Сездимки, толиқкан.

— Кузатиб қўяйми?

— Шошма, яна бир оз ётай.

У каравотда уйқуга кетгандай чурқ этмай ётарди. Аммо кўзла-ри очиқ эди, шимол ёғусидай шифт ва дсворларда сирғана-ёт-ган реклама чироқлари баъзан унинг нигоҳида йилтиради. Кўча жимжит. Девор ортида аҳён-аҳён оёқ товуши эшитилади — Хас-се собиқ хонасида ўз умидлари, илк никоҳи ва, эҳтимол, бутун ҳаётининг қолдиқлари орасида депсиняпти.

- Шу ерда қола қол.
- Бугун эмас, азизим.
- Кетишиңгни сирайм хоҳламаялман.
- Эртага...

Пат ўрнидан туриб, қоронғи хонада у ёқдан-бу ёққа юра бошлади. Бириңчи марта қолғаңыза ұам тонг гира-ширасида кийинищ учун худди мана шундай мақомда хонани айланган эди. Нимагалигини билмайман-у, аммо бунда аллақандай табиийлик, қүнгилни тұлқынлантирадиган бир нарса — вақт харобалағы остида қолған олис ўтмишнинг акс-садоси, ҳозир ҳеч ким эсламайдиган мубхам қонунга сұzsиз итоат этишдек ғалати бир ҳолат мужассам эди. Пат қоронғилик күйнидан чиқиб келиб, кафтини юзимга босди.

— Яхши бўлди, азизим. Жудаям яхши бўлди. Борлигиндан хурсандман.

Мен жавоб бермадим. Жавоб беролмасдим.

Уни уйига кузатиб қўйиб, яна қаҳвахонага йўл олдим. У ерда Кестер ўтиарарди.

- Ўтири, — деди у. — Ишларинг қалай?
  - Унчаликмас, Отто.
  - Ичасанми?
  - Йўқ. Ҳозир бошласам, уланиб кетади. Буни хоҳламайман.
- Чарчадим. Бошқа иш қилганим тузук. Готтфрид таксидами?
- Йўқ.
  - Яхши бўпти. Уч-тўрт соат айланаман.
  - Сен билан бораман гаражга, — деди Кестер.

Гаражда Отто билан хайрлашиб, мосина негизида ўтирдим-да, бекатга келдим. Олдинда иккита мосина бор эди. Кейин Густав билан актёр Томми пайдо бўлишди. Олдиндаги мосиналар жўнаб кетди, кўї ұтмай менга ҳам йўловчи топилди. Ёшгина бир қиз «Винета»га олиб бориб қўйишни сўради. Бу рақс майдончаси бор, столларига телефон қўйилган, хатлар сиқиқ ҳаволи қувурда жўнатиладиган ва шунга ўхашаш қулайликларга эга бўлган, асосан, четдан келадиганларга мўлжалланган ресторан эди. «Винета» бошқа тунги қаҳвахоналардан олисда бўлиб, овлоқ бир тор кўчага жойлашганди.

Етиб келдик. Қиз сумкасини титкилаб, эллик марка узатди. Елкамни қисдим.

- Бунга майдам йўқ.
- Эшикбон келди.
- Қанча беришим керак? — сўради қиз.
- Бир марка стмиш пфенинг.

У эшикбонга юзланди:

— Мен учун тўлавормайсизми? Сиз билан касса олдида ҳисобкитоб қиласман.

Эшикбон мошини эшигини очиб, қизни кассагача кузатиб борди. Сүнг қайтиб келди.

— Мана..

Пулни санадим.

— Бир маркаю эллик.

— Кўп валдираам... сўтаксан ҳали... Қайтиб келганим учун йигирма пфенниг меники бўлади! Қоидаси шунақа! Жўна!

Шундай ресторонлар борки, ҳақиқатан ҳам эшикбонга чойчақа беришади, фақат мижозни ўзи топса. Лекин ҳозир меҳмонни мен олиб келдим-ку.

— Кўпам сўтак эмасман, -- жавоб бердим унга, — мен бир маркаю етмиш пфенниг олишим керак.

— Калтак егинг келяптими?... Қани, йигитча, туёғингни шиқиллат. Бу ернинг тартиб-қоидасини сендан кўра яхши биламан.

Йигирма пфеннигга қўл силтаб қўя қолишим ҳам мумкин эди. Лекин эшикбоннингчув тусиришини хоҳламасдим.

— Бошимни қотирма, чўз қолганини, — дедим мен.

Эшикбон яшин тезлигига мушт туширди, рулда ўтирганим учун чап беролмадим, ҳатто қўлимни кўтаришга ҳам улгурмадим, бошим руль чамбарагига қарсилаб урилди. Аранг қаддими ростладим. Каллам ноғорадай фувуллар, бурнимдан қон оқарди. Эшикбон шопдай бўлиб тепамда турипти.

— Етадими, галварс?

Унга бас келолмаслигимни дарров фаҳмладим. Чидаш керак. Эшикбон мендан бақувват эди. Унга жавоб қайтарадиган вазиятда эмасман. Мошинада ўтириб мушт отолмайман — зарбанинг кучи бўлмайди. Мошинадан тушгунимча у мени дабдала қиласди. Аста қўз қирини ташладим. Нафаси юзимга урилиб турар, оғзидан пиво ҳиди анқириди.

— Яна бир туширсан — хотининг бева қолади.

Унинг гўштдор, лагандай юзига тикилдим. Қайси жойига мушт солишини чамаладиму иложислизигимдан бўғилиб кетдим. Қилт этмай ўтиарканман, башараси, худди катта қилиб кўрсатадиган ойнада кўрингандай, қўз олдимдан нари кетмас, юзидаги ҳар бир мўй, ҳар битта пужмоқ асабимни қўзгарди.

Полициячининг тесмир қалпоғи ярқиради.

— Нима гап?

Эшикбон ялтоқланиб қаддини ростлади.

— Тинчлик, жаноб полициячи.

У менга қаради.

— Ҳечқиси йўқ, — дедим мен.

— Юзингиз қон-ку.

— Урвоздим.

Эшикбон орқага тисарилди. Кўзлари мунофиқона йилтиарди. У мени сотишдан қўрқади, деб ўйлаётганди.

— Кетаверинг, — деди полициячи.

Газни босиб, бекатга қайтдим.

- Башарангни қара, — деди Густав.
- Фақат бурним, — шундай деб, бўлган воқеани гапириб бердим.

— Ҳозир бирга борамиз ўша ресторанга, — деди Густав. — Қачонлардир санитария ефрейтори бўлганиман. Ўтирган одамни уриш гирт ҳайвонлик-ку! — У мени ошхонага бошлаб кириб, муз сўради ва ярим соатча юзимни эпақага келтириш билан овора бўлди.

- Бошинг қалай? Лат емаганми? Бўлмаса вақтни кеткизмайлик.

Томми кириб келди.

- «Винета»нинг эшикбоними? Отнинг қашқаси-ку у. Нуқул муштлашгани муштлашган. Шу пайтгача бирор мушугини пишт демаган-да, шундан қутуриб кетган.

— Ҳозир «пишт» деб кўямыз, — деди Густав.

— Фақат ўзим, — дедим мен.

Густав менга ёвқараш қилди.

— Мошинадан тушгунингча...

- У ёнини ўйлаб қўйганиман. Агар уддалай олмасам, ёнимдасан-ку.

— Бўпти.

Густавнинг фуражкасини кийволдим, эшикбон ниятимизни пайқаб қолмаслиги учун унинг мошинасига ўтириджик. Дарров илғаши ҳам қийин — тор кўча қоронги.

Етиб келдик. Ресторан олдида ҳеч ким йўқ эди. Густав йигирма маркани ушлаганча мошинадан чиқди.

- Аксига олиб, майдам йўқ экан! Мана шуни майдалаб беромайсизми? Бир маркаю етмиш. Илтимос, тўлаворинг.

У ўзини касса томонга юргандай қилиб кўрсатди. Эшикбон ёнимга келиб, бир йўталди-да, қўлимга бир маркаю эллик пфеннигни қистирди. Қўлимни чўзиб туравердим.

— Жўна! — тўнгиллади у.

— Қолганини чўз, итвачча! — дедим мен.

У ҳангуга манг бўлиб қолди.

— Менга қара, — эшикбон тишларини гичирлатди, — шу тапинг учун бир йилгача пушаймон бўлиб юрасан! — Шундай леб, бирдан мушт қўтарди. Бу зарбадан ҳушдан кетишим мумкин ўли. Аммо мен ҳушёр туардим. Ўзимни ўнгга ташладим, кучининг борича отган мушти чап қўлимда сездирмай ушлаб турган киррали темирга тегди. Увой-войлаганча ўзини орқага ташлади. Огриқнинг зўридан тинмай бигиллар, ўзини ҳимоя қилишни қаёлига ҳам келтирмасди.

Мошинадан учиб чиқдим.

— Танияпсами? — ўшқирдим унга ва қорнига мушт солдим.

Гурс этиб йиқилди. Густав эшик олдида туарди. У, худди риинглаги ҳакамдай, санай бошлади.

— Бир, икки... уч...

«Беш» деганда эшикбон ўрнидан турди — түркі одамга ўштарди, холос. Олдинги галгидай, яна унинг юзига — каттакон, гүштдор, бефаришта, жирканч башарасига кўзим тушди. Рўпарамда ўпка касали нималигини билмайдиган соғлом, бақувват, чўчқа сифат йигит турарди. Бирдан кўзим қонга тўлди, унга ташланиб, ура кетдим. Кейинги куиларда ичимга йиғилиб қолган алам ништарларини унинг каттакон ва гўштдор юзига ботира бошладим. Сўнг Густав менин четга тортди...

— Эсинг жойидами, ўлдириб қўясан-ку! — деди у.

Эшикбонга ўгирилиб қарадим. У деворга суюниб турарди. Афти қонга белсанган. Кейин аста буқчайди-да, худди улкан маҳлуқдай, ерга қулади ва заррин уқали кийимида эмаклаганча ичкарига кириб кетди.

— Энди сал ўйлаб мушт кўтаради, — деди Густав, — қани, жилдик, ҳеч ким йўқлигига қўёни суриш керак. Бу қилмишинг оғир тан жароҳатига киради.

Биз пулни йўлга ташладик-да, мошинага ўтириб, жўнаб қолдик.

— Мендан ҳам қон кетяптими? — сўрадим ундан. — Ёки ановиндан суркалдимикин?

— Бурнингдан яна томчилаяпти, — деди Густав. — Чап юзинга тушириб қопти-да.

— Сезганим йўқ.

Густав кулди.

— Биласанми, — дедим унга, — ҳозир анча енгил тортдим.

## XVIII

Таксимиз қаҳвахона олдида турарди. Ленц билан ўрин алмасиши, ундан калит ва ҳужжатларни олиш мақсадида ичкарига кирдим. Готтфрид мен билан бирга чиқди.

— Даромад қалай бўлди? — сўрадим ундан.

— Ўртача, — жавоб берди у. — Гоҳ такси кўпайиб кетади, гоҳ йўловчи учрамайди... Ўзингда-чи?

— Ёмон. Кечаси билан юриб, йигирма марка ҳам ишламадим.

— Шароит оғир бўл қолди! — Готтфрид қошлиарини чимириди.

— Ҳозир шошмаяпсанми?

— Йўқ, нимайди?

— Бир жойга ташлаб ўт. Узоқ эмас.

— Майли.

Мошинага ўтиридик.

— Қайси томонга?

— Черковга.

— Нима? — қайта сўрадим ундан. — Черковга? Ё нотўғри эшитдимми?

— Йўқ, тўғри эшитдинг, болам, черковга!

Унга таажжубланиб қарадим.

- Ҳайрон бўлма. Юравер, — деди у.
- Юрсак юраверамиз-да.

Йўлна тушдик.

Черков эски шаҳар томонда, атрофи диндорлар яшайдиган ўйлар билан қуршалган очиқ майдонда жойлашганди. Улкан пештоқ остида тўхтадим.

- Юравер, — деди Готтфрид. — Орқасига айланаб ўт.

Орқа эшикка яқинлашганда у тўхташни ишора қилиб, мосинадан тушди.

— Ибодатинг қабул бўлсин! — дедим унга. — Шунинг учун келгандирсан, ахир.

- Мен билан юр.

Кулиб юбордим.

- Бугун эмас. Эрталаб ибодат қилганиман. Кечгача етади.

— Кўп валдирама, чирофим! Юр! Сенга ҳиммат қилиб, баъзи нарсаларни кўрсатаман.

Қизиқиб қолиб, унга эргашдим. Кичкина эшикдан киришимиз билан ибодатхонанинг усти берк улкан айвонига рўпара бўлдик. Боғнинг гир айланаси тош устунли қатор равоқлардан иборат. Ўртада Исо Масих михлангағ эски чорчўп. Деворлар сатҳида Оллоҳ висолига мушарраф бўлиш йўлидаги азоб-укубатлар акс эттирилган бўртма суратлар. Ҳар бир сурат қаршисига ибодатчилар учун узун курсилар қўйилган. Ташландиқ боғ гулга бурканиб ётипти.

Готтфрид шохлаб кетган оқ ва қизил атиргул буталарига ишора қилди.

- Карагин, танияпсанми?

Тўхтаб, анграйиб қолдим.

— Албатта танияпман, — дедим мен. — Демак, ҳосилни шу срдан кўтарган экансан-да, черков ўгриси!

Пат фрау Залевскининг пансионига кўчиб ўтмасидан бир ҳафта олдин Ленц Юпп орқали унга бир қулоқ атиргул жўнатади. Гул ниҳоятда кўп бўлгани сабабли Юпп уларни икки марта ташиб чиқади. Готтфрид шунча гулни қаердан олдийкин, деб роса бошим қотди. Одатини биламан — ўла қолса бозордан сотиб олмайди. Шаҳар боғида эса атиргул йўқ.

— Қойил! — дедим унга тан бериб. — Шу пайтгача эсга келмаганини қара!

Готтфрид кулди.

- Боғ эмас, олтин хазина бу!

У тантанавор қиёфада қўлини елкамга қўйди.

— Сени шерик қиласман! Менимча, бу жой ҳали кўп асқогади.

- Нега олдинроқ айтмадинг? — сўрадим мен.

— Чунки шаҳар боғи энди куриди-да. Сенинг бирдан-бир инсоннинг тонгигт ўша ер эди, шекилли,

## Мен бош силкидим.

— Ундан ташқари, — давом этди Готтфрид, — сен буржуй билан ҳақиқий йигит орасидаги фарқ күзга ташланадиган паллага киряпсан. Буржуй аёл билан қанча узоқ яшаса, унга бўлган эътибори кун сайин сусая боради. Ҳақиқий йигит эса, аксинча, тобора меҳрибон бўлаверади. — У кулочини ёзиб, гулзорга ишора қилди. — Мана бундай боғ мавжуд экан, сен йигитларнинг йигити бўласан.

## Кулиб юбордим.

— Яхшику-я, Готтфрид, — дедим мен. — Кўлга тушиб қолсам-чи? Бу ердан чиқиб кетиш осонмас, тақводорлар, муқаддас жойни оёқости қилдинг, деб мени дўппослашлари мумкин.

— Боласан-да ҳалиям, — жавоб берди Ленц. — Кўрмаяпсанми, тирик жон йўқ-ку? Урушдан кейин одамлар черковга эмас, сиёсий мажлисларга борадиган бўлиб қолишиди.

## Унинг гапида жон бор эди.

— Черковда ишлайдиган руҳонийлар-чи?

— Э, уларнинг гул билан иши йўқ, бўлмаса боғ шу аҳволга тушармиди? Сен бироннинг кўнглини олиш учун қиласан-ку бу ишни. Худонинг ўзи қўллайди.

— Тўғри! — шундай деб, дараҳтга ўҳшаб кетган гул буталарига қарадим. — Уч-тўрт ҳафтага етади.

— Кўпга етади. Омадли йигитсан-да. Булар атиргулнинг чидамли, узоқ гуллайдиган навлари. Камида сентябргача ошиғинг олчи. Ундан кейин астра билан хризантемалар очилади. Юр, кўрсатаман.

Боғни айланишга тушдик. Ҳамма ёқни атиргулнинг ҳиди тутиб кетган. Асаларилар жонли булатдай гулдан гулга кўчади.

— Асалариларга қара, — дедим тўхтаб. — Шаҳар марказида нима қилиб юришишти? Яқин-атрофда уялари йўқ-ку. Ёки руҳонийлар уларининг томида боқишармикин?

— Йўқ, жигарим, — жавоб берди Ленц. — Бирорта деҳқоннинг ҳовлисидан учиб келишган. Йўлни билишади-да, — у кўзларини қисди. — Лекин биз билмаймиз...

## Мен елкамни қисдим.

— Балки билармиз? Ҳеч бўлмаса қисқагина бир бўлагини биламиз-ку. Имкон қадар. Нима, сен билмайсанми?

— Йўқ. Билишни ҳам хоҳламайман. Олдингга мақсад қўйсанг, ҳаёт чекланиб қолади.

Мен черков минорасига қарадим. Сип-силлиқ, зангори гумбаз ложувард осмон остида кўҳна ва сукутга чўмгандай кўринарди.

— Тинчлигини қара, — дедим мен.

## Ленц бош силкиди.

— Ҳа, оғайни, мана шунаقا жойда яхши одам бўлиш учун фақат бир нарса -- вақт етишмаганини англаб қоласан. Ё гапим нотўғрими?

— Вақт билан осойишталик, — жавоб бердим мен. — Осоишишталик ҳам етишмаган.

Готтфрид күлди.

— Эңди кеч! Ҳозир осойишталика тоқат қилиб бўлмайди. Юр, кетдик! Ўзимизни яна шовқин-суронга урамиз.

Ленцини олиб бориб қўйиб, бекатга қайтдим. Йўлим қабристон ёндан ўтарди. Патнинг балконда, енгил креслода ястаниб ётганини билардим, икки-уч марта сигнал бердим. Жавоб бўлмади, кейин йўлимга равона бўлдим. Сал юрмай, фрау Хассени кўриб қолдим. У слкасига ташлаб олган шоҳи рўмолини ҳилпиратганча кўчани кесиб ўтди-ю, чапга бурилди. Борадиган жойини сўраш ниятида орқасидан юрдим. Аммо чорраҳага етганда унинг муюлишда турган бир лимузинга ўтирганини кўрдим. Бу йигирма учинчи йилда чиқарилган эски мерседес эди. Мошина шу заҳоти ўрнидан қўзғалди. Рулда ўрдакбурун бир киши ўтиради. Эгнида катак-катак костюм. Узоқлашаётган мошина орқасидан анча қараб турдим. Аёл киши ёлғиз ўзи уйда ўтираверса оқибати нима бўлишини кўриб, ичимдан зил кетдим. Кейин бекатга келиб, яна навбатга турдим.

Офтоб мошинани қиздирворганди. Навбат сурилай демасди. Уйку элита бошлади, жиндай мизғиволай дердим-у, аммо фрау Хассенинг қиёфаси кўз олдимдан нари кетмасди. Тўғри, тақдиримиз бошқача, лекин барибир Пат ҳам кун бўйи уйда ўтирадику.

Йўлкага чиқиб, олдинга, Густавнинг мошинасига қараб юрдим.

— Ма, ич, — деди у термосни узатиб. — Бебаҳо яхна ичимлик! Ўзим ихтиро қилганман — муз солинган қаҳва. Ҳар қандай иссиқда ҳам бир хил тураверади. Билиб қўй, Густав — ишбилармон одам.

Бир стакан яхдек қаҳва ичдим.

— Ишбилармон бўлсанг, қани айт-чи, — дедим унга. — Уйда ўтирадиган аёлни нима билан банд қилиш керак?

— Бундан осони борми! — Густав менга викор билан қаради.

— Фирт нодонсан, Роберт! Ё фарзанд керак, ё кучук! Шу ҳам муаммо бўлди-ю! Мендан қийинроқ нарсани сўра-да.

— Кучук?! — тақрорладим ажабланиб. — Рост, кучук керак! Тўғри айтдинг. Кучук билан ҳеч қачон зерикмайди одам!

Унга сигарета узатдим.

— Менга қара, қаердан топамиз кучукни? Шу кунда унчалик қиммат бўлмаса керак.

Густав таъна билан бош чайқади.

— Эҳ, Роберт, сен учун қанақа хазина эканимни ростдан ҳам билмас экансан! Бўлажак қайнотам итбоқарлар уюшмасининг иккинчи котиби. Ўшандан оламиз, ҳатто текинга оламиз. Зоти гозасидан. Бизда олтига кучувачча бор. Уларнинг бувиси медаль олган, Герта фон дер Тоггенбург.

Густав омадли йигит эди. Қайлигининг отаси фақат исковуч боқмасди, айни пайтда «Янги ҳужра» деган ресторанинг эгаси ҳам эди. Келиннинг эса аёллар кийимига бурма соладиган устахонаси бор эди. Густав фароғатда яшарди. Қайнотасининг ресторанида текинга овқатланар, уст-бошини эса келин ювиб, дазмоллаб бсрарди. Густав уйланишга шошилмасди, чунки тўйдан кейин ола хуржун бўйнига тушишини биларди.

Унга исковуч керакмаслигини айтдим. Исковуч катта, бунинг устига, феъл-автори ҳам яхши эмас. Густав андак ўйланиб турди-да:

— Мен билан юр, — деди. — Кўз остига олиб қўйганим бор. Фақат мен гапираман, сен жим турасан.

— Бўлти.

У менин кичкина дўконга бошлиб борди. Витринада сув ўтлари ўсиб ётган аквариумлар турарди. Яшикда бир жуфт деңгиз чўчкаси маъюс бош эгиги ўтирипти. Икки ёндаги деворга осилган қафасларда турли-туман кушлар чугурлади.

Истиқболимизга оёқлари қийшиқ, жигарранг камзул кийгани паст бўйли одам пешвоз чиқди. Кўзлари шилпиқ, ранги заҳил, бурни қип-қизил. Қисқаси, пиво билан шнапсга муккасидан кетган киши.

— Аста қалай, Антон? — сўради Густав.

— Иккинчи совриш, Кёльнда фахрли мукофот олди, — жавоб берди Антон.

— Бу қандай қабиҳлик! — Густав дарғазаб бўлди. — Нима учун биринчи эмас?

— Биринчи ўринни Удо Бланкеинфельсга беришди.

— Фирт сурбетлик! Муттаҳамлик!

Орқада, пештахта остида кучукваччалар винғилларди. Густав пештахта ортига ўтиб, майда ҳайвонларни овлайдиган иккита кучук боласини кўтариб келди. Чап қўлида оқ-қора, ўнгиде эса қизғиши-жигарранг кучук. Сездирмай ўнг қўлидагини силкитиб қўйди. Тикилиб қарадим: ҳа, менга маъқул.

Чиройли, қўғирчоқдай кучук эди. Оёқлари узун-узун, танаси чорпахил, боши думалоқ, кўзлари маъноли. Густав уни ерга қўйди.

— Фалати дурагай, — деди у. — Қаердан олдинг?

Антон Жанубий Америкага кетган қандайдир аёлдан олганини айтди. Густав ҳақоратомуз хоҳолади. Антон хафа бўлиб, қарийб Нуҳ кемасигача бориб қадаладиган шажара дафтарини кўрсатди. Густав беларво қўл силтаб, ола-була кучукка разм сола бошлади. Антон жигарранг кучукка юз марка сўради. Густав беш марка таклиф қилди. Унга кучукнинг катта буваси ёқмаганмиш, думи билан қулоқларида ҳам қусури бор эмиш. Ола-буласи дуруст, чидаса бўлади, деди Густав.

Мен бир четда туриб, қулоқ солардим. Бирдан кимдир шляпамини тортди. Бундай қарасам, сап-сариқ маймун боласи штанганинг бир четида мунғайиб ўтиради. Кўзлари қоп-қора, кам-

нирдаңан. Қорнига боғланған чарм камарнинг бир учи занжирига уланған. Қоп-қора құлчалари одамнікіга үхшайды.

Қимир этмасдым. Маймун штангадан аста олдимга эмаклаб келди. У мендан күз узмас, нигоҳида аллақандай умидворлик бор әди. Кейин ҳадиксираброқ бир құлни узатди. Мен бармоғимни кафтига тутдым. Аввалига ўзини орқага ташлади, сүнг ҳайиқибтіна ушлади. Бармоғимни ёш боланинг муздай құли қисиб туртаңдай бўлди. Назаримда, мурғаккина танага озодликка чиқишни хоҳлаётган баҳтсиз, соқов одамча кириб олгандай эди. Унинг муинг тўла кўзларига узоқ қараб туролмадим.

Ниҳоят, Густав шажара чангальзоридан ҳарсиллаб чиқиб келди.

— Демак, келишдик. Айтон! Шу кучугингга исковуч бераман, Гертанинг авлоди. Ҳаётиңгдаги энг омадли битим шу бўлади! — Кейин менга юзланди: — Ҳозир опкетасанми?

— Қанча туради?

— Ҳеч қанча. Сенга совға қилмоқчи бўлганим исковучга алмашяпти. Бунақа ишларни менга қўйиб беравер! Густав — мард ёрқак, тилла одам!

Кучукни ишдан кейин олиб кетадиган бўлдим.

— Қандай хазинани қўлга киритганингни биласанми? — сўрали у кўчага чиққанимиздан сўнг. — Камдан-кам учрайдиган кучук бу! Ирландияники! Бирорта нуқсони йўқ. Зоти тоза. Қўзига тик қарашта ҳам ботинолмайсан. Бу билан гаплашишдан олдин икки букилиб салом беришинг керак.

— Густав, — дедим унга, — мен учун катта иш қилдинг. Юр, озгинадан коњъяқ отайлик.

— Бугун иложим йўқ! — жавоб берди у. — Бугун қўлим қалтирамаслиги керак. Кечқурун спортчилар уюшмасида кегли ўйнайман. Бирор кун сени ҳам олиб бораман. Бамаъни одамлар йиғилишади, ҳатто катта амалдорлар ҳам келишади.

— Бўпти, — дедим мен. — Катта амалдорлар келмаса ҳам боравераман.

Соат олтиларда устахонага қайтдим. Кестер мени кутиб ўтирган экан.

— Жаффе қўнғироқ қилди, сени сўради.

Нафасим ичимга тушиб кетди.

— Бирор нарса дедими?

— Йўқ. Соат бешгача ўз шифохонасида беморларни қабул қиларкан, кейин Муқаддас Доротей шифохонасига бораркан. Ўша ёққа қўнғироқ қилармишсан.

— Маъқул.

Ичкарнга кирдим. Ҳаво иссиқ, ҳатто дим бўлишига қарамай, мени титроқ босганди. Қўлимдаги телефон гўшаги ҳам силкишарди.

— Яхшиликка бўлсин-да, ишқилиб, — стол четини маҳкамроқ ушладим.

Жаффенинг овози эшитилгунча анча вақт ўтди.

— Бўшмисиз? — сўради у.

— Ҳа.

— Унда тез келинг. Яна бир соатча шу ерда бўламан.

Патга бирор гап бўлдими, деб сўрамоқчи эдим-у, аммо тилим айланмади.

— Хўп, ўн минутда етиб бораман.

Гўшакни қўйдим, кейин яна уни кўтариб, уйга қўнгироқ қилдим. Телефонга Фрида келди. Патни чақиришни илтимос қилдим.

— Билмадим, уйдамикин, — деди у энсаси қотиб. — Ҳозир қараб кўраман.

Кутиб турдим. Бошим ғувуллар, юзим қизиб кетган эди. Кутишнинг охири йўқдай туюларди. Кейин Патнинг овози эшитилди:

— Робби!

Бир лаҳза қўзимни юмдим.

— Аҳволинг қалай, Пат?

— Яхши. Балконда китоб ўқиб ўтирибман. Жудаям қизиқ китоб.

— Ҳа, дуруст, қизиқ китоб дегин... Жуда соз. Бугун кечроқ бораман, шуни айтиб қўймоқчи эдим. Ўқиб бўлдингми китобингни?

— Йўқ ҳали. Ярмига келдим. Уч-тўрт соатда тугатаман.

— Бўпти, бемалол улгурман. Ўқийвер.

Устахонада яна пича ўтиридим. Кейин ўрнимдан турдим.

— Otto, — дедим мен. — «Карл»ни бериб турасанми?

— Албатта. Хоҳласанг, бирга борамиз. Ҳозир қиладиган ишим йўқ.

— Шартмас. Тинчлик экан. Уйга қўнгироқ қилдим.

«Қандай ажойиб ранг, — ўладим ичимда «Карл» кўчага оти-либ чиққач. — Томлар тепасидаги кунботар шафаги нақадар жозибали! Ҳаёт бунчалар ширин!»

Жаффени бир оз кутиб қолдим. Ҳамшира мени эски журнallар қўйилган кичкина хонага бошлаб кирди. Дераза токчасида чирмовиқ ўсиб ётган гулдонлар. Ҳуллас, таниш манзара: жигарранг муқовали ўша-ўша журналлар, чирмовиқли ўша-ўша гулдонлар; қайси дўхтирнинг қабулхонасига кирма, қайси шифохонага борма — шуларни кўрасан.

Жаффе кириб келди. Эгнида оппоқ ҳалат. Рўпарамга ўтирганида ўнг снгиишнинг ички томонидаги кичкина қизил доғга қўзим тушди. Ҳаётимда қонни кўп кўрганман, аммо бу тангадеккина доғ илгари мен кўрган жиққа қон боричлардан кўра юз чандон қаттиқ таъсир қилди. Бир зумда кайфиятим бузилди.

— Сиз билан фрейлейни Ҳольманинг саломатлиги тўғрисида гаплашмоқчи эдим, — деди Жаффе.

Мен бош силкиб, гулдор духода дастурхонга тикилдим. Дастьурхоннинг жимжимадор безакларидаи кўз узмай ўтиарканман, шундай қилсан, гўё мушкулим енгиллашадигандай туюларди.

— Икки йил муқаддам у олти ой санаторийда бўлган. Шундан хабарингиз борми?

— Йўқ, — дедим бошимни кўтармай.

— Ўшанда анча яхши бўп қолган эди. Бу гал жудаям синчиклаб кўздан кечирдим. Қишида тагин ўша санаторийга бормаса бўлмайди. Шаҳарда қолмагани тузук.

Нигоҳим ҳамон дастурхонда эди. Бирдаи унинг олти бурчакли нақшлари чаплашиб, айқаш-уйқаш бўлиб кетди.

— Қачон?

— Кузда. Октябрнинг охиридан кечикмай.

— Демак, бежиз қон қусмаган экан-да?

— Албатта. Ўзингиздан қолар гап йўқ, — давом этди Жаффе.

— Бу шундоқ дардки, олдиндан бир нарса деб бўлмайди. Бир йил бурун касалликнинг зўрайиши тўхтаб, хасталик чашмаси қуригандай туюлган эди менга. Аммо яқинда, ўзингиз гувоҳ бўлдингиз, кутилмаганда дард яна кўзиди, худди шундай нохосдан тўхтаб қолиши ҳам мумкин. Буни бекорга гапираётганим йўқ, — ростдан ҳам шунақа касаллик бу. Даррдан буткул фориғ бўлиб кетганиларни ҳам кўрганман.

— Аммо бунинг аксини ҳам кўргаисиз-да?

У менга тикилиб қаради.

— Албатта, шунақаси ҳам бўлган.

Жаффе менга тафсилотларини тушунтира бошлади. Ўпканинг иккала томони жароҳатланган — ўнги камроқ, чали кўпроқ. Кейин қўнифироқ тумачасини босди. Ҳамшира кирди.

— Портфелимни опкелинг, — деди у.

Ҳамшира портфелни олиб кирди. Жаффе шилдироқ конвертлардан иккита рентген суратини олиб, ёруқка тутди.

— Шунда яхшироқ кўринади.

Силлиқ, кулранг тасмада умуртқа, курак, ўмров, елка суякчари ва ёйдай эгилган қовурғалар кўзга ташланарди. Лекин мен кўпроқ нарсани — бутун бошли скелетни кўраётгандим. У тасмадаги хира соялардан бутунлай фарқ қиласарди. Мен Патнинг скелетини кўриб туардим. Патнинг скелети.

Жаффе пинцет билан айрим чизиқлар ва қора доғларни кўрсануб, тушунтира бошлади. Гапларига энди қулоқ солмаётганимни найқамади. Ҳозир мен учун у далил-исботни хуш кўрадиган олим эми, холос. Ниҳоят, менга бурилиб қаради.

— Тушундингизми?

— Ҳа, — дедим мен.

— Нима бўлди сизга?

— Ҳеч нарса бўлгани йўқ. Негадир кўзим яхши кўрмаяпти.

— Э, шундайми! — У кўзойнагини тўғрилади. Сўнг рентген суратларини конвертга солиб, менга синовчан назар ташлади. — Беҳуда хаёлларга берилманг.

— Хаёлга берилганим йўқ. Лекин қандай кўргилик бу! Миллионлаб одамлар соппа-соғ юрипти-ку! Келиб-келиб Пат касал бўладими?

Жаффе андак сукут сақлаб турди.

— Бу саволингизга ҳеч ким жавоб беролмайди, — деди у ниҳоят.

— Ҳа! — хитоб қилдим бирдан жазавам тутиб, — ҳеч ким жавоб беролмайди! Ҳеч ким! Ўлим ва азблар учун ҳеч ким жавоб бермайди! Қандай даҳшат! Қанийди бирор чораси топила қолса!

Жаффе менга узоқ тикилди.

— Узр, — дедим мен. — Ўзимни алдаёлмайман. Бутун фожия шунда.

У ҳамон мендан кўз узмасди.

— Озгина вақтингиз борми? — сўради у.

— Бор. Вақтим кўп.

Жаффе ўрнидан турди.

— Ҳозир кечки кўрик ўтказаман. Сиз ҳам ёнимда бўлсангиз. Ҳамшира халат беради. Беморлар учун месинг ёрдамчимсиз.

Унинг мақсадига тушунмадим. Лескин ҳамшира узатган халатни олдим.

Узун йўлакдан юриб кетдик. Катта-катта деразалардан ботаётган қуёшининг пуштиранг нури тушиб турарди. Бирам майин, бирам беозор, парқудай енгил нур эди бу. Йўлак аргувон ҳидига тўлиб кетганди.

Жаффе эшиклардан бирини очди. Димоқقا бадбўй ҳид урилди. Кечки шафак чиройли, тилларанг соchlарида жилоланаётган бир аёл аранг қўлини кўтарди. Қўзларининг остидан оғзига қадар дока боғланганди. Жаффе эҳтиётлик билан боғични ечди. Аёлнинг бурни йўқ эди. Бурун ўрнида қасмоқ боғлаган қип-қизил яра, яранинг ўртасида бир жуфт тешик. Жаффе докани яна боғлаб қўйди.

— Яхши, — деди у очиқ чехра билан ва изига қайтди.

Йўлакда бир лаҳза тўхтаб, осмонга қарадим.

— Юринг, — деди Жаффе навбатдаги эшикка йўл оларкан.

Иситмалаб ётган bemornining калта-калта нафас олиши эшилди. Эркакнинг бўғриқиб кетган юзи қизил доғлар билан қопланганди. Оғзи очиқ, қўзлари ўйнаб чиққан, қўллари тинимсиз адслни пайпаслайди. У беҳуш эди. Каравоти ёнида ҳамшира китоб ўқиб ўтирипти. Жаффени кўриб, ўрнидан турди. Профессор ҳарорат варақасига қаради. Нуқул қирқ даража ёзилганини кўриб, бош чайқаб қўйди.

— Иккала ўпкаси яллигланган, бунинг устига зотилжам. Бир ҳафтадан бўён ўлим билан олишади. Дарди қайта қўзиган. Соғанийиб кетган эди. Ишга барвақт чиққан. Хотини, тўртта боласи бор. Тузалиши даргумон.

Жаффе беморнинг юрагини эшитиб кўрди, томир уришини текширди. Ҳамшира ёрдамлаша туриб, китобни тушириб юборди. Дарров олдим — пазандалик ҳақидаги китоб экан. Беморнинг бармоқлари ҳануз адёлни тимдаларди. Хонада фақат шунинг шарниси эшитиларди, холос.

— Кечаси ёнила қолинг, ҳамшира, — деди Жаффе.

Ташқарига чиқдик. Шафақ шуъласи қуюқлашиб, йўлакни бутунлай қоплаб олган эди.

— Шуълани қаранг! — дедим мен.

— Нима қипти?

— Файритабиий маизара. Бир томонда чиройли шафақ, бир томонда азоб-уқубат.

— Лекин булар бор нарсалар-да, — деди Жаффе.

Навбатдаги хонада кундузи келтирилган аёл ётарди. У уйку лоридан қаттиқ заҳарланган. Хириллаб, базур нафас оляпти. Бир кун олдин баҳтсиз ҳодиса юз берган — эри умуртқасини синдирилган. Уйга олиб келишганда эс-хуши жойида бўлган, шўрлик роса додлаган. Кечаси жони узилган.

— Аёл тузалиб кетадими? — сўрадим мен.

— Эҳтимол.

— Нима кераги бор?

— Кейинги йилларда бешта шунақа ҳодисага гувоҳ бўлиб турибман, — деди Жаффе. — Шулардан биттаси иккинчи марта жонига қасд қилган. Иккитаси эса қайтадан турмушга чиққан.

Яна бир хонада ўн икки йилдан бўён фалаж бўлиб ётган эркакка дуч келдим. Юзи заъфарон, сийрак соқоли қоп-қора, катта-катта кўзлари тамомила хотиржам.

— Қалайсиз? — сўради Жаффе.

Бемор мавхум ишора қилди. Кейин деразани кўрсатди.

— Осмонга қаранг! Ёғади, сезиб турибман. — У жилмайди. — Ёғир пайтида яхши ухлайди одам.

Кўксида, адёл устида чармдан ясалган шоҳмот таҳтаси, доналарнинг ўзаги темирдан. Шу ернинг ўзида бир даста газета ва китоблар.

Хонама-хона юришда давом этдик. Ҳар бир хонада даҳшатли маизарага дуч келардим: туғиш азобидан лаблари кўкариб, кўзларига ваҳима чўккан ёшгина жувон; ингичка оёқлари акашак бўлиб кўкариб қолган мечкай бола; ошқозони олиб ташланган эркак; тезроқ ўла қолмагани учун яқинлари юз ўғирган бойқушбашара кампир; яна кўзи очилишидан умидвор ожиз аёл; афтини заҳм тошмаси қоплаган бола билан унинг ёнида ўтирган ота; эрталаб иккинчи кўкраги ҳам кесиб ташланган она; бўғим бодидан қадли букилиб қолган аёл; тухумдонидан маҳрум бўлган яна бир хотин; буйраклари лат еган ишчи.

Шу тариқа хонама-хона юравердик, ҳамма ерда шу аҳвол — оҳ-воҳ, титраб-қақшашётган таниалар, чангак бўлиб қолган ва деярли хаёт чироги сўнгани кўланкалар, азоб-уқубат, кўркүв, итоат-

корлик, оғриқ, түшкүнлик, умид ва эҳтиёжнинг адоқсиз ҳалқалари. Ҳар гал йўлакка чиққанимизда бизни яна ўша шафақ ёғудуси, майин тилларанг булат қарши оларди. Бир нарсага тушунолмасдим: нима бу — табиатнинг бешафқат масхарасими ёки инсон иродасидан кучлироқ, ақл бовар қылмайдиган тасаллим? Жаффе жарроҳлик хонаси олдида тұхтади. Эшикнинг хира ойнасидан ёруғ тушиб турарди. Иккى ҳамшира пастак аравачани фиддиратиб ўтишди. Үнда аәл киши ётарди. Нигоҳини илғадим. У мепта қарагани ҳам йўқ. Аммо бу кўзларда шу қадар журъат, шайлик ва хотиржамлик мужассам эдики, бсихтиёр этим жунжикиб кетди.

Жаффенинг чехрасида ҳорғинлик аломатларини сездим.

— Билмадим, тўғри қилдимми-йўқми, — деди у, — лескин сизни қуруқ сўзлар билан юпатиб бўлмасди. Менга ишонмасдингиз. Мана энди, ётган одамларнинг аҳволи Хольманникидан оғирроқ эканини ўз кўзингиз билан кўрдингиз. Уларнинг умид қилишдан бошқа чоралари йўқ. Лескин кўплари тузалади. Ҳеч нарса кўрмагандай бўлиб кетади. Сизга мана шуни англатмоқчи эдим.

— Тўғри иш қилдингиз, — дедим мен.

— Тўққиз йил муқаддам хотиним вафот этган. Йигирма беш ёшда эди. Соғлиғидан шикоят қилмасди. Гриппдан кетди. — У бир оз жим бўлиб қолди. — Буни нима учун гапираётганимни тушундингизми?

Мен бош силкидим.

— Айтмоқчиманки, олдиндан бир нима деб бўлмайди. Ўлим тўшагида ётган бемор соппа-соғ одамдан узоқроқ яшши мумкин. Ҳаёт — ғалати нарса. — Унинг юзидағи ажинлар яққолроқ кўзга ташланди. Ҳамшира кириб, қулоғига бир нарсалар деди. У қаддини ростлаб, жарроҳлик хонасига ишора қилди. — У ёққа боришим керак. Ташвишланаётганингизни Патга сездирманг. Энг муҳими шу. Кўлингиздан келадими?

— Келади, — дедим мен.

Жаффе мен билан хайрлашиб, ҳамшира ҳамроҳлигига ойнаванд эшикдан ёп-ёруғ жарроҳлик хонасига кириб кетди.

Зинапоядан аста пастга туша бошладим. Тушганим сайин қоронғилаша борар, иккинчи қаватда электр чироқлари ёқилганди. Кўчага чиққач, яна уфқдаги шафақ учқунларини кўрдим. Гўё осмон чуқур нафас олгандай эди. Кейин қизғиши ранг ғойиб бўлиб, уфқ кулранг тусга кирди.

Мошинада бир нуқтага тикилганча анча пайт ўтирдим. Ҳаёлимни бир ерга жамлаб олгач, устахонага қараб жўнадим. Кестер дарвоза олдида кутиб турган экан. Мошинани ҳовлига қўйиб, қайтиб чиқдим.

— Шу гапдан хабаринг бормиди? — сўрадим ундан.

— Ҳа. Жаффе, ўзим айтаман, деганди.

Кестер юзимга тикилди.

— Отто, ёш бола эмасман, ноумид — шайтон, деган гап бор. Лекин бугун Пат билан ёлғиз қолсам, ҳолатимни сездириб құйманми, деб құрқаман. Эртагача сал ўзимга келволаман. Кеч-куруп биргалашиб бирор жойга борайлик, нима дейсан?

— Жуда соз, Робби. Ўзим ҳам шуни ўйлаб, Готтфридни огох-лантириб қўйган эдим.

— Бўлмаса, «Карл»ни яна бериб турасан. Уйга бориб, Патни оламан-да, бирор соатлардан кейин шу ерга келаман.

— Бўпти.

Уйга қараб жўнадим. Николайштрассега етганда кучук эсимга тушиб қолди. Орқага қайтдим.

Дўкон қоп-қоронғи, лекин эшик очиқ эди. Антон дўкопнинг ичкарисида, буклама каравотда ўтиради. Қўлида шиша. Үндан арақ заводининг ҳиди келарди.

— Густав мени лақиллатиб кетди, — деди у.

Кучук олдимга чопиб келиб, қўлимни ҳидлади, сўнг ялай бошлиди. Мовий қўзларида кўчадан тушиб турган нур йилтилларди. Антон ўрнидан турди. Бешиктебратардай чайқаларди. Бирдан йиғлаб юборди.

— Кучуккинам, овунчоғим... энди сен ҳам кетасанми? Ҳаммангиз мени тарқ этяпсиз... Тильда ўлди... Минна кетди... Айтинг-чи, нимага яшаб юрибмиз ўзи?

Оббо, шуниси етмай турувди! У хира, кичкина лампочкани ёқди. Қафасдаги тошбақа ва қушлар, дўкон ичидаги юзи салқиган, паст бўйли киши гира-шира қўзга ташланди.

— Бели бақувватлар нима учун яшаётганини билади, лекин биз нима қилиб юрибмиз? Гапиринг, жаноб... биздақа шўрпспоналар яшаб нима қиласди?

Маймун чийиллаб, штанганинг у бошидан-бу бошига бориб келарди. Деворга тушиб турган баҳайбат сояси гоҳ у ёққа ўтади, гоҳ бу ёққа.

— Коко, — ҳиқиллади кайфи ошиб қолган Антон, — бу ёққа кел, ёлғизим! — Кейин маймунга шиншани узатди. Маймун шишанинг бўғизидан чангллади.

— Ичирсангиз, жонвории нобуд қиласиз, — дедим мен.

— Нобуд бўлса бўлар, — тўнғиллади у. — Занжирда бир йил кўпроқ турди нимаю камроқ турди нима... Барибирмасми... э, жаноб...

Кучук оёғимга ёпишиб олганди. Изимга қайтдим. У ёнимда пилдираганча мошина олдига келди.

Уйга қайтиб, аста тепага кўтариладим. Кучукнинг бўйига арқон боғлаб олгандим. Йўлакда тўхтаб, қўзгуга қарадим. Юзимда узгариш йўқ. Патнинг эшигини тиқиллатдим, сўнг қия ошиб, кучукни қўйиб юбордим. Ўзим эса арқоннинг бир учини ушлаганча йўлакда қолдим. Аммо Патнинг овози эмас. фрау Залевскининг ёркакшода товуши эшитилди:

— Ё алҳазар!...

Анча сингил тортиб, хонага мұраладим. Пат билан дастлабки дақықаларда ёлғиз қолишидан құрқаётгандым. Энди бундан чүчимасам ҳам бўлади. Яхшиям, фрау Залевски бор. У стол ёнида савлат тўкканча қаҳва ичиб ўтиради. Олдида қарталар бетартиб сочилиб ётипти. Пат унинг пинжига кириб, башоратларига киприк қоқмай қулоқ соляпти.

— Салом, — дедим хуррам оҳангда.

— Ана, ўзлари ҳам келдилар, — деди виқор билан фрау Залевски. — Оқшом чоғи яқин йўл билан... Ёнларида қора қирол.

Кучук оёғим тагида бир оз пилдиради-да, вовуллаганча хонанинг ўртасига чопиб борди.

— Во-ой! — қичқириб юборди Пат. — Ахир бу Ирландиянинг овчи кучуги-ку!

— Билимингга қойилман! — дедим мен. — Бир неча соат олдин буни ўзим ҳам билмасдим.

У энгашган эди, кучук олдига чопиб борди.

— Исми нима, Робби?

— Билмайман. Собиқ ҳўжайинига қараб тусмолласақ, «Арак» ё «Конъяк» бўлиши керак.

— Энди бизникими?

— Ҳа. Бир тирик жонга иккинчиси қанчалик эгалик қилиши мумкин бўлса, шу даражада бизники.

Пат суюниб кетди.

— Исмини Билли қўямиз, майлими, Робби? Ойим ёшлик пайтида Билли деган кучуги бор экан. Раҳматли, кўп гапиради.

— Демак, опкелиб яхши қипман-да?

— Зоти тозамикин? — деди фрау Залевски ташвишланиб.

— Шажараси князларницидан қолишмайди, — жавоб бердим мен. — Князлар покдомон бўлишади-ку.

— Ёшлик пайтида... Ёши неччиди?

— Саккиз ойлик. Одамзотнинг ўн олти ёшига тўғри келади.

— Менимча, тозага ўҳшамайди, — деди фрау Залевски.

— Чўмилтириш керак, вассалом.

Пат ўрнидан туриб, фрау Залевскини елкасидан кучди. Оғзим очилиб қолди.

— Кўпдан бўён кучукни орзу қилардим, — деди у. — Қолдирмаз, а? Қаршимасмисиз?

Онахон Залевски уни таниганимдан бери биринчи марта довдираф қолди.

— Майли... қолса қолар... — деди у. — Қарта ҳам шуни кўрсатиб турувди. Ахир қирол уйга кутилмаган совға опкелади-да.

— Қарта бугун бир жойга боришимизни кўрсатмадими? — сўрадим мен.

Пат кулиб юборди.

— Буни ҳали аниқлаганимизча йўқ, Робби. Биз сен ҳақингда фол очаётган эдик.

Фрау Залевски ўрнидан туриб, қарталарни йигиштириди.

— Бунга ишонса ҳам бўлади, ишоимаса ҳам. Марҳум Залевскига ўхшаб, тескарисига ишониш ҳам мумкин. Унинг сув солинги стакани устида ҳар доим тўққизлик қарға бўларди... бу ёмонлик аломати-да. Шунинг учун, сувдан эҳтиёт бўлишим керак, дерди нуқул. Ҳамма гап шнапс билан пивога бориб тақаларди.

Фрау Залевски чиқиб кетгач, Патни бағримга босдим.

— Уйга келганда сени кўриб хурсанд бўлиб кетаман. Ҳар гал бу мен учун кутилмаган янгиликдай туюлаверади. Зинапоядан кўтарилиб, эшикни очгунча юрагим пўкиллаб туради: ишқилиб, рост бўлсин, дейман ўзимга ўзим.

У менга жилмайиб қаради. Бу хилдаги гапларимга ҳеч қачон жавоб қайтармаган. Дарвоқе, мен ҳам ундан жавоб кутмаганман. Бир нарса деса, қайтанга менга ёқмасди. Аёл киши эркакка севгиги изҳор этмаслиги керак. Бу ҳақда унинг чақнаб турган бахтиёр кўзлари гапирсии. Кўз икрори ҳар қандай сўздан афзалроқ.

Уни ҳадетанда бағримдан бўшатмадим, баданининг ҳарорати ва соchlарининг муаттар ҳидидан роҳатланардим. Ҳа, бўшатмадим, зоро шу тобда менга ундан кўра азизроқ кимса йўқ эди, у шу ерда, яшаяпти, нафас оляяпти, демак, ҳеч нарса йўқотилгани йўқ.

— Ҳозир кетамизми, Робби? — сўради у мендан кўзларини узмай.

— Ҳаммамиз, — жавоб бердим унга. — Кестер билан Ленц ҳам. «Карл» пастда турилти.

— Билли-чи?

— Опкетамиз, албатта. Қолган овқатни нима қиласми? Ёки тамадди қилиб бўлдингми?

— Йўқ, ҳали. Сени кутдим.

— Мени кутмаслигинг керак. Ҳеч қачон. Кутишдан ёмони йўқ. У бош чайқади.

— Сен буни тушунмайсан, Робби. Кутадиган одаминг бўлмагани ёмон.

У кўзгу ёнидаги чироқни ёқди.

— Энди кийинволай, кечикмайлик тағин. Сен ҳам кийинласанми?

— Кейин, — дедим унга. — Менини осон-ку. Яна бир оз шу ерда ўтирай.

Кучукни олдимга чақириб, дераза ёнига қўйилган креслога ўтирдим. Патининг кийинишини томоша қилишини хуш кўрардим. Аёл кишининг кўзгу рўпарасида оҳиста ивирисиши, унга ўйчан тикилиб, ўз аксига сингиб кетиши, ўз жинсини гайришуурый бир тарзда ҳис этиб туриши — фалати манзара. Худли мана шу лақиқаларда аёл зотининг белал, англаб бўлмас сир-синоати яққол намоён бўлади. Аёлнинг жавраб ёки хохолаб туриб кийинишини тасаввур қилолмайман. Агар шундай қилса, демак, унда

афсункорлик ва назокат етишмайды. Патнинг кўзгу олдидағи нағис ва силлиқ ҳаракатларини ёқтирадим. Сочини ораста қилиши ёки қаламни, худди камон ўқидай, авайлабгина қошига текизишини мароқ билан кузатардим. Шундай пайтда у охуга ҳам, абжир қоплонга ҳам, жангта шайланадиган чаваңдоға ҳам ўшаб кетарди. Теварак-атрофидаги ҳамма нарсани унутарди. Фикрини бир нұқтага жамлаб, ўз аксига дикқат билан тикилар, кўзгуга юзини яқин олиб боргаңда эса ойнада акс эмас, балки бир-бирини яхши тушунадиган икки аёл рўпарама-рўпара турволиб, ўзаро қаттиқ ва синовчан кўз уриштираётганга ўшарди.

Очиқ деразадан хонага кечки шабада кириб турарди. Қимир этмай ўтирадим. Жаффе билан учрашувимизнинг бирон тафсилотини унутмагандим, бары ёдимда эди, аммо Патга қараб туриб, юрагим тубига чўккан андух аллақандай умид билан қоришиб, бутун вужудимни қайтадан забт этаётганини, қайфу, ишонч, шамол, оқшом ва ҷароғон кўзгуда акси намоён бўлиб турган сулув қиз — бары айқаш-уйқаш бўлиб кетаётганини равшан ҳис этардим; эҳтимол ҳаёт, чинакам ҳаёт ва баҳт шудир, балки ғамғусса, қўркув ва унсиз иқрор омухта бўлган муҳаббат мана шунинг ўзидир...

## XIX

**М**ен бекатда, такси ёнида турардим. Густав келиб, мошинасидан тушди.

— Кучугинг қалай, Роберт? — сўради у.

— Михдай.

— Ўзинг-чи?

Мен қўл силтадим.

— Дурустроқ пул топганимда ўзим ҳам михдай бўлардим. Афсуски, кун бўйи иккита мижоз чиқди, ҳолос, улар ҳам эллик пфенниглик жойга боришли. Тасаввур қиляпсанми?

У бош силкиди.

— Ҳа, кун сайин баттар бўляпти. Бу ёғига нима қиламиш, ҳайронман.

— Мен пул ишлашим керак, — дедим унга. — Айниқса, ҳозир! Кўп пул керак менга!

Густав чаккасини қашлади.

— Шунақа дегин... Ҳозир кўп пул ишлаш осонмас, Роберт. Ҳом хаёл бу. Фақат чайқовчилик қилиш мумкин. Отларга пул тикиб, баҳтимизни синаб кўрмаймизми? Бугун пойга бор. Аида-га пул тикиб, ютволдим.

— Менга фарқи йўқ. Пул топсам бўлди.

— Ҳеч борганимисан ўшанақа жойга?

— Йўқ.

— Унда омадинг келади. — У соатига қаради. — Кетдикми? Улгуромиз.

— Майли! — күчүк воқеасидан кейин Густавга ихлосим ортган эди.

Гаров шарти тузиладиган бюро каттакон бинога жойлашган экан. Ўнг томонда тамаки дўкончаси, чап ёқда отларга пул тикиб ўйнаши уюштирадиган бюро. Витрина кўк ва пуштиранг спорт газеталари ҳамда пойгалар тўғрисидаги эълонларга тўла. Деворнинг бир томони бошдан охиригача пештахта. Унга ёзув анжомлари қўйилган. Пештахта ортида уч эркак. Уларнинг бош қашишга вақти йўқ. Бири телефонга бақиряпти, бири аллақандай қозозларни кўтарволиб, у ёқдан-бу ёқса йўргалайди, яна биттаси, енги шимариғлик оч бинафшаранг қўйлак кийган ва қаншарига декчасимон қалпоқ қўндириб олган эркак эса тик турганча тикилган пулларни ёзяпти. Оғзида обдан чайналган, қопкора «Бразиль» сигараси.

Бино ичи гавжум. Бари «кичкина одамлар» — хунармандлар, ишчилар, майда амалдорлар, фоҳиша ва қўшмачилар. Остонадан ҳатлашимиз билан бизни оёғига исқирт гамаш, эгнига эски белбурма камзул кийган бир одам тўхтатди.

— Фон Билинг. Қайси отга пул тикишни маслаҳат беришим мумкин. Тўла кафолати бор, жаноблар!

— У дунёда маслаҳат берасан, — жавоб берди Густав. У бу срга келиб, тамом ўзгариб кетган эди.

— Эллик пфенниг кифоя, — деди Билинг хирагини қўймай. — Тренерлар билан шахсан танишман. Эски замонлардан бери танишман, — қўшиб қўйди менга қараб.

Густав отлар рўйхатини ўқишига киришиди.

— Отейлдаги пойга тўғрисидаги ахборотнома қачон чиқади?

— Соат бешда, — жавоб берди ёзув-чиズув қилиб ўтирган одам.

— Филомена — зўр бия, — деди Густав. — Айниқса, чопиш авжига чиқсан пайтда. — У ҳаяжонланиб терлаб кетганди. — Ксайнинг пойга қаерда?

— Хоппегартенда, — деди кимдир.

Густав рўйхатни варақлашда давом этди.

— Олдинига Тристанга икки чақадан тикамиз. Шу от маррага бирийчи бўлиб келади.

— Отни отдан ажратоласанми? — сўрадим ундан.

— Бўлмасам-чи! — деди Густав. — Туёғини кўрибоқ, қанақалигини айтиб бераман.

— Наҳотки Тристанга тиксангиз? — ажабланди шу ерда турганлардан бири. — Фақат Тиришқоқ Лизхенга умид боғлаш мумкин! Жонни Бэрнс билан шахсан танишман.

— Мен бўлсам, — жавоб берди Густав. — Тиришқоқ Лизхен турадиган отхонанинг эгасиман. Сиздан яхши биламаг.

Густав пештахта ортида турган одамга қанча пул тикишимизни айтди. Паттани олиб, стол-стуллар қўйилган жойга бордик. Атрофдан отларнинг ҳар хил лақаблари эшитилиб турарди. Уч-тўртта ишчи Нижнадаги чопқир отлар хусусида баҳслашар-

ди, иккита почта хизматчиси Парижнинг об-ҳавоси билан қизиқялти, қандайдир извошли қачонлардир ўзининг чаваидоз бўлганини айтиб, оғиз кўпиртирияпти. Сочлари тиканак семиз бир одам стол ёнида ўтириб, оғзига кетма-кет булочка тиқяпти. Атрофидагиларга парвойи фалак. Иккита одам деворга суюнганча ундан кўз узмайди. Иккаласининг ҳам қўлида патта, кўринишидан бир ҳафтадан бўён туз тотмаганга ўхшайди.

Телефон жиринглаб қолди. Ҳамма нафасини ичига ютди. Пештахта ортидаги одам отларнинг лақабини айтиб қичқира бошлади. Тристанни тилга олмади.

— Соломон биринчи бўл кепти, — деди Густав қип-қизарип. — Лаънати! Ким ўйлапти дейсан! Сизмасми? — у «Тиришқоқ Лизхен»га зарда билан қаради. — Ҳар турли ипириски отларга пул тикишни сиз маслаҳат берәётган эдингиз шекилли...

Фон Билинг ёнимизга келди.

— Менга қулоқ солмадинглар-да, жаноблар... Мен Соломонни айтган бўлардим. Фақат Соломонни! Агар хоҳласанглар...

Густав бу гапга эътибор бермади. Икковлари отлар хусусида гурунглаша бошлаши.

— Отларнинг фарқига борасизми? — сўради Билинг мендан.

— Йўқ.

— Унда тикаверинг. Қўрқманг. Фақат бугун, — қўшиб қўйди у пицирлаб, — қайтиб бу ўйинга аралашманг. Ҳозир тикавсинг. Ҳўп денг! Қирол Лиргами, Кумуш Каягами, Самовий Фурсатгами — фарқи йўқ. Менга пулингиз керакмас. Ютсангиз, атаганингизни берарсиз... — У ўйинга қизиқиб кетган, ияги титраб турарди. Қарта ўйинидан биламанки, янги қўшилгап одам ютади.

— Бўлти, — дедим мен. — Қайсинга тикай?

— Хоҳлаганингизга... Фарқи йўқ...

— Самовий Фурсатга кўнглим чопляпти, — дедим мен. — Шунга ўн марка тикаман.

— Эсинг жойидами? — деди Густав.

— Жойида.

— Аллақачон гўштга топширилиши керак бўлган қирчангига ўн марка тикасанми?

«Тиришқоқ Лизхен» ҳозиргина Густавни жаллод деб турган эди, негадир бу гал унинг ёнини олди:

— Э, қўйинг-э! Шунга пул тикасизми? Сигир нимаю у нима! Май Уйқуси ундан икки оёқлаб ўзиб кетади! Биринчи ўринга тикмоқчимисиз?

Билинг менга афсунгардай қаради.

— Албатта, — жавоб бердим мен.

— Эсизгина пул! — «Тиришқоқ Лизхен» менга ижирғаниб қаради.

— Тентак! — деди Густав худди рўпарасида ёввойи одам тургандай. — Жипси II га тикиш керак. Бу ёш болага ҳам кундай равшан.

— Гапим ган. Самовий Фурсатга тикаман, — дедим мен. Орқага қайтиш омадли янги ўйинчиларнинг сирли қонунларига тўтири келмаслигини биламан-да.

Бинафишаранг кўйлак кийган киши патта ёзиб берди. Густав билан «Тиришқоқ Лизхен» менга худди ўлат теккан беморга қарандай қаравади. Улар намойишкорона мендан узоқлашиб, ўзаро қизгин баҳслашаётган бир тўда одамлар сафига кўшилишди. Густав Жипси II га, Билинг эса Май Ўйкусига пул тикиди.

Шу пайтда кимдир турс этиб йиқилди. Бу стол ёнида деворга суюнгич турган озғин икки кишининг бири эди. У ҳолдан тойиб, қулаганди. Почта хизматчилари уни кўтариб, стулга ўтқазишиди. Рангига қараб бўлмасди. Оғзи ним очиқ.

— Ё парвардигор! — деди сочи силлиқ тараалган буғдоранг фоҳиша. — Сув опкелинглар!

Ҳалиги одам ҳушидан кетди, аммо бу ҳеч кимни ташвишга солмади. Кўпчилик унга бешарво бир назар ташлардии яна пештакта томонга қаради.

— Бунақа ҳодиса тез-тез бўлиб турди, — деди Густав. — Ишсизлар булар. Охирги чақаларини тикишади. Ўинни тикиб, мингни орзу қилишади. Пул ўлсин-а!

Извошчи тамаки дўконидан бир стакан сув келтирди. Қора соч фоҳиша рўмолчасини хўллаб, унинг пешонаси ва чаккала-рига босди. Бемор чуқур хўрсиниб, кўзларини очди. Фалати бўлиб кетдим: мурданикӣдай қонсиз юз ва катта-катта очилган кўзлар, — тўғे кулранг ниқоб кертигидан аллақандай номаълум мавжудот қараб тургандай.

Қиз стаканни олиб, унга сув ичирди. Худди болани авайландай, бир қўли билан бошини кўтариб турди. Кейин столдан тиканак сочли очофатнинг булочкасини олди.

— Ма, е... фақат шошма... шошма... бармоғимни тишливаласан... ха, яхши, энди сув ичвор...

Стол ёнида ўтирган одам булочкасига бир қарадию, ҳартугул индамади. Бемор аста-секин ўзига кела бошлади. Юзига қон ютурди. Салдан кейин бир амаллаб ўрнидан турли. Қиз уни эшиккача кузатиб борди. Сўнг атрофига бир аланглаб, сумкачасини очди.

— Ма... энди жўна... Сен овқатланишинг керак, гаров ўйнашга бало борми...

Қизга орқа ўгириб турган қўшмачилардан бири бурилиб қаради. Қулоқлари катта, қирғийбурун. Оёғида ялтироқ туфли, босшида спортчилар кёпкаси.

— Нечпул бердинг? — деди у қизга.

— Ўн пфенниг.

У тирсаги билан қизнинг кўксига туртди.

— Кўпроқ берган бўлсанг кераг-ов! Кейиниги гал мендан бе-сўроқ иш қилма.

— Кўйсанг-чи, Эдс, — деди шериги.

Фоҳиша лаб бўёғини олиб, лабларига суртди.

— Нима, нотўғри гапирдимми? — деди Эде.

Фоҳиша индамади..

Яна телефон жиринглади. Эдени кузатиб турганим учун эълонни эшитмабман.

— Мана буни омад деса бўлади! — бирдан Густавнинг дўриллаган овози қулогимга урилди. — Жаноблар, омаддан ҳам кучлироқ нарса бу! Бунақаси камдан-кам учрайди! — У елкамга қоқди. — Юз саксон марка ютдинг! Тушундингми, тентак? Қирчанғинг ҳамма отни орқада қолдирди!

— Ростданми?

Бинафшаранг кўйлакли киши қовоғини осилтириб, паттами олди.

— Ким маслаҳат берган эди?

— Мен, — деди Билинг шоша-пиша оғзиңнинг танобини бўшатиб ва пинжимга суқилди. — Мен, агар ижозат этсангиз... ҳалигидай алоқаларим...

— Нари тур... — Бошлиқ унга ҳам қарамай, пулни санаб берди. Бино ичи жимжит бўлиб қолди. Ҳамма менга қааради. Ҳатто очофат киши ҳам бошини кўтарди.

Пулни киссага урдим.

— Бошқа ўйнаманг! — пицирлади Билинг. — Бошқа ўйнаманг! — Унинг юзи бўғриқиб кетган эди.

Ўн марка узатдим. Густав жилмайиб, кўкрагимга йўлига муштuriб қўйди.

— Ана кўрдингми? Нима деган эдим! Густавга қулоқ солсанг, пулни супуриб оласан!

Собиқ санитар хизмати ефрейторига Жипси II ни эслатмадим. Ўзи ҳам шу ҳақда ўйлаётган бўлса керак.

— Кетдик, — деди у. — Бугун ҳақиқий билағонларнинг куни эмас экан.

Эшик олдида кимдир снгимдан тортди. Қарасам, «Тиришқоқ Лизхен».

— Кейинги пойгода қайси отга пул тикишни маслаҳат берасиз? — сўради у ялтоқланиб.

— Фақат Танненбаумга эмас, — жавоб бердим унга. Сўнг Густав икковимиз Самовий Фурсатнинг соғлиғига ичиш учун рессоранга қараб кетдик.

Бир соатдан кейин қайтиб келганимизда пулим ўттиз марказга камайган эди. Яна пул тикким келди. Ҳартугул, ўзимни тийдим. Хайрлаша туриб, Билинг бир парча қофоз узатди.

— Мабодо бирор нарса керак бўлиб қолса! Ёки танишларингизга. Мен ижара маҳкамасининг вакилиман. — Қўлимдаги қофоз уйда томоша қилиш учун ижарага бериладиган беҳаё фильмларнинг рекламаси эди. — Эски кийимлар олди-сотдисига восита-чилик ҳам қиласман, — қичқирди у орқадан. — Нақд пулга!

Соат еттида устахонага қайтлим. «Карл» ҳовлида, мотори ишлаб турипти.

— Келганинг яхши бўлди, Робби! — деди Кестер. — Мошинани синаб кўрмоқчимиз. Ўтири!

Ҳамма йўлга шай. Кейинги кунларда Отто «Карл»ни обдан титкилаб, барча қисмларини мойлаган, айримларини эса алмаштирган эди, — икки ҳафтадан сўнг тоғ пойгаси бўлади. Энди Кестер «Карл»ни синаб кўрмоқчи.

Ўтирик. Спортчиларинг каттакон кўзойнагини тақиб олган Юпп Кестернинг ёнида. Уни ташлаб кетсак, ўзини осиб қўйиши мумкин. Ленц иккаламиз орқадамиз.

«Карл» ўрнидан кўзғалдию ўқдай учиб кетди. Шаҳардан чиққач, соатига юз қирқ километр тезлиқда юра бошладик. Ленц иккаламиз олдинги ўриндиқларнинг суюнчигини маҳкам ушлаб олганмиз. Шамол шунақа зўрки, каллани учирив кетай дейди.

Йўл четидаги толлар лип-лип ўтиб турипти, филдираклар чийиллади, моторнинг бир маромдаги овози худди озодлик наърасидай вужудимизни тешиб ўтяпти. Чорак соатлардан сўнг олдинда қора нуқта кўринди. У тобора катталашиб борарди. Нуқтага ўхшаб кўринган нарса саксон-юз километрлар чамаси тезлиқда кетаётган оғир машина эди. У мувозанатини сақлолмасдан йўлнинг у четидан-бу четига бориб келарди. Йўл тор эди, бино-барин, Кестер тезликни пасайтиришга мажбур бўлди. Машинага яқинлашиб, энди сигнал берамиз деб турганимизда ўнг томондаги йўлкада мотоциклчи кўринди, кўриндию чорраҳа олдидаги чакалак девор панасига ўтиб кетди.

— Оббо! — деди Ленц, — бир ишкан чиқазмаса гўрга эди!

Худди шу лаҳзада мотоциклчи олдинда кетаётган қора машинанинг рўпарасида пайдо бўлди. Оралиқ атиги йигирма метр, афтидан, мотоциклдаги йигит машинанинг тезлигини тўғри чамалай олмай, муюлишдаёқ уни кувиб ўтмоқчи бўлган. Машина ўзини кескин чапга олди, аммо мотоциклчи ҳам чапга бурди. Чорасиз қолган машина шартта ўнгга бурилган эди, қаноти билан мотоциклни туртиб юборди. Мотоциклчи руль устидан умбалоқ ошиб тушди. Машина йўл четига қоқилган ҳаракат белгисини ағдариб, дараҳтга бориб урилди.

Бари кўз очиб-юмгунча содир бўлди. Орқадан катта тезлиқда биз бостириб борардик. Филдираклар чийиллади. Кестер «Карл»ни мотоциклчи, мотоциклъ ва қийшайганча тутаб турган машина орасидан учқур отдай олиб ўтди; чап филдирак билан чўзилиб ётган мотоциклчининг қўлини босиб кетишига, ўнги билан эса қора машинанинг орқа қанотини пачоқ қилишига сал қолди. Мотор ўкириб, «Карл» яна тўғри йўлга чиқиб олди-ю, таққа тўхтади; бирдан ҳамма ёқ жимжит бўлиб қолди.

— Койилман! Отто! — деди Ленц.

Орқага югуриб, ҳалиги машинанинг эшикларини очдик. Мотор ишлаб турарди. Кестер ўт олдирадиган калитни шартта суғуриб олди. Мотор ўчгач, ингроклар эшитилди.

Машинанинг ойналари чил-чил бўлган эди. Ним қоронғиликда юзи қонга беланган аёл кўринди. Унинг ёнида руль билан ўриндиқ орасига қисилиб қолган эркак бор эди. Олдин аёлни

күтариб, йўл четига ётқиздик. Юзига қараб бўлмасди. Тери орасидан шиша синиқлари кўриниб турарди. Қон оқиб ётипти. Айниқса ўнг қўли жудаям чатоқ. Оқ камзулининг енги жиққа қон. Ленц енгни қирқсан эди, қон фавворадай отилди. Кўктомир кесилган эди. Ленц рўмолчаси билан билакни бўғиб боғлади.

— Эркакка қаранглар, буни ўзим эплайман, — деди Ленц. — Тезроқ шифохонага олиб бориш керак.

Эркакни сугуриб олиш учун ўриндиқ мурватларини чиқариш керак эди. Хайрият, асбоб ёнимизда эди, бу ёғи тез кетди. Эркак ҳам қонга бўккан. Қовурғалари синганга ўхшайди. Тиззаси ҳам лат еган. Уни тортиб олаётганимизда ўзини таппа қўлимизга ташлади, аммо унга ёрдам беролмадик.

Кестер «Карл»ни орқага, фалокат юз берган жойга тисара бошлади. Гарчи машина пиёда тезлигига келаётган бўлса ҳам, унинг яқинлашаётганини кўриб, аёл қичқириб юборди. Олдинги ўриндиқлардан бирини тушириб, унга эркакни ётқиздик. Аёл орқага ўтириди. Мен зинапояга турволдим. Ленц ярадор эркакни ушлаб кетиш учун нариги зинапояга чиқди.

— Юпп, сен шу ерда машинага кўз-кулоқ бўлиб тур, — деди Ленц.

— Мотоциклчи қани? — сўрадим мен.

— Кўённи сурворипти, — деди Юпп.

Секин йўлга тушдик. Кейинги қишлоқдан сал нарида кичкина санаторий бор эди. Ўтган-кетганда тепалик устидаги оппроқ пастак бинога ҳар гал кўзимиз тушарди. Билишимизча, бу бадавлат мижозларга мўлжалланган, руҳий хасталикка чалинглар даволанадиган хусусий шифохона эди. Бу ерда оғир беморлар ётмасди. Ҳарқалай, дўхтир билан жароҳат боғланадиган хонаси бордир, деган умидда эдик.

Тепага кўтарилиб, кўнфироқни босдик. Эшикни ёш бир ҳамшира очди. Қонни кўриб, юргурганча изига қайтди. Сал ўтмай, ёши каттароқ бошқа ҳамшира келди.

— Афсус, — деди у шу заҳоти, — бизда баҳтсиз ҳодисага учраганларга ёрдам кўрсатиш имконияти йўқ. Вирхов номидаги шифохонага боришларингга тўғри келади. Узоқ эмас.

— Камида бир соатлик йўл, — деди Кестер.

Ҳамшира унга хўмрайиб қаради.

— Бундай ёрдамга мослашмаганмиз. Бунинг устига, дўхтири ҳам йўқ..

— Сиз қонунни бузяпсиз, — деди Ленц. — Сизникига ўхшаган хусусий даволаш муассасаларида доимий дўхтири бўлиши шарт. Телефонингиздан фойдалансам майлими? Полиция билан газетта таҳририятига қўнфироқ қиласман.

Ҳамшира иккиланиб қолди.

— Ташибишлиманнг, — деди Кестер вазмин оҳангда. — Хизмат ҳақи яхши тўланади. Ҳозир бизга замбил керак. Дўхтирини топасиз деб ўйлайман.

Аёл ҳамон бир қарорга келолмасди.

— Қонунга кўра, — тушунтириди Ленц, — сизда замбил ҳам, старли миқдорда жароҳат боғланадиган нарсалар ҳам бўлиши тарур...

— Тўғри, тўғри, — деди «закончи»нинг гапларидаи довдираб қолган ҳамшира. — Ҳозир бирортасини жўнатаман.

У қайтиб кетди.

— Шаҳар шифохонасига борсанг ҳам шу-да, — деди Кестер шинагини бузмай. — Олдин пул, кейин расмиятчилик, ана ўшандап ксийни ёрдам.

Мошина ёнига қайтиб, аёлнинг тушишига ёрдамлашдик. У гапирмас, нуқул қўлига қаради. Уни биринчи қаватдаги бир хонага олиб кирдик. Кейин замбил беришли. Эркакни ётқизиб, бино ёнига кўтариб келдик. У тинмай оҳ-воҳ қиласди.

— Бир минутга... — деди у базўр. Биз унга қарадик. Эркак кўзларини юмди. — Ҳеч ким билмаслиги керак.

— Сизнинг айбингиз йўқ, — жавоб берди Кестер. — Ҳаммасини ўз кўзимиз билан кўрдик. Гувоҳлик беришимиз мумкин.

— Гап бунда эмас, — деди эркак. — Бошқа сабаби бор. Тушунадиган йигитларга ўхшайсизлар... — У аёл ўтиб кетган эшикка қаради.

— Унда хотиржам бўлинг, ишончли жойдасиз, — деди Ленц. — Бу хусусий шифохона. Фақат полиция кўриб қолмасидан мошинани ўйқотиш керак.

Эркак хиёл гавдасини кўтарди.

— Бу юмуш ҳам ўзларингга. Илтимос, таъмирлаш устахонасига қўнгироқ қилинглар, кейин яаш жойларингни ёзиб қоллиринглар. Яхшиликларингни унутмайман... рози қиласман...

Кестер қўл силтади.

— Йўқ, — деди эркак, — ҳар ҳолда манзилингизни билиб қўйишим керак.

— Парво қилманг, — жавоб берди унга Ленц. — Ўзимизда устахона бор, худди сизникига ўхшаган мошиналарни таъмирлаймиз. Агар хўп десангиз, олиб кетиб, тузатиб беришимиз мумкин. Сизга ҳам яхши, бизга ҳам.

— Барака топинг, минг марта розиман, — деди эркак. — Мана менинг яаш жойим... Мошина битгандан кейин ўзим олиб кетаман ёки бирортасини юбораман.

Кестер ташрифномани чўнтағига солди, сўнг эркакни ичкарига олиб кирдик. Шу орада дўхтир келиб қолди. Ёшгина йигит экан. У аёлнинг юзидағи қонни ювди. Кесилған жойлари шундоқ қўриниб турарди. Аёл соғ қўлига тиравиб, қаддини ростладиу тиллиракли столча устида турган ялтироқ идишидаги қонга бўккан локаларга бир зум тикилиб қолди.

— О! — дели сўнг ва ўзини таппа ёстиққа ташлади.

Кишлоққа қайтиб, шу ерлик темирчини қидириб топдик ва ундаи машинани шатакка олиш учун пўлат арқон билан бошқа керакли нарсаларни сўрадик.

Эвазига йигирма марка таклиф қилдик. Аммо темирчи, машинани ўз кўзим билан кўришим керак, деб оёқ тираб туриб олди. Уни воқеа содир бўлган жойга олиб бордик.

Юпп йўл ўртасига чиқволиб, узоқдан бизга қўл силтади. Аммо гап нимадалигини аллақачон фаҳмлаб бўлгандик. Йўл четида баланд кузовли эски мерседес турарди. Тўрт эркак пачоқ машинани олиб кетишга келганди.

— Вақтида келдик, — деди Кестер.

— Булар ака-ука Фогтлар, — тушунтириди темирчи. — Хавфли тўда. Xў анови срда, рўпарадаги тепалик ёнида яшашади. Кўзла-ри тушган нарсани олмагунча тинчишмайди.

— Кўрамиз, — деди Кестер.

— Бор гапни айтдим, жаноб Кестер, — шивирлади Юпп. — Кулоқ солишмаяпти. Машинани ўзларининг устахоналарида таъмирлашмоқчи.

— Бўпти, Юпп. Ҳозирча шу ерда тура тур.

Кестер ака-укалардан энг новчасининг олдига бориб, гаплаша бошлади. Машинани биз олиб кетишимиз кераклигини тушунтириди.

— Ёнингда қаттиқроқ нарса борми? — сўрадим Ленцдан.

— Бир шода қалит бор, ўзимга керак бўлади. Темир-пемир ола қол.

— Арзимайди, — дедим мен, — майиб қип кўйиш мумкин. Енгил туфлида кепман-да, э аттанг! Бунақа пайтда қон чиқмас жойига тепишдан яхшиси йўқ.

— Ёрдамлашасизми? — сўради Ленц темирчидан. — Шунда тўрттага тўртта бўлардик.

— Э, нималар деяпсиз! Эртага уйимга ўт кўйишади. Мен бетарафман.

— Бу гап ҳам тўғри, — деди Готтфрид.

— Солишаман, — деб қолди бир маҳал Юпп.

— Сен жим тур! — дедим мен. — Атрофга кўз-кулоқ бўлиб турсанг бас. Ёрдаминг шу бўлади.

Темирчи бетарафлигини намойиш этиш учун биздан нарироққа кетди.

— Бошимни қотирма! — Тўнгич аканинг овози эшитилди. — Ким олдин келган бўлса, ўшаники! — бақирди у Кестерга. — Гап тамом! Энди жўнаб қолинглар.

Кестер машина бизникилигини яна тушунтириди. Санаторийга бориб, эгасидан суриштириш мумкинлигини айтди. Бунга жавобан у истеҳзо билан ишшайди. Ленц иккаламиз яқинроқ бордик.

— Сизлар ҳам касалхонага тушмоқчимисизлар? — сўради Фогт.

Кестер индамай, автомобиль ёнига борди. Четроқда турган учика-ука ғимирлаб қолишиди.

— Пўлат арқонни узатинглар, — деди Кестер.

— Овора бўласан! — ўдағайлари тўнгич Форт. У Кестердан шир бош дароз эди.

— Иложи йўқ, — деди Кестер, — мошинани олиб кетамиз.

Қўлимизни чўнтақка солиб, Ленц билан яна ҳам яқинроқ бордик. Кестер машина устига энгашди. Шу пайт Форт Оттони гениб қолди. Шуни кутиб турган Отто унинг оёғига чанг солиб, срга қулатди. Айни пайтда домкрат темирини кўтарган иккинчи Фортнинг қорнига мушт солди. У ҳам ағдарилиди. Ленц икковимиғ қолган икки ака-укага ташландик. Шу заҳоти юзимга мушт туиди, зарба кучли бўлмаса ҳам бурним қонади. Қарши хужумим ўҳшамади — муштим ияги остидан ўтиб кетди. Кейин кўзимга мушт тегиб, Отто қорнига уриб қулатган Фортнинг устига йиқилдим. У мени ерга ағдариб, бўға бошлади. Мен типирчилаб, гомоғимни унинг чангалидан бўшатишга тиришдим. Қорнига тизза урмоқчи бўлган эдим, уддалай олмадим, чунки Ленц билан яна битта Форт оёғим устида ётишарди. Нафасим қисила бошлади, бурним қонагани учун ҳаво яхши ўтмасди. Кўз ўнгим жимирашиб, Фортнинг башараси титраётгандай кўринди. Хушсан кета бошладим. Бирдан ёнимда Юпп пайдо бўлганини пайқалим. У йўл четидаги ариқ ичидаги чўккалаганча мендан кўз узмасли. Юпп пайт пойлаб туриб, рақибим иккамиз қимирлолмай қолган лаҳзада, унинг билагига болга билан туширди. Иккинчи зарбадан кейин Форт мени қўйиб юбориб, ўтирган жойида ғазаб билан Юппга кулоч отди, аммо у ўзини орқага ташлади, ҳалигидай совуққонлик билан Фортнинг бармоқларига болға урди, кейин бошига туширди. Қадимни хиёл кўтардим-да, Фортнинг устига чиқволиб, энди мен уни бўға бошладим. Шу пайт •Қўйвон!», «Қўйвон!» деган фарёд эшишилди. Бу тўнгич Форт эди. Кестер унинг қўлинни орқасига қайириб, тепага кўтараётганди. Форт юзтубан ерга ағдарилиди. Кестер рақибининг белига тиззасини тираганча қўлинни қайираверди. Айни пайтда тиззасини унинг елкаси томон сурниб бораради. Форт тинимсиз додларди. Аммо ҳозир таъзирини бериб қўймаса, Фортнинг попуги пасаймаслигини Кестер биларди! У бир силтov билан Фортнинг қўлинни чиқариб, кейин қўйиб юборди. Атрофга алангладим. Укаларидан шири оёқда турарди-ю, аммо акасининг ноласи уни тамом карахт қилиб қўйган эди.

— Йўқолинглар, бўлмаса ҳаммаси бошқатдан бошланади, — чеди Кестер.

Кетар жафосига менга ёпишгаи Фортнинг бошини асфальтга шна бир урдим. Ленц Кестернинг ёнида турарди. Пиджаги йиртишти. Оғзининг четидан қон оқяпти. Буларнинг олишувида ора ўтиқ бўлмаганди. Гарчи Ленцининг рақиби қонга белангган бўлса ҳам яна муштлашишга тайёр эди. Аммо акасининг мағлубияти масалани ҳал қилганди. Уч ака-ука сўлжайиб туришарди. Улар іквалини икки ёнидан суюб, ўз машиналарига қараб юришиди.

Соф қолган Фогт ёнимизга келиб, демократини олди. Изига қайтаётіб, Кестерга бир ёв қараң қилди. Салдан кейин мерседес жүнаб кетди.

Бир маҳал қаёқдандир темирчи пайдо бўлиб қолди.

— Буни эсларидан чиқазишмайди, — деди у. — Кўпдан буён калтак сийишмаганди. Каттаси одам ўлдириб, ўтириб чиққан.

Унга ҳеч ким жавоб қайтармади. Аммо Кестер сесканиб кетди.

— Мальун, — деди у. Сўнг бизга қаради. — Бўла қолинглар.

— Ҳозир, — шундай деб, Юпп пўлат арқонни судраб келді.

— Бу ёққа кел, — дедим унга. — Бугундан бошлаб кичик зобитсан. Бемалол сингара чекишинг мумкин.

Мошинанинг олдинги ўқини кўтариб, «Карл»нинг орқасига уладик.

— Тортолармикин? — сўрадим Кестердан. — Ҳар ҳолла «Карл» зотдор пойгачи от, юк ортиладиган эшак эмас.

— Ҳечқиси йўқ, ораси яқин, йўл тескис, — деди Кестер.

Ленц пачоқ бўлган мошинага ўтириди, аста жойимиздан қўзғалдик. Рўмолчамни бурнимга босиб, ботаёттан қуёшга қардим. Поёнсиз далалар тинч-осуда эди, дарвоқе, инсоният деб аталмиш чумолилар уясида нималар бўлаётгани билан лоқайд табиатнинг неччи пуллик иши бор! Энг муҳими, булуллар астаскин олтин тоғларига айланастган, уфқ томондан фира-шира қоронифиликнинг бинафшаранг кўланкаси шовқинсиз бостириб келаётган, сўфитўрғайлар ҳадсиз-худудсиз осмон бўшлиғидан сузиб чиқиб, кўз илғамас экинзорларга бирин-кетин қўнаётган ва борлиққа бебилиска оқшом чўкаётган дақиқалар эди.

Устахона ҳовлисига кириб бордик. Ленц мошинадан тушиб, унинг қаршисида тантанали равишда шляпасини ечди.

— Салом сенга, эй ҳожатбарор! Бахтсиз ҳодиса туфайли бу ерга келиб қолдинг, аммо сенга меҳр билан термуламан, зеро ниҳоятда инсоф билан хомчўт қилинганди ҳам бизга камида уч минг, ҳатто уч ярим минг марка даромад келтирасан. Энди олча арафидан кўйинглар, кейин менга совун беринглар — Фогтлар хонадони қолдириған изларни ювиб ташлай.

Бир стакандан арақ ичиб, дарҳол ишга киришдик. Чунки мошина эгаларидан таъмирга буюртма олиш осонмас; сувурта компанияларининг вакиллари буюртмани ўzlари шартнома тузган устахоналардан бирига топширишни талаб қилишади. Бино-барин биз дарров таъмирни бошлаб юборамиз. Сувурта вакили келгунча қанча кўп иш қилсак, шунча яхши: таъмир харажатлари ошган сайнин компания мошинаги бошқа устахонага олиб беришдан манфаатдор бўлмай қолади.

Коронғи тушганда ишни тўхтатдик.

— Таксига чиқасанми бугун? — сўрадим Ленцдан.

— Э, йўқ, — жавоб берди Ленц. — Беш қўлни баравар оғизга тиқиши керак эмас. Менга бугунгиси ҳам етади.

— Менга етмайди, — дедим унга. — Сен чиқмасаң, мен чиқаман. Соат ўн бирдан иккигача тунги ресторонларни айланиб, кира қиласман.

— Қүйсанғчи! — кулди Готтфрид. — Ойнага бир қара. Кейинги пайтларда бурнингга кўз тегди. Башарасига қизил лампочка қўндириб олган шоффернинг машинасига бирорта йўловчи ўтирамайди. Ундан кўра уйга бориб, юзингни дазмолла.

У тўғри гапираётганди. Бунақа бурун билан йўлга чиқиб бўлмайди. Оғайниларим билан хайрлашиб, уйга жўнадим. Йўлда Хассени учратиб қолдим, биргалашиб кетдик. Кўриниши бир аҳволда эди.

— Озиб кетибсиз, — дедим унга.

У бош силкиб, сўнгги пайтларда кўпинча овқатланмай уйқуға ётаётганини айтди. Хотини ҳар куни аллақандай эски танишлариникида ўтириб, уйга кеч қайтармиш. Ўзига эрмак топганилан хурсандман, дейди. Аммо ишдан кейин овқат пиширишга хоҳиши бўлмаскаи. Қаттиқ чарчаганидан қорни очганини ҳам сезмасмиш. Унинг салқиган елкаларига кўз қирини ташладим. Эҳтимол, гапираётган гапларига ўзи ишонар, лекин эшлиши оғир ми. Оиласи, фақирона турмуши барбод бўлди: эртанги кундан умил йўқ, топгани зўрга учма-уч бўлади. Бунақалар миллионлаб, уларга ҳам мудом ишонч ва маблағ этишмайди. Ҳаёт ҳаддан ташқари майдалашиб кетди. Яшаш жон сақлаш учун аёвсиз куранидан иборат бўлиб қолди. Бугунги муштлашувни, кейинги кунларда кўрган-кесчирганиларим, қилган ишларимни эсладим... Кейин Пат ҳақида ўй суриб, «зўри беҳуда» деган гап хаёлимга келди. Кулочни катта отвордим, ҳаёт эса баҳт учун жирканч масканга айланиб қолди, бу баҳтнинг умри қисқа, унга ишониб бўлмайди... Ҳозирги аҳволим ишончли бандаргоҳда қўним тошиш эмас, йўл-йўлакай нафасни ростлаб олиш, холос.

Зинапоядан кўтарилиб, эшикни очдик. Хассе йўлакда тўхтади.

— Хўп, хайр...

— Бир нарса сволинг, — дедим унга.

У бош чайқаб, гуноҳкорона жилмайди-да, ҳувиллаб ётган корониги хонасига йўл олди. Орқасидан бир муддат қараб турдим. Сўнг узундан-узоқ йўлакдан юриб кетдим. Бирдан кимнингдир ширгойиси эшитилди, тўхтаб, қулоқ солдим. Бу, менга туюлганилай, Эрна Бенигнинг патефони эмас, Патнинг овози эди. У хонасида ёлғиз ўзи ўтириб, кўшик айтарди. Беихтиёр бармоқларим муштга айланди. Минг лаънат! Майли, бу бандаргоҳ эмас, нафас ростлаш бўлсин, майли, бу ақлга сифмайдиган хом хаёл бўлсин. Аммо шу тобда баҳт қайтадан бўй кўрсатгандай, сарҳад-тирига сифмай, қайтадан тўлиб-тошгандай туюлди менга...

Пат кирганимни сезмади. У кўзгу қаршисига, ерга ўтировиб, бошига шляпани ўлчарди. Чироқ гилам устида. Хона фирашира, фақат Патнинг юзига нур тушиб турипти. Стулни ёнига қўйиб олган, суюнчиғида шохи қийқимлари, ўриндиқда қайчи.

Остонада туриб, бир оз кузатдим. Пат ерда, ўтиришни ёқти-  
рарди. Ишдан кеч қайтганимда қўлида китоб билан бирор бур-  
чакда, кучукнинг ёнида ухлаб қолганини кўп кўрганман.

Хозир ҳам кучук унинг ёнида чўзилиб ётипти, ҳар замонда  
гингшиб қўяди. Пат бошини кўтариб, кўзгуда мени кўриб қолди.  
Ширин жилмайган эди, олам мунааввар бўлиб кетди. Хона ўрта-  
сига бориб, орқасига чўккаладим ва бугунги барча нохушлик-  
лардан сўнг унинг илиқ бўйнига лабларимни босдим.

Пат шляпасини кўтарди:

— Бошқатдан қилдим. Сенга маъқулми?

— Жудаям чиройли, — дедим мен.

— Қарамаяпсан-ку! Орқа соябонини қирқиб ташлаб, олд томонини тепага қайирдим.

— Кўриб турибман, — жавоб бердим юзимни соchlарига иш-  
қалаб. — Буни кўрган Париж чеварлари ҳам ҳасаддан қуйиб кул  
бўлишади.

— Робби! — У кулиб, мени ўзидан нари итарди. — Бунга ақлинг  
етмайди. Умумай қандай кийинишимга ҳеч қачон эътибор бер-  
ганимисан?

— Икир-чикиригача эътиборимда. — Шундай деб, ёнига ўтири-  
дим, лекин пачоқ бўлган бурнимни кўрсатмасликка ҳаракат қил-  
дим.

— Шунаقا дегин? Кеча кечқурун қанақа кўйлакда эдим?

— Қсчами? — Эслашга уриндим-у, эслайлмадим.

— Билувдим, азизим! Мен тўғримда деярли ҳеч нарса бил-  
майсан.

— Тўғри, — дедим унга. — Ҳамма назокат шунда-да. Одам  
бир-бирини қанчалик кўп билса, англашилмовчилик шунча кўп  
бўлади. Қанчалик яқинлашса, шунчалик бегоналашади. Мана,  
Хасселар оиласини олайлик: улар бир-биirlарини яхши билиша-  
ди, аммо ораларидағи адоварат ҳар қандай душман одамларни-  
дан юз чандон ортиқ.

Пат шляпасини кийиб, кўзгуга қаради.

— Робби, галинг қисман тўғри, холос.

— Бу ҳамма ҳақиқатларга хос нарса, — эътиroz билдиридим  
унга. — Ярим ҳақиқатлардан нарига ўтолмаймиз. Ожиз бандали-  
гимиз шунда. Фақат ярим ҳақиқатлардан огоҳ бўлиб, қанча но-  
маъқул ишларни қиласмиз. Агар ҳақиқатни тўлалигича фаҳм эт-  
сак, ер юзида яшаш мумкин бўлмай қолади.

У шляпани ечиб, бир четга қўйди. Кейин менга бурилиб,  
бурнимга кўзи тушиб қолди.

— Нима бўлди? — сўради у хавотирланниб.

— Ҳеч нарса. Сенга шундай кўриняпти. Мошина остини кав-  
лаштираётган эдим, юзимга бир нарса тушиб кетди.

У менга ишонқирамай қаради.

— Қасрда юрганингни ким билади? Менга айтмайсан. Сенга  
ўхшаб, мен ҳам сени яхши билмайман.

- Қайтанга яхши, — дедим мен.  
Пат тогорада илиқ сув билан сочиқ келтириб, юзимни ювди.  
Жын башарамга синчилаб қаради.
- Бирор урганга ўхшайди. Бўйнинг ҳам тирналган. Саргузаштариинг қачон тугайди, азизим?
- Бугунги энг зўр саргузашт ҳали олдинда, — дедим унга.  
Пат менга таажжубланиб қаради.
- Бемаҳалда-я? Яна нима қилмоқчисан, Робби?
- Шу ерда қоламан! — дедим мен ва уни бағримга босдим. — Эрталабгача сен билан бирга бўламан.

## XX

**А**вгустда кунлар иссиқ, осмон мусаффо эди, сентябрь ҳам ёзни эслатиб турди. Аммо ойнинг охирларига бориб, ёмғирли кунлар бошланди, шаҳар тепасини зил-замбил қора булут қоплаган, томларнинг бўғотидан чак-чак сув томчилар, кузнинг аччиқ изгирини эсарди. Якшанба кунларининг бирида барвақт уйғониб, дераза олдига бордим. Қарасам, қабристондаги дараҳтларнинг барги сарғайган, айрим шоҳлар эса қип-яланғоч.

Анча туриб қолдим. Сўнгги ойларда, хусусан, денгиздан қайтганимиздан бери кайфиятим бошқача: нуқул кузда Патнинг даволанишга кетиши ҳақида ўйлайман, аммо бу ўйлар бошқа кўп нарсалар, масалан, йиллар тез ўтаётгани, кундан-кунга қариётганимиз ва умрнинг боқий эмаслиги ҳақидаги хаёлларга қоришиб кетади. Тирикчилик ташвишлари ҳар қандай фикрни четга суриб ташлайди. Ҳозирча Пат ёнимда, дараҳтлар кўм-кўк, куз, айрилиқ деган сўзларга бало борми, дейман. Шундай дейману яқинлик баҳтини, ҳамон бирга яшаётганимиз лаззатини равшанроқ ҳис этаман.

Ёмғирга бўқиб ётган қабристонга, сал-сариқ япроқлар тўшалган қабр тошларига термулдим. Туман очофат маҳлуқдай, тун бўйи баргларнинг зангори шарбатини сўриб чиқкан. Мана энди ҳолдан тойиб, дийдираб, новдаларга осилиб туритти, шамол ҳар дапқир ҳамла қилганида бир парчасини юлиб кетади. Бу манзарага қараб туриб, кўнглим бузилди ва бирдан айрилиқ яқинлигини, худди дараҳтлар орасидан пусиб келиб, япроқларда қаҳрабо изларини қолдирган куздай муқаррарлигини бутун вужудим билан туйдим.

Девор ортидаги хонада Пат ухлаб ётипти. Эшикка яқин кеяниб, қулоқ солдим. Тинчгина ухляпти, йўталмаяпти. Тўсатдан кўнглимда умид учқуни йилтиллади — бугунми, эртами Жаффе кўнғироқ қилиб, санаторийга бориши шарт эмас, деб қолса-я! Аммо... Патнинг кечалари баъзан йўталиб чиқиши, хириллаб нафас олиши, баъзан дами ичига тушиб, кейин яна арра овозидай чинийилаб эшитилишини эслаб, бутун умидларим чил-парчини бўлди.

Яна дераза олдига қайтиб, ёмғирга қарадим. Кейин ёзув стопли ёнига ўтириб, пулларимни санай·бошладим. Патга қанча кетиши мумкинлигини чамалаб кўриб, кайфиятим бузилди.

Соатимга қарасам, сал кам етти. Патнинг уйғонишига камида икки соат бор. Озгина кира қилиш ниятида апил-тапил кийиндим. Хонада оғир хаёлларга берилиб, бетоқат бўлгандан кўра шу яхши-да.

Устахонага бориб, мошинага ўтиридим-да, шаҳарга чиқиб кетдим. Одам өйрак эди. Ишчилар яшайдиган туманларда казармага ўхшаган узундан-узоқ бир қаватли хароб уйлар. Файзизиз, қаровсиз бу бошпаналар худди бозори касод бўлган қари фоҳишалардай, ёмғирда мунғайиб туришти. Деворларнинг сувоги кўчган, дераза ойналари хира.

Эски шаҳарни кесиб ўтиб, черковга келдим. Орқа эшик олдида тўхтаб, мошинадан тушдим. Ичкаридан органинг вазмин оҳанг эшитиларди. Эрталабки ибодат бошланганди. Оҳанг пардасидан сездимки, ибодат тугашига ҳали йигирма минутча вақт бор.

Боққа кирдим. Гулзор кулранг нурга ғарқ бўлган. Атиргуллар ҳануз очилиб турипти, баргларидан ёмғир дурлари томчиласпти. Плашим кенггина эди, бинобарин, узилган гулларни бемалол бегона кўздан яшира олардим. Якшанба бўлишига қарамай, боғда ҳеч ким йўқ. Бир қучоқ гулни мошинага ташлаб, изимга қайтдим. Яна анча-мунча узиб, энди қўйнимга тиққанимни биламан, орқамда қадам товушлари эшитилди. Гулни бағримга босганча дэвордаги бўртма суратлардан бирининг олдида тўхтаб, ўзимни ибодат қилаётганга солдим.

Оёқ шарпаси яқинлашди, лекин ўтиб кетмай, таққа тўхтади. Баданимда чумоли ўрмалагандай бўлиб, бошимни ликиллатганча ибодатга зўр бердим, кейин бармоқ учларида чўқиниб, навбатдаги сурат олдига ўтдим. Шарпа ҳам изимдан келаверди. Нима қилишими билмасдим. Шартта жўнаворишининг иложи йўқ. «Шодлан, Биби Марям»ни ўн марта, «О, Исо Масиҳ»ни бир марта айтиш керак, акс ҳолда сирим очилиб қолади. Шунинг учун жойимдан жилмай, худди илоҳий туйғулари таҳқирланган кишидай, норози қиёфада бошимни орқага бурдим.

Думалоқ, юzlаридан нур ёғилиб турган руҳонийни кўриб, снгил тортдим. Ибодатимга халақит бермаслигини билганим учун ўзимни таъқибдан халос бўлгандай сездим, аммо охирги сурат рўпарасида турганимни ҳам пайқаб қолдим. Ҳар қанча секин ўқиганим билан бари бир тугайди-ку. Руҳоний ҳам шуни кутиб турган, шекилли. Чўзишдан фойда йўқ. Бинобарин, ҳеч нарса бўлмагандай, аста эшик томон юрдим.

— Боракалло! — деди руҳоний. — Исо Масиҳ мададкор бўлсин.

— Айтганингиз келсин, омин! — дедим шоша-пиша. Католикларнинг сўрашиц таомили шунаقا.

— Каллайи саҳарлаб бу ерга келган кишини биринчи кўришм, — деди у мулойимлик билан, болаларни кидай беғубор, кўм-кўк кўзларини менга тикиб.

Бунга жавобан бир нималар дедим.

— Афуски, сизга ўхшаганилар камайиб кетди, — давом этди у ачиниб. — Оллоҳ висолига мушарраф бўлиш йўлидаги машақ-қатлар акс эттирилган суратлар қаршисида ибодат қилаётган эркакларини учратиш амри маҳол. Сизни кўриб, суюниб кетганим шундан. Бундай барвақт, шамолу ёмғирга қарамай бу ерга келибсиз, демак, Оллоҳга бир илтижонгиз бор-да...

Калламни қимирлатдим-у, ичимда: «Тезроқ шу ердан чиқиб кетсан бўлди», — дедим. Кўйнимда гул борлигини сезмаганга ўхшайди. Шубҳа туғилмаслиги учун руҳонийдан тезроқ қутулиш керак. У яна жилмайди:

— Айтинг, бўтам, ҳозир ибодатга кираман, сизнинг илтижонгизни ҳам Оллоҳга етказаман.

— Миннатдорман, — дедим саросималаниб.

— Қазо қилгаи яқинларингизнинг гуноҳини сўраб бсрайми?

Бир лаҳза донг қотиб қолдим: назаримда, қўйнимдаги гул сиргалиб тушиб кстаётгандай бўлди.

— Куллуқ. — дедим қўлимни плашга қаттиқроқ босиб.

У мендан садо чиқишили кутиб, ҳамон тикилиб турарди.

Афтидан, руҳоний Оллоҳга нима илтижом борлигини тушуниришимни кутаётганди. Аммо унга нима дейишимни билмасдим, ҳадеб ёлғон галириш ҳам нокулай. Шунинг учун индамай туравердим.

— Демак, бошига кулфат тушган нотаниш одамга Оллоҳдан најжот сўрайман, — деди у ниҳоят.

— Тўғри. Раҳмат сизга.

Руҳоний жилмайиб, қўл силтади.

— Раҳматнинг кераги йўқ. Бари Оллоҳнинг инон-ихтиёрида. — У менга бўйинни хиёл чўзиг қараган эди, юз териси пир-пир учгаидай бўлди. — Энг муҳими — ихлос, — деди у. — Оллоҳнинг даргоҳи кеиг. У баңдаларига меҳрибон, фақат биз буни тушумаймиз. — Руҳоний шундай деб, чёрков ичкарисига қараб юрди.

Гулларни уйга ташлаб, мошинани устахонага олиб бориб қўйдим, кейин изимига қайтдим. Ошхонадан эндингина қайнатилгани қаҳванинг хушибўй ҳиди келар, Фриданинг шарпаси эшитиларди. Қаҳва ҳидидан кайфиятим кўтарилди. Уруш кезларидан биламан: муҳим, салмоқли нарсалар унчалик таъсир қилмайди... Ҳамма вақт арзимаган икир-чикирлар кишига тасалли беради.

Кўча эшиги ёпилиши билан йўлакка Хассе отилиб чиқди. Кўнчиган юзи захил, ҳорғини кўзлари қизариб кетгаи. Ечинмасдан ётгаига ўхшайли. Менин кўрдию негадир ҳафсаласи пир бўлди.

— Э, сизмидингиз...

— Унга ҳайратланниб қаралим.

- Каллаи сақарлаб бирөвни кутаётғанмидингиз?
- Ҳа, — деди у. — Хотинимни күтапман. Кечадан бери йўқ.
- Кўзингиз тушмадими, мабодо?
- Мен бош чайқадим.
- Бир соат олдин кетувдим.
- Кўча-пўчада кўриб қолган бўлишингиз мумкин-ку.
- Елкамни қисдим.
- Кеп қолар. Қўнғироқ қилмадингизми?
- У менга ҳадиксираб қаради.
- Кечаке кечкүрун танишлариникига кетувди. Уларнинг яшашибойини билмайман.
- Фамилиясини-чи? Телефонда суриштирса бўларди.
- Суриштиридим. Маълумот берадиган бюорода бунақа фамилия йўқ.
- У буткул довдираб қолган эди.
- Танишлари тўғрисида гапиришни ёқтирамайди, сўрасам, жаҳли чиқади. Борадиган жой топганига курсанд эдим. Бир нарса десам, менга шуни ҳам раво кўрмайсиз, деб оғзимга уради.
- Кеп қолади, — дедим мен. — Келмай қаёққа ҳам бораради. Ҳар эҳтимол, тез ёрдам билан полицияга қўнғироқ қилиб кўриш керак.
- Қилдим. Уларда ҳам ҳеч қанақа маълумот йўқ.
- Унда хавотир олмасангиз ҳам бўлади. Эҳтимол, тоби қочиб, ўша ерда тунаб қолгандир. Шунақа ҳам бўлиши мумкин-ку. Ҳализамон кеп қолади.
- Келармикин?
- Ошхона эшиги очилиб, Фрида патнис кўтариб чиқди.
- Кимга бу? — сўрадим ундан.
- Фрейлейн Хольманга, — жавоб берди у мени кўриши билан энсаси қотиб.
- Ўйқудан турдими?
- Пешингача ётадими сизга ўхшаб? — деди у заҳрини сочиб.
- Турмаганда менга қўнғироқ қиласмиди?
- Худо хайрингизни берсин, Фрида, — дедим мен. — Эрталблари баъзан жуда очилиб кетасиз-да! Менга ҳам қаҳва қайнатиб беролмайсизми?
- У бир нималар деб гўлдирадиу зарда билан думбасини ли-киллатганча йўлакдан юриб кетди. Бундай рафтторга у уста эди. Юрганда бисотини Фридачалик кўз-кўз қила оладиган аёлни умримда кўрмаганман.
- Хассе ҳамон менга термұлиб турарди. Бесозор ва итоаткор бу одамга қараб, уялиб кетдим.
- Бир-икки соатдан кейин ўзингизга ксп қоласиз, — шундай деб, унга қўлимни узатдим, аммо у қўл бермай, мўлтираб тураверди.
- Биргалашиб қидириб кўрсакмикин? — деди у ниҳоят.
- Қаердалигини билмайсиз-ку.

Таваккал-да. Мошинаныңизни олиб чиқсангиз... Йүл ҳақини түрдім, — құшиб қўйди у.

Гап бунда эмас, — дедим мен. — Билмасдан қаёққа боралып. Фойдаси йўқ. Бунақа барвақт кўчада санқиб юрмайди-ку.

- Қайдам. Чиқмаган жондан умид, дейишади-ку. Балки учратиб қолармиз.

Фрида бўш патнисни кўтариб ўтди.

- Ҳозир кетолмайман. Ҳавотир олаверманг. Сиз билан боришим мумкин эди-ю, аммо фрейлейн Хольманнинг ёнида бўлишим керак. У яқинда жўнаб кетади, эҳтимол, охирги якшанба ўтиришидир бу ерда. Мени тўғри тушунинг.

Ҳассе бош силкиди.

Унга ичим ачириди, лекин тезроқ Патнинг ёнига кирмасам ҳим бўлмасди.

- Агар сабрингиз чидамаётган бўлса, такси ола қолинг, — дедим мен. — Бироқ буни маслаҳат бермайман. Яхшиси, кутинг. Дўстимга қўнғироқ қиласман, сизга ҳамроҳ бўлади.

Ҳассе, назаримда, гапларимни эшитмаётганди.

- Бугун эрталаб кўрмадингизми? — деб қолди у яна.

- Йўқ, — жавоб бердим таажжубланиб. — Кўрган бўлсам, боядан бери айтардим-ку.

У бошини ликиллатди-да, индамай хонасига кириб кетди.

Пат хонамдан гулларни опчиқиб кетипти. Олдига кирсам, кулиб юборди.

- Робби, — деди у. — Ҳалиям соддаман-да. Якшанба куни, бунинг устига, кун чиқмасидан атиргулларнинг пайдо бўлиб қолиши ўғирликдан бошқа нарса эмаслигини Фридадан билволдим. Бунақа навли атиргул яқин атрофдаги дўконларда сотилмасмиш. Буни ҳам Фрида айтди.

- Нима деб ўйласанг, ўлайвер, — жавоб бердим унга. — Энг муҳими, сенга ёқсан бўлса бас.

- Жудаям хурсандман, азизим. Ахир бу гулларни ўзингни ҳавфда қолдириб топиб келгансан-ку!

- Э, нимасини айтасан! — дедим руҳонийни эслаб. — Нега барвақт турволдинг?

- Уйқум қочиб кетди. Бунинг устига, ёмон туш кўрдим.

Унга тикилиб қарадим. Чехраси ҳорғини, кўзларининг ости кўкарган.

- Қачондан бери ёмон тушлар кўрадиган бўлиб қолдинг. Шу найтгача бунақа нарсалар фақат менинг чекимга тушган, деб кўрардим-ку.

У бош чайқади.

- Куз келганини сезмадингми?

- Ҳали кузга эрта, — эътиroz билдиридим унга. — Атиргуллар очилиб турипти. Фақат ёмғир ёғяпти, холос.

- Неччи қундан бери ёғяпти, азизим. Баъзан кечалари ўғониб кетиб, ўзимни ёмғир остига дағн қилингандай ҳис этаман.

— Кечалари менинг олдимга чиқишинг керак. Шунда бунақа фикрлар хаёлингга келмайды. Аксинча, хона қоп-қоронғи, ташқарыда ёмғир, иккаламиз ёнима-ән бўлсак — қандай яхши!

— Эҳтимол, — леди у аста ва бошини кўқсимга қўйди.

— Масалан менга якшанбада ёмғир ёққани маъқул, — дедим мен. — Руҳият бошқача бўлди. Иккаламиз биргамиз, хонамиз иссиқ, шинам, олдинда узоқ кун, менимча, бундан зўри йўқ.

Патнинг чеҳраси ёриши.

— Бирга бўлсак яхши, а, тўғрими?

— Албатта-да. Илгариги аҳволимни эсласам, эзилиб кетаман.

Шундай күплар келишини тасаввур ҳам қилолмасдим.

— Сендан бу гапларни эшитиш менга ҳузур бағишлайди. Тез-тез гапириб тур.

— Кам гапираманми?

— Албатта.

— Эҳтимол, — дедим мен. — Назаримда, менда назокат етишмайди. Сабабини билмайман-у, лекин мен сираям назокатли бўлолмайман. Қанийди қўлимдан келса...

— Кераги йўқ, азизим, шундоқ ҳам сени яхши тушунаман. Лекин баъзан ширин сўзларни кўнгил тусаб қолади.

— Бугундан бошлаб бетўхтов гапираман. Ўзимга ўзим аҳмоққа ўхшаб кўринсан ҳам гапиравераман.

— Унақа дема. Муҳаббат бор жойда аҳмоқлик бўлмайди.

Бирга ионушта қилдик, кейин Пат яна тўшакка кирди. Жаф-фе тайнингаиди.

— Шу ерда қоласанми?

— Агар хоҳласанг...

— Қанийди, лекин шарт эмас...

Каравот ёнига ўтиридим.

— Тушунмадинг. Илгари ухлаётганингда бирор тикилиб туришини ёқтиромасдинг. Шуни эсладим.

— Тўғри, илгари шунақа эди... кейинги пайтларда ёлғиз қолишга... Қўрқадиган бўй қолдим...

— Менда ҳам шунақа бўлган, — дедим унга. — Ҳарбий шифохонада, операциядан кейин. Кечаси ухлашга қўрқардим. Китоб ўқирдим ёки хаёл сурис ётардим, фақат тоңгга яқин кўзим илинарди... Ўтиб кетади...

Пат юзини қўлимга босди.

— Бари бир қўрқаман, Робби, худди қайтиб уйғонмайдигандай.

— Шунақа бўлади. Лекин уйғонасан. Бари унтутилади.

— Менга кўз-кулоқ бўлиб турипсан-ку, тўғрими?

— Албатта, — шундай деб, бошини силадим, сочларида ҳам иегадир қувват қолмагандай туюлди.

У чуқур-чуқур нафас ола бошлади, кейин ёнбошига ағдарилиди. Бир оздан сўнг қаттиқ уйқуга кетди.

Яна дераза ёнига ўтириб, ташқарига қарадим, ёмғир чөлак-таб құярды. Үйимиз худди оролға үшшаб қолғанды. Ичим ғаш эди. Әртапабдан Патнинг нохуш хәсілларга бсрилганини кам учрат-тападан. Икки-уч күп олдин ўйнаб-кулиб юрган эди, балки уйқу-дан түрса кайфият яна жойига тушар. Нима бўлганда ҳам, каса-чи ҳақида күн ўйлаяпти, Жаффенинг гапига қараганда, дарди ҳали аримаган. Лекин шу ёшимгача ўлимни шу қадар кўп кўрган-манки, ҳар қандай қасаллик мен учун бари бир ҳаёт ва умиддан боинқа нарса эмас; биламанки, жароҳатдан ўлиш мумкин, аммо етти мучали соғ одамнинг касали хавфли бўлишини тасаввур қичолмайман. Шунинг учун ҳам Патга қараб туриб, ҳар қандай там-андуҳни тез унутиб юбораман.

Эшик тиқиллади. Остонада Хассе туарди. Бармоғимни ла-бимга босиб, секин йўлакка чиқдим.

— Мени кечиринг, — деди у.

— Юринг, менинига кирайлик, — шундай деб, хонамнинг ўшигини очдим.

Хассе йўлакда тураверди. Юзи кичрайиб, бўздек оқариб кет-танди.

— Хотинимни қидиришдан фойда йўқ. Шуни айтиб қўймоқ-чи эдим, — деди у лабларини аранг қимирлатиб.

— Ичкарига кирайлик, фрейлейн Хольман ухлаяпти, менини кила бемалол гаплашиш мумкин, — таклиф қилдим яна.

Хассе бир парча қофозни ушлаб туарди. У ҳозиргина ўқ егаи-у, лескин оғриқни ҳали сезмайтган одамга үшшарди.

— Ўзингиз ўқинг, — деди у хатни узатиб.

— Қаҳва ичдингизми?

У бош чайқади.

— Ўқинг...

— Бўлмаса, сиз қаҳва ичиб туринг...

Ошхонага кириб, Фридадан хонамга қаҳва келтиришни ил-тимос қилдим. Кейин хатни ўқидим. Қисқагина бу мактубни фрау Хассе ёзганди. Унинг маълум қилишича, ҳали яшашдан умиди бор, бинобарин, энди бу даргоҳга қадам босмайди. Уни Хасседан кўра яхшироқ тушунадиган одамни тонган. Овора бўлиш-пинг кераги йўқ — бари бир қайтмайди. Шунда Хасссга ҳам яхши бўлади. Маошим етадими-йўқми, деб бош қотириб юрмайди. Нарсаларининг бир қисмини олиб кетган, қолганига одам жўна-тади.

Мактуб лўнда ва жиддий эди. Буклаб, Хасссга узатдим. У менга халоскорига қарагандай, жовлираб туарди.

— Энди нима қиласман?

— Олдин қаҳва билан бир нарса еволининг, — дедим мен. — Ваҳима қиласмаган жойп йўқ. Кейин ўйлаб кўрамиз. Ҳаяжонлан-манг, шунда бир қарорга келишингиз осонроқ бўлади.

У қақвани бир амаллаб ичди. Аммо құли титраётгани учун тамадди қылолмади.

— Нима қиласыз? — сүради у яна.

— Ҳеч нарса. Күтиш керак.

У турған жойида бир ғимирлаб қўйди.

— Нима қымоқчи эдингиз? — сүрадим мен.

— Ҳайронман. Бошим қотиб қолди.

Индамадим. Нима ҳам дердим. Фақат тасалли беришим мумкин, холос. У ёғини ўзи ҳал қылсин.

Менимча, бу аёлни севмайди, шунчаки күникиб қолган, бухгалтер учун тарки одан — амри маҳол.

Салдан кейин пойинтар-сойинтар ғўлдирай бошлади. Гапларига тушуниб бўлмасди. Нуқул ўзини койирди. Хотинини ёмонламас, ҳаммасига ўзим айборман, дерди.

— Ҳассе, — эътиroz билдиридим унга, — нотўғри гапиряпсиз.

Бунақа ишда айборлар бўлмайди. Сиз эмас, хотинингиз кетганку. Нега ўзингизни гуноҳкор деб ҳисоблайсиз?

— Йўқ, мен айборман, — такрорлади у қўлларига қараб. —

Ҳаётда ҳеч нарсага эришолмадим,

— Нимага эришолмадингиз?

— Ҳеч нарсага. Эришолмадимми, демак, айборман.

Қизил духоба креслога чўкиб ўтирган ғариб жуссага таажжубланниб қарадим.

— Жаноб Ҳассе, — дедим унга вазмин оҳангда. — Бу нари боргандা сабаб бўлиши мумкин, оқибат эмас. Ҳар ҳолда нимагадир эришгансиз-ку.

— Йўқ, йўқ, нуқул ишдан бўшатворишлидан қўрқиб, хотинимга тузук қараёлмадим. Маҳа оқибати. Кўнглини кўтариш учун нима иш қилдим? Ҳеч нарса...

У сукутга чўмди. Жавондан конъяк шишасини олдим.

— Озгинадан ичайлик. Парво қилманг, ҳали ҳеч нарса йўқотилгани йўқ.

У бошини кўтарди.

— Йўқотилгани йўқ, — такрорладим мен. — Инсонни фақат ўлганидан сўнг йўқотасан.

Ҳассе қадаҳни қўлига олди-ю, дарров яна жойига қўйди.

— Кеча мени ёзишмалар бўлимига бошлиқ этиб тайинлашди, — деди у. — Энди мен бош ҳисобчи ва бўлим бошлиғиман. Бунга сабаб, кейинги ойларда ишдан кейин ҳам сурўнкасига меҳнат қилдим. Икки бўлимни кўшиб юборишиди. Олдинги бошлиқни бўшатишиди. Маошимга эллик марка қўшилди. — Унга бирдан жон кирди. — Сиз нима дейсиз, хотиним буни эшитганда кетмаган бўлармиди?

— Кетарди, — дедим мен.

— Олдингидан эллик марка кўп маош оламан. Ўша эллик маркани унга берардим. Ҳар ой ўзига бирор нарса харид қиласарди. Омонат дафтарчамда ҳам бир минг икки юз марка пулим бор!

Нега йиғиб ётган эканман-а? Ишдан ҳайдалсам, хотинимга асқоғали, деганман-да. Мана, кетди-қолди... Тежамкорлик қиласын деб шу ахволга тушдым.

У яна бир нүктага тикилганча жим бўлиб қолди.

— Хассе, — дедим унга. — Менимча, бу нарсаларниң бир-бирига алоқаси йўқ. Бекорга бош қотирманг. Узингизни қўлга олинг. Иккى-уч кундан кейин қандай йўл тутиш кераклиги маъчум бўлиб қолади. Балки хотинингиз кечқурин ёки эртага эрталаб кеп қолар. У ҳам сизга ўхшаб ўйлаб ётгандир, ахир.

— Келмайди, — деди у.

— Қаёқдан биласиз?

— Қанийди маошим ошганини унга айтольсан, таътилга чиқиб, тежалган пулларга иккаламиз саёҳатга жўнасак...

— Айтасиз. Шунча йил яшаб, ҳе йўқ-бе йўқ ажрашиб кетмаснглар керак.

Хассснинг бошқа эркак тўғрисида ўйламаётгани мени таажжубга соларди. Балки хаёлига келмаётгандир; балки фақат хотинидан айрилиб қолгани ҳақида ўйлаётгандир. Маълум вақт ўтгандан кейин кетганига хурсанд бўласиз, дегим келарди-ю, айтольмасдим: «ўлганнинг устига тепган» бўлмасин деган истиҳолага бораётгандим.

Кўнглини бўшатволсин деб, у билан яна пича ўтиридим. Аммо Хассе бир қарорга келолмас, ҳадеб бир гапни такрорларди. Лекин боягидан кўра сал ўзини тутволганди. Бир қадаҳ конъяк ичди. Кейин мени Пат чақириб қолди.

— Узр, — деб, ўрнимдан турдим.

— Бемалол, — ёш боладай у ҳам менга эргашди.

— Ўтира туринг, ҳозир келаман...

— Кечирасиз...

— Дарров қайтаман, — шундай деб Патнинг хонасига кирдим. У каравотда ўтирас, уйқудан сўнг хийла тетиклашиб қолганди.

— Мириқиб ухладим, Робби! Пешин бўлгандир?

— Бир соат ухладинг, холос, — дедим соатимни кўрсатиб.

— Қайтанга яхши, демак, вақтимиз анча экан. Ҳозир туралман.

— Бўпти. Ўн минутдан кейин кираман.

— Хонангда ким бор?

— Хассе, — дедим мен. — Ҳозир жўнатаман.

Қайтиб келсам, Хассе йўқ. Йўлакда ҳам кўринмади. Эшигини тиқиллатдим. Жавоб бўлмади. Шартта эшикни очсан, жавон ёнида турипти. Фаладонлари тортиб ташланган.

— Хассе, — дедим унга, — уйқу дори ичиб, ётинг. Тўйиб ухланг. Жудаям чарчагансиз.

У менга ер остидан қаради.

— Ҳар оқшом ёғиз қолиш! Кечагидай ҳамма вақт сўппайиб ўтириш! Узингиз ўйланг...

Унга ҳаёти ўзгариб кетишини, дунёда ёлғиз одамлар күплигини айтдим. У бир нималар деб ғұлдиради. Ётиб ухланғ, хотинингиз кесчгача қайтиб келиши ҳам мумкин, дедим унга яна тасалли бсрив. Хассе баш силкиб, құлни узатди.

— Кечкүрун тагин кираман, — шундай деб, анча енгил тортган ҳолда изимга қайтдим.

Пат газета ўқиб ўтиради.

— Робби, музейга бормаймизми? — деб қолди у түсатдан.

— Музейга?

— Ҳа. Эрон гиламлари күргазмасига. Музейларга кам борган бўлсанг керак-а?

— Ҳеч қачон бормаганиман! — жавоб бердим унга. — Музейда нима қиласман?

— Бу гапинг ҳам тўғри, — деди у кулиб.

— Борсак бораверамиз. Бунинг ёмон ери йўқ. Мана бунақа ҳавода билимимизни оширишга бир ҳафсала қилиб қўйсак, гуноҳга ботмасмиз, ахир.

Кийиниб, йўлга тушдик. Ҳаво беназир эди. Атрофни ўрмон ва зах ҳиди тутиб кетганди. «Интернациональ» ёнидан ўтаётib, очиқ эшикдан пештахта олдида ўтирган Розага кўзим тушди. Якшанба баҳона суюқ шоколад ичяпти. Стол устида қоғоз халта. Афтидан, ионуштадан сўнг, одатдагидай, қизининг олдига борса керак. Қаҳвахонага кирмаганимга анча бўлди, бинобарин, Розанинг у ерда бемалол ўтириши менга эриш туюлди. Ҳаётимда кўп нарса ўзгарди, назаримда, ҳамма ерда ҳамма нарса ўзгариши зарурдай.

Музейга стиб келдик. Ҳеч ким бўлмаса керак, деб ўйлагандим, таажжубки, одам тирбанд эди. Қоровулдан нима гаплигини суриштирдим.

— Ҳеч гап йўқ, — деди у, — кириш бепул кунларда ҳар доим шунақа бўлади.

— Ана кўрдингми! — деди Пат. — Музейга қизиқадиганилар ҳали кўп.

— Унақамас, бекам, — жавоб берди қоровул фуражкасини қаншарига суреб. — Буларнинг аксарияти ишсизлар. Улар санъатдан баҳраманд бўлиш учун эмас, вақт ўтказиш учун келишади. Бекор юргандан кўра текинга суратларни томоша қилиб кетиш яхши-да.

— Бу гапингизга қўшиламан, — дедим мен.

— Бу ҳали ҳолва, — давом этди қоровул. — Қиши кунлари кўрсангиз! Одам сифмай кетади. Ичкари иссиқ-да.

Биз гиламлар осилган, бошқа заллардан олисроқдаги танобий хонага кирдик. Баланд деразалар ортида қулоч етмас чинор бўй чўзиб турган шинам боғ. Чинор барглари сап-сариқ бўлгани учун залдаги хира ёруғлик ҳам сарғиш кўринади. Намойишга қўйилган буюмлар ақлни шоширади. Ўн олтинчи асрда тўқил-

тап, ҳайвонот олами акс этган иккита гилам, бир нечта исфа-хон гиламлари, Польшанинг жияги шишарагиг ипак палослари. Шақт ва қүёш бўёқлар жилосини мўтадиллаштирган, шу боис, гиламлар худди рангдор юмшоқ қаламларда чизилган улкан хаёни суратларга ўхшар ва ташриф буюрганиларга ранг-тасвир икки аниёла ҳам уддалай олмайдиган ажойиб мутаносибликни кўз-куз қилиётгандай эди. Кулранг осмон, чинорнинг заъфарон япроқларни ҳам, гўё қадимий гилам янглиғ, кўргазмага қўйилган буюмлар орасига жойлашиб олгапди.

Бу ерда бир оз айлангач, музейнинг бошқа залларига ўтдик. Олам кўпайиб борарди, шундан сездимки, буларнинг кўплари насодифан кириб қолишган. Ранглари синиқ, юпун кийинган бу кишилар кўлларини орқага қилиб, кўрқа-писа залдан залга ўтишар, уларнинг бирортаси Ўйғониш даврининг асарлари ёки антик даврга оид салобатли ҳайкалларга қарамас, нигоҳлари бутунлай бошқа нарсалар устида сирғаларди. Келганларнинг аксарияти қизил духоба қопланган диванларга ўтирволган. Оёқларила мадор йўқ, лекин музей хизматчисининг бир ишораси билан ўриниларидан туриб, чиқиб кетишга тайёр.

Юмшоқ диванларда текин ҳордиқ чиқариш мумкинлигини улар тушунишмайди. Пулсиз бирор нарсага эга бўлишни тасаввур қилишолмайди.

Барча заллар тинч, осуда. Одам кўп бўлишига қарамай, тиқ этган овоз эшитилмайди. Аммо ўзимни руҳан синган, лекин ҳали таслим бўлишни хоҳламаётган кишиларнинг бсаёв, айни пайтда, унсиз жангиди иштирок этётгандай сезардим. Ҳаёт бу оламларни четга суриб ташлаган, ишидан маҳрум қилган, касбкорини тортиб олган, шўрликлар нимагаки талпинган бўлса, баридан мосуво этган, мана шунинг учун ҳам улар мурдага айланмаслик ва тушкунликка банди бўлмаслик учун санъатнинг мана шу сокин гўшасидан паноҳ топишган. Улар нон ҳақида, фақат нон ва иш ҳақида ўйлашади; лоақал бир неча соатга бўлса ҳам, руҳларини эзиб-янчиб ётган ўйлардан ҳолос бўлиш учун бу ерга келишади. Мана, буқчайиб, оёқларини судраб, римликларнинг силлиқ бюстлари, қадимий юони аёлларининг бетакрор, оппоқ ҳайкалчалари орасида бемақсад айланиб юришипти — қандай даҳшатли, кишини ларзага соладиган зиддият! Минг йиллар давомида одамзот нимага эришди-ю, нимага эришолмади — буни фақат мана шу ерда яққол англаш мумкин: инсоннинг ўлмас санъат обидаларини яратди, аммо ўз қавмига дахлдор ким-саларнинг ҳар бирини лоақал нонга тўйғазишга қурби стмади.

Пешиндан кейин кинога тушдик. Уйга қайтаётганимизда ҳаво очилиб кетган эди. Осмон тип-тиниқ. Кўча ва дўконлар чароғон. Биз шошмасдан, йўл-йўлакай витриналарни томоша қилиб борардик.

Мен каттакон мүйна дүкөнининг ярқираб турған ойнаси олдидиа тұхтадим. Кечқуруулари салқын эди. Витриналарда мүйна ёқали пальто ва антиқа қишики пүстинлар осиғелиқ турарди. Патта қарадим. Эгнида ҳалиям ўша-ўша енгил, ёзги камзул. Бу либосининг мавсуми аллақачон ўтиб кетди.

— Фильм қаҳрамони бұлғанимда ичкарига кириб, пүстинни олиб чиқардим, — дедим мен.

Пат жилмайди.

— Қайси бирини?

— Ановини! — Менга энг иссиқ туюлған пүстинни күрсатдим.

У кулиб юборди.

— Диңгән чаккимас, Робби! Бу ноёб Канада норкаси.

— Шуни хоҳтайсалым?

У менга таажжубланиб қаради.

— Қанча туришини биласанми, азизим?

— Йүқ, — жавоб бердим мен, — билишни ҳам истамайман.

Үндән күра хоҳлаган нарсамни сенга қай тарзда совға қилиш ҳақида ўйлаганим яхши. Нега бошқалар суюклисига совға қила олади-ю, мен қилолмайман?

Пат менга тикилиб қаради.

— Робби, менга бунақа пүстин керак эмас.

— Йүқ, — дедим унга. — Керак! Бу ҳақда бошқа гаплашмаймиз. Эртага одам жүнатамиз.

— Раҳмат, азизим, — у юзимдан ўпди. — Энди менга навбат. — Биз әрқаклар кийимлари сотиладиган дүкон олдиди тұхтадик. — Манови костюмни оламиз! Менинг пүстинимга жудаям мос тушади. Манови цилиндр ҳам, қизиқ, цилиндрда қанақа күринаркинсан?

— Оркестрдаги сурнайчиға ўхшаб қоламан-да. — Мен костюмга разм солдим. Еқаси күлранг дұхобали ажойиб костюм. Витринани дикқат билан күздан кечирдім. Пат билан биринчи марта қаҳвахонага бориб, кайфим ошиб қолған күни галстукни худди маңа шу дүкөндан харид қылған эдім. Томогимга бир нима қадалгандай бўлди. Баҳор эди ўшанда... У пайтда Пат ҳақида ҳеч нарса билмасдим...

Нозик құлинни олиб, кафтанин юзимга босдим.

— Пүстинининг ённега яна бирор нарса оламиз, — дедим мен. — Битта пүстинининг ўзи — моторсиз мөшинадай гап. Икки-учта кечки қўйлак ҳам харид қиламиз.

— Кечки қўйлак... — шундай деб, каттакон витрина олдиди тұхтади. — Кечки қўйлак... Гапинг тұғри, буни рад этолмайман...

Учта антиқа қўйлакни танладик. Бу ўйин Патта ёқиб қолади. Ростдан ҳам у кийинишии яхши кўрарди. Бира тұла кечки қўйлак-ка нимақи лозим бўлса, барини танладик. Пат бу ишга иштиёқ билан киришиб кетған, кўзлари чақнарди. Мен бир четда туриб, уни кузатар, гапларига қулоқ солардим. Айни пайтда, аёлни севиш ва қашшоқ бўлини нақадар оғирлиги хусусида ўйлардим.

Юр, — дедим унга жүшиб-тошиб, — модомики шу ишга күтүрдикми, охирига етказишимиз керак! — Қаршимизда заргарчык дүкөнининг витринаси турарди. — Ана зумрад құзли би-чынзук! Худди шунақа узук билан исирға! Баҳлашмаймиз! Зумрад сенға ярашади.

Бунинг эвазига сен тилла соат билан дурни оласан.

— Бутун дүкон сеники. Бундан камига күнмайман.

Пат қотиб-қотиб кулди. сүңг ҳарсиллаб қўксимга суюниб қорили.

— Бўлди, азизим, бўлди. Энди уч-тўртта чамадон сотовлиб, саёҳатлар бюросига борамиз, кейин нарсаларимизни жойлаб, бу шаҳардан, бу кузак ва ёмғирдан олисларга кестворамиз...

«О, қанийди, — дедим ичимда. — Шунда тезроқ тузалиб кетармиди!»

— Қаёққа? — сўрадим ундан. — Мисргами? Ёки ундан ҳам уюкроққа — Ҳиндистон ва Хитойгами?

— Қуёшга, азизим, қуёш бор ерга, илиқ-иссиқ жанубга. Ҳурмолар ўсиб ётган, баланд қоялари, оппоқ уйлари бор денгиз соҳилига. Балки у с尔да ҳам ёмғир ёғаётгандир, балки ҳамма жойла шу ахволдир.

— Бўлмаса, ундан ҳам нарига кетамиз, — дедим мен. — Ёмғир йўқ жойга, тропик мамлакатларга, жанубий денгизларга кетамиз.

Биз «Гамбург — Америка» саёҳатлар бюросининг чароғон витринаси рўпарасида туриб, пароход нусхасини томоша қиласадик. Пароход қозодан ясалган кўм-кўк тўлқинлар узра сузид борар, унинг ортида эса Малихэттэндаги осмонўпар биноларнинг расмлари кўзга ташланарди. Бошқа витриналарга пароход тўхтаб ўтадиган манзиллар кўрсатилган хариталар осиб қўйилган.

— Америкага ҳам борамиз, — деди Пат. — Кентуккига ҳам, Техасга ҳам, Нью-Йоркка ҳам, Сан-Францискога ҳам, Гавай оролларига ҳам борамиз. Кейин Жанубий Америкага ўтамиз. Мексика ва Панама канали орқали Буэнос-Айрес, сўңг Рио-де-Жанейрода бориб, ана ўшандан кейингина уйга қайтамиз.

— Ҳа-а...

Унинг кўзлари порлаб турарди.

— У ёқларда бўлмаганман, — дедим мен. — Ўшандада сенга ёлғон гапирган эдим.

— Биламан.

— Қаёқдан биласан?

— Биламан-да, азизим! Албатта биламан! Дарров сезганман!

— У пайтларда тентак эдим. Қип-қизил нодон эдим. Шунинг учун сени алдаганман.

— Ҳозир-чи?

— Ҳозир ундан баттарман, — жавоб бердим мен. — Кўрмаяпсанми? — Мен витринадаги пароходга ишора қилдим. — Бунга ўтириш бўзга насиб этмайди. Пешонамиз курсин!

Пат қулиб, тирсагимдан ушлади.

— Вой, азизим-сій, шима учун камбағалмиз-а? Бой бұлгани-мизда пулни қандай ишлатишни билардик. Шұнақа бадавлат кишилар борки, ўз мақкамалари ва банкларида тухум босиб ўти-ришдан бошқа нарсаны билишмайды.

— Шүнинг учун ҳам улар бадавлат-да, — дедим мен. — Мабоди биз ҳам бойиб кетсак, кеккайишимиз узоққа чўзилмасди.

— Гапинг тўғри. Ҳаш-наш дегунча йиққанимизни кўкка со-вурардик.

— Эҳтимол, азбаройи пулни тез сарфлаганимиздан тузук-куруқ роҳат ҳам қилолмасди. Бизнинг давримиизда бой бўлиш касбга айланиб қолди. Машаққатли касбга айланиб қолди.

— Қашшоқ бойлармиз! — деди Пат. — Шүнинг учун, яхши-си, ўзимизни қачонлардир бой бўлган-у, кейин қашшоқлашган кишилардай тутишимиз керак. Айтайлик, ўтган ҳафта сен сингансан, шу сабабли уйни ҳам, менинг тақиңчоқларимни ҳам, мошинани ҳам сотишга тўғри келган. Нима дейсан?

У қулиб юборди.

— Унда кетдик! Иккаламиз ҳам синганмиз. Кулбамизга бориб, бадавлат кунларимизни эслаймиз.

— Яхши фикр.

Яна аста йўлга тушдик. Ёниб турган чироқлар ёнига янгилари қўшилди. Қабристонга яқинлашганда осмонда учеб кетаётган кабинаси ёп-ёргу самолётга кўзимиз тушди. У, худди эртаклардаги афсонавий семурғдай, бепоён кўқда тобора ердан йироқлашиб бораради. Тўхтаб, то кўздан ғойиб бўлгунча унга термулиб турдик.

Қайтганимиздан сўнг, орадан ярим соат ўтар-ўтмас бирор эшикни тиқиллатди. Ҳассе деб ўйладим. Туриб эшикни очсан, фрау Залевски. Рангидаги йўқ.

— Юра қолинг, — шивирлади у.

— Тинчликми?

— Ҳассе.

Унга савол назари билан қарадим. Фрау елкасини қисди.

— Ичкаридан бекитволиб, жавоб бермаялти.

— Ҳозир.

Патининг олдига кириб, Ҳассе билан гаплашиб чиққунимча дам олиб туришни илтимос қилдим.

— Бўпти, Робби. Ростдан ҳам яна ҷарчадим.

Фрау Залевскига эргашдим. Ҳассенинг эшиги олдида қарийб бутун пансион тўпланганди: енги кенг ола-була кўйлак кийган малла соч Эрия Бениг; ҳарбийча камзулли марка йиғувчи кас-сир; ҳозиргина қаҳвахонада аёллар билан беармон рақсга тушиб келган Орлов; Ҳассени чақиравериб овози хириллаб қолган Жор-жи ва ниҳоят, ҳаяжон, кўрқув ва синчковликдан кўзлари ола-кула бўлиб турган Фрида.

Линча бўлдими очмаёттанига? — сўрадим Жоржидан.

Чорак соатдан ошди, — бидирлади қисқичбақадай қип-ни кариб кетган Фрида. — Ичкарида ўтирипти, тушдан кейин ҳеч ғисқада чиққани йўқ, хонасида обдан у ёқдан-бу ёққа юрди, кейин ким бўлиб қолди...

Калит ичкарида, — деди Жоржи, — эшик қулф.

Фрау Залевскига қарадим.

- Калитни итариб ташлаб, эшикни очиш керак. Хонанинг бопиқа калити борми?

— Ҳозир ҳамма калитни опкламан, — деди Фрида фавқу-ложида жонсараклик билан. — Бирортаси тушив қолар.

Менга бир бўлак сим узатиши. Калитни бураб, қулф ичидан чиқаздим. Жиринглаб эшик орқасига тушди. Фрида кафтларини юзига босиб, қийқириб юборди.

— Йўқолинг бу ердан, — дедим унга ва калитларни қулфга солиб кўра бошладим. Биттаси тушди. Эшикни очдим. Хона ним қоронғи бўлгани учун аввалига ҳеч ким кўринмади. Каравот теп-текис, стуллар бўш, жавон эшиклари берк.

— Ана турипти! — деди Фрида яна олдинга суқулиб ўтиб. Йозимга унинг иссиқ нафаси, димогимга пиёз ҳиди урилди. — Ана, дераза олдида турипти.

— Йўқ, — Орлов шундай дедию хонага кириб, тез қайтиб чиқди. Мени четга суриб, эшикни ёпди, кейин йўлакда турганларга мурожаат қилди: — Боринглар. Кўришинглар шарт эмас, — деди у вазминн рус лаҗасида. Ўзи эшик олдидан жилмади.

— Ё парвардигор! — фрау Залевски орқага тисарилди. Эрна Бепиг ҳам бир исча қадам нари кетди.Faқат Фрида олдинга тал-пиннган эди, Орлов уни тўхтатди.

— Қўйинг, кераги йўқ... — деди у яна.

— Жаноб! — бирдан кассир хезланаб қолди. — Нима ҳаққингиз бор? Муҳожир бўлсангиз!..

Орлов унга хотиржам қаради.

— Муҳожир денг... — деди у. — Муҳожир... ҳозир бунинг аҳамияти йўқ. Гап бунда эмас...

— Ўлганми? — Фрида сира тинчимасди.

— Фрау Залевски, — дедим мен. — Майли, сиз қолинг, Орлов иккаламиз қолайлик.

— Дарров дўхтирига қўнгироқ қилинг, — деди Орлов.

Жоржи гўшакни кўтарди. Бари бир неча дақиқа ичida юз берди.

— Мен ҳам қоламан! — деди кассир қип-қизариб. — Немис фуқароси сифатида ҳаққим бор...

Орлов елкасини қисиб, эшикни очди. Кейин чироқни ёқди. Аёллар қичқириб, ўзларини орқага ташлаши. Деразада юзи қорайиб, оғзидан тили чиқиб қолган Хассе осилиб турарди.

— Чилвирини қирқинглар! — леб бақирдим мен.

— Фойдаси йўқ, — деди Орлов совуққонлик билан. — Бунақа воқеани кўрганман... юзига қарант... аллақачон жони узилган.

— Бир уриниб кўрайли...

— Тегмаган маъқул. Оддин полиция келсин.

Шу пайт эшик жиринглади. Кўшни уйда туралидиган дўхтири келган эди. У озғин, буқчайган гавдага қарадио:

— Кечикибмиз, — деди. — Майли, бир сунъий нафас олдириб кўрайли. Пичоқ беринглар, дарҳол полицияга қўнфироқ қилинглар.

Хассе эшилган ипак чилвирга ўзини осган эди. Бу хотинининг қизил халатидан қолган боғич бўлиб, дераза тепасидаги илгакка боғланганди. Богичга совун суртилган. Афтидан, Хассе дераза токласига чиққану кейин ўзини паствга ташлаган. Кўллари чангак бўлиб қолган, афтига қараб бўлмайди. Энг қизиги, ясанвопти. Эгнида тоза матодан тикилган кўк костюм, оҳори тўкилмаган кўйлак, соқоли олинган. Столи устида паспорт, омонат дафтарчаси, тўртта ўн маркалик пул, озгина кумуш ва иккита хат — бири хотинига, биттаси полицияга. Хотинига ёзилган хатнинг ёнида кумуш тамакидон билан никоҳ узуғи.

Назаримда у жонига қасд қилишдан олдин ҳамма нарсани пухта ўйлаган. Хона саришта. Пастав жавон устида турган пул билан бир варақ қофозга кўзимиз тушиб қолди. Унга: «Жорий ой учун тураржой тўловининг қайтими», — деб ёзилган. Бу пул алоҳида кўйилган, шу билан гўё бу нарсаларнинг ўлимимга дахли йўқ, демоқчи бўлган.

Фуқароча кийинган икки мансабдор келди. Жасадни сиртмоқдан бўшатиб олишга ултурган дўхтири ўрнидан турди.

— Ўлган, — деди у. — Жонига қасд қилган. Бунга шубҳа йўқ.

Мансабдорлар чурқ этишмади. Эшикни ёпиб, хонани синчиклаб кўздан кечириши, кейин жавон ғаладонидан бир неча хатни олиб, столдаги иккита дастхатга солиштириши. Ёшроқ мансабдор маъноли бош силкиб кўйди.

— Сабабини ҳеч ким биладими?

Билганларимни гапириб бердим. У яна бош силкиб, манзилимни ёзиб олди.

— Жасадни олиб кетса бўладими? — сўради дўхтири.

— Шаритэ шифохонасининг санитар машинаси буюртма берганман. — жавоб берди ёш мансабдор. — Ҳозир кеп қолади.

Кута бошладик. Хонага сукунат чўкли. Дўхтири Хассенинг устига энгашиб, тумгаларини ечди ва сочиқ билан кўкрагини ишқалай бошлади, кейин қўлларини бир неча марта кўтариб-тусирди. Ҳаво жонсиз ўпкага чийиллаб кириб-чиқарди.

— Шу ҳафтада ўн иккисини, — деди ёш мансабдор.

— Сабаби бир хилми? — сўрадим ундан.

— Йўқ. Асосан ишсизликдан. Иккита оила газдан заҳарланган. Биттасида учта фарзанд бўлган. Оилалар ҳамма вақт газни очиб кўйиб, ҳаёт билан видолашди.

Санитарлар замбил күтариб киришди. Уларга күшилиб Фрида ҳам хонага кирдию Хасссенинг жасадига тикилиб қолди.

— Нима керак сизга? — сўради ундан ёши улуф мансабдор.

Фрида чўчиб тушди.

— Гувоҳлик беришим керак-ку, ахир, — деди у дудуқланиб.

— Йўқол бу ердан!

Санитарлар Хасссенинг устига адёл ташлаб, олиб чиқиб кетишди. Кейин иккала мансабдор ҳам кетишга тараддулданди. Улар ҳужжатларни олволишиди.

— У дағнга пул қолдирипти, — деди ёш мансабдор. — Керакли жойга топширамиз. Хотини келса, айтинглар — полицияга кирсинг. Эри жамғармасини унга васият қилган. Бошқа буюмлари ҳозирча шу ерда турса бўладими?

Фрау Залевски бош силкиди.

— Бу хонани энди ижарага беролмайман.

— Яхши.

Мансабдор хайрлашиб, чиқиб кетди. Биз ҳам тарқалдик. Орлов эшикни қулфлаб, калитни фрау Залевскига берди.

— Бу воқсанни достон қилиб юриш шарт эмас, — дедим мен.

— Гапингиз тўғри, — маъқуллади фрау Залевски.

— Сизни назарда тутяпман, Фрида, — кўшиб қўйдим мен.

Фриданинг кўзларидан учқун сачраб кетди-ю, лекин индамади.

— Агар фрейлейн Хольманга гапириб қўйсангиз, мендан яхшилик кутманг.

— Ўлибманим касал хотинга гапириб! — деди у гажирлик билан.

Юзига тарсаки тортгим келди-ю, ўзимни тийдим.

— Шўрлик Хассе, — деди фрау Залевски.

Йўлак қоп-қоронги эди.

— Граф Орловга қўполлик қилдингиз, — дедим кассирга. — Кечирим сўраб қўйсангиз бўлармиди?

Қария кўзларини пирпиратди, сўнг бирдан томоқقا зўр берди:

— Немиснинг эркаги кечирим сўрамайди! Айниқса, осиёнишкдан! — Шундай дедиу эшигини қарсиллатиб ёпиб, хонасига кириб кетди.

— Оташин марка йигувчимизга нима бўлди? — сўрадим таажжубланиб. — Мусичадай ювощ эди-ку.

— Кейинги пайтларда сайловолди йигилишларининг бирор тасидан қолмаяпти, — қоронгиликдан Жоржининг овози эшигиди.

— Э, гап бу ёқда экан-да!

Орлов билан Эрна Бениг кетишиди. Фрау Залевски бирдан ўнграб юборди.

— Қўйинг, йигламанг, — дедим унга. — Энди ҳеч нарсани ўзартириб бўлмайди.

— Қандай даҳшат! — пиқиллади у. — Бу ердан күчиб кетишім керак, чидаёлмайман!

— Чидайсиз, — дедим мен. — Газдан зақарланиб ўлған бир неча юз инглизнің күрганман. Чидаганман...

Жоржининг құлиниң қисиб, хонамга кирдим. Чироқни ёқишидан олдин бесіхтиёр деразага қарадим. Кейин қулоқ солдим. Пат ухлаб ётарди. Жавондан конъякни олиб, қадағни тұлдирдим. Тоза конъяк эди, яхшиям борлиги. Шишани столга қўйдим. Охирги марта Хассе шу конъякдан ичган эди. Уни ёлғиз қолдирмасам бұлар экан. Ким билипти бунақа бўлишини? Ўзимдан ўпкалаш им нойринг. Ҳаётда нималарни кўрмадим, қандай кунларни бошдан кечирмадим! Шуни биламанки, ё қылган ҳамма ишингдан ўпкаланнишинг керак. ёки ҳеч нарсадан ўпкаланмаслик лозим. Бу ҳодиса якшанбага тўғри келгани чатоқ бўлди. Агар бегим кунлари бўлганда у ишига кетарди, эҳтимол, фожиа ҳам юз бермасди.

Яна конъяк хўпладим. Энди ўйлашдан фойда йўқ. Қолаверса, эртага ким нима бўлишини Оллоҳ билади. Балки, вақт-соати келиб, бугун ичинг ачиётган одаминг дунёда энг баҳтли инсон бўлиб туюлар?

Патнинг шарпаси эшитилди. Олдига кирдим. У кўзларини очиб ётарди.

— Менга нима бўлди ўзи, Робби? — деди у. — Яна тошдай қотиб ухлабман.

— Яхши-да.

— Йўқ, — у ёстиққа суюнди. — Бунақа ухлашни хоҳламайман.

— Нега? Баъзан уйқуга ётганда эллик йил уйғонмасам дейман.

— Шунча йилга қаришингни ўйламайсан-да.

— Қайдам. Бу уйғонганингдан кейин маълум бўлади.

— Бир нарсадан хафамисан?

— Йўқ, — дедим мен. — Аксинча. Ҳозир кийиниб, бирор жойга борсак-да, тузукроқ овқатланисак. Сен яхши кўрадиган таомларнинг баридан татиб кўрамиз. Қиттай-қиттай отамиз.

— Зўр таклиф, — жавоб берди у. — Бу ҳам шармандаларча силганимиз шарафигами?

— Албатта.

## XXI

Октябрнинг ўрталариде мени Жаффе чақиртирди. Соат ўн бўлишига қарамай, ҳавонинг авзойи бузуқлигидан шифохонадаги чироқлар ёниқ эди. Электр нури ташқаридан тушиб турган зайнф ёруғликка қоришиб, баттар равшанлашиб кетгандай туюларди.

Жаффе каттакоң кабинетида бир ўзи ўтиради. Кирганимда тепакал бошими кўтарди-да қовоғини солиб, ёмғир савалаётгандаразага имо қилиди.

— Падарлаынат ҳавога қараңг.

Елкамни қисдим.

— Очилиб кетар.

— Очилмайди.

У менга бир қаради-ю, индамади. Кейин қаламни олиб, бирмунча вақт столни тиқиллатиб ўтириди, сүнг уни жойига қўйди.

— Нима сабабдан чақирирганингизни сезиб турибман, — дедим унга.

Жаффе бир нима деди.

Бир оз кутдим. Сўнг яна ўзим гап бошладим:

— Пат даволанишга кетиши керак, шундайми?

— Ҳа.

Жаффе столдан кўз узмасди.

— Октябрнинг охирлариға мўлжаллагандим. Лекин ҳавони кўряпсиз-ку... — У яна қаламни қўлига олди.

Шамол эпкини ёмғир томчиларини дераза ойналарига келтириб урди. Пулемётнинг оний тариллашига ўхшаб кетди.

— Сизнингча қачон жўнаши ксрак? — сўрадим ундан.

— Эртага.

Бир дақиқа караҳт бўлиб қолдим. Сал ўзимга келганимдан кейин юрагимни ҳовучлаб сўрадим:

— Соғлиғи шу даражада ёмонлашганми?

Жаффе бош чайқаб, ўрнидан турди.

— Ёмонлашганда умуман боролмасди, — деди у. — Лекин жўнаб кетгани маъқул. Бунақа ҳаво унга тўғри келмайди. Шамоллаб қолиши бор, кейин...

У столдан бир неча хатни олди.

— Ҳаммасини тайёрлаб қўйдим. Борволсанглар бўлди. Санаторийнинг бош дўхтирини талабалигидан биламаи. Яхши одам. Фрейлейн ҳақида батафсил ёздим.

Жаффе менга иккита хат берди. Уларни олдим-у, аммо чўнтағимга солмадим. Профессор ўрнидан туриб келиб, қўлини елкамга қўйди. Қўли қушнинг қанотидай енгил эди.

— Биламаи, қийин, — деди у аллақандай паст, маъюс оҳангда. — Тушунаман... Шунинг учун ҳам бу ишни орқага суриб келаётгани элим.

— Қийин жойи йўқ... — дедим мен.

У қўл силтади.

— Кўйсангиз-чи...

— Рост, -- эътиroz билдиридим мен. — У маънода эмас... Фақат бир нарсани билмоқчиман: омон-эсон қайтиб келадими?

Жаффе жавоб қайтаришга шошмади. Қон-қора, қисиқ кўзлари чироқ нурида йилтираб турарди.

— Ҳозир сизга бунинг нима кераги бор? — деди у ниҳоят.

— Агар қайтиб келмайлигай бўлса, бормай қўя қолгани яхши.

— Нималар деяпсиз?

— Шу ерда қолгани тузук.

У менга тикилиб қаради.

— Оқибати нима бўлишини биласизми?

— Ҳа, — жавоб бердим унга. — Ўлади, лекин ёлғизликда эмас.

Бунинг нималигини мен ҳам яхши тушунаман.

Жаффе, худди эти увишаётгаңдай, елкасини кўтарди. Кейин дераза олдига бориб, хийла вақт ёмғир ёғишини кузатиб турди. Менга қайрилиб қараганида юзини танимай қолдим.

— Ёшингиз неччида?

— Ўттизда, — жавоб бердим унинг ниятини илғамай.

— Ўттизда, — тақрорлади у худди ўзи билан ўзи гаплашаётгандай. — Ўттиз, э-ҳа! — Кейин ёзув столининг ёнига борди. Каттакон, ялтироқ стол олдида зифирдайгина бўлиб қолди. — Мен ҳадемай олтмишга кираман, — деди у менга қарамай. — Лекин мен бундай қилолмасдим. Фойдаси йўқлигини билиб турсам ҳам уриниб кўйардим, қайта-қайта уринаверардим.

Индамадим. Жаффе ҳам ўша жойда тураверди. Гўё бу дунёни унутганди. Кейин худди уйкудан уйғонгандай бўлди-ю чехраси ҳам асл ҳолига қайтди:

— Тоғда қишини яхши ўтказади. Бунга ишончим комил.

— Фақат қишиними?

— Менимча, баҳорда қайтиб келиши мумкин.

— Менимча... Буни қандай тушуниш керак?

— Ҳаммасини айтишим керакми?! — деди Жаффе. — Қизиқсиз-а... Ҳозир аниқ бир гапни айтольмайман. Ким билади у ёғини? Баландликда ўзини қандай ҳис этади, кўрамиз. Лекин умид қила-манки, баҳорда қайтиб келади.

— Умид қиласан?

— Ҳа. — У столни айланиб ўтиб, чиқиб турган ғаладонни шунаقا тепдики, стаканлар жиринглаб кетди. — Тушунсангизчи, азизим, уни жўнатиш менга ҳам осонмас!

Ҳамшира кирди. Жаффе унга чиқиб туришни ишора қилди. Аммо оппоқ соchlари ҳурпайган, бесўнақай, япасқи юз ҳамцира қаққайиб тураверди.

— Кейин, — деди Жаффе. — Кейин кирасиз!

Ҳамшира зарда билан қайрилиб, эшик томон юрди. Чиқиб кета туриб, чироқ тугмачасини босди. Хона бирдан сутранг нурга тўлди. Жаффенинг юзи тупроқ тусига кирди.

— Алвасти! — деди у. — Йигирма йилдан бўён бўшатаман дейман-у, бўшатолмайман. Ишига пухта-да. Кейин менга юзланди: — Ҳўш?

— Бугун кечқурун жўнаймиз, — дедим мен.

— Бугун?

— Ҳа. Башарти бориш керак экан, эртани кутиб нима қиласиз. Ўзим олиб бориб қўяман. Бир неча кунга ишдан рухсат сўрайман.

Жаффе мен билан қўл қисишиб хайрлашди.

Эшиккача бўлган масофа жудаям узоқ туюлди.

Күчага чиққанимда хатлар ҳамон қўлимда эканини пайқалим йемғир конвертларга тасирлаб тушарди. Артиб, ён киссамга соғлим. Кейин атрофга алангладим. Бино олдига автобус келиб тұнады. Одам тирбанд эди. Бир талай йўловчилар тушишди. Қора ранги ялтироқ ёмғирпўш кийган уч-тўртта қиз кондукторга ҳазил қипиди. У ёш йигит эди, буғойранг, тишлиари садафдай. «Ё алҳашар, — дедим ичимда. — Бунақа бўлиши мумкин эмас. Атрофда ҳист қайнаб турипти, Пат нега ўлиши керак?»

Кондуктор қўнғироқни босди, автобус жойидан қўзғалди. Филидраклар остидан йўлкага лой сачради. Тез жўнадим. Кестерпинги огоҳлантиришим ва чипта олишим керак эди.

Кундузи соат ўн иккода уйга келиб, йўл тадоригини кўрдим, ҳатто санаторийга хабарнома жўнатишга ҳам улгурдим.

— Пат, — дедим хонасига кира солиб. — Кечгача нарсаларингни йигиштиришга улгурасанми?

— Кетишим керакми?

— Ҳа, Пат.

— Бир ўзим-а?

— Йўқ. Бирга кетамиз. Сени олиб бориб қўяман.

Унинг ранги хиёл ўзгарди.

— Қачонга тайёр бўлишим керак?

— Поезд кечқурун соат ўнда жўнайди.

— Ҳозир бирор ерга кетасанми?

— Йўқ. Шу ерда бўламан.

У оғир тин олди.

— Бўпти, Робби. Бошлайверамизми?

— Вақтимиз ҳали кўп.

— Йигиштиравераман. Тайёр тургани яхши.

— Майли.

Ярим соатда ўзимга керакли нарсаларни таҳт қилдим. Кейин фрау Залевскининг олдига кириб, кетаётганимизни айтдим. Патнинг хонасини биринчи ноябрдан, ҳатто ундан олдинроқ ҳам бирорта одамга ижарага бериши мумкинлиги ҳақида келишиб олдик. Бека гапни узоқдан бошлаётган эди, хонадан тез чиқиб кетдим.

Пат кийим солинадиган чамадон олдида чўкаллаб ўтирас, қўйлаклари очиқ жавонда осилиб турарди. Ички кийимлари қараштада ётипти. У пойабзалларини жойлаштираётганди. Бу срга кўчиб келганида ҳам шу алфозда ўтириб, нарсаларини битта-битталаб чамадондан олгани ёдимга тушди, назаримда, бунга минг йил бўлган, айни пайтда, худди кечагина юз бергандай иди.

— Ялтироқ қўйлагингни ҳам оласанми?

У бош силкиди.

— Робби, ортиқча нарсаларни нима қиласми? Тақир-туқурарни, масалан?

— Фрау Залевски билан келишиб қўйдим. Сиққунича хонамга опкириб қўяман, қолганларини омонатхонага топширамиз. Келганингдан кейин қайтариб оламиз.

— Қачон келаман-у...

— Баҳорда-да. Тоғ офтобида қип-қизарип келасан.

Кечгача ҳамма нарсани тайёрлаб қўйдик. Қизиқ; жавон, каравот, стол-стуллар — бари жой-жойида турарди-ю, назаримда, хона бўм-бўш бўлиб, ҳувиллаб қолгандай эди. Пат каравотга ўтириди. Анча толиққан эди.

— Чироқни ёқайми?

У бош чайқади.

— Сал туриб.

Ёнига ўтиридим.

— Сигарета берайми?

— Йўқ, Робби. Сал дам овлолай.

Туриб, дераза ёнига бордим. Кўча чироқлари ёмғир остида милтираб турипти. Дарахт шохлари орасида шамол чарх уради. Йўлкадан Роза ўтиди. Кўнжи узун этиги ярқирайди. Қўлтиғига қофоз халтани қистирволиб, «Интернациональ»га кетяпти. Афтидан, қизига яна бирор нарса тўқиган бўлса керак. Кейин Фрицци билан Марион ўтишди, иккови ҳам гавдасига ёпишиб турган оқ ёмғирпўш кийиб олган. Бир оздан сўнг оёғини судраб Мими ўтиди, қариб кетган, уст-боши эски, ҳорғин.

Юзимни бурдим. Хона қол-қоронғи, Пат ҳатто кўринмасди. Фақат нафасини эшитардим. Қабристондаги дарахтлар ортидан реклама чироқлари аста юқорига ўрлай бошлади. Машҳур сигаретстанинг номи худди ола-була орден тасмасидай томларга тирмашди, вино ва ликёрлар кўк ҳамда яшил тусда ҳалқа-ҳалқа бўлиб кўпирди, ички кийимлар дўконининг рекламаси ярқиради. Рангбаранг нурлар олдин шифт ва деворларга ястаниб, сўнг чор атрофга таралиб кетар. хона денгиз тубидаги ғаввослар қалпоғига ўхшарди. Унинг теграсида ёмғир тўлқинлари мавж урар, тепадан, сув қатлами орасидан, олис дунёнинг заиф шуъласи базур ўтаётгандай туюларди.

Соат саккиз эди. Кўчада машина сигнал берди.

— Таксида Готтфрид келди, — дедим Патга. — Бизни овқатлангани олиб боради.

Деразадан қараб, ҳозир чиқамиз, дедим. Кейин стол чироғини ёқиб қўйиб, хонамга чиқдим. Кўзимга жудаям совуқ кўринди. Ром шишинини очиб, апил-тапил бир ҳўплам ютдим. Кейин кресслога ўтириб, деворга тикилдим. Тағии ўрнимдан туриб, сочимни тараш учун ойна олдига бордим. Афтилни кўриб, соч тараш ҳам эслан чиқди. Юзимга совуқ нигоҳ билан тикиларканман, лабларимни қисиб илжайдим. Кўзгудаги жиддий ва қонсиз аксим ҳам менига қараб кўлди.

— Сени қара-ю! — дедим ичимда. Сүнг яна Патнинг олдига кирдим.

— Кетдиқми, дўстим?

— Кетдиқ, — деди Пат, — олдин хонангга бир кириб чиқмоқчиман.

— Нега? Шу эски ҳужрада нима қиласан?

— Сен туро тур. Ҳозир чиқаман.

Бир оз кутиб, изидан кирдим. Мени қўриб, Пат сесканиб кегди. Бунақа аҳволда сира учратмагандим. Ў хонанинг ўртасида мунғайиб турарди. Бу ҳол бир лаҳзагина давом этди, чеҳрасига яна табассум югурди.

— Кетдиқ, — деди у. — Готтфрид кутиб қолди.

Ошхона ёнида фрау Залевскига дуч келлик. Унинг оппоқ гажаклари титрарди. Қора шойи кўйлагига марҳум Залевскининг акси туширилган тўғнағични қадаб олган.

— Бардам бўй! — шивирладим Патга. — Ҳозир сени бағрига босади.

Шу он Пат аёлнинг улкан қучогига фарқ бўлди. Фрау Залевски йиғларди. — Яна бирпас турса, унинг кўз ёшларидан шалаббо бўларди. Онахон Залевски йиғлаганда кўз косалари қайнарбулоққа айланарди.

— Узр, — дедим унга. — Шошиб турибмиз! Кетишимиз керак!

— Шошиб турибмиз? — фрау Залевски менга еб юборгудай қаради. — Поезд икки соатдан кейин жўнайди! Шундан фойдаланиб, қиз шўрликни араққа бўқтироқчимисиз?

Пат кулиб юборди.

— Йўқ, фрау Залевски. Дўстларимиз билан хайрлашишимиз керак.

Фрау Залевски ишонқирамай бош чайқади.

— Фрейлейн Хольман, сизнинг назарингизда бу одам — тилла йигит, аслида эса тилла сувига чайилган арақнинг шишиаси.

— Ўхшатишни болладингиз, — дедим мен.

— Болагинам!.. — фрау Залевски яна обидийда қила бошлили. — Тезроқ қайтинг! Хонангиз сизни кутади. Ҳатто шахсан кайсернинг ўзи ижарада турган бўлса ҳам, келишингиз билан чиқаниб юбораман.

— Раҳмат, фрау Залевски! — деди Пат. — Мингдан-минг раҳмат! Қартада очган фолларингиз учун ҳам ташаккур. Сирайм унумайман.

— Баракалла. Тезроқ соғайиб, отдай бўп кетинг!

— Ҳаракат қиласан. Ҳайр, фрау Залевски! Ҳайр, Фрида!

Жўнадик. Зинапоя қоронғи эди — лампочкаларнинг анчамунчаси куйган. Пат зиналарни авайлаб босиб, эҳтиётлик билан настға туша бошлиди. Үндан сало чиқмасди. Назаримда, уйга бориб келиш муддати тутагану мана энди яна фронтга жўнаш учун ишқалта кетаётгандаймиз.

Ленц такси эшигини очди.

— Эхтиёт бўлинглар! — деди у. Машина атиргулларга тўла эди. Оқ ва қизил ғунчалардан боғланган иккита катта-катта гулдаста орқа ўридиқда ётарди. Дарров пайқадим — черков боғидан. — Охиригини узиб келдим, — тушунтириди Ленц фурур билан. — Лекин бу гал қийин бўлди. Руҳонийга рўпара келиб қолдим.

— Кўзлари болаларникдай кўм-кўкми? — сўрадим ундан.

— Э, ўша сенмидинг, бўталогим! — хитоб қилди Готтфрид. — Демак, у сен ҳақингда гапирипти-да. Кетганингдан кейин боғнинг аҳволини кўриб, роса хафа бўпти шўрлик. У, эркаклар орасида художўйлар яна кўпая бошлади, деб ўйлаган экан.

— Сенга индамадими?

— Гаплашишни билиш керак-да, оғайни. Охирида ўзи ҳам узишворди.

Пат кулиб юборди.

— Ростданми?

Готтфрид айсрона жилмайди.

— Бўлмасам-чи! У сакраб-сакраб, энг баланд шоҳлардаги гулларни ҳам узди. Худди спортчининг ўзи, дейсан. Гапига қараганда, гимназияда ўқиб юрган пайтларида футбол ўйнаган экан. Ўнг қанотда, шекилли.

— Сен тақводор одамни ўғирликка бошлабсан, — дедим унга. — Энди дўзахга тушасан. Дарвоқе, Отто қани?

— Альфонснинг қаҳвахонасида кутяпти. Ўша ерга борамизку, тўғрими?

— Албатта, — деди Пат.

— Кетдик.

Бизга орасига қизил қарам билан олма тиқиб пиширилган қуён гўшти беришди. Овқатланиб бўлганимиздан сўнг, Альфонс патефон қўйди. Дон казаклари хорини тингладик. Ниҳоятда соқин қўшиқ эди. Хорнинг паст оҳангি узра биттагина тиниқ овоз янграрди. Гўё эшик шовқинсиз очилиб, ичкарига кекса ва ҳорфин киши киргану стол ёнига ўтириб, ўз ёшлиги тўғрисидаги қўшиққа жимгина қулоқ тутаётгандай эди.

— Болаларим, — деди Альфонс қўшиқ оҳангни аста-секин пасайиб, ахийри ҳавога сингиб кетганидан сўнг. — Болаларим, ҳар гал шу қўшиқни эшигтганимда нима ҳақда ўйлашимни биласизларми? Ипрни, минг тўққиз юз ўн еттинчи йилни эслайман. Март оқшоми, Бертельсман ёдингдами, Готтфрид?

— Албатта, ёдимда, — деди Ленц. — Ўша оқшомни, олча дараҳтларини сира унуполмайман.

Альфонс бош силкиди.

Кестер ўрнидан турди.

— Энди қўзғаламиз. — У соатига қаради. — Вақт бўп қолди.

— Бир қадаҳдан конъяқ ичайлик, — деди Альфонс. — Ҳақиқий «Наполеон». Сизларга атаб олиб қўйган эдим.

Қадаҳларни бўшатиб, ўрнимиздан турдик.

Хайр, Альфонс! — деди Пат. — Ҳамма вакт бу срга жон-көн деб келганиман. — У қўлини узатди.

Альфонс қип-қизарип, Патнинг кафтини қисди.

— Мабодо бирор нарса керак бўлиб қолса... тортинманг, ҳа-бир қилинг. — У Патга саросималаниб қаради. — Энди сиз ўзи-мизитикисиз. Аёл кишининг бу қадар улфат бўлиб кетишини та-саввур қиломасдим.

— Раҳмат, — деди Пат. — Раҳмат сизга. Менга шу гапингиз-нинг ўзи кифоя. Хайр, яхши қолинг!

— Хайр! Ой бориб, омон келинг!

Кестер билан Ленц бизни вокзалга кузатиб қўйиши. Йўл-иўлакай уйимиз олдида тўхтаб, кучукни олиб чиқдим. Юпп ча-мадонларни олиб кетган эди.

Вокзалга сўнгги дақиқада етиб келдик. Вагонга чиқишимиз билан поезд ўрнидан қўзгалди. Готтфрил чўнтағидан қофозга ўроғ-лик шишани чиқазиб, менга узатди.

— Ушла. Йўлда керак бўлади.

— Раҳмат, — дедим мен, — ўзинглар ичинглар, йигитлар. Менда бор.

— Олсанг-чи! Бу нарса ортиқчалик қилмайди! — У юриб ке-таётган поездга шишани отди. — Хайр, Пат! — қичқирди у. — Бу с尔да ишимиз касод бўлса, олдингларга борамиз. Отто тоғ спорти бўйича мураббий, мен рақс муаллими бўламан. Робби рояль ча-лади. Сайёр турӯҳ тушиб, меҳмонхона-меҳмонхона юрамиз.

Поезд тезлашиб, Готтфрид орқада қолиб кетди. Пат бошини дeraзадан чиқазиб, вокзал муюлишида кўздан ғойиб бўлгунча, уларга рўмолчасини силкитиб турди. Кейин мен томонга бури-либ қараган эди, кўзларида жиққа ёш кўрдим. Дарров тирсаги-дан ушладим.

— Юр, — дедим унга. — Бирор нарса ичайлик. Бугун ўзингни мардона тутдинг.

— Сиртдан шунаقا кўринган, — деди у жилмайишга уриниб.

— Менга ҳам ҳеч нарса татигани йўқ. Шунинг учун ичайлик дсяпман-да.

Шишани очиб, унга озгина конъяк қўйиб бердим.

— Яхшими?

Пат бош силкиб, елкамга бошини қўйди.

— Охири нима бўларкин, азизим?

— Йигламагин, — дедим мен. — Кун бўйи кайфинг чоғ эди, энди нега бунаقا қиляпсан?

— Йиглаётганим йўқ, — у шундай дегани билан икки юзидан ёш думаларди.

— Яна қиттай ичвор, — шундай деб, уни бағримга босдим. — Олис йўлга чиқсанда дастлаб кўнгил бузилади, кейин одам кўни-киб қолади.

— Тўғри, сен бунга эътибор берма. Ҳозир ўтиб кетади. Пича мени ёлғиз қолдир, сал ўзимга кслволай.

- Нега энди? Кундузи жасур эдинг, майли, энди хоҳлага-  
нингча йиғлайвер.
- Жасур эмас эдим, Робби. Сен пайқамагансан.
- Эҳтимол. Лекин аслида жасурлик шу-да.  
У жилмайишга уринди.
- Нимаси жасурлик, Робби?
- Жасурлигинги шундаки, сен таслим бўлмаяпсан. — Пат-  
нинг соchlарини силадим. — Ишонки таслим бўлмадими, демак,  
у ўз қисматидан кучлироқ.
- Менда жасорат йўқ, азизим, — деди у. — Менда фақат сўнгги  
ва энг улкан қўрқув қаршисида қалтираб турган аянчли ҳадик  
бор, холос.
- Мана шунинг ўзи ҳақиқий жасорат, Пат.  
У пинжимга кирди.
- Эҳ, Робби, қўрқув нималигини сен билмайсан.
- Биламан.
- Эшик очилди. Проводник кириб, чипталаримизни сўради.  
Узатдим.
- Ухлаб кетиладиган ўрин хонимга тегишлими?  
Мен бош силкидим.
- Унда ўшанақа вагонига ўтишингиизга тўғри келади, — деди у  
Патга. — Бу чипта бошқа вагонларга ўтмайди.
- Майли.
- Кучукни эса юк вагонига топшириш керак. У ерда кучук-  
лар учун маҳсус хона бор.
- Бўпти, — дедим мен. — Ухлаб кетиладиган вагон қаерда?  
— Ўнгдан учинчи. Юк вагони поезднинг бошида.
- У кетди. Кўксисда кичкина чироқ чайқалиб турипти. Худди ср  
остида, шахтада юрганга ўхшайди.
- Кўчамиз, Пат. Биллини бир амаллаб ёнингга олиб кира-  
ман. Юк вагонига топширмаймиз.
- Ўзимга ухлаб кетиладиган вагонига чипта олмаган эдим. Бир-  
кеча — минг кечада эмас. Бир бурчакда ўтиравераман. Қолаверса,  
унақа чипта жуда қиммат.
- Юпп Патнинг чамадонларини ўша вагонига қўйган эди. Кич-  
кина, шинам күпенишг қизил деворлари ярқиради. Патнинг ўрни  
пастда эди. Проводникдан, тепадаги ўрин ҳам бандми, деб сўра-  
дим.
- Ҳа, — деди у. — Франкфуртда йўловчи чиқади.
- Қачон етамиз у срга?
- Икки яримда.
- Унга чойга пул бердим. Проводник ўз хонасига кетди.
- Ярим соатдан кейин кучукни олиб, ёнингга келаман, —  
дедим Патга.
- Опклолмайсан, Проводник кўриб қолади.
- Йўлини қиласман. Эшик очиқ турсин.

Орқага қайта туриб, проводникнинг ёнидан ўтдим, у менга тикилиб қаради. Кейинги бекатда кучукни кўтариб, перронга тундим, ухлаб кетиладиган вагонининг охирига бориб кута бошчалим. Проводник зинапоядан пастга тушиб, бош проводникка бир иималарни тушунтиришга киришди. Фурсатдан фойдаланиб, вагонга яна лип этиб чиқвoldим. Ҳеч ким сезмади. Патнинг күнесига кирдим. У оқ паҳмоқ ҳалатда очилиб-сочилиб ўтирас, кўнглари чақнарди.

— Худога шукур, ўзимни яхши сезяпман, Робби, — деди у.  
— Хайрият. Чўзилиб, дамингни олмайсанми? Мен ёнингда ўтираман.

— Қайдам... — У тепадаги ўринга ишора қилди. — Бирдан энник очилиб, йўлдан озғаи аёлларни қутқариш уюшмасининг иккили кириб қолса нима бўлади?

— Франкфуртгача ҳали анча бор, — дедим унга. — Ҳушёр ўтираман. Ухламайман.

Франкфуртга яқин қолганда ўз вагонимга ўтиб, дераза ёнига ўтирдиму жиндай мизғимоқчи бўлдим. Аммо Франкфуртда купега мўйлови тюленіникига ўшаган бир одам кириб келди, апилтапил чамадонини очиб, овқатланишга тушди. Очофатдай оғизни шунақа чапиллатордикি, сира ухлаёлмадим. Тановвул бир соатча давом этди. Ниҳоят, у мўйловини артди-да, ўрнига таппа ташлаб, шунақа бир қуйни бошлаб юбордики, умримда бунақасини эшитмаганман. Бу хуррак эмас, бўрининг увлашига ўшаган нола, узуқ-узуқ хўрсиниш ва бетўхтов қулқуллашдан иборат ажабтовур бир қуй эди. Унда на бир тартиб бор, на оҳанг. Хайрият, мўйлов соат беш яримда поезддан тушиб кетди.

Эрталаб кўзимни очсам, дераза орти оппоқ. Гупиллатиб лайлак қор ёғарди. Купе ичи фира-шира. Поезд энди тоғ оралаб борарди. Соат тўққиз. Ювингани чиқдим. Қайтиб келсам, купеда Пат турипти. Ранг-рўйи тиниқ.

— Яхши ухладингми?

У бош силкиди.

— Тепадаги ўринга келган йўловчи ким экан?

— Ёшгина, бамаъни бир қиз. Хельга Гутман, у ҳам ўша санаторийга кетаётган экан.

— Ростданми?

— Ҳа, Робби. Лекин сен ухламабсан, сезилиб турипти. Яхшилаб ионушта қилишинг керак.

— Қаҳва, — дедим мен, — қаҳва билан озгина олча арафидан ичвортсам бас.

Вагон-ресторанг бордик. Бирдан кўнглим равшан торти. Кечаги ғашликдан асар ҳам қолмаганди.

Хельга Гутман аллақачон стол ёнида ўтиради. У хушбичим, жанубликларга хос тийрак қиз эди.

— Тасодифни қаранг-а, — дедим мен, — битта санаторийга бораётган экамиз.

— Тасодиф эмас, — жавоб берди у. — Бу пайтда барча күчманнчи қушлар ўша ёққа қараб учади. Рұпарадаги столни құряпсизми? — Қыз вагоннинг бурчагига ишора қилди. — Бари ўша санаторийга кетяпти.

— Қаёқдан биласиз?

— Үтган йили танишғанымиз. У ёқда, тепада, ҳамма бир-биприни танийди.

Хизматчи қақва келтирди. Бир стакан олча арағидан ҳам буюрдим. Бир нарса ичмасам бўлмасди. Салдан кейин анча тектикашдим. Ресторанда ўтирганларнинг аксарияти санаторийга кетяпти, баъзилари иккинчи марта, демак, бу саёҳат улар учун сайдра чиққандай гап. Ваҳима қиласасам ҳам бўларкан. Мана шу одамлар сингари Пат ҳам бир куни қайтади. У ёққа иккинчи марта бориш тўғрисида ҳозир ўйластганим йўқ. Санаторийдан қайтиб, яна бир йил яашаш мумкинлигини билволдим, шунинг ўзи кифоя. Бир йилгача худо пошишо. Ўтмиш бизни узоқни кўзла-масликка ўргаттган.

Кечга яқин етиб келдик. Офтоб қор босган далаларда ярқирап, осмон шунаقا мусаффо эдики, бунаقا манзарани кўпдан бўён кўрмагандик. Вокзалда одам гавжум. Кутуб олувчилар билан поезддан тушганлар қизғин сўрашияпти. Хельга Гутманни хохолаб турган мalling соч аёл билан оқ шим кийган икки эркак кутиб олди. Хельга, узоқ айрилиқдан сўнг қадрдан уйига қайтган кишидай, қаттиқ ҳаяжонда эди.

— Хайр, тепада кўришамиз! — қичқирди у бизга ва ҳамроҳлари билан чанага ўтири.

Йўловчилар тез тарқалиб кетишиди, кўп ўтмай перронда факат иккаламиз қолдик. Ёнимизга ҳаммол келди.

— Қайси меҳмонхонаага?

— «Ўрмон ороми» санаторийсига, — жавоб бердим мен.

У бош иргаб, извошчини чақирди. Икковлари юкларни қўш отли ҳаворанг чанага юклашди. Оқ отларнинг бошларига олабула патдан жига қадалган, уларнинг бурунларидан чиқаётган буғ чана олдини булуздай қоплаб олганди.

Ўтиридик.

— Юқорига осма йўлдан чиқасизларми ёки чанадами? — сўради извошли.

— Чанада узоқ юриладими?

— Ярим соат.

— Унда чанада кетаверамиз.

Извошли жиловни силкитди. Йўлга тушдик. Қишлоқдан чиққач, йўл буралиб тепага кўтарилади. Санаторий қишлоқдан анча баландда эди. Бу деразалари катта-катта, узун оппоқ бино эди. Бино тепасида байроқ ҳилпираб турарди. Касалхонага ўхшаган бир жой бўлса керак, деб ўйлагандим. Йўқ, санаторий кўпроқ меҳмонхонани эслатарди. Айниқса, биринчи қавати. Бу ерда камин ловиллаб турарди. Пастак столчаларга чой идишлари кўйилган.

Идорага кирдик. Кекса бир аёл Патга 79-хона ҳозирлаб үйилганини айтди. Хизматчи юкларни олиб чиқиб кетди. Бир ісса кунга менға ҳам жой топиладими, деб сұрадим. Аёл бош тайқади:

— Йўқ. Санаторийда ҳамма хона банд. Сиз қўшимча бинога койлашишингиз мумкин.

— Қасрда у?

— Шу ерда, ёнма-ён.

— Майли, — рози бўлдим мен. — Битта хонани ажратинг, юкларимни ҳам ўша ерга олиб боришин.

Шовқинсиз лифтда учинчи қаватга чиқдик. Бу ер ростдан ҳам кисалхонага ўхшарди. Тўгри, анча шинам, лекин бари бир касалхонани эслатади. Йўлак ҳам, эшиклар ҳам оппоқ, ҳаммаёқ топ-тоза. Бизни катта ҳамшира қарши олди.

— Фрейлейн Хольманмисиз?

— Ҳа, — деди Пат. — 79-хона шекилли?

Ҳамшира бош силкиди-да, бизни бошлаб бориб, эшикни очди.

— Ҳонангиз мана шу.

Бу чоғроқцина, ёл-ёруғ хона эди. Баланд деразага ботаётган қўёш шуъласи тушиб турипти. Столда қизил ва сариқ гуллар солинган гулдон. Дераза ортида қишлоқни тўшакдай қоплаган оппоқ қор кўзни қамаштиради.

— Қалай, сенга маъқулми? — сўрадим Патдан.

— Ёмонмас, — деди у бир оз сукутдан сўнг.

— Дўхтирга қачон учрашишим керак? — сўради Пат ҳамширадан.

— Эртага эрталаб. Бугун барвақтроқ ётинг, яхшилаб дамингизни олинг.

Пат пальтосини ечиб, оппоқ каравот устига ташлади. Деворга ҳарорат варақаси осилиб қўйилган.

— Ҳонада телефон борми? — сўрадим мен.

— Розетка бор, — деди ҳамшира. — Аппарат қўйса бўлади.

— Мен яна нима қилишим керак? — сўради Пат.

— Бугун ҳеч нарса. Кун тартибини эртага айтишади. Соат ўнда лўхтирга кирасиз. Ўзим опкираман.

— Раҳмат сизга, ҳамшира, — деди Пат.

Ҳамшира кетди. Хона бирдан жимжит бўлиб қолди. Пат дераша олдига бориб, ботаётган қўёшга қаради. Қонталаш бўлиб ётган осмон аксида унинг гавдаси қора шарпага ўхшарди.

— Чарчадингми?

У менинга бурилди.

— Йўқ.

— Ҳорғин кўриниасан, — дедим мен.

— Бошқача ҳорғинлик, Робби. Дарвоқе, ҳоришга ҳали улгурман.

— Кийинасанми? — сўрадим ундан. — Бирор соат айланиб келсакмикин? Олдин пастига тушайлик-чи.

— Майли, — деди у, — қайтсанга яхши бўлади.

Лифтда биринчи қаватга тушиб, столлардан бирининг ёнига ўтиридик. Сал ўтмай, Хельга Гутман дўстлари билан келиб қолди. Улар ҳам бизнинг столимиз атрофига ўтиришиди. Хельганинг кайфи чоғ, тилмай ҳазил-мутойиба қиласди. Мен Патлинг янги танишлар орттирганидан хурсанд эдим. Бу ерда биринчи кунни ўтказиш қийин, холос.

## XXII

**Б**ир ҳафтадан сўнг шаҳарга қайтдим, вокзалдан тўпта-тўғри устахонага жўнадим. Кечки пайт эди. Ҳамон ёмғир қуярди. Тоққа кетганимизга бир йил бўлгандай эди назаримда.

Устахонада Кестер билан Ленц ўтиришган экан.

— Вақтида келдинг, — деди Готфрид.

— Тинчликми?

— Олдин нафасини ростлаб олсин, — деди Кестер.

Ўтиридим.

— Патлинг соғлиғи қалай? — сўради Отто.

— Тузук. Нисбатан яхши. Айтинглар, нима гап ўзи?

Ҳамма гап ўзимиз судраб келган анови пачоқ мошина устида экан. Уни таъмирлаб, икки ҳафта бурун эгасига топширган эдик. Кеча Кестер пулни олгани борипти. Маълум бўлишича, мошина эгаси синган, унинг бошқа буюмлари қатори мошина ҳам кимошди савдосига қўйилган.

— Ваҳима қиласиган жойи йўқ, — дедим мен. — Суғурта идорасига мурожаат қиласми.

— Биз ҳам шуни ўйлагандик, — жавоб берди Ленц. — Аксига олиб, мошина суғурта қилинмаган экан.

— Оббо! Ростданми, Отто?

Кестер бош силкиди.

— Бугун билдим.

— Бирорвга яхшилик қиласанг шу-да. Тағин ўша пачоқ тогорани деб, муштлашиб юрибмиз, — тўпғиллади Ленц. — Тўрт минг марканинг ҳиди келиб турувди-я!

— Ким биллиб ўтирипти? — дедим мен.

Ленц хоҳолаб кулди.

— Роза чув тушдик-ку!

— Бў ёғи нима бўлади, Отто?

— Аукцион хўжайининг эътирознома ёздим. Лекин бир иш чиқишига кўзим етмаяпти.

— Устахонани ёпишга тўғри келади. Бошқа иложимиз йўқ — деди Ленц. — Бусиз ҳам молия бошқармаси солиқ тўламаганимиз учун тишини қайраб турипти.

— Шунақага ўхшайди. — деди Кестер.

Ленц ўрнидан турди.

— Аскар оғир вазиятларда совуққон ва бардошли бўлиши серак. — У жавондан конъяқ шишасини олди.

— Бунақа конъяқдан сўнг одам ҳатто ботир бўлиб кетади, — дедим мен. — Охирги шиша бўлса керак ўзиям.

— Ботирлик, бўталоғим, фавқулодда ҳолатларда асқотади, леди Ленц. — Аммо биз тушкунлик даврида яшаяпмиз. Бундай маароитда фақат ҳазил-мутойиба жонга ора киради. — У қадаҳини бўшатди. — Ана, энди жафокаш таксимизга ўтириб, озгинча тойчақа ишлайман.

У қоп-қоронғи ҳовли честида турган таксига ўтириди-да, жўнаб кетди. Кестер иккаламиз яна бир оз гурунглашдик.

— Ҳайрон бўп қолдим, Отто, — дедим унга. — Кейинги шайтларда омад биздан юз ўғирди.

— Ўзимни керагидан ортиқ ўйламасликка ўргатганман, — жавоб берди Кестер. — Тоғлар қалай?

— Агар сил касали билан оғриган беморларни демаса, нақд жанинатнинг ўзи. Оппоқ қор ва чараклаган офтоб.

Кестер бошини кўтарди.

— Қор ва офтоб. Файритабиий туюлади, тўғримасми?

— Ҳа. Файритабиий. У ёқда, юқорида, ҳамма нарса файритабиий.

— Ҳозир нима қилмоқчисан?

Елкамни қисдим.

— Олдин чамадонимни уйга олиб боришм қсрак.

— Мени бир соатлик ишим бор. Қаҳвахонага келасанми?

— Албатта. Бошқа нима ҳам қиласдим.

Вокзалдан чамадонимни олиб, уйга келдим. Ҳонамга бебилийска кирволишимга ҳаракат қилдим — бирор билан гаплашишни хоҳламасдим. Фрау Залевски ҳам пайқамай қолди. Ҳонада бир оз ўтиридим. Столда хат ва газеталар ётарди. Конвертларда нуқул реклама эълонлари. Менга кимдан ҳам хат келарди? «Энди Пат Зиб турса керак», — ўйладим ичимда.

Кейин ювиниб, кийимларимни алмаштиридим. Чамадонга тегнадим — қайтганимдан сўнг эрмак қиласман. Йўлакдан оёқ учиди юриб, кўчага чиққандан кейингина енгил тин олдим.

«Интернациональ» га қараб кетдим. Эшик олдида Алоисга дуч келдим. У менга татъзим қилди.

— Ҳайрият, уннутмабсиз.

— Албатта. От айланиб қозигини топади-да.

Роза дугоналари билан каттакон стол ёнида ўтиради. Ҳамма жамулжам: биринчи ва иккинчи «ов» оралиғидаги танаффус эди.

— Ёпирай, Робертмисан?! — хитоб қиласи Роза. — Қайси шамол учирди?

— Сўрама, — дедим унга. — Энг муҳими, яна шу срдаман.

— Энди тез-тез келиб турасанми?

- Эҳтимол.
- Хафа бўлма. Ҳаммаси жойига тушиб кетади.
- Тўғри, — дедим мен. — Дунёдаги энг ишончли ҳақиқат мана шу.
- Рост, Лилли ҳам бу гапингни тасдиқласа керак.
- Лилли? — Розанинг ёнида ўтирганини эди кўрибман. — Нима қилиб ўтирибсан бу срда? Турмушга чикувдинг-ку, сен водопровод лаш-лушлари сотиладиган дўконда ўтиришинг керак эди-ку.

Лилли индамади.

- Дўкон эмиш! — заҳарханда қилди Роза. — Пули борлигида ҳамма ҳам азиз. Лилли ёш эди, чиройли эди шунинг учун ўтмининг у қадар аҳамияти йўқ эди. Аммо бу баҳт ярим йилга чўзилди, холос! Эри бунинг бор пулинини сарфлаб, бойвачча бўлиб олганидан кейин Лилли «пух, сассик»قا чиқди-қолди — нима эмиш: фоҳиша унга муносиб хотинмасмиш! — Розанинг газаби қайнаб кетди. — Унинг кимлигини билмаганмиш. Мана, энди, билганидан сўнг, у билан яшай олмасмиш. Ажралиш ҳақида судга ариза берипти. Шунча пул қулогини ушлаб кетди-ку.

— Қанча эди?

- Тўрт минг марка! Ҳазилакам пул эмас! Шунча пулни тошиш учун қанча тўнғиз билан ётиб чиққанини биласанми?
- Тўрт минг марка! — дедим мен. — Яна тўрт минг марка. Бехосият чиқиб қолди-да шу рақам.

Роза менга ҳайрон бўлиб қаради.

- Ундан кўра, бизга куй чалиб бер, — деди Роза. — Сал кўнгил чигили ёзилсин.

— Бўпти, яна учрашганимиз шарафига чалсам чала қолай.

Пианино ёнига ўтириб, ўша пайтда урф бўлган рақс куйларидан чала бошладим. Бармоқларим клавишда-ю, ҳаёлим Патда: санаторийга тўлаш учун пули январнинг охиригача етади, холос. Демак, мен илгаригидан ҳам кўпроқ пул ишлашим керак. Кўлларим пианино устида беихтиёр у ёқдан-бу ёққа бориб келар, Роза диваңда ўтириб, мириқиб тингларди. Мен ундан ва умидсизликка тушиб, ҳаётдан буткул кўнгли қолган Лиллидан кўз узмасдим. Унинг чехраси мурданикidan фарқ қиласди.

Бирдан қийқириқ эшитилди. Ҳаёлим жойига келди. Роза ўрнидан сапчиб туриб кетди. Бояги паришон ҳолатидан асар ҳам қолмаганди. У стол олдида кўзларини чақчайтириб турар, шляпаси қийшайиб кетгаи, ағдариялган идишдан столга тўкилган қаҳва очиқ сумкасига чакиллаб томар, аммо у буни сезмасди.

— Артур! — Розанинг овози аранг чиқди. — Артур, ўзингмисан?

Чалишдан тўхтадим. Қаҳвахонага дегча нусха қалпоғини қаншарига кўндирган пирпирак бир нусха кириб келди. Юзи захил, бурни тошбақадай, калласи сапчага ўҳшайди.

Артур, — деди яна Роза. — Наҳотки сен бўлсанг?

Мен-да. Ким бўларди? — тўнғиллади Артур.

Тавба, қаёқдан пайдо бўлиб қолдинг?

Қаёқдан бўларди? Эшиқдан кириб келдим.

Гарчи Артур узоқ айрилиқдан сўнг қайтган бўлса ҳам хотинига совуқ муомала қиласади. Унга синчилаб разм солдим. Розанини афсонавий авлиёси, қизининг отаси мана шу кимса эканни. Худди ҳозиргина турмадан чиқиб келганга ўхшайди. Унда Розини эс-хушидан жудо қилган бирон-бир аломатни кўрмадим. Балки бутун сир шундадир. Эркакларни ипидан-игнасиғача биладиган гош-метин асл зоти нималарга маҳлиё бўлмайди-я.

Артур Розанинг олдида турган стакан тўла пивони сўрамаслини шартта кўтариб, ичиб юборди. Ҳар ютинганда ингичка бўйнилини кекирдаги пастдан-юқорига ликиллаб чиқиб-тушарди. Роза уни энтикиб кузатарди.

— Яна ичасанми?

— Албатта, — деди у. — Кўпроқ келтирисин!

— Алоис! — қичқирди Роза пештахта томонга қараб. — У яна пиво ичмоқчи!

— Кўриб турибман, — Алоис лоқайд бир қиёфада шундай деб, стаканни тўлдирди.

— Артур, жажжи Эльвирани ҳали кўрганинг йўқ, а?

— Менга қара! — Артур келганидан буён энди сергак тортди. Худди ўзини ҳимоя этгандай, иккала қўлини кўксига қалқон қилди. — Болани орага сукма! Менга алоқаси йўқ! Бу ҳаромзодани йўқот, деб ўшанда айтганман сенга. Ўзим бўлганимда-ку... — Унинг қовоғи солинди. — Энди озмунча пул керакми?!

— Ваҳима қилма, Артур. Қиз бола-ку.

— Нима қипти? Қиз болага пул сарф бўлмайдими? — У иккичи стакандаги пивони ҳам бўшатди. — Балки асраб оладиган бирорта тентак бойвуччани топармиз. Катта пулга берамиз, албатта. Бошқа иложи йўқ.

Кейин бирдан гапни бошқа ёққа бурди:

— Ёнингда пулинг борми?

Роза шоша-пиша қаҳва тўқилган сумкаласини олди.

— Атиги беш марка, Артур, келишингни билганим йўқ-да, ўйла бор.

Артур пулни султонларга хос ҳаракат билан нимчасининг чунтагига солди.

— Кетингни диванга ишқаб ўтираверасанг, пул осмондан тушадими? — тўнғиллади у зарда билан.

— Ҳозир бораман, Артур. Овқат пайти тугасин. Барibir кўчани одам йўқ.

— Эчкининг қумалоги ҳам гўнг, — деди Артур.

— Ҳозир, ҳозир...

— Бўпти... — Артур ўрнидан турди. — Соат ўн иккиларда яна кираман.

У жилланглаб ташқарига қараб юрди. Роза орқасидан сүкласиб қараб қолди. Артур чиқиб кетди, эшик очиқ қолди.

— Хайрон! — деди Алоис.

Роза бизга гуур билен күз ташлади.

— Зўр йигит, а? Унга панд бериш қийин. Қизик, шунча пайтгача қаерда юрдийкин?

— Кўрмаяпсанми, башарасидан? — деди Валли. — Ишончли жойда бўлган. Зўр йигит эмиш! Ҳе, ўргилдим!

— Сен уни билмайсан.

— Жудаям яхши биламан, — жавоб берди Валли.

— Йўқ, билмайсан. — Роза ўридан турди. — Ҳақиқий эркак у! Унақа-бунақа мижговлардан эмас. Бўлти, мен кетдим. Омон бўлинглар.

Кутимаган учрашувдан ёшариб, руҳи кўтарилиган Роза орқасини ўйнатиб қаҳвахонадан чиқиб кетди. Унга яна буниинг пулуга ичиб, шукронасига дўппослаб турадиган одам топилди. Роза баҳтиёр эди.

Ярим соатдан кейин бошқалар ҳам кетишли. Фақат Лилли ўрнидан кўзғалмасди. Афти ҳамон ўша-ўша — қонсиз, ифодасиз.

Яна бир оз пианинони тинғиллатиб ўтиредим, сўнг бутерброд еб, қаҳвахонадан чиқиб кетдим. Лилли билан ортиқ ёлғиз қолиб бўлмасди.

Шилта, қоронги кўчаларда анча маҳалгача айланиб юрдим. Қабристон ёнида Кутқариш Армиясининг бўлинмаси саф тортган. Улар пуфлаб чалинадиган чолғулар жўрлигида муқаддас Куддус ҳақидаги қўшиқни айтишарди. Беихтиёр тўхтаб, қулоқ сола бошладим. Бирдан Патсиз яшай олмаслигимни ҳис этдим. Совуқ қабр тошларига тикилганча ўйга толдим: бир йил олдин буткул ёлғиз эдим, чунки унда Патни танимасдим. Энди эса ёнимда Пат бор, гарчи ҳозир олисда бўлса ҳам... Аммо бу хаёллардан кўнглим таскин топмади — баттар бетоқат бўлавердим. Туриб-туриб, уйга бир кириб ўтмоқчи бўлдим, балки Патдан хат келгандир. Бироқ бу ҳам хомхәёл эди: ўзи кечагина кетди-ю, дарров хат ёзармиди! Бари бир иккинчи қаватга, хонамга кўтарилидим.

Қайтишда Орловга дуч келдим. Тугмалари ечиқ пальтоси остидан қора мовут костюми кўриниб туради. У рақс тушадиганларга шерикликка ёлланиш мақсадида меҳмонхонага кетаётган экан. Фрау Хасседан дарак бор-йўқлигини суриштирдим.

— Йўқ, — деди у. — Бу срга келгани йўқ. Полицияга ҳам бормапти. Майли, қорасини кўрсатмасин. Кимнинг кўзи учиб турипти...

Биргалашив кетдик. Муюлишда кўмир ортилган юқ мосинаси туради. Шоффёр капотни кўтариб қўйиб, моторни титкиларди. Қейин кабинага ўтиреди. Мосинага яқинлашганимизда у моторни ўт олдириб, тезликка солмасдан газни қаттиқ босди. Орлов сесканиб кетди. Ҳайрон бўлиб қарадим. Ранги доканинг ўзи.

— Мазангиз қочдими?

У аранг жилмайиб, бош чайқади.

— Йүк, Мошинаанинг шовқинидан баъзан чўчиб кетаман. Россияда отамни отаётган пайтларида ўқ овози эшитилмаслиги учун юқ мошинасининг моторини юргизиб қўйишган. Лекин биз бари бир эшигтанмиз. — У узр сўрагандай, яна жилмайди. — Онамга тавбат келганда, бундай қилиб ўтиришмаган. Эрта тонгда ертўлада отиб ташлашган. Укам иккаламиз қочганимиз. Озгина бриллиантимиз бор эди. Укам йўлда совукдан ўлди.

— Ота-опангизни нима учун отишган? — сўрадим ундан.

— Отам урушга қадар исённи бостиришда иштирок этган казаклар полкининг командири эди. У қисмати шундай бўлишини олдиндан билган, парво ҳам қилмаган. Аммо онам бошқача фикрда эди.

— Сиз-чи?

У маъносиз қўл силкиди.

— Э-э, ўшандан бери қанча воқеалар ўтмади дейсиз...

— Тўғри, — дедим мен, — ҳамма гап шунда-да. Инсоннинг ақли бовар қилмайдиган воқеалар юз берди.

Меҳмонхонага етиб келдик. Эшик олдидা бьюик тўхтади. Ундан бир аёл чиқиб, Орловни кўрдии оғзининг таноби қочиб, унга томон кела бошлади. Башанг кийишган, дурқун, қирқ ёшлилардаги малла соч асл эди. Туриш-турмушидан ғам-ташвиш нималигини биладиган жувонга ўхшамайди.

— Узр, — деди Орлов менга маъноли кўз ташлаб, — тирикли...

У аёлга таъзим қилиб, кўлини ўпди.

Қаҳвахонада Валентин, Кестер, Ленц ва Фердинанд Грау ўтиришарди. Даврага қўшилиб, ўзимга яримта ром буюрдим.

Диваннинг бир четига паҳлавон келбатли, юзи ҳорғин, аммомовий кўзлари жонсарак Фердинанд ястанволган. У олдидаги арақни ичиб бўпти.

— Хўш, укагинам Робби, — деди у елкамга қоқиб. — Ишларинг қалай?

— Бир нави, Фердинанд, — жавоб бердим мен, — ҳамма бало шунда-да.

— Бир нави? — У менга тикилиб қаради. — Бир нави, десгин? Яъни, пачава, демоқчисан-да! Майли, пачавада ҳам гап кўп! Пачава бу — кўзгу, бутун дунё акс этиб турган кўзгу.

— Офарин! — хитоб қилди Ленц. — Теша тегмаган гап қиллинг, Фердинанд!

— Сен жим ўтири, Готтфрид! — У гумбаздай бошини Ленц томон бурди. — Сенга ўхшаган саргузашт ишқибозлари — ҳаётининг сиртида сакраб юрадиган ўпкаси йўқ ҳакалакнинг айнан ўзи. Сенлақалар ҳаётпи сохта идрок этишади, улар учун ҳамма нарса ҳайратомуз кўринади. Сен пачава нималигини тушупарнилинг, енгилтак маҳлук!

— Бундан кейин ҳам сиғилтак бўлиб қолиш даражасида тушуман! — деди Ленц. — Баъмани одамлар сен айтган ўша пачавани ҳурмат қилишади, Фердинанд. Каламушга ўхшаб ковлаштириб юришмайди.

Грау унга қараб, бакрайиб қолди.

— Сенинг соғлиғингга! — деди Готтфрид.

— Омон бўл! — деди Фердинанд ҳам. — Омадингни берсин, пўкақвой!

Улар бараварига қадаҳларини бўшатишиди.

— Мен ҳам жон деб пўкақликка рози бўлардим, — шундай деб, қадаҳни кўтардим. — Қанийди, асло хато қилмайдиган ва шу тариқа нуқул ошиғи олчи турадиган пўкақка айланиб қолсан. Вақтингча бўлса ҳам майли эди!

— Куфр кетма! — Фердинанд ўзини орқага ташлаган эди, диван суюнчиғи гичирлаб кетди. — Қочмоқчимисан? Қавмингга хиёнат қилмоқчимисан?

— Йўқ, — дедим мен, — ҳеч кимга хиёнат қилмоқчи эмасман. Лескин ишимиз ишук орқага кетишини ҳам хоҳламайман-да.

Фердинанд олдинга энгашди, бир лаҳзада қаҳр чулғаган кетмондай юзи титраб кетди.

— Сен шунинг учун ҳам битта қавмга — омадсизлар ва уқувизлар қавмига мансубсан-да, жигарим. Бу қавмнинг қисмати ушалмаган орзулар, туганмас армон, кслажаги йўқ муҳаббат ва бешафқат чорасизликдан иборат. — У жилмайди. — Сен шундай бир сирли қавмга мансубсанки, бу қавмга даҳлдор кишилар мансабга интилишдан кўра ўлимни афзал билишади. Улар азоб чекишиади, қийма-қийма бўлиб кетишиади, ёруғ дунё билан видолашишиади, аммо ширин турмуш кетидан қувиб, бекиёс тимсолни ўзгартиришга ёки уни унугтишга журъат этишмайди — бу тимсол, жигарим, уларнинг қалбига муҳрланган, ер юзида ҳали яланғоч ҳаёт ва яланғоч ўлимдан бўлак ҳеч нарса бўлмаган дақиқалар, кунлар ва тунларда уларнинг дилига абадулабад ўрнашиб қолган. — У қадаҳини кўтариб, пештахта олдида турган Фредга юзланди.

— Ичадиган нарса опке.

Фред шиша кўтариб келди.

— Патефон қўйиғлиқ тураверсинми? — сўради у.

— Йўқ, — деди Ленц. — Патефонингни йиғиштир, катта боқаллардан келтири. Чироқни пасайтири, столга уч-тўрт шиша ичимлик қўйигин-да, ҳужрангга кириб ухлайвер.

Фред тепадаги чироқни ўчириди. Қалпоғи эски жуғрофий хариталардан ясалган лампочкаларгини ёқиғлиқ қолди. Ленц боқалларни тўлдириди.

— Ичамиз, йигитлар! Тирик юрганимиз, нафас олаётганимиз учун ичамиз! Ахир ҳаётнинг лаззатини бутун вужудимиз билан ҳис этамиз-ку! Ҳатто бу ҳаётни нима қилишни ҳам билмаймиз.

Ҳақ гал, — деди Фердинанд. — Фақат бахтсизларгина баҳтнинг нималигини билишади. Баҳтли одам ҳаёт қувончини қўчиричоқ каби түяди: у бу қувончни кўз-кўз қиласди, холос, аспида бундан бебаҳра. Ёруғ пайтда чироқнинг нури кўринмайди. Марга бўлса ҳам момақалдироқда қолган одамга электрнинг нималигини тушунтиришга ҳожат йўқ. Минг лаънат момақалдироққа! Бизга насиб этган жиндайгина нур омон бўлсин! Биз уни шунаقا севамизки, фойда ҳисобига гаровга қўёлмаймиз! Яшаш керак — эртага худо пошшо! Бундан ўн минг ёруғлик йили муқалдам парчаланиб кетган юлдузлар борки, улар ҳамон нур таратиб туради! Вақт борида ичиб қолинглар! Яшасин баҳтсизлик! Яшасин зулмат!

У бокалига тўлдириб конъяқ қўйди-да, бир кўтаришда ичиб куборди.

Ромдан бошим гувулларди. Аста туриб, Фреднинг хонасига кирдим. Ухлаб ётган экан. Ўйғотиб, телефонга санаторийни улаб беришни сўрадим.

— Ҳозир, — деди у. — Бунақа пайтда тезгина улашади.

Беш минутдан кейин телефон жиринглади. Гўшакни кўтардим. Санаторий.

— Фрейлейн Хольман билан гаплашмоқчи эдим.

— Сабр қилинг, ҳозир навбатчига улайман.

Менга катта ҳамшира жавоб қайтарди:

— Фрейлейн Хольман ухлаб қолди.

— Хонасида телефон йўқми?

— Йўқ.

— Ўйғотолмайсизми?

— Йўқ. Бугун у ўрнидан турмаслиги керак, — деди ҳамшира андак сукутдан сўнг.

— Тинчликми?

— Тинчлик. Дастлабки қунлари камроқ ҳаракат қилиши керак.

— Хотиржам бўлаверайми?

— Албатта. Бошда ўзи шунаقا бўлади. Тўшакда ётиб, вазиятга аста-секин кўникиши зарур.

Гўшакни қўйдим.

— Бемаҳалда қўнғироқ қилдингиз-да, — деди Фред.

— Нега bemahal bouldarkan?

У соатини кўрсатди.

— Ўн иккига яқинлашиб қолди.

— Э, шунақами? Чакки қипман-да.

Жойимга қайтиб бориб, яна ичдим.

Соат иккida тарқалишдик. Ленц Валентин билан Фердинандни олиб, таксида кетди.

— Ўтири. — деди Кестер «Карл»нинг моторини ўт олдириб.

- Уйим бир қадам, Отто. Яёв кета қоламан.
- Ўтирип. Шаҳар ташқарисига чиқамиз.
- Майли.
- Рулга ўтирип, — деди Кестер.
- Жиннімисан, Отто. Кайфим баланд.
- Ўтиравер. Ўзим жавоб бераман.
- Ихтиёриңг... — шундай деб, рулга ўтиридим.

Мотор гувуллар, руль титрарди. Күчалар чайқалар, бинолар төбранар, ёмғирда қолган күча чироқлари қийшайып туради.

— Йўқ, Отто, ҳайдолмайман, — дедим мен. — Бир жойга урволаман.

- Урсанг, уравер.

Ҳайрон бўлиб қаралим. Бир туки ўзгармади. Нигоҳи тўғрига, йўлга қадалган. Үриндиқ суюнчиғига елкамни тираб, рулни маҳкамроқ ушладим. Аста-секин кўча аниқроқ кўрина бошлади.

- Қаёққа, Отто?

- Ҳайдайвер.

Шаҳардан чиқиб, тўғри йўлга тушиб олдик.

- Катта чироқларни ёқ, — деди Кестер.

Қорамтирип асфальт ялтиради. Ёмғир тина бошлаган, аммо томчилар юзимга дўлдек уриларди. Шамол гувуллайди. Ўрмон тепасида булат лахтақлари осилиб турипти. Бошимни айлантираётган сархушлик тумани тарқаб кетди. Мотор уввоси қўлларим, бутун вужудимга титроқ бўлиб киряпти. Мошинанинг қудратини ҳис этиб турибман. «Карл» ўқдай учиб борарди. Газни қаттиқроқ босдим.

- Бос, бос, — деди Кестер.

Гилдираклар чийилларди. Дараҳт ва симёғочлар лип-лип ўтиб турибди. Қандайлир қишлоқ гулдураганча орқада қолиб кетди. Кайфдан асар ҳам қолмаганди.

- Босавер, — деди яна Кестер.

- Қўйсанг-чи. Йўл нам.

— Қўрқма. Муюлишларда учинчи тезликка сол, лекин газни камайтирма.

Мотор баттар ўкирди. Шамол юзимга қуюндеқ урилди. Бoshимни ойна панасиға олдим. Шунда мотор шовқинига сингиб кетгандай бўлдим, мосина билан вужудим яхлит бир нарсага айланиб, оёғим остидаги бетон йўлни, гилдиракларни, тезликни янада равшанроқ ҳис эта бошладим. Бирдан миям тиниқлашди. Тун увиллаб ва чийиллаб, танамдаги жамики ортиқча нарсаларни суғуриб олаётганди. Лабларим маҳкам қимтилган, бармоқларим рулга қапишиб қолганди, мей буткул ҳаракатга, даҳшатли тезликка айланиб, ўзимни унугандим, айни пайтда, ниҳоятда хушёр эдим.

Қандайлир муюлишда орқа гилдираклар сурилиб кетди. Рулни иккى-уч марта тескари томонига буриб, газни босдим. Бирлаҳзага мувозанат йўқолиб. бўшлиқда осилиб қолгандай бўлдик, кейин гилдираклар яна қаттиқ ерга тирмашан.

— Яхши, — деди Кестер.

- Хўл япроқдар, -- изоҳ бердим мен. Баданимдан енгил мавж  
сирналиб ўтди, бирдан сингил тортдим, хавф ариганда шундай  
бўниди ўзи.

Кестер бош иргаб қўйди.

— Кузда ўрмон йўлларида юриш мушқул. Чекасанми?

— Майли, — дедим мен.

Тўхтаб, сигарста тутатдик.

— Энди орқага қайтамиз, — деди Кестер.

Шаҳарга қайтиб келгач, мошинадан тущдим.

— Сайр қилганимиз яхши бўлди, Отто. Ўзимга кеп қолдим.

— Келаси сафар сермуюлиш йўлда юришнинг бошқа усулини ўргатаман. Рулни кескин буриб, бараварига тормозни босасан. Йўл қуруқ бўлса, албатта.

— Бўпти, Отто. Яхши ётиб тур.

— Омон бўл, Робби.

«Карл» жўнаб кетди. Уйга кирдим. Роса толиққаи, аммо хоржам эдим. Кўнглимдаги ғашлик тарқаганди.

## XXIII

**Н**оябрининг бошларида ситроенни сотдик. Унинг пулига маълум мудлат устахонани ишлатиб турса бўларди, аммо аҳволимиз ҳафта сайнин оғирлашиб бораради. Киш кириб, аксарият автомобиль эгалари бензин ва солиқдан тежаш мақсадида мошиналарини гаражга қантариб қўйишиди. Таъмир ишлари камайиб кетди. Тўғри, таксидан тушган пулга бир амаллаб кун кўраётгандик, бироқ бу пул уч кишига етмасди, бинобарин, «Интернациональ» иаси декабрдан бошлаб қаҳвахонада кечқурунлари яна пианино чалишни таклиф қилганида, рости, жуда хурсанд бўлдим. Кеийнги пайтларда унинг иши юришиб кетганди: бўрдоқичилар уюшмаси ўзининг ҳафталик йигинини «Интернациональ»нинг орқа томонидаги хоналаридан бирида ўтказа бошлади, унга жаллоблар уюшмаси билан «Жамият манфаати йўлида мурдани куйлириш учун кураш жамияти» қўшилди. Энди таксини Ленин бичан Кестерга қолдиришим мумкин эди, қайтанга менга шуниси маъқул, чунки кечқурунлари баъзан ўзимни қўйгани жой тополмасдим.

Пат мунтазам хат ёзиб турарди. Мактубларини кутардим-у, аммо унинг қандай яшаётганини тасаввур қилолмасдим, гоҳида, лекабрнинг рутубатли ва серғин кунларида, ҳатто пешинда ҳам ҳаво ёришмайдиган диққинафас онларда хаёл мени минг кўйга соларди; тамом, дердим. Пат аллақачон мени тарк этди, бари тугали, деб ўйлардим. Назаримда, ажralишганимизга минг йил бўлгандай, у энди ҳеч қачон қайтиб келмайдигандай туюларди. Сўнг юракни эзалиган, узуидан-узоқ, соғинчга тўла тунчар бошлапарди, шунда боиқа чорам қолмасди — фоҳишалар

ва бўрдоқичилар даврасига қўшилволиб, сурункасига майхўрлик қиласадим.

«Интернациональ» эгаси Рождество арафасида қаҳвахонани беркитмасликка рухсат олди. Барча уюшмаларнинг сўққабошлири бир ёқадан бош чиқазиб, катта зиёфат уюштироқчи бўлишиди. Бўрдоқичилар уюшмасининг раиси, чўчқафуруш Стефан Григоляйт зиёфатга иккита чўчқа боласи билан анча-мунча гўшт ҳадя этиди. Икки йил бурун хотини ўлиб, сўппайиб қолганди. Ўзи юмшоқ табиат, киришимли одам эди, шунинг учун ҳам байрамни яхшилаб нишонлашга аҳд қилганди.

Қаҳвахона хўжайнини тўрт метрли арча топиб келди. Уни пештахта ёнига ўрнатишиди. Саришталиқда устаси фаранг ва тантаналарга суюги йўқ Роза арчани ясатишга киришиди. Унга Марен билан Кики ёрдам беришиди. Кики ҳам табиатига кўра гўзаликни ҳис қиласидиганлар тоифасидан. Улар арчага сон-саноқсиз рангбаранг пуфаклар, шамлар ва зарҳал ўйинчоқларни илишиди. Пиравардида арча кўзни қамаштирадиган қиёфага кирди. Григоляйтга алоҳида ҳурмат белгиси сифатида шохчаларга хамирдан ясалган пуштиранг чўчқалар ҳам осиб қўйилганди.

Тушдан кейин уйкуга ташлаб, анча кеч уйғондим. Кўзимни очиб, дабдурустдан тунми, тонгми — англаёлмай қолдим. Фалати тушлар кўрдим, аммо бирортасини ҳам эслолмадим. Туш мени олисларга олиб кетган эди, орқамдан қора эшик ёпилганини эшитгандай ҳам бўлдим. Шу пайт қулоғимга тиқиллаган овоз чалинди.

— Ким у?

— Мен, жаноб Локамп.

Фрау Залевскининг товушини дарров танидим.

— Кираверинг, эшик очиқ.

Эшик гийчиллаб, йўлакдан тушиб турган сарғиш нур ёруғида фрау Залевскининг гавласи кўринди.

— Фрау Хассе келди, — пицирлади у. — Тезроқ юринг. Ўзингиз бир нима денг.

Қимирламадим. Эс-хушимни бир жойга тўплаб олишим кесрак эди.

— Полицияга жўнатипг, — дедим бир оз ўйлаб туриб.

— Жаноб Локамп! — Фрау Залевски бармоқларини қисирлатди. — Сиздан бошқа ҳеч ким йўқ. Ёрдам беринг. Христиансизку, ахир.

У йўлак билан хона оралиғида рақсга тушаётган қора шарпага ўхшарди.

— Қўйсангиз-чи, — дедим унга энсам қотиб. — Ҳозир бораман.

Кийиниб, ташқарига чиқдим. Фрау Залевски мени йўлакда кутиб турарди.

— Воқсадан хабари борми? — сўрадим ундан.

Аёл бош чайқаб, рўмолчасини лабига босди.

Қани у?

Олдинги хонасида.

Онҳона олдидаги ҳаяжондан терлаб кетган Фрида турарди.

Бошида түяқушнинг пати қадалган шляпа, бриллиант түғрик, — шивирлади Фрида.

Қараб туриңг, манови тентак қулоқ солмасин, — дедим фрау Залевскига ва хонага кирдим.

Фрау Хассе дәраза олдидаги турарди. Қадам шарпасини эшишиб, ўғирилиб қаради. Афтидан, бошқа одамни кутаётганды шешкилди. Қанчалик бемаъни бўлмасин, энг аввал бенхтиёр түяқушни қадалган шляпа билан тўғнағичга эътибор бердим. Фрида тўғри айтган экан: шляпа антика эди. Тўғнағич одмироқ. У қандай яхши яшаётганини кўз-кўз қилиш ниятида ўзига ҳаддан ташқари оро берган эди. Ростдан ҳам афт-ангори ёмон эмас, ҳар ҳолда, илгаригидан яхши.

— Хассе арафада ҳам ишлаётгандай экан-да? — сўради у истехзо билан.

— Йўқ, — дедим мен.

— Қани бўлмаса? Таътилдами?

У жилланглаб ёнимга келди. Димофимга атир-упа ҳиди урилди.

— Ундан яна нима керак сизга? — сўрадим мен.

— Нарсаларимни олишим керак. Ора очиқ қилмоқчиман. Ҳар ҳолда бу ерда менга тегишли буюмлар ҳам бор.

— Ора очиқ қилиш шарт эмас, — дедим унга. — Хонадаги ҳимма нарса сизники.

У менга гарангсиб қаради.

— Хассе ўлди.

Бу гапни бошқачароқ тарзда айтишим ҳам мумкин эди. Шошмисдан, ётиғи билан. Аммо ҳали уйқум яхши тарқамагани учун тилимга келгани шу бўлди.

Фрау Хассе хона ўртасида турарди, бу гапимни эшитиб, гуппа агдарилса керак, деб ўйлагандим. Ўлай агар, бошқа нарса ҳисселимга келмаганди.

Аммо у йиқилмади. Кўзимга тик қараб тураверди. Фақат серчашам шляпасидаги патлар хиёл титрарди.

— Шунақа денг... — деди у бир оздан сўнг, — шунақа денг...

Бирдан — нима бўлаётганини дарров идрок қиломадим — башанг кийинган, упа-эликка беланган бу аёл кўз ўнгимда қарий бошлади, гўё вақт ёмғири бошига чепаклаб қўйилиб, ҳар бир чақиқа йилларга айланётганди. Бояги тараңглик йўқолди, даблаби сўнди, юзи бужмайди. Ажинлар чувалчанг янглиғ сиртига үрмалаб чиқди. Гўё бир нарсани синдириб қўйишдан қўрқканлай, стул суюнчигини пайпастлаб тониб, базур ўтирганида рўпарамда бутунлай бошқа — ҳориган, кўнгли вайрон, кекса бир асл турарди.

— Нимадан ўлди? — сўради у лабларини аранг қимиirlатиб.

— Тұсатдан шунақа бүп қолди.

Гапим қулогига кирмади, у құлларига тикилиб олғанди.

— Энди нима қиласан? — ғұлдиради у. — Энди нима қиласан?

Бир оз жим турдим. Кайфиятим бузилган эди.

— Дардашадиган одамингиз бордир, ахир, — дедим ниҳоят.— Кетганингиз маъқул. Бу ерда яшамоқчи эмасдингиз-ку...

— Энди ҳаммаси чаппасига кетди, — деди у бошини күтармай. — Нима күргилик бу?

— Бирортаси кутаётгандир, ахир. Ўшанинг олдига бориб, маслаҳатлашинг. Байрамдан кейин полицияга учрашинг. Барча ҳужжатларингиз, банк чеклари ўша ерда. Албатта, учрашинг. Кейин банкдан пул олишингиз мумкин бўлади.

— Пул денг, — ғұлдиради у яна. — Қанча экан?

— Қўп. Бир минг икки юз марқага яқин.

Фрау Хассе бошини кўтарди. Бирдан кўзларидага қаҳр ифодаси пайдо бўлди.

— Йўқ! — деб қичқирди у. — Ёлғон!

Индамадим.

— Ёлғон денг, — пицирлади у. — Ёлғон. Балки мендан яшириб, қора кунига асраб юргандир?

У ўрнидан турди. Тұсатдан кескин ўзгариб кетди. Шитоб билан ёнимга келди.

— Ҳа, тўғри, — деди у тишлигини гичирлатиб, — сезиб турибман, ҳақ гап! Вой, ярамас-сей! Вой, ғаламис-сей! Мени шу ишни қилишга мажбур этиб, кейин ўзи... Пулни оламану кўчага улоқтираман, майда-майда қилиб, сочиб юбораман. Кераги йўқ менга! Кераги йўқ!

Миқ этмадим. Айтадиганимни айтиб бўлдим. Биринчи зарбани олди, Хассенинг ўлганини билди, энди ўз ёғига ўзи қоврилаверсин. Уни иккисиичи зарба ҳам кутялти — Хассе ўзини осганини ҳам эшитади, албатта. Бу ёғи билан ишим йўқ. Эрини энди ҳеч ким тирилтириб беролмайди.

Фрау Хассе йиглашга тұшди. У ёш боладай ўксис-ўксис йифлар, кўз ёшлари билан ичидағи дарлинин тўқмоқда эди. Бу ҳолат анча давом этди. Шу тобда бир дона сигарета қалча пул турса ҳам олган бўлардим. Кўз ёшига бардош беролмайман.

Ахийри у йигидан тўхтади, юзини артиб, кумуш упадонини олди ва ойнага қарамасдан афтига упа сурта бошлади. Кейин упадонини жойига солли-ю, сумкаласипи ёпмади ҳам.

— Ҳайрон бўп қолдим, — деди у синиқ товушда. — Бошим қотиб қолди. Эҳтимол, яхши одам бўлгандир.

— Ҳа, шундай.

Үнга полиция идорасининг манзилини тушунтириб, бугун иш вақти тугаганини айтдим. Ҳозир бормагани маъқулдай кўриниди менга. Бугунга етади.

У бинодан чиқиб кетиши билан фрау Залевски пайдо бўлди.

— Мендан бошқа одам қуриб қолганими? — дедим унга зар-  
та билан.

— Фақат жаноб Жоржи бор. Хўш, нима дели?

Ҳеч нарса.

— Яхши бўлти.

Айтишга осон. Баъзан яхши бўлмай қолади.

— Унга ачинмайман, — деди фрау Залевски кескин оҳанг-  
ла. — Асло ачинмайман.

— Раҳмидиллик дунёдаги энг бефойда нарса, — жавоб бердим  
унга истеҳзо билан. — У ичиқораликнинг бир тури, шуни билиб  
қўниш. Соат исччи бўлди?

— Чорак кам етти.

— Еттида фрейлейн Хольманга қўнғироқ қилмоқчи эдим.

Фақат гапимизни бирор эшитмаслиги керак. Иложи бўларми-  
кни?

— Жаноб Жоржидан бошқа ҳеч ким йўқ. Фридани жўнатвор-  
дим. Хоҳласангиз, ошхонадан қўнғироқ қилишингиз мумкин.  
Аппаратининг сими узун, етади.

— Бўлти.

Жоржининг эшигини тиқиллатдим. Анчадан бўён кўришма-  
гиндик. У ёзув столи ёнида ўтирас, кўриниши бир аҳволда эди.  
Стол устида йиртилган қофозлар.

— Салом, Жоржи, нима қилиб ўтирибсан?

— Столни сал тозалаб қўяй, — деди у жилмайишга уриниб. —  
Байрам арафасида бундан яхши машғулот йўқ.

Мен бир парча қофозини қўлимга олдим. Бу кимсвий формула-  
лар ёзилган дафтар саҳифаси эди.

— Нега йиртдинг?

— Энди кераги йўқ, Робби.

Унинг раңгида қон йўқ, қулоқлари шамдан ясалганга ўхшарди.

— Бугун овқат едингми?

— Аҳамияти йўқ. Гап бунда эмас. Овқатда эмас. Ортиқ бардо-  
шим етмайди. Йигиштириш керак бу ишни.

— Шунаقا қийинми?

— Бўлмасам-чи.

— Жоржи, — дедим унга хотиржам оҳангда. — Менга бир қара-  
гин. Мен ҳам қачонлардир анови ж.хонада пианиночи эмас, одам  
бўлишини орзу қилгандим. Ёки ишонмайсанми гапимга?

У бармоқларини қисирлатди.

— Биламан, Робби. Лекин бундан менга фойда йўқ. Ўқиш  
мен учун асосий нарса эди. Энди тушундимки, чучварани хом  
санаб юрган эканман. Бунда ҳеч қандай маъно йўқ экан. Умуман  
ҳаётда маъно йўқ экан. Хўш, шундай бўлгач, яашанинг нима  
қизиги бор?

Унинг руҳи бутқул тушиб кетган, аянчли бир аҳволда ўти-  
ради. Шунга қарамай, кулиб юбордим.

— Ҳалиям бола экансан! — дедим унга. — Кашфиёт қилгандай гапирасан-а! Назарингда сендан донишманд одам бўлмаса керак-да, а? Албатта, маъно йўқ. Биз қандайдир маънони деб ҳам яшаётганимиз йўқ. Мураккаб жумбоқ бу. Тур, кийин. «Интернациональ»га борамиз. Ҳақиқий эркакка айланганингни ювамиз. Шу пайтгача ўқувчи эдинг. Ярим соатдан кейин олдингга кираман.

— Йўқ, — деди у.

— Борамиз. Раъйимни қайтарма. Шундай кунда ёлғиз ўтиришни хоҳламайман.

У менга иккиланиб қаради.

— Майли. Борсак, бораверамиз. Менга энди фарқи йўқ.

— Ҳа, баракалла, — дедим унга. — Ҳозирча мана шу шаштинг ҳам чакки эмас.

Соат еттида Пат билан телефонда гаплашиш учун буюртма бердим. Еттидан кейин телефон ҳақи эллик фоизга камаярди, бинобарин, мен икки баравар узокроқ гаплашишим мумкин эди. Даҳлиздаги столга ўтироволиб, кута бошладим. Ошхонага киргим келмади. У ерда доим кўк нўхотнинг ҳиди анқиб ётади, шу ҳам Пат билан суҳбатимизга халақит берадигандай туюлди. Чорак соатдан сўнг санаторий билан улашди. Пат дарров телефонга келди. Унинг илиқ, паст, андак синиқ овозини яқиндан эшишиб, шу қадар тўлқинланиб кетдимки, дабдурустдан гапиролмай қолдим. Аъзойи бадданим қалтиrap, икки чаккам лўқиллар, ўзимни сира қўлга ололмасдим.

— Тушимми, ўнгимми, — дедим ниҳоят, — ростдан ҳам сенмисан, Пат?

У кулиб юборди.

— Қасердасан, Робби? Устахонадамисан?

— Йўқ, фрау Залевскининг столида ўтирибман. Ўзинг қалайсан?

— Тузукман, азизим.

— Уйқудан турганмидинг?

— Ҳа. Оқ халатда дераза токчасида ўтирибман. Ташқарида қореёқти.

Қиёфаси шундоқ кўз ўнгимга келди. Сон-саноқсиз капалакдай гужон ўйнаб тушаётган оппоқ қорни, Патнинг қўнғир соchlаринни, хиёл букик елкалари ва буғдойранг терисини кўриб тургандай бўлдим.

— Ўлай агар, Пат, — дедим мен. — Пул масаласи чатоқ-ла. Бўлмаса, ҳозироқ самолётга ўтириб, ҳузурингга етиб боргап бўлардим.

— Вой, азизим-еий...

У жим бўлиб қонди. Фақат симнинг гувуллагани эшитилиб турарди.

— Эшитипсанми, Пат?

Ха, Робби. Фақат бунақа гапларни гапирма. Бошим айланып кетди.

Менинг ҳам бошим айланяпти. Гапир, нималар қиляпсан?

У сүзга тушиб кетди, күп ўтмай мен Патнинг нима деяётганини идрок этмай қўйдим, фақат овозини тинглардим, холос. Ним қоронги даҳлизда, тўнғиз боши остида ўтиарканман, ошхонадан кўк нўхотнинг ҳиди уфуриб турарди. Назаримда, бирдан энгич очилдию, мени ёшлиқ, соғинч ва орзулар омухта бўлиб кетган илиқ ва мулоийим тўлқин қуршаб олди. Оёғимни стол ҳарисига тираб, кафтимни юзимга босганча тўнғиз бошига, ошхонанинг очиқ эшигига термулардим-у, ҳеч нарсани кўрмасдим — ёз, шабада, буғдойзор устига ёйилаётган оқшом ва кўм-кўк ўрмон сўқмоқлари кўз олдимдан нари кетмасди. Овоз тинди. Чукур нафас олдим.

— Сен билан гаплашиш қандай роҳат, Пат. Бугун кечкурун нима қиласан?

— Бугун кичкина байрамимиз бор. Саккизда бошланади. Ҳозир кийиниб, ўша ёққа бормоқчиман.

— Нимани киясан? Ялтироқ қўйлагингними?

— Ха, Робби. Ўша кўйлакда мени йўлакдан кўтариб ўтган эдинг.

— Ким билан борасан?

— Ўзим. Тантана санаторийда бўлади. Пастьда, биринчи қаватда. Ҳимма бир-бирини танийди.

— Менга хиёнат қилишдан ўзингни тиёлмасанг керак, — дедим мен. — Айниқса, ялтироқ кўйлакда.

Пат кулиб юборди.

— Фақат бу кўйлакда эмас. У билан ажойиб хотиралар боғлиқ.

— Менда ҳам. Ўша кўйлагинг одамда зўр таассурот қолдиради. Џарвоқе унчалик инжиқ эмасман. Майли, хиёнат қилавер, фақат мен билмасам бас. Кейин, қайтганингдан сўнг, барини тушта йўйиб, унутиб борамиз.

— Нималар деяпсан, Робби?! — деди у бўғиқ овозда. — Бу ишни қилолмайман. Нуқул сен ҳақингда ўйлайман! Бу ердаги ҳиётни билмайсан! Жимжимадор, гўзал турманинг ўзи. Бир амаллаб ўзимни алаҳситиб юрибман. Сенинг хонанг ёдимга тушиб, ўзимни қўйгани жой тополмайман. Шундай пайтларда вокзалга бориб, пастанап чиқиб келётган поездларни кузатаман, вагонларга чиқиб кўраман ёки ўзимни бирорни кутаётган кишидай қилиб кўрсатаман. Шунда ўзимни сенга яқинроқ ҳис этаман.

Лабимни тишладим. Илгари ҳеч қачон мен билан бунақа гапташмаганди. Ҳамиша тортиниб турарди, муносабатини сўз битап эмас, нигоҳи билан изҳор этарди.

— Боришга ҳаракат қиласан, Պատ.

— Ростданми?

— Албатта. Январнинг охирларини мўлжаллаяпман.

Лекин бунга ишончим комил эмасди: февралнинг охирида санаторийга яна пул тўлаш керак. Унга тасалли бериш мақсадида шундай деб қўя қоядим. Кейин яна бир нарсани баҳона қилиб, боришни чўзавераман. Унгача тузалиб, ўзи қайтиб келса ажабмас.

— Хайр, Пат, — дедим мен. — Тезроқ тузал. Сиқилма. Шунда мен ҳам хөтиржам бўлмаман. Бугунги оқшомни ҳам яхши ўтказ.

— Бўпти, Робби. Бугун баҳтиёрман.

Жоржии олиб, «Интернациональ»га кирдим. Эски, ис бошиб кетган зални таниб бўлмасди. Арча чироқлари кўзни қамаштирар, уларнинг ранго-ранг шуъласи ичимлик шишалари, боқаллар, пештахтанинг мис ва ялтироқ қопламаларида ғужрон ўйнареди. Ясан-тусан қилиб, қалбаки тақинчоқларга бурканаб олган фоҳишалар бир стол атрофига жам бўлиб, ниманидир интиқлик билан кутишарди.

Роппа-роса соат саккизда залда бўрдоқичиларнинг бирлашган хори пайдо бўлди. Улар овозларига қараб, эшик олдида саф тортишди: ўнг томонда — энг баланд овозли эрқак, чапда — энг паст овозлиси. Сўққабош чўчқафуруш Стефан Григоляйт ўртacha овоздаги хонанда сифатида кўшиқни бошлаб берди:

Аё фалак, муқадлас тун,  
Рахматингни эт инъом,  
Бу бесабр банданг учун  
Бир зум баҳш айла ором.

Олисда ой ёғду сочар,  
Юлдузлар рўйин очар,—  
Улар мени олиб қочар  
Кўрсатмасанг гар икром<sup>1</sup>.

— Нақадар таъсирчан, — деди Роза кўз ёшларини артиб.

Кўшиқ тугади. Гулдурос қарсаклар янгради. Хор иштирокчилари таъзим қилишди. Стефан Григоляйт пешонасидаги терни артди.

— Бетховен Бетховен-да! — деди у. Унга ҳеч ким эътиroz билдирамади. Стефан рўмолчасини чўнтағига солди. — Энди асосий ишга ўтамиш!

Уюшма аъзолари тўпланаидиган каттакон хонада стол ясатилганиди. Ўртада, спиртда ишлайдиган ихчам примуслар устига қўйилган иккита кумуш патинисда қин-қизил қилиб қовурилган бир жуфт чўчқа боласи турарди. Уларнинг оғзида лимон бўлаклари, белларига ёниб турган арча шохчалари суқиб қўйилган. Жонворлар энди ҳеч нарсага ажабланнишмасди.

<sup>1</sup> Шеърлар Абдулла Шер таржимасида берилмоқда.

Қаҳвахона хұжайини совға қылған қол-қора фракда Алоис шипшираб хизмат қиласын. У каттакон сопол құзалардаги винони тоқаттарға қуийиб чиқди. Мурданың күйдериш учун кураш +амниятдан Поттер кириб келди.

Олам тиңч бұлсın! — деди у донишмандларча ва Розанинг күшиниң қисиб, ёнига ўтири.

Стефан Григоляйт Жоржини столға таклиф қилиб, ҳәстида-ның інг қисқа ва эңг сермазмұн нұтқини ирод этди. У вино жи-мирлаб турған қадақини баланд күтариб, ўтирганларға бир-бир наңыр ташлаб чиққақ, хитоб қилды:

— Соғ бұлайлик!

Шундай деб, яна жойига ўтири. Алоис пиширилған чүчқа оёқтарини, тузланған карам билан картошкани келтирди. Қаҳ-вахона хұжайини тилларанғ пиво тұла кружкалар терилған пат-тис күтариб кирди.

Шошмасдан сгин, Жоржи, — дедим мен. — Ошқозонинг бұнақа таомларға күнікмagan.

— Мен олдин ҳамма нарсага күникишим керак, — жавоб берди у менга маңыноли қарағ.

— Бунинг йўли осон, — дедим унга. — Ҳеч нарсаны таққосла-ма. Шунда тез күникасан.

У бош силкиб, яна ликопча устига энгашди.

Тұсатдан столнинг нариги бурчидан жанжал бошланди. Пот-терининг дағал овози қулогимға чалинди. У сигарафуруш Буш билан қадақ уриштиирмоқчи бўлған, у эса, менга ичкликтан кўра онқат маъқул, деб таклифни рад этган.

— Бемаъни гап! — шанғиллади Поттер. — Овқатдан олдин шишиш керак! Ичган одам овқатни ҳам кўпроқ ейди.

— Сафсата! — тўнғиллади Буш. У япасқибурун, қўзойнек тақ-қан, бўйи дароз, озғин киши эди.

Поттер сапчиб ўрнидан турди.

— Сафсата?! Шу гап сендан чиқдими, тамакихўр бойўғли!

— Бас қилинглар! — деди Стефан Григоляйт. — Улуғ айём арафасида ғижиллашиб яхшимас.

Унга гап нимадалигини тушунтиришган эди, чўчқафуруш баҳсни ҳал қилишшининг осон йўлини топди — амалда синааб кўриш керак. Баҳслашувчиларнинг олдига бир неча ликопда гўшт, кар-тошқа ва карам келтириб кўйиши. Поттерга хоҳлаган ичимли-тини ичишга рухсат берилди. Буш эса ичмасдан, фақат тановул қилиши керак эди. Мусобақага қизғин тус бериш мақсадида Гри-голяйт гаров ташкил қилди, меҳмонлар бирин-кетин пул тика бошлишди.

Поттер рўпарасига ярим доира шаклида пиво тұла стакан-тарни териб, уларнинг орасига арақ қўйилған қадаҳларни жой-таштири. Қадаҳлар марвариддай ялтиради. Гаров Поттер фой-ласига 3:4 инсбатда белгиланди.

Буш ликопча устига эшгашгапча шиддат билан ўзини овқатга урди. Поттер ўтирган жойида қаддини ростлаб, очиқасига жангга киришди. Поттер ҳар қадаң күттарганда бадхөхлик билан Бушга саломатлик тилар, рақиби эса унга нафрат тұла нигоҳ билан қараб күярди.

— Күнглим озиб кетяпти, — деди Жоржи.

— Юр, чиқиб кетамиз.

Жоржи билан ҳожатхона томонға ўтиб, у чиққунча йүлакда пойлаб ўтиредим. Шамларнинг чучук ҳиди чирсиллаб ёнаётган арча игналарининг хүшбүй исига қоришиб кетаётганди. Бирдан тағиши қадам товушларини эшитаётгандай, илик нафас димоғимга урилиб, бир жуфт қоп-қора күзни күриб турғандай бўлдим...

— Э, алҳазар! — шундай деб, ўрнимдан туриб кетдим. — Нималар бўляпти, ўзи?

Шу пайт ичкаридан қийқириқ эшитилди:

— Поттер!

— Офарин, Алоизиус!

Мурдани куйдириш тарафдори ғолиб чиққаи эди.

Мәҳмонлар ўтирган хонада сигара тутуни бурқсирди. У ёққа конъяқ олиб ўтишди. Мен ҳамон пештахта ёнида ўтирадим. Ичкаридан қизлар чиқиб келишди. Улар сал нарида ғуж бўлиб, жиддий тусда пичирлаша бошлишди.

— Тинчликми?

— Сизларга совға тайёрланган. — деди Марион.

— Э, шундайми...

Бошимни пештахтага тираб, Патнинг шу тобда нима қилаётганини тасаввур этишга урицдим. Мәҳмонхонанинг биринчи қаватдаги кутиш хонаси, олов ловуллаётган камин ва Хельга Гутман ҳамда яна қандайдир кишилар билан дераза ёнида турған Пат кўз олдимга келди. Қанча бўлдию бунга... Баъзан ўйлаб қоламан: бир куни уйқудан уйғонганимда ҳамма нарса ўтган, унуптилган ва йўқликка сингиб кетган бўлади. Гёё орамизда арзирли бирор дақиқа ҳам бўлмаган, ҳатто эслашга арзийдиган нарсанинг ўзи йўқ.

Кўнғироқ чалинди. Қизлар, худди ҳуркитилган товуқ галасидай, саросимага тушиб, биллиардхонага қараб югуришди. У ерда Роза кўнғироқ ушлаб турарди. У мени ҳам имлаб чақирди. Биллиард столидаги кичкина арча остида устига шилдироқ қоғоз ёпилган ликопчалар терилиб турарди. Ҳар бир ликопчада совға солинган халтача, ёнида совға эгасининг исм-шарифи ёзилган қоғоз. Қизлар бир-бирларига совға тайёрлашганди. Бари Розанинг иши. Совғалар унга ўралған ҳолда топширилган. Роза эса уларни ликопчаларга тақсимлаб чиққанди.

Ҳаяжонлашган қизлар бир-бирларига гап бермай, бидирлашар, совғаларини гезроқ кўриш ниятида ёш боладай типирчилашарди.

Нега ликопчангни олмаяпсан? — Роза менга мурожаат  
түчили.

— Қанақа ликопча?

— Ўзингнинг ликопчанг-да. Сенга ҳам совға бор.

Қоғозга қора ва қизил рангларда чиройли қилиб иссими ёзилди. Олма, ёнғоқ, апельсин, Розадан — ўзи тўқиган свитер, қаҳважона бекасидан — баргранг галстук, Кикидан — қизғиши сунъий ипак пайпоқ, соҳибжамол Валлидан чарм камар, хизматчи Алоисдан — бир шиша ром, Мариан, Лина ва Мимидан умумий совға — бир даста рўмолча, хўжайниндан — икки шиша коньяк.

— Дўстларим, — дедим мен, — дўстларим, кутилмаган иш були-ку.

— Ажабланяпсанми? — деди Роза.

— Албатта.

Мен уларнинг қуршовида турарканман, ростини айтсам, жуда тўлқинланиб кетгандим.

— Дўстларим, охирги марта қачон совға олганимни биласизларми? Ўзим ҳам эслолмайман. Эҳтимол, урушдан олдин бўлгандир. Лекин менда сизларга берадиган ҳеч нарса йўқ.

Совға мени довдиратиб кўйганидан ҳамма шод эди.

— Сен бизга ҳар доим пианино чалиб бергансан, — деди Лина.

— Дарвоқе, ҳозир чалиб бермайсанми? Шу сенинг совғанг бўлади, — деди Роза.

— Жоним билан, — жавоб бердим мен. — Хоҳлаган куйларингни чалиб бераман.

— «Менинг ёшлигим»ни чал, — илтимос қилди Марион.

— Йўқ, шўхроғидан бўлсин! — эътиroz билдириди Кики.

Лекин унинг таклифи ғала-ғовурга сингиб кетди. Ҳеч ким уни ёркак қаторига қўшмасди. Пианино ёнига ўтирдим. Бараварига қўшиқ бошлашди.

Бағри бутун, лим-лим эди  
Кетганимда бу дунё,  
Қайтганимда энди, эвоҳ,  
У бўм-бўшу мосуво!

Бека чироқларни ўчирди. Энди фақат арчадаги шамлар лишилаб, атрофга майин нур таратарди. Бочка жўмрагидан, олисчаги ўрмон жилғасини ёдга солиб, тўхтовсиз пиво қўйилар, инасқитовон Алоис қора шарпадай залда ивирсиб юрарди. Мен қушиқ куйининг давомини чалдим. Қўзлари чақнаб кетган қизчар пианинони қуршаб олишгаиди. Шу пайт — во дариг! — кимниш хўнграб йиғлаб юборди. Бу оға шахри Люкенвальдни соғиниши Кики эли.

Аста эшик очилди. Лабига Бразилиянинг қора сигарасини истириб олган Григолятга эргашиб, шу қўшиқни хиргойи

қылғаңча хор жамоаси залға кириб келди. Улар қызларпининг орқасига саф тортишиди.

Бир қадимий қүшиқ ошно,  
Ибтидодан менга ёд, —  
Ёшлигимдан берар нидо,  
Ёшликкинамдан, бот-бот.

Бирлашган хор овози аста сүнди.

— Зўр! — деди Лина.

Роза бенгал чироқларини ёқди. Улар вишиллаб, учқун сачратса бошлади.

— Энди шўҳроғидап чал! — хитоб қилди у. — Кикини хурсанд қиласайлик.

— Мени ҳам, — қўшиб қўйди Стефан Григоляйт.

Соат ўн бирда Кестер билан Ленц келишди. Рангги оқариб кетган Жоржи иккаламиз пештахта ёнидаги стол четига ўтиридик. Жоржига овқат опкелишди, у оёқда зўрга турарди. Ленц ҳаял ўтмай бўрдоқчилар даврасига қўшилиб кетди. Чорак соатдан сўнг уни пештахта ёнида Григоляйт билан бирга кўрдик. Улар бир-бирларининг елкаларига қўл ташлаб, ўзаро сансирашга ўтиш учун чўқишириб ичишмоқда эди.

— Стефан! — хитоб қилди Григоляйт.

— Готтфрид! — жавоб берди Ленц. Икковлари қадаҳларини бўшатишиди.

— Готтфрид, эртага сенга қондан ва ўпка-жигардан тайёрланган колбаса жўнатаман. Келишдикми?

— Келишдик! Жуда соз! — Ленц унинг елласига қоқди. — Ўзимнинг қадрдан дўстим!

Стефан терисига сиғмасди.

— Жуда чиройли куларкансан, — деди у ҳавас билан. — Чиройли куладиган одамларни яхши кўраман. Ўзим сал нарсага хафа бўлиб кетаман, камчилигим шу.

— Мен ҳам, — жавоб берди Ленц. — Шунинг учун кулишга ҳаракат қиласман-да. Бу ёққа кел, Робби, дунёда кулгу ҳеч қаҷон тўхтамаслиги учун ичамиз!

Уларнинг олдига бордим.

— Анови йигитта нима бўлди? — сўради Стефан Жоржини кўрсатиб. — Бир нарсадан хафага ўхшайди.

— Уни хурсанд қилиш қийинимас, — дедим мен. — Бирорта иш топилса бас.

— Шу замонда иш топиб бўларканми?

— У ҳар қандай ишга рози.

— Ҳозир ҳамма ҳам рози. — Стефанинг кайфи сал тарқагандай бўлди.

— Унга ойига стмиш беш марка бўлса — етади.

— Ҳомҳаёл. Бу пулга кун кўролмайди.

— Кўради, — деди Ленц.

— Готтфрид, — жавоб берди Григоляйт, — дўстим, мен ота-линган одамман! Лекин иш масаласи — жиддий масала. Ишни бугун бериб, эртага қайтариб олиб бўлмайди. Бу бир йигитни уйлантириб, эртасига хотинини тортиб олгандан ёмон. Агар бу йигит ҳалол бўлса, етмиш беш маркага яшай олишига ишонса, лемак, омади бор экан. Сесланба куни эрталаб соат саккизда оллимга келсин. Менига уюшманинг майда-чуйда ишларини бажарадиган ёрдамчи керак. Маошдан ташқари ора-орада гўшт ҳам бериб тураман. У ўзини сал парвариш қилмаса бўлмайди — озиб-тўзиб кеттипи.

- Рост гапми шу? — сўради Ленц.
- Стефан Григоляйт битта гапиради.
- Жоржи, бу ёққа кел, — чақирилм уни.

Жоржи хушхабарни эшлитиб, титраб кетди. Кестернинг ёнига қайтдим.

- Отто, агар қўлингдан келса, ҳаётингни бошқатдан бошлармидинг?
- Ҳозиргидай яшаш учуними?
- Ҳа.
- Йўқ, — деди Кестер.
- Мен ҳам.

## XXIV

**Б**у воқеа уч ҳафтадан сўнг, январнинг совуқ оқшомларидан бирида содир бўлди. Мен «Интернациональ» да ўтириб, хўжайнин билан «Иигирма бир» ўйнардим. Қаҳвахонада ҳеч ким, ҳатто фоҳишалар ҳам йўқ эди. Шаҳар нотинч эди. Кўчадан кетма-кет на-мойишчилар ўтиб турарди: бир гуруҳи ҳарбий марш билан, бошқаси «Байналмилал» ни кўйлаб ўтарди. Сўнг яна сукутга ботган узундан-узок одамлар сафи пайдо бўларди. Улар иш ва нои талаб этилган лавҳаларни кўтариб олишган. Сон-саноқсиз оёқлар дупури улкан соатнинг занги уришига ўхшарди. Кечга яқин намо-йишчилар билан полиция ўртасида биринчи тўқнашув юз берди. Ўн икки киши яраланди. Бутун полиция аллақачон жанговар ҳолатга келтирилганди. Физ-ғиз ўтиб турган полиция мошиниала-рининг чинқириғи қулоқин тешворай дерди.

— Ҳаловат йўқолди, — деди хўжайнин менга ўн олти очкони кўрсатиб. — Уруш тугаганига анча бўлди-ю, ҳамон тигичлик йўқ, бизга ҳозир фақат тинчлик керак. Ақлдан озди бу дунё!

Мениниг очком ўн еттита эди. Банкни кўтардим.

— Дунё ақлдан озганмас, — дедим мен. — Одамлар ақлдан озган.

Алоис хўжайининиң орқасидан қарталарни кузатиб турарди. У эътиroz билдирилди:

— Одамлар ақлдан озганмас. Улар очкўз, холос. Бири иккенинчисига ҳасад қиласи. Бўлмаса дунёда эзгуликлар тўлиб-тошиб

ётилти, аммо аксарият кишиларда ана шу эзгуликни күрмайсиз. Ҳамма гап тақсимотда.

— Түппа-түгри, — шундай деб, бошқа қарта олмадим. — Минг йиллардан буён ҳамма гап мана шунда.

Хұжайн қарталарини очди. Үн беш очко бўлган эди, бино-барин, у менга синовчан назар ташлади. Кейин яна битта қарта олди. Туз чиқди. Шу билан адои тамом бўлди. Қарталаримни кўрсатдим. Мен ўн икки очкода тўхтаган эдим. У ҳам ўн беъса қолганида ютган бўларди.

— Минг лаънат, бошқа ўйнамайман! — тўнғиллади у. — Сеҳргар экансиз! Сизники ўн саккиздан кам бўлмаса керак, деб ўйлабман.

Алоис бир нималар деб тўлдиради.

Пулни олиб, чўїттакка урдим. Ҳўжайн эснаб, соатига қаради.

— Ўн бир бўп қопти. Ёпсак ҳам бўлар. Энди ҳеч ким келмайди.

— Ана, бирор келяпти, — деди Алоис.

Эшик очилиб, Кестер кўринди.

— Бирор янгилик борми, Отто?

У бош силкиди.

— «Боруссия» залларида ўтирганларни калтаклашди. Икки киши оғир яраланди, ўнлаб одам енгил жароҳат олди, юзга яқини ҳибсга олинди. Шаҳарнинг шимолий қисмидә икки марта отишма бўлди. Бир полициячи ўлдирилди. Қанча одам яраланганини билмайман. Катта йиғинлар тугаши билан ҳар доим шунақа бўлади. Бу ерда ишинг йўқми?

— Йўқ, — дедим мен. — Кетмоқчи бўлиб турувдик.

— Унда мен билан юр.

Ҳўжайнинг савол назари билан қарадим. У бош иргади.

— Хўп, хайр.

— Хайр,— деди хўжайн истар-истамас.— Эҳтиёт бўлинглар.

Кўчага чиқдик. Қор ҳиди уфурарди. Йўлда оппоқ варақалар сочилиб ётилти. Худди ўтган капалакларга ўхшайди.

— Готтфриддан дарак йўқ, — деди Кестер. — Бирор йиғинда ўтирган бўлса керак. Айтишларича, уларни тарқатиб юборишармиш. Бирор кор-ҳол бўлмасин тағин. Тезроқ топганимиз маъкул. У муштлашишдан ҳам тоймайди.

— Қаердалигини биласанми?

— Аниқ билмайман. Лекин учта катта йиғиндан бирида бўлиши мумкин. Ҳар учаласига ҳам бориб кўрамиз. Готтфриднинг пахмоқ сочи мана-ман деб туради.

— Бўпти.

Кестер моторни юргизди, биз йиғинлардан бири ўтаётган манзилга қараб жўнадик.

Кўчада полициячилар ўтирган юк мосинаси турарди. Фураж-каларининг қайишлари туширилган. Милтиқларининг мили чироқ нурида совуқ йилтирайди. Деразалардан ҳар турли байроқлар осилиб туритти. Эшик олдида форма кийгап одамлар уймаланишлатти. Барни ёш йигитлар.

Кириш учун чипта олдик. Узатилган китобчани рад этдик, тирқиши қутичага бир пфенниг ҳам ташламадик, партиявий мансублигимизни рўйхатдан ўтказмадик — тўппа-тўғри залга кириб бордик. Зал лиқ тўла ва ёп-ёруғ эди. Ўтирган жойидан луқма ташлаган одам барадла кўриниб турарди. Ичкарига кирибоқ гўхтадик, нигоҳи ўткир Кестер ўриндиқларга назар ташлай бошлади.

Саҳнада чорпахил, бақувват бир киши нутқ сўзларди. Овози кучлилигидан залнинг охирида ўтирган одам ҳам унинг сўзлариши бемалол эшигарди. Гарчи халойиқ унинг гапларига қулоқ солмаётган бўлса-да, бу одам ишонтиришга уринарди. Аслида унинг ииятини пайқаш қийин эмасди. Нотиқ саҳнада қўлларини силкитиб, у ёқдан-бу ёққа бориб келар, аҳён-аҳён сув хўплаб, ҳазилмутойиба қиларди. Сўнг бирдан тошдай қотиб қолар, залга кескин бурилиб, яна баландпарвоз нутқини давом эттиарди. Унинг сўзлари муҳтоҷлик, очлик ва ишсизлик тўғрисидаги ҳаммага маълум ҳақиқатлардан иборат эди. Нотиқ тобора авжга чиқар, пировардида жазавага тушиб: «Бу аҳвол қачонгача давом этади?! Ортиқ чидаёлмаймиз!» — дея хитоб қиларди. Оломон, худди шу билан бир нарса ўзгариб қоладигандай, унинг сўзларини маъқуллаб бақириб-чақирап, ер тепиниб, қарсак чаларди. Нотиқ кутиб турарди. Сўнг саҳнадан бири биридан ажойиб, бири биридан фусункор ваъдалар янградики, гўё ўтирганлар тепасида жаннатнинг сержило палаги ёйилгандай бўларди. Бу ваъдалар лотереяга ўхшарди. Гўё унинг ҳар биттасига энг катта ютуқ чиққану энди залдагиларнинг ҳар бири шахсий баҳтга, шахсий ҳақ-хукуқقا эга бўлиб, шахсий адоватини рўёбга чиқариши мумкин эди.

Тингловчиларга разм солдим. Бу ерга барча қасб эгалари тўтилашишганди — бухгалтерлар, майда ҳунармандлар, мансабдорлар, ишчилар ва кўпдан-кўп аёллар. Диққинафас залда бирор ўринлиқса суюниб, бирор энгашиб, бирор олдинма-кетин, бирор шеригига елкасини тираб ўтирипти. Саҳнадан эса сўз шалоласи қўйилиб турипти. Қизиги шундаки, башаралар турли-туман бўлининга қарамай, барила бир хил лоқайдлик, паришонлик, мудроқ нигоҳлар сароб жимиirlаётган олис-олисларга қадалган; бу нигоҳлар бўм-бўш, айни пайтда, уларда аллақандай буюк ўзгаришга умидворлик бор. Бу умидворликда ҳамма нарса — эътироз, шубҳа, зиддият, долзарб муаммолар, турмуш ташвишлари, ҳозирги күн, мавжуд воқелик — бари-бари мужассам. Саҳнагалиги одам ҳар қандай саволга жавоб беради, ҳар қандай кулфатни даф этади. Унга ишониш қандай яхши! Сен ҳақингда ўйлайлиган одам борлигини кўриб туриш нақадар соз! Ишончга нима егсин!

Ленц бу ерда йўқ эди. Кестер мени туртиб, боши билан ташқарига ишора қилди. Чиқдик. Эшик олдида турган йигитлар бизга лўмрайиб, шубҳа билан қараб қўйишиди. Вестибиолда залга ки-

риш учун оркестр саф тортган, унинг ортида турфа хил байроқлар, лавҳалар.

— Пухта ташкил қилинганд, нима дединг? — сўради Кестер кўчада.

— Зўр. Реклама бўлимининг кекса раҳбари сифатида буни таң олмай иложим йўқ.

Бир неча мавзे нарида яна бир сиёсий йиғилиш ўтаётганди. Ўзгача байроқлар, ўзгача кийим, бошқа зал, аммо қолгани ўшаўша. Нигоҳларда ўша мавҳум умид, ишонч ва лоқайдлик. Тўрда оқ дастурхон ёпилган ҳайъат столи. Стол ортида партия котиблари, ҳайъат аъзолари, уч-тўртта ҳовлиқма, ёши ўтган қиз. Мансабдорга ўхшаб кетадиган нотиқ олдингисидан бўшроқ эди. У гализ немис тилида гапирав, далил ва рақамларни қалаштириб ташлаётганди, бари тўғри эди, аммо анови нотиқницидай ишончли эмас. Нариги нотиқ ҳеч нарсани исботлашга уринмас, фақат даъво қиласарди. Ҳайъат столи ортида ўтирган ҳорғин партия котиблари бошларини осилтириб, пинакка кетишганли; улар бунаقا мажлислардан юзтасида қатнашиб, кейин бу ерга келишган.

— Кетдик, — деди Кестер салдан кейин. — Бу ерда ҳам йўқ.

Яна йўлга тушдик. Лиқ тўла залларнинг бузук ҳавосидан сўнг энтикиб нафас олдик. Мошина кўчама-кўча учиб бораради. Канал ёқалаб кета бошладик. Чироқларининг сарғиши нури бетон соҳилдан чўлп-чўлп бўса олаётган қорамтири сувда жилва қиласарди. Рўпарамиздан таги ясси баржа аста сузиб кела бошлади. Уни огоҳлантирувчи қизил ва кўк чироқлари ёниб турган кичкина кема шатакка олганди. Кема сатҳида кучук вовуллади, бир одам чироқ остидан ўта туриб, қопқоқли тўйпукдан пастга тушиб кетди, тилларанг нур лоп этиб бир кўриндию яна сўнди. Нариги соҳил бўйлаб шаҳарнинг гарбий қисмидаги чароғон бинолар қад кериб турарди. У томонга кенг равоқли кўприкдан ўтиларди. Ундан ҳар икки соҳилга қатнаётган автомобиль, автобус ва трамвайларнинг кети узилмасди. Эрииҷоқ қора оқим устидаги кўприк учкун сачратиб турган олачипор илонга ўхшарди.

— Мошинани шу ерда қолдириб, бир оз яёв юрамиз, — деди Кестер. — Кўзга ташланмаганимиз маъкул.

«Карл» ни пивохона ёнидаги чироқ олдида тўхтатдик. Мошинадан тушаётганимда оёғим остидан лип этиб оқ мушук ўтди. Пешбог тутган уч-тўртта фоҳиша сал нарида, дарвоза пештоқи остида турарди. Уларнинг ёнидан ўтаётганимизда жим бўлиб қолишиди. Муюлишда бир шарманкачи деворга суюнганча уйқуга кетганди. Аллақандай кампир йўлка четидаги ахлатни титкиляяпти. Биз кўпдан-кўп пастқам уйлари, ҳовлилари ва йўлаклари бўлган каттакон исқирип казармага яқишилашдик. Биринчи қаватда ҳар турли дўкончалар, унинг ёнида латта-путта ва темир-терсак қабуя қиладиган биню. Кўчада, дарвоза олдида полициячиларга тўла иккита юқ мошинаси турнитти.

Биринчи ҳовлиниң бир бурчагига ўрнатылған таxтага юлдау көр ақс эттирилған хариталар осиб қойылған. Қоғозлар қалашып шыған стол ортида салла ўрагаң бир одам туриptи. Боши тенасида мана бундай лавхә: «Илму нүжум, дастхатга қараб башпорат қилиш. 50 пфенинг тұлаб, келажагингизни билиб оласын!» Бир тұда одам уни құршаб олған. Карбид чироқнинг ўткир нүри мұнажжимнинг сарғыш, бужмайған юзига тушиб туриptи. **У** үз тиңгловчиларини зүр беріб бир нарасаға ишонтиromoқчи ғұларди. Мұйжизага интиқ одамларнинг ўша-ўша бұм-бұш, маңынан шығындар. Сербайроқ ва оркестрли йиғилишлардаги нигохдардан фарқ қымайды.

Отто, — дедим олдинда кетаётған Кестерга. — Бу одамларнинг нимани хоҳлаётганини энди тушундим. Уларга сиёсатнинг кераги йүқ. Уларга диннинг ўрнини босадиган бошқа бир эътиқол керак.

Кестер ўғирилиб қаради.

- Албатта. Улар нимагадир ишонишини исташади. Нимагалигипенинг фарқи йүқ. Чүлкі мутаассиб кишилар улар.

Пивохонаға кириладиган иккинчи ҳовлиға ўтдик. Ҳамма деразақардан чироқ тушиб туриptи. Бирдан ичкарида шовқын күтарили, шу зақоти ҳовлиға чиқыладиган ён томондаги қоролғы ғұлакдан сув ўтмайдыған калта камзул кийған йигитлар отилиб чиқышиди. Улар деворға қапишганча йигилиш ўтәётған залға қараб талшынишарди. Олдинда бораётған йигит шиддат билан эшикни очли, ҳаммалари ўзларини ичкариға уришди.

— Зарбдор гурух, — деди Кестер. — Бу ёққа кел, пиво бочкаларининг орқасига турволамиз.

Залда қый-чув бошланди. Лахза ўтмай, дераза ойнаси чил-чил бұлыб, кимдир ташқарига улоқтирилди. Эшик очилиб, одамлар бараварига ҳовлиға ташланишиди. Олдинги қатордагилар құлатилғач, орқадан келәётгандар уларнинг устиға йиқилишиди. Бир аёл лодлаганча ёрдамға чақириб, дарвоза томоц югурди. Пивохонадан иккинчи гурух чопиб чиқди. Улар стул оёқдари ва пиво кружкалары билан куролланишганди; ола-тасир бошланиб кетди. Бар-васта бир дурадгор мұштлашастағандар орасидан сирғалиб чиқли-да, құлай жойға турволиб, жаңғын давом эттируди: у рақибининг калласини мүлжалға олиб, қулочкашлаб бир мұшт тушипар ва уни яна оломонға құшиб юборарди. У бу ишни ниҳоятда хотиржам, худди ўттың ёраётгандай бажаарарди.

Эшик олдода тағии бир тұда одам пайдо бўлди, шу пайт биз турған жойдан уч метрлар нарида қутурған бир мўйловдорнинг қўлиға тушган Готтфриддинг ҳурпайған оппоқ сочини кўриб қолдик.

Кестер ўзини тұдага урди. Бир неча дақиқадан сүнг ҳалиги киши Готтфридни қўйиб юборди. У интихосиз бир ҳайрат билан иккала қўлини юқорига қўтардио, шартта кесилған дараҳтдай, одамлар устиға құлади. Шу найт Ленинни ёқасидан судраб келәётған Кестерга кўзим тушиди.

Ленц ўзини орқага ташларди.

— Отто, қўйвор... қўйвор, бир минутда қайтаман, — дерди у ҳансираб.

— Тентаклик қилма! — бақирди Кестер, — ҳозир полиция келади! Қочдик! Бу ёққа!

Биз ҳовлидан қоронғи йўлакка қараб югурдик. Вақтида қочган экамиз. Шу заҳоти ҳовлида қаттиқ хуштак овозлари янграб, қора фуражка кийган кишилар пайдо бўлди ва полиция ҳовлини бир зумда қўршаб олди. Биз полицияниг қўлига тушмаслик учун зинапоядан тепага чопиб чиқдик. Кейинги воқеаларни зинапоя деразасидан кузатиб турдик. Полициячилар ўз вазифаларини қойилмақом қилиб бажараётганди. Улар ҳамма йўлларни беркитиб, оломон устига ташланишди, ҳаш-паш дегунча тўдани пардай тўзитиб, одамларни битта-битталаб юқ мошинасига улоқтира бошлишди. Биринчи бўлиб дурадгор қўлга тушди, унинг дийдисига бирор қулоқ солмади.

Бирдан орқамиздаги эшик очилди. Тунги кўйлак кийган, озғии оёқлари шир яланғоч, шам қўтарган бир аёл ичкаридан бошини чиқазди.

— Сенмисан? — сўради у ҳадик билан.

— Йўқ, — деди ўзини тутиб олган Ленц. Аёл эшикни беркитди. Ленц ўгирилиб, чўнтак чироғи билан эшиқдаги лавҳани ёритди. Бу ерда гишт терувчи Герхард Пешкени кутишаётганди.

Ҳовли жимжит бўлиб қолди. Полиция жуфтакни ростлаган эди. Яна бир оз кутиб, пастга тушдик. Қайсиdir бир деразадан ёш боланинг йиғиси эшиқтиларди.

Биз пеш ҳовлидан ўтдик. Танҳо қолган мунахжим юлдузлар акс эттирилган харита олдида турарди.

— Бир фол очиб қўяйми? — деди у ёнидан ўтаётганимизда. — Ё кафт чизиқларига қараб башорат қилайми?

— Қани, бир башорат қил-чи, — деди Готтфрид қўлини узатиб.

Мунахжим унинг кафтига диққат билан тикилди.

— Юрагингиз чатоқ, — деди у қатъий оҳангда. — Ҳис-туйғу бисёр, лекин ақл чизиги жуда калта. Мусиқани севасиз. Хаёлпрастсиз, аммо эр сифатида мақтаб бўлмайди. Шунга қарамай, уч фарзандни кўриб турибман. Феъл-авторингиз дипломатларникига ўхшайди, сирингизни ҳар кимга айтмайсиз, саксон йил умр кўрасиз.

— Тўппа-тўғри, — деди Готтфрид. — Ойим раҳматли, ёвуз одам узоқ яшайди, деган гапни кўп такрорлардилар. Одоб-ахлоқ — инсониятининг уйдирмаси, асло ҳаётий холосаси эмас.

У мунахжимга пул берди, биз ҳовлидан чиқиб кетдик. Кўча бўм-бўш эди. Олдимиздан қора мушук чопиб ўтди. Ленц таққа тўхтади.

— Орқага қайтамиз.

— Ҳечқиси йўқ, — дедим мен. — Олдин оқ мушукни кўрганмиз. Бири иккинчисининг таъсирини кесади.

Йўлда давом этдик. Рўпарамизда бир тўда одам кўзга ташланли. Улар бизга қараб келишарди. Орадаги масофа қисқарганда қарасак — тўрт йигит экан. Бири кўнжи тутмали сарғиш этик кийгани, бошқалари ҳарбийча этикда. Улар тўхтаб, бизга тикилиб қолиши.

— Ана у! — бақирди бирдан сарғиш этикли йигит ва олдимизга чопиб келди. Икки марта ўқ узилди, йигит шу заҳоти ўзини четта олди, сўнг тўртовлари ура қочиб қолиши. Кестер уларнинг орқасидан бир талпинди-ю, аммо шартта тўхтаб, ички бир ингроқ билан қўлларини Ленц томонга узатди, лекин уни ушлаб қололмади. Готтфрид гурсиллаб тош йўлга қулади.

Аввалига у шунчаки йиқилгандай туюлди, кейин қонга қўзим тушди. Кестер Ленцнинг пиджагини очиб, кўйлагини йиртиб ташлади.

Қон тизиллаб отилди. Жароҳат устига рўмолчамни босдим.

— Ёнидан жилма, мошинани опкеламан, — Кестер шундай деб, чопиб кетди.

— Готтфрид, мени эшитяпсанми?

Унинг юзи бўзга ўхшаб қолганди. Қўзлари чала юмуқ. Қовоқлари қилт этмайди. Бир қўлим билан бошидан тутиб, иккинчиси билан жароҳатига рўмолчани қаттикроқ босдим. Ёнида тиз чўкиб туарканман, лоақал нафас олиши ёки хириллаганини илғаб қолишдан умид қиласдим; аммо тириклиқдан нишон йўқ эди, теварак-атрофда оғир сукунат, адоги йўқ кўча, адоги йўқ бинолар, адоги йўқ тун — мен фақат қоннинг тошга чакиллаб томаётганини эшитардим, холос. Дарвоқе, Ленц бунақа фалокатга кўп маротаба дуч келиши мумкинлигини билардим, аммо ҳозир содир бўлган аччиқ ҳақиқатга ишонмаётгандим.

Кестер мошинани учирив келди. Чап ўриндиқнинг суянчигини орқага туширди. Готтфридни аста кўтариб, ўриндиққа ётқиздик. Мошинага сакраб чиқволдим. Кестер тез ёрдамнинг энг яқин пунктига қараб сурди. Етиб кслганимиздан сўнг эшик олдида аста тўхтади.

— Қараб чиқ-чи, дўхтир бормикин. Бўлмаса бошқа жойга олиб боришга тўғри келади.

Ичкарига чопиб кирдим. Мени санитар қарши олди.

— Дўхтир борми?

— Бор. Бирортасини опкелдингларми?

— Ҳа. Юринг мен билан. Замбилини олинг.

Готтфридни замбилга ётқизиб, бинога олиб кирдик. Дўхтир синг шимариб кутиб туарди. Замбилини столга қўйдик. Дўхтир чироқни пастга тушириб, жароҳатга яқинлаштириди.

— Нима гап?

— Ўқдан яраланган.

У бир бўлак пахта олиб, қонни артди, сўнг Ленцнинг томирини ушлаб кўрди, юрагига қулоғини андак тутиб тургач, қаддини ростлади.

— Иложи йўқ.

Кестер ундан кўз узмасди.

— Ўқ четдан ўтган-ку. Нега иложи бўлмаскан?

— Иккита ўқ теккан, — деди дўхтири.

У яна қонни артди. Биз Готтфриднинг устига энганиб, ҳамон қон билқилаб оқиб турган яранинг пастроғидаги қоп-қора тешикчани кўрдик. Бу тешик юракнинг ёнгинасида эди.

— Афтидан, ўша заҳоти жони узилганга ўхшайди, — деди дўхтири. Кестер бошини кўтариб, Готтфридга қаради. Дўхтири жароҳатларга пахта тиқиб, устидан пластирни ёпишириб қўйди. Сўнг: — Ювинасизми? — деб сўради мендан.

— Йўқ.

Энди Готтфриднинг юзи саргая бошлаганди. Оғзи сал қийшайган, кўзлари хиёл очиқ, лекин биттаси юмуқроқ. У бизга қараб турарди. Тўхтовсиз қаарди.

— Нима бўлди ўзи? — сўради дўхтири.

Жавоб бермадик. Готтфрид биздан кўз узмасди. Киприк қоқмай қараб турарди.

— Жасадни шу ерда қолдириб кетаверинглар, — деди дўхтири.

— Йўқ, — эътиroz билдириди Кестер. — Олиб кетамиз!

— Мумкин эмас, — деди дўхтири. — Полицияга қўнгироқ қилиш керак. Жиноят қидирув бўлимига ҳам. Жиноятчини иссиғида қўлга олиш зарур.

— Жиноятчи дейсизми? — Кестер унга савол назари билан қаради. Сўнг қўшиб қўйди: — Бўпти, полицияни ўзим опкеламан.

— Қўнгироқ қила қолинг. Қайтанга тезроқ келишади.

Кестер бош чайқади.

— Йўқ, ўзим бораман.

У чиқиб кетди, кўчадан «Карл» моторининг гувиллагани эшитилди. Дўхтири менга стулни суриб қўйди.

— Ўтиринг.

— Раҳмат, — шундай деб, жойимдан жилмадим. Чироқ нури ҳамон Готтфриднинг қонига белангган кўксига тушиб турарди. Дўхтири чироқни тепага кўтариб қўйди.

— Нима воқеа бўлди? — сўради у яна.

— Билмайман. Уни бирровга ўхшатишди шекилли.

— Фронтда бўлганми?

Мен бош силкидим.

— Чандиқларидан пайқадим, — деди дўхтири. — Қўлига ҳам ўқ теккан. Бир неча жойидан яралангани.

— Ҳа. Тўрт марта жароҳат олған.

— Аблаҳлар, — деди санитар. — Битлиқилар. Ўшанда булар йўргакла бўлса керак.

Индамадим. Готтфрид менга қараб турарди. Күз узмай қараб турарди.

Кестердан анча пайтгача дарап бўлмади. Кейин бир ўзи келди. Ахтирик ўқиб турган газетасини бир четга қўйди.

— Полиция вакиллари келишдими?

Кестер жавоб бермади. У дўхтирнинг сўзларини эшишмаганди.

— Полиция шу ердами? — қайта сўради дўхтири.

— Ҳа, — деди Кестер. — Полиция. Қўнғироқ қилиш керак. Майли, келишсиз.

Дўхтири унга бир қаради-ю, индамай телефонга қараб кетди. Бир неча минутдан сўнг полицияда ишлайдиган иккита мансабдор келди. Улар стол ёнига ўтириб, Готтфрид тўғрисида маълумотнома ёза бошлишди. Ўлиб кетга одамининг исми, қачон туғилгани, қаерда яшагани ҳақида гапириш, тўғриси, менга бемаъни ишдай туюлди. Саволларга файриихтиёрий равишда жавоб қайтарарканман, полициячи тўхтовсиз тупуклаб юмшатадиган қалам учидан кўз узмасди.

Иккинчи полициячи протокол тузишга киришди. Кестер унга керакли маълумотларни айтib турди.

— Қотилнинг ташқи қиёфасини тахминан бўлса ҳам тасвирлаб бероласизми?

— Йўқ, — деди Кестер, — эътибор бермадим.

Унга кўз қирини ташладим. Қотилнинг сарғиши этиги билан маҳсус кийими кўз ўнгимдан ўтди.

— Қайси партияга мансублигини биласизми? Кийимда бирор белгиси бормиди?

— Билмайман, — деди Кестер. — Ўқузилгунга қадар ҳеч нарсани кўрганим йўқ. Кейин эса... — У дудуқданіб қолди, — кейин эса оғайним билан овора бўлиб кетдим.

— Ўзингиз бирор сиёсий партияга мансубмисиз?

— Йўқ.

— Буни шунинг учун сўраяпманки, марҳум сизнинг оғайнингиз экан.

— Фронтда бирга бўлганимиз, — деди Кестер.

Мансабдор менга мурожаат қилди:

— Қотилни сиз тасвирлаб бероласизми?

— Йўқ, — дедим унга. — Мен ҳам эслолмайман.

— Қизиқ...

— Биз гаплашиб кетятувдик. Бари кўз очиб-юмгунча содир бўлди.

Полициячи уҳ тортиди.

— У ҳолда қотилни топишимиш қийин бўлади.

У протоколни ёзиб тутгатди.

— Жасадни олиб кетсан бўладими? — сўради Кестер.

— Начора... — Мансабдор дўхтирига қаради. — Ўлим сабаби аниқми?

Дўхтири тасдиқ ишорасини қилди.

- Акт ёзиб күйгөнман.
- Ўқ қани? Уни олиб кетишим керак.
- Ўқ иккита. Иккаласи ҳам танада қолган. Агар керак бўлса... Дўхтир у ёғини гапирмади.
- Менга иккала ўқ ҳам керак, — деди полициячи. — Улар битта қуролдан отилганими-йўқми — шуни билишим шарт.
- Битта қуролдан, — деди Кестер дўхтириларинг савол назарига жавобан.

Санитар чироқни яна замбил тепасига сурди. Дўхтир асбобларини олиб, қисқични ярага сурди. Биринчи ўқни тез топди, у чуқур кирмаган экан. Иккинчи ўқни олиш учун кўкракни кесишга тўғри келди. Дўхтир резина қўлқопини тирсагигача кўтариб, тифии қўлига олди. Кестер замбил олдига чопиб келиб, Готтфриднинг кўзларини беркитди. Тифиниг кирт-кирт овозини эшишиб, юзимни четга бурдим. Қани энди дўхтириларинг устига ташланиб, уни замбильдан нарига итариб ташласам — назаримда, Готтфрид атиги хушдан кетгану, дўхтир уни мана энди ростдан ҳам ўлдираётгандай эди, — кейин ўзимни тутволиб, тақдирга тан бердим. Урушда ўлимни кўп кўрганимиз...

— Мана, — деди дўхтир қаддини ростлаб. У ўқни артиб, полициячига узатди.

— Бир хил. Иккаласи ҳам битта қуролдан отилган.

Кестер энгашиб, кичкина тўмтоқ ўқларга диққат билан разм солди. Улар полициячининг кафтида совуқ йилтиради.

— Ҳа-а, — деб қўйди Отто.

Полициячи ўқларни қофозга ўраб, чўнтағига солди.

— Умуман бунга рухсат этилмайди, — деди у кейин. — Агар уйга олиб кетмоқчи бўлсаларинг... истисно тариқасида, майли. Чунки масала равшан, шундай эмасми, жаноб дўхтир? — Дўхтир бош силкиди. — Бунинг устига, сиз суд дўхтирисиз, — давом этди полициячи, — бинобарин... ихтиёр ўзларингда... шуниси ҳам борки, эртага бошқа терговчилар кеп қолиши ҳам мумкин...

— Биламан, — деди Кестер. — Биз бор гапни айтдик.

Полициячилар костишди. Дўхтир Готтфриднинг яраларини бошқатдан беркитиб, пластир ёпишириди.

— Энди нима қилдик? — сўради у. — Замбилни бериб туришимиз мумкин. Фақат эртага ташлаб кетасизлар.

— Раҳмат, — деди Кестер. — Юр, Робби.

— Ёрдамлашвараман, — деди санитар.

Мен бош чайқадим.

— Ўзимиз эшлаймиз.

Замбилни кўчага кўтариб чиқдик. Иккала сўл ўриндиқ суюнчигини ётқизиб, теп-текис жой тайёрладик, сўнг замбилни авайлаб мосинага жойлаштиридик. Дўхтир билан санитар изимиздан чиқиб, тепамизда кузатиб туришди. Готтфриднинг устига пальтосини ёниб, жўнаб кетдик. Бир оздан сўнг Кестер менга юзланди:

— Ўша күчадан яна бир ўтамиз. Ҳозиргина келиб кетдим, ҳеч ким күрінмади. Балки бу гал учратиб қолармиз.

Гупиллатиб қор ёғарди. Кестер мошинани охиста ҳайлаб борар, ғоҳо-ғоҳо лаппакни босиб, моторни ўчириб қўярди. У бизни пайқаб қолишларини истамасди. Аммо биз излаётган одамлар мошинамиз борлигини билишмайди. Биз, худди оқ қўланкандай, қор бўрони оралаб шовқинсиз сирғалиб борарадик.

Асблолар солингган кутидан болгани олиб, ёнимга қўйдим. Қотил кўриниши билан мошинадан отилиб чиқиб, қўққисдан зарба бермоқчи эдим. Биз воқеа юз берган кўчадан борарадик. Готтфрид қулаган жойда ҳамон қон изи қоп-қорайиб турарди. Кестер мошина чироқларини ўчириди. Биз йўлка четидан ўрмалаб, кўчани кузатардик. Ҳеч ким кўрінмасди. Фақат чироғи ёниқ бир пивохонадан ғала-ғовур эшитиларди.

Кестер муюлишда тўхтади.

— Сен қол, — деди у. — Мен пивохонани қараб чиқаман.

— Бирга бораман.

У менга шундай тикилдики, жим бўлиб қолдим. Унинг бу қараши бир ўзи разведкага йўл олган пайтларни ёдимга солди.

— Пивохонада ҳеч нарса қилмайман, — деди Кестер. — Сезиб қолса, қўённи сурвориши мумкин. Бор-йўқлигини билиб чиқаман. Агар ўтирган бўлса, пойлаб турамиз. Сен Готтфрид билан қол.

У чопиб кетди. Қор учқунлари юзимда эрирди. Готтфриднинг усти ёпиб қўйилганидан, у энди бизга тегишли эмаслигидан юрагим зирқираб кетди.

Пальтони пастроққа тортдим. Энди қор унинг ҳам юзига, кўзи ва лабларига тушар, лекин эrimасди. Рўмолчам билан қорни сидириб ташлаб, яна пальтони кўтариб қўйдим.

Кестер қайтиб келди.

— Ҳўш?

— Йўқ, — деди у.

Тағин рулга ўтириди.

— Бошқа кўчаларни ҳам қараймиз. Юрагим сезиб турипти, ҳар дақиқада рўпарамиздан чиқиб қолишлари мумкин.

Мотор бир гувилладию шу заҳоти овози пасайди. Биз оппоқ тун қўйнида ўғри мушукдай пусиб, бир кўчадан иккисига ўтардик. Баъзан бирор пивохонадан берироқда тўхташимиз билан Кестер мошинадан тушарди-да, ўша ёққа қараб чопиб кетарди. Уни алам ва ғазаб наасвасаси жинни қилиб қўйганди. Готтфридни ташлаб кетиш учун икки марта мошинани уйи томон ҳайдади, аммо иккала сафар ҳам, гўё бояги тўрт йигит шу атрофда юргандай, орқасига қайтиди.

Бирдан олисда қора шукталар кўзга ташланди. Кестер дарҳол чироқларини ўчириди, биз бебилиска уларнинг изидан тушдик. Йўловчилар ҳеч нарсадан бехабар, бемалол гаплашиб кетишарди.

— Улар тўрт киши, — дедим мен Кестерга.

Шу заҳоти мотор қаттиқ ўкириб, машина сўнгги икки юз метрни қуюндай босиб ўтди, кейин ўнг томондаги йўлкага учиб чиқиб, тўрт йўловчиларни ёнгинасида чийиллаб тўхтади. Ҳалигилар қўркувдан бақириб юбориши.

Кестер ойнадан бошини чиқазди. Гавдаси пўлат пружинадай, ташқарига отилишга тайёр турар, кўзларида қасос ўти ёнарди.

Йўловчилар беозор, кекса одамлар экан. Биттасининг кайфи бор. Улар бизни сўқиб беришли. Кестер индамади. Яна йўлга тушдик.

— Отто, — дедим мен. — Бугун уларни тополмаймиз. Қиласи ишни қилиб қўйиб, кўчада бемалол юришармиди?

— Бу гапиниг ҳам тўғри, — шундай деб, у машинани орқага бурди. Кестерникига жўнадик. Унинг хонасига алоҳида эшикдан кирилар, бирор бузовта қилмасди. Машинадан тушганимиздан сўнг ундан сўрадим:

— Нега полициячиларга қотилнинг белгиларини айтмадинг? Ахир, башарасини аниқ қўрувдик-ку. Балки уни топиш осонлашармиди?

Кестер менга тикилиб қаради.

— Шунинг учун айтмадимки, бу ишни полициясиз, ўзимиз қойил қиласи. Нима деб ўйлаган эдинг?.. — У энди бутуслай хотиржам гапиради. — Қотилни полицияга топшириб қўярканманми? Бир неча йил қамоқ жазоси билан қутулиб кетсанми? Бунақа ишлар нима билан тугашини биласан-ку: улар раҳмдил судъяларни топишади! Мабодо полиция қотилни қўлга туширган тақдирда ҳам, бу эмас, деган бўлардим! Уни ўзим бир ёқлик қиласман! Готтфрид ўлиб кетаверармиш-у, у яшаб юрармиш! Йўқ, унақаси кетмайди!

Замбилини кўтариб, изғирин ва қор қуюни орасидан ичкарига олиб кирдик, гўё биз Фландринида жанг қиляпмизу ҳалок бўлган дўстимизни олдинги маррадан бехавф жойга олиб ўтган эдик.

Тобут билан қабристондан жой сотовлайдик. Готтфридни дағн этиш маросими офтоб чарақлаб турган кунга тўғри келди. Тобут қопқоғии ўзимиз михлаб, зиналоядан настга олиб тушдик. Дўстимизни сўнгги йўлга кузатишга тўпланганилар кўп эмас эди. Фердинанд, Валентин, Альфонс, Фред, Жоржи, Юпп, Фрау Штосс, Густав, Стефан Григоляйт ва Роза. Қабристон дарвозаси олдилда бир оз кутиб қолдик. Олдинда яна икки тўп дағн иштирокчилари кетаётганди. Бир гурухи қора автомобилга, иккинчи мотам жияклари билан безатилган қўш отли извошга эргашган. Извош ортидагилар сон-саноқсиз бўлиб, сафнинг бош-кети кўринмас, кузатувчилар бир-бирлари билан бемалол чақчақлашиб боришаарди.

Тобутни машинадан олиб, ўзимиз уни арқонда қабрга туширдик. Гўрков хурсанд бўлди, чунки унинг иши бошидан ошиб ётарди. Руҳонийни чақиридик. Тўғри, Готтфриднинг ўзи бунга нима

астан бўларди — билмайман, лекин Валентин, таомили шунаقا, юди. Руҳопийдан қабр тепасида вазъ айтмасликни, библиядан шир парча ўқиб қўя қолишни илтимос қилдик. Руҳоний кексса, ўюнни кўролмайдиган киши эди. Қабрга яқинлашганда кесакка қоқилиб, чуқурга қулаб тушишига сал қолди, Кестер билан Валентин аранг ушлаб қолиши. Аммо қўлидаги библия билан кўзойни и пастига тушиб кетди. Авзойи бузилган руҳоний кўзларини қисганча чуқурга тикилиб турарди.

— Ҳечқиси йўқ, отахон, — деди Валентин, — зарарни тўлаймиз.

— Китоб-ку майли, — жавоб берди руҳоний синиқ оҳангда, — иммо кўзойнак...

Валентин қабристонни иҳота қилиб турган бута ғовдан бир шоҳчани синидирди-да, қабр четига чўккалаб, тобут устидаги гулчамбарга илиниб қолган кўзойнакни тортиб олди. Кўзойнакнинг гардиши тиллодан эди. Руҳонийнинг авзойи бекорга бузилмаган ёкан. Библия эса қабр четидан сирғалиб тушиб, тобут остига кириб кетипти; уни олиш учун тобутни кўтариш керак эди. Буни руҳоний ҳам хоҳламасди. У тамом гарангсиб қолган эди.

— Ҳеч бўлмаса уч-тўрт калима тиловат қиласай, розимисизлар? — сўради у ниҳоят.

— Ҳожати йўқ, отахон, — деди Фердинанд. — Энди дўстимизнинг тобути остида бутун бошли Қадимий аҳд билан Янги аҳд ётипти.

Янги кавланган тупроқ ҳиди димоққа уриларди. Бир кулалада энди тухумдан чиқсан оппоқ қурт ғимирляяпти. Ўйга толдим: «Ҳозир қабрга тупроқ ташланади, қурт ҳам ер остида яшай бошлайди; кейин ғумбакка айланади, бир йилдан кейин яна тепага ўрмалаб чиқади. Готтфрид эса ўлган. У бежон». Қабр ёнида туарканмиз, унинг танаси, кўзлари ва соchlари борлигини, тузи ўзгарган бўлса ҳам, бари бир ҳамон мавжудлигини, шунга қарамай, у ёнди абадул-абад қайтмаслигини ҳаммамиз яхши билардик. Бунга чидағ бўлмасди. Бизнинг танамиз иссиқ, миямиз ишлайти, юрагимиз томирларга қонни гуپиллатиб ҳайдаб туритти, кечакандоқ бўлсак, ҳозир ҳам шундаймиз, иккала қўлимиз бутун, кўзимиз соғ, соқов эмасмиз, бари ҳар вақтдагидай... Аммо энди биз кетишимиш керак. Готтфридни ташлаб кетишимиш керак. У энди бизни ҳеч қачон қидирмайди. Мана шунга чидағ бўлмасди.

Тобут қопқоғига гуپиллаб тупроқ туша бошлади. Гўрков бизга тўртта белкурак берди, — Валентин, Кестер, Альфонс ва мен — қабрини тўлдиришга тушдик — қачонлардир ўртоқларимиздан бир нечтасини мана шу тариқа кўмганмиз. Бирдан ёнгичамда Готтфрид яхши кўрадиган кўхна аскарий қўшиқ, кўхна ва мунгли аскарий қўшиқ янграгандай бўлли:

О, Аргон ўрмони, Аргон ўрмони,  
Сен мисоли қабр қўрғони...

Альфонс ёғочдан ясалган хоч, юз минглаб қабрлар устида турадиган оддий ёғочдан ясалган хоч келтирди. Уни Готтфриднинг бosh томонига ўрнатдик.

— Кетдик, — деди Валентин ўксик овозда.

— Ҳозир, — Кестер шундай деди-ю, жойидан жилмади. Бошқалар ҳам қимирламади. Валентин ҳаммамизга бир-бир қараб чиқди.

— Ё парвардигор, — деди у аста. — Дунёйи бсвафо!

Ҳеч кимдан садо чиқмади.

Валентин ҳорғин қўл силтади.

— Юринглар!

Биз шагал тўкилган йўлкадат дарвоза томон юрдик. У ерда бизни Фред, Жоржи ва бошқалар кутиб туришарди.

— Қандай чиройли куларди-я, — деди Стефан Григоляйт. Мотамсаро юзидан ўш думалаб тушди.

Атрофга қарадим. Ҳеч ким йўқ эди.

## XXV

**Ф**евралда Кестер билан охирги марта устахонада ўтирик. Уни сотишга тўғри келди, ҳозир кимошиби савдосини бошқардиган одамни кутаётгандик. У барча асбоб-ускуна билан таксини савдога қўйиши керак эди. Кестер баҳорга чиқиб, кичкина бир автомобиль фирмасига пойгачи сифатида ишга жойлашишдан умидвор эди. Мен ҳалиям кечқурулари «Интернациональ» қаҳважонасида пианино чалар ва айни пайтда, кўпроқ пул топиш мақсадида кундузига ҳам иш топиш ҳаракатида юрардим.

Ховлига анча-мунча одам тўпланганди. Аукциончи келди.

— Чиқсанми, Отто?

— Нима қиласман? Ҳамма нарса териб қўйилган, баҳосини ўзи билади.

Кестернинг кўриниши ҳорғин эди. Буни бегона кишилар пай-қамаслиги мумкин, аммо уни яхши биладигандар бир қарашдаёқ сезишлиари турган гап. Кестер кечалари ҳамон фожиа юз берган жой атрофида изгириди. У Готтфридни отган йигитининг исмашарифини аллақачон билиб олган, лекин уни тополмаётганди. Қотил полиция таъқибидан қўрқиб, бошқа уйга яширинганди. Бу тафсилотни Альфонс аниқлади. У ҳам шай турарди. Тўғри, жипоятчи шаҳардан чиқиб кетган бўлиши ҳам мумкин. Кестер билан Альфонс изига тушишганини у билмайди. Булар эса унинг хавф аригандан сўнг қайтиб келишини кутишарди.

— Бўлмаса ўзим чиқаман, — дедим мен.

— Майли.

Ташқарнга чиқдим. Станок ва бошқа асбоб-ускуналаримиз ҳовли ўртасига териб қўйилганди. Ўнг томондаги девор ёнида таксимиз турипти. Уни яхшилаб ювганимиз. Ўринлиқ ва фидирақла-

рига күз ташладим. Готтфрид уни «СОФИН СИГИРИМИЗ» дерди. Бу мөшинадан айрилиш биз учун осонмас.

Кимдир елкамга қоқди. Ўгирилиб қарасам, рўпарамда белбоғи пальто кийган чапанинамо йигит турипти. У гаров ҳассасини айлантириб, қўзини қисди:

— Танияпсизми?

Эслай бошладим.

— Гвидо Тисс, «Аугека» жамиятидан!

— Ана, кўрдингизми? — деди Гвидо виқор билан. — Ўшанда ҳам маға шунаقا қақири-қуқурлар тепасида учрашган эдик. Тўғри, ёнингизда турқи совуқ бир одам ҳам бор эди. Яна жиндай турсак, бащарасига солардим.

Елвизак бу олифтанинг Кестерга қўл кўтаришини кўз оллимга келтириб, беихтиёр афтиим буришди. Буни кулгига йўйиб, Гвидо ҳам сўйлоқ тишларини кўрсатди.

— Бўлти, ўтган ишга салавот! Кески эмасман. Ўшанда анови шалоқ мөшинага каттагина пул тўлаган эдинглар. Қалай, фойдаси бўлдими?

— Албатта, — дедим мен. — Ёмон мөшинамас.

Тисс сайраб кетди:

— Гапимга қулоқ солганингларда мўмайгина пул ишлаб қолардинглар. Менга ҳам яхши бўларди. Майли, ўтди-кетди! Лекин бугун боплашимиз мумкин. Беш юз маркадан оширмаймиз. Мөшина бизники бўлади. Оладиган бошқа одам йўқ ўзи. Келишликми?

Дарров тушундим. У, булар ўшанда мөшинани устига қўйиб сотовришган, деб ўйлаётганди, ҳозир ўзи оёқ босиб турган устахона бизга қарашли эканини ҳам билмасди. Аксинча, булар таксини қайтадан сотиб олишмоқчи, деган хulosага келганди.

— Бу мөшинанинг нархи ҳозир ҳам бир ярим минг маркадан кам эмас, — дедим унга. — Ундан фойдаланиш хуқуқи тўғрисидаги патент харажати бу ҳисобга кирмайди.

— Албатта, — гапимни илиб кетди Гвидо куйиб-пишиб. — Шунинг учун нархни беш юздан оширмаймиз, деяпман-да. Буни мен қиласман. Агар шу баҳога мөшинани қўлга киритсан — сизларга уч юз эллик марка нақд санаб бераман.

— Тўғри келмайди, — дедим унга. — Менга пул эмас, мөшина керак.

— Ўйлаб кўринг...

— Йўқ, овора бўлманг, — шундай деб, ҳовли ўртасига қараб юрдим. Биламанки, энди у нархни бир минг икки юзгача кўтаради.

Аукциончи ишга киришди. Аввал станок қисмлари сотилди. Даромад яхши бўлмади. Асбоб-ускуналар ҳам арzon-гаровга кетди. Навбат таксига келди. Кимдир уч юз марка таклиф қилди.

— Тўрт юз, — деди Гвидо.

— Түрт юз эллик, — эълон қилди узок иккилапишдан сүнг күк коржома кийган харидор.

Гвидо нархни беш юзга күтарди. Аукциончи ҳаммага бир-бир қараб чиқди. Коржомали киши жим тураверди. Гвидо менга күз қисиб, түрт бармоғипи күрсатди.

— Олти юз, — дедим мен.

Гвидо таассуф билан бош чайқаб, етти юз таклиф қилди. Мен нархни күтаравердим. Гвидо ҳам күшаверди. Нарх мингга станица у менга мүлтираб қараб, бармоғи билан яна юз марка ишлаб қолишим мүмкнлигига ишора қилди. Шундан кейин нархни бир минг ўн маркага күтарди. Мен бир минг бир юз марка деганимда юзи лавлаги бўлиб кетди:

— Бир минг бир юз ўн, — деди у чийиллаб.

Мен бир минг бир юз тўқсон таклиф қилдим. Гвидо ўзининг охирги нархи — бир минг икки юзни эълон қиласди, деб ўйлагандим. Шундан кейин ўйиндан чиқиб кетмоқчи эдим.

Аммо Гвидо қутуриб кетди. уни суреб чиқаришимдан кўрқиб, кутилмаганда бир минг уч юзни таклиф қилди. Ўйланиб қолдим. Агар унга ростдан ҳам машина керак бўлганда, бир минг икки юзда тўхтарди. Йўлига нархни ошириб, жигимга тегмоқчи. Бояги сұхбатимиздан биладики, менинг охирги мўлжалим — бир минг беш юз, демак, ҳозирча «мушук-сичқон» ўйнаса бўлаверади.

— Бир минг уч юз ўн, — дедим мен.

— Бир минг тўрт юз, — деди шоша-пиша Гвидо.

— Бир минг тўрт юз ўн, — овозим аранг чиқди, чунки пандеб қолишибдан қўрқа бошладим.

— Бир минг тўрт юз тўқсон! — Гвидо менга тантанавор ва масхаромуз нигоҳ билан қаради. У мени тузлаганига юз фоиз ишонган эди.

— Ким ошади? — сўради аукциончи.

Жим туравердим.

— Ким ошади? — сўради у иккинчи марта. Ксейин болғачани кўтарди. Ниҳоят, машина Гвидога насиб этгани эълон қилинганда юзидағи тантана ўрнини аянчли бир таажжуб ифодаси эгаллади. Бир оздан сўнг сўлжайиб олдимга келди.

— Мен ўйловдимки... сиз олмоқчи эдингиз-ку...

— Йўқ, — дедим мен.

Чув тушганини англаган Гвидо бошини қашлади.

— Оббо сиз-еў! Бу даҳмазани фирмага қанаққиб ўтказман?

Бир ярим мингга чиқасиз, деб ўйлагандим. Аммо бу гал уни сиздан юлиб олдим-ку!

— Шунақа қилишингиз керак эди! — дедим мен.

Гвидо кўзларини пириратди. Ичкаридан Кестер чиқиб келганида бошини чанглаб қолди.

— Ие! Ие! Машина ўзингларникимили? Вой, мен тентак! Вой, мен эшишак! Шунақаям алданаманми?! Шунақаям лақма бўламанми?! Оддийгина қармоққа илиниб ўтирибман-а! Ҳа, май-

чи, бұлар иш бўлди! Учига чиққан абжирлар ҳар доим қопқоңга тушади! Кейинги гал ҳиссасини чиқазаман! Ҳақимни бировга берадиган йигит эмасман!

Гвило мошинага ўтириб, жўнаб кетди. Орқасидан қараб турарканмиз, ичимида бир нарса узилиб кетгандай бўлди.

Кундузи Матильда Штосс келди. Кейинги ой учун у билан ҳисоб-китоб қилишимиз керак эди. Кестер Матильдага иш ҳақини гўлади, кейин устахонанинг янги хўжайинидан ишда қолдиришини илтимос қилишни маслаҳат бсрди. Юлпни опқолийшга хўжайини бир амаллаб қўндирган эдик. Аммо Матильда маслаҳатни рад этди.

— Йўқ, жаноб Кестер, етади. Суякларим зирқираб оғрийдиган бўп қолди.

— Бу ёғига нима қиласиз? — сўрадим мен.

— Қизимнинг олдига кетаман. Бунцлауда яшайди. Оилали. Бўлганмисиз Бунцлауда?

— Йўқ, Матильда.

— Лекин жаноб Кестер бу шаҳарни билади, тўгрими?

— Мен ҳам бормаганман у ерга, фрау Штосс.

— Қизик, — деди Матильда. — Бунцлауни ҳеч ким билмайди-я. Қизим ўша шаҳарда ўн икки йилдан бўён яшайди-ку. Маҳкама котибига турмушга чиққан.

— Демак, Бунцлау деган шаҳар бор. Шубҳа бўлиши мумкин эмас. Модомики маҳкама котиби яшар экан...

— Албатта-да. Лекин ҳеч ким билмагани қизик.

— Шу пайтгача ўзингиз нега бормадингиз? — сўрадим ундан. Матильда кулимсиради.

— Тарихи узун буни. Лекин энди невараларимнинг олдига бормасам бўлмайди. Тўртта бўлишди.

— Эшлишишча, ўша томонларда зўр шнапс тайёрлашар-кан, — дедим мен. — Олхўриданми-сй...

Матильда қўл силтади.

— Ҳамма гап шунда-да. Лекин күёвим ичмайди.

Кестер бўшаб қолган токчадан сўнгги шишани олди.

— Келинг, фрау Штосс, хайрлашиш олдидан бир қадаҳдан ичайлик.

— Бажонидил.

Кестер қадаҳларни тўлдириди. Матильда ромни худди ғалвирдан ўтказгандай тез қуритди. Тепа лаби пирпираб кетди.

— Яна битта қуяйми? — сўрадим ундан.

— Қўлингизни қайтармайман.

Каттакон қалаҳга тўлдириб қўйдим. Кейин у биз билан хайрлашиди.

— Яиги жойда омадингизни берсинг, — дедим мен.

— Мингдан-минг раҳмат. Сизларга ҳам омад тилаймай. Лекин ғунцлауни ҳеч ким билмагани қизиқ бўлди-ла, а?

У хиёл чайқалганча чиқиб кетди. Биз ҳувиллаб ётган устахонада яна пича турдик.

— Біз ҳам жиламиз, — деди Кестер.

— Тұғри. Нима ҳам қиласын бу ерда.

Әшикни беркитиб, «Карл»ни олгани кетдик. Уни сотмагандик, мөшина құшын гаражда туаради. Йүл-йүлакай почта билан банкка кирдик, Кестер кимошди савдо бошқармасининг мудирига марка солигини тұлади.

— Бориб ухлайман, — деди у. — Үйда бұласанми?

— Бугун кечкүрун бўшман.

— Бўпти, саккизда олдингга кираман.

Шаҳар четидаги кичкина ресторонда овқатланып, орқага қайтдик. Сал юрмасимиздан олдинги ғиддиракнинг дами чиқиб кетди. Уни алмаштирилди. «Карл» анчадаи бўён ювилмаган эди, ҳамма ёғим ифлос бўлди.

— Кўлни ювмасам бўлмайди, Отто. — дедим мен.

Йўл бўйида каттагина қаҳвахона бор эди. Ўша ерга кириб, эшик ёнидаги столга ўтирилди. Таажжубки, ҳамма жой банд. Аёллар ансамбли қўшиқ айтар, ўйин-кулги авжида эди. Ансамбль ижрочилиари бошларига ола-була қоғоз кулоҳ кийиб олишган, меҳмонларнинг аксарияти маскарад кийимида, столлар тепасида ранг-баранг қоғоз жияклар, шифтга бирин-кетин ҳаво пулфаклари отиляпти, қаҳвахона хизматчилари патнис тўла таомларни кўтариб, залда у ёқдан-бу ёққа ўтиб туришипти. Ҳамма нарса ҳаракатда, меҳмонлар хоҳолаган, чуғурлаган.

— Нима бўляпти, ўзи? — сўради Кестер.

Қўшни столда ўтирган ўшгина малла соч қиз бизга бир ҳовуч рангли қоғоз тангачаларни отди.

— Нима бало, ойдан тушганимисизлар? — деди у кулиб. — Хабаринглар йўқми, бугун қишини кузатиш байрами бошландику?

— Э, шунақами? — дедим мен. — Бўлмаса қўлимни ювиб келай.

Хожатхонага бориш учун залиниг нариги томонига ўтишга тўғри келди. Бир стол олдила тўхтаб қолдим — уч-тўртта кайфи ошган меҳмон қандайдир бир қизни қўшиқ айттириш учун столга кўтариб чиқарнишга уриннади. Қиз чийиллаб, қаршилик кўрсатарди. Бирдан стол ағдарилиб кетди, бадмаст меҳмонлар ҳам кулади. Йўл очилишини кутиб турдим. Шунда... бирдан мени электр токи ургандай бўлди. Мурдадек қотиб қолдим, қаҳвахона қаёққадир ўпиралиб тушди, ғала-ғовур ҳам, мусиқа ҳам тиши. Атрофда чаплашиб кетган, ноаниқ кўланкалар сузид юрар, фаяқ битта стол, яккаю ягона стол аниқ-равшаш кўриниб туарди. Унинг ортида масҳараబозлар кулоҳини кийган бир йигит ёнидаги ширакайф қизни белидан күчоқлақ ўтирибди. Кўзлариди маъно йўқ, лаблари юпқа. Стол остидан чиқиб турган қўшижи тутгали сарғиши ранг этиги яйтирайди...

Мени хизматчи туртди. Маст одамдай уч-түрт қадам ташлаб, яна тұхтадим. Ичкари иссиқ бұлса ҳам аязойи баданим қалти-парди. Энди стол атрофида ўтирган бошқа одамларни ҳам илгадим. Улар пиво кружкасини столга уриб, бараварига бўкириб кўшиқ айтишарди. Мени яна тутишиди.

— Йўлда турманг.

Беихтиёр тўғрига қараб кетавердим, ҳожатхонани топиб, кўлимни юва бошладим, қаттиқ оғриқни сезганимдан кейингина қайноқ сувни очиб қўйганимни англадим. Кейин Кестернинг олдига қайтиб келдим.

— Нима бўлди?

Тилим айланмади.

— Мазанг қочдими?

Бош чайқаб, малла соч қиз ўтирган қўшни столга қарадим. Қиз биздан кўз узмасди. Бирдан Кестернинг ранги оқариб кетди, кўзлари қисишиб, олдинга энгашди.

— Ростданми? — сўради у шивирлаб.

— Ҳа.

— Қаерда?

Мен Готтфриднинг қотили ўтирган стол томонга ишора қилдим.

Кестер аста ўрнидан турди. Назаримда, кўзойнакли илон қаддини ростлагандай бўлди.

— Эҳтиёт бўл, — пицирладим унга. — Бу ерда эмас, Отто.

У қўл силтаб, ўша ёққа қараб юрди. Орқасидан югургим келди. Шу пайт қандайдир аёл унинг бошига кўк-қизғиши қофоз кулоҳ кийгизиб, бўйнига осилволди. Отто буни сезмади ҳам. Аёл ўзини четга олиб, орқасидан анграйиб қараб қолди. Отто зални айланаб чиқиб, стол ёнига қайтиб келди.

— У ерда йўқ, — деди у.

Ўрнимдан туриб, залга назар ташладим. Кестер ҳақ эди.

— Мени таниб қолдимикин?

Кестер елкасини қисди. Шундагина бошида қофоз кулоҳ турганини сезиб, улоқтириб юборди.

— Ҳайронман, — ледим унга. — Ҳожатхонада бир-икки минут бўлдим холос-ку.

— Чорак соатдан кўп бўлдинг.

— Йўғ-э?.. — Мен яна стол томонга қарадим. — Бошқалари ҳам гойиб бўлишибди. Бир қиз ҳам бор эди, у ҳам йўқ. Мендан шубҳаланганида бир ўзи кетарди-ку.

Кестер хизматчини чақирди.

— Киреб-чиқиладиган бошқа эшик ҳам борми?

— Ҳа, нариги томонда, Гарденбергштрассега чиқилади.

Кестер чўнтағидан танга чиқазиб, хизматчига берди.

— Афсус, — деди қўшни столдаги малла соч қиз. — Шундоқ йигитлар...

Күчага чиқдик. Юзимизга шамол урилли. Иссиқ жойдан чиқ-қанымиз учуними, бизга изғириндай туолди.

— Сен кетавер, — деди Кестер.

— Улар күпчилик, — шундай деб, ёнита ўтиридим.

Мошина жойдан құзғалды. Қаҳвахона атрофидаги ҳамма күчага кириб чиқдик, аммо ҳеч кимни учратмадик. Ниҳоят Кестер тұхтади.

— Қочиб қолди, — деди у. — Ҳечқиси йўқ. Бари бир эртами-кесми қўлимизга тушади.

— Отто, — дедим мен. — Қайт шу ниятингдан.

У менга тикилиб қаради.

— Готтфрид ўлди, — шундай дедиму сўзларимга ўзим ажабландим. — Нима қилганингда ҳам қайтиб тирилмайди...

Кестер ҳамон тикилиб турарди.

— Робби, — деди у ниҳоятда вазмин оҳангда. — Фронтда қанча одам ўлдирганимни эслолмайман. Аммо ёш бир инглиз учувчинини уриб туширганим ҳамон ёдимда. Пулемётининг ўқлари тишилашиб, отилмай қолди, минг типиричиламасин, ҳеч нарса қилолмади. Мен бир неча метр нарида уни нишонга олиб, кўзлари кўркувга тўла порасида чеҳрани яққол кўриб турардим; кейин маълум бўлишича, бу унинг биринчи парвози бўлиб, ёши ўн саккизга тўлиб-тўлмаган экан. Аниа шу чўчиб турган, nochor, бегубор чехрага қаратиб пулемётдан тариллатиб ўқ уздим. Миясинг қопқоғи тухум пўчоғидай учиб кетди. У йигитчани танимасдим, у менга ёмонлик қилмаганди. Анча пайтгача эзилиб юрдим, кейин: «Уруш уруш-да!» — деб, виждонимга тасалли бердим. Мабодо Готтфридни бекордан-бекорга итдай отиб ташланган абллаҳни ўлдирмасам, демак, инглиз ўспириинининг руҳи олдиди ашаддий жиноятчи бўламан. Тушунасанми шуни?

— Тушунаман.

— Энди, жўна. Ишни охирига етказишм керак. Гап тамом. Уни кулатмагунча ҳеч қаёққа бормайман.

— Кетмайман, Отто. Қолсак, бирга қоламиз.

— Бошимни қотирма, — деди у шошиб. — Сени керагинг йўқ. — Эътиroz билдиришга чоғланаётганимни сезиб, қўлини кўтарди. — Кўнглинг тўқ бўлсин! Бир ўзини пойлайман! Ёлғиз ўзини! Хавотир олма.

У мени ўриндиқдан итариб тушариб юборди-да, газни босди. Биламанки, уни ҳеч нарса тўхтатолмайди. Мени нима учун жўнатганинш ҳам биламан. Патни ўйлаяпти. Готтфридни ҳайдамаган бўларди.

Альфонснинг қаҳвахонасига йўл олдим. Энди фақат у билан гаплашишим мумкин эди. Аксига олиб, Альфонс йўқ экан. Ухлайвериб қовоғи салқиган қиз бир соат бурун унинг мажлисга кетганини айтди. Стол ёнига ўтириб, кута бошладим.

Қақвахона ҳувиллаб ётарди. Пиво пештахтаси тесасида кичинна чироқ ёниб турипти. Қыз яна жойига ўтириб, уйқуга кетди. Мен дәразадан ой нурига гарқ бўлган қўчага тикилганча Отто йиғани Готтфрид тўғрисида, ёғоч хоч ўринатилган қабр ҳақида үнчирдим. Бир маҳал йиғластганимни пайқаб, кўз ёшимни сидирию ташладим.

Ҳаял ўтмай, қадам товушлари эшитилди. Альфонс орқа ишкдан кирди. Юзи тердан йилтиарди.

Альфонс, бу менман!

Бу ёққа юр, тезроқ!

Орқасидан эргашиб, пештахтанинг ўнг томонидаги хонага кирдим. Альфонс жавондан уруш вақтидан қолган иккита санинчир қофозхалтасини олди.

Боғлашни биласанми? — сўради у аста иштонини туширикни.

Белида қон силқиб турган тириқ бор эди.

— Ялаб ўтибди, — дедим мен.

— Тўғри, — пинғиллади Альфонс. — Боғла!

— Отто қани?

— Қаёқдан биламан қаердалигини? — деди у жароҳатидаги қонни ситиб ташлаб.

— Биргамасмидинглар?

— Йўқ.

— Кўзинг ҳам тушмадими?

— Ўйлаганим ҳам йўқ. Анови халтани очиб, тепарофини боғла. Тирналган, холос.

— Альфонс, — дедим мен. — Уни кўрдик... анови... Готтфриднинг қотилини... биласан-ку... кечқурун кўрдик, Отто изига тушган.

— Нима? Отто? — Альфонс сергак тортди. — Қаерда у? Энди кераги йўқ! Айланишмасин у атрофда!

— У кетмайди.

Альфонс қайчини улоқтириди.

— Тез бор! Қаердалигини биласанми? Қорасини кўрсатмасин. Готтфриднинг ўчини олиб бўлдим. Сизлардан олдин билган эдим қаерда ўтирганини! Кўриб турибсан-ку, яраландим! Тепкини босишга улгурмасидан қўлига тушириб қолдим. Кейин мен отдим. Отто қаерда?

— Менкештрассе атрофида.

— Хайрият. Анчадан бўён у ерда яшамайди. Бари бир у ердан онкет Оттони.

Телефон ёнига бориб, одатда Густав навбатда турадиган такси бекатига қўнғироқ қилдим. Ўша ерда экан.

— Густав, — дедим мен. — Визенштрассе билан Бельвю майдонига тез етиб кел. Ҳаяллама! Кутаман!

— Ўн минутда етиб бораман.

Гүшакин қўйиб, Альфонснинг олдига қайтдим. У шимини кияётган экан.

— Шаҳарни айланиб юрганингни билмабман, — деди у. Юзидаги тер ҳамон қотмаган эди. — Ундан кўра бир жойда ўтирганинглар маъқул эди. Айборд эмасликларингта далил бўларди. Суриштириб қолишлари мумкин-да. Билиб бўладими...

— Яхшиси, ўзинг ҳақингда ўйла.

— Менга нима! Ҳеч ким кўргани йўқ. Юзма-юз келдик. Бир хонада кутиб ўтиредим. Кўққисдан пайдо бўлди. Қолаверса, қонунда ўз-ўзини ҳимоя қилиш ҳуқуки бор. Остонадан ўтибоқ ўқ узди. Менга далилнинг кераги йўқ. Хоҳласам ўнтасини қалаштириб ташлашим мумкин.

У стулда пишиллаб ўтиради. Сочлари бошига ёпишган, каттакон оғзи сал қийшиқ, нигоҳига шу қадар буюк алам ва армон, шу қадар буюк оғриқ ва меҳр жо бўлган эдики, бу кўзларга тик қарашиб осон эмасди.

— Мана энди Готтфрид гўрида тинч ётади, — деди у паст, бўғиқ овозда. — Шу пайтгача менга у безовтадай туюларди.

Рўпарасида миқ этмай турардим.

— Энди бора қол, — деди у.

Зал оралаб ўтдим. Қиз ҳамон пишиллаб ухларди. Ой тепага кўтарилигани, кўча ёп-ёруғ эди. Бельвию майдонига қараб кетдим. Ўйларнинг деразалари ой нурида кумуш кўзгудай ярқиради. Шамол тўхтапти.

Атроф жимжит эди.

Бир неча дақиқадан сўнг Густав етиб келди.

— Тинчликми, Роберт?

— Мошинамни кечқурун ўғирлаб кетишиди. Ҳозиргина айтишиди

— Менкештрассе томонда кўришипти. Бориб келмаймизми?

— Бўлти, борамиз! — Густав қизишиб кетди. — Ўғриларнинг сон-саноғи йўқ. Ҳар куни бир нечта мошина ўғирланади. Кўпинча ҳайдаб-ҳайдаб, бензин тугаганда ташлаб кетишиади.

— Бизникини ҳам шунаقا қилишса керак.

Густав яқинда уйланишини айтди. Қайлиғи ҳомиладор бўп қопти, уйланмаса бўлмасмиш. Менкештрассе ва бошқа кўчаларни айланиб чиқдик.

— Ана! — бақириб юборди Густав. Мошина қоронғи бир тор кўчада турарди. «Карл»га ўтириб, моторни ўт олдиридим.

— Худога шукур, Густав, — дедим унга. — Яхшиям бор экансан.

— Арзимайди, — жавоб берди у. — Бир жойда қиттай-қиттай отмаймизми?

— Бутун эмас. Эртага. Шошиб турибман.

Уни рози қилиш учун чўнтағимни кавладим.

— Эсинг жойидами? — деди у.

— Раҳмат, бўлмаса. Бора қол. Ҳайр.

— Бирор жойда пойлаб туриб, ўгрини қўлга туширамизми?

Фойдаси йўқ, у аллақачон жуфтакни ростлаб қолган. — Сирман бетоқат бўла бошладим. — Омон бўл, Густав.

Бензин қоптими?

Етади. Қарадим. Кўришгунча.

У жўнаб кетди. Бир оздан сўнг мен ҳам йўлга тушдим. Мен сенгирассега етганда секин юрдим, кўчанинг охирига бориб, орқага қайтдим. Кестер муюлишда турарди.

-- Бу нима қилганинг?

-- Ўтири, — дедим унга шошиб. — Бу ерда қиладигап ишинг қолмади. Альфонсининг олдидан келяпман. У... топибди.

— Хўш?

-- Масала ҳал.

Кестер индамай ўзинни ўриндиққа ташлади. Рулга ўтирмади. Сим букчайганча ёнимга чўкди. Жўнадик.

-- Бизниги борамизми? — сўрадим мен.

У бош силкиди. Мошинани канал ёқасидаги йўлга бурдим. Сув кумушдай ялтирайди. Нариги соҳилдаги пастқам уйлар қоп-қораёнб бўринар, черковнинг оқиш-зангари гумбазлари савлат тўкиб турарди. Улар ой нурига фарқ бўлган осмон остида ажабтовур широй касб этишганди.

— Отто, шундай бўлганига хурсандман.

— Мен хурсанд эмасман, — деди у.

Фрау Залевскининг чирофи ёниқ турарди. Кўча эшигини очишм им билан йўлакка югуриб чиқди.

— Сизга телеграмма бор.

— Телеграмма? — қайта сўрадим таажжубланиб. Хаёлим ҳануз кечаги воқеа билан банд эди. Кейин эс-хушимни йиғиб, хонамга югурдим. Телеграмма стол устида ётарди. Апил-тапил очдим. Юрагим гупиллар, ҳарфлар титраб, айқаш-уйқаш бўлиб кетар, сўнг яна ўз ўрнига жойлашарди. Ниҳоят, кўнглим тинчиб, уни Кестерга узатдим.

— Худога шукур. Ўтакам ёрила ёзди.

Бор-йўғи тўртта сўз эди: «Робби, тез етиб кел».

Телеграммани қайтариб олдим. Бирдан ичим яна ғаш бўла бошлади.

— Нима бўлдийкин, Отто? Нега қўнғироқ қила қолмади? Бир гап бор!

Кестер телеграммани қўлимдан олиб, столга қўйди.

— Охирги марта қачон гаплашувдинг?

-- Бир ҳафта бўлди... Йўқ, кўпроқ.

— Телефонга буюртма бер. Агар вазият жиддий бўлса, йўлга тушамиз. Мошинада. Темир йўл маълумотномаси ёзилган китоб борми?

Санаторий билан телефонда, гаплашишга буюртма бериб, фрау Залевскининг меҳмонхонасидан маълумотномани олиб чиқдим. Кестер китобни очди.

— Энг қулай поезд әртага тушда жұнаркан, — деди у. — Яхшиси, мошинага ўтириб, санаторийга яқынроқ жойға етволиш керак. У ерда олдин келган биринчі поездға чиқволамиз. Шунда бир неча соат ютишнимиз мүмкін. Нима дейсан?

— Яхши таклиф. — Поездда бир неча соат қандай чидаб ўтиришимни тасаввур қоломасдим.

Телефон жириңглади. Кестер маълумотномани күтариб, менинг хонаамга кетди. Санаторийни улашган эди. Патни қақиришларипи сўрадим. Салдан кейин навбатчи ҳамшира, Пат телефонга келмагани яхши, деди.

— Нима бўлди, ўзи?

— Уч-тўрт кун аввал озгина қоп қусди. Ҳозир иситмаси бор.

— Айтиб қўйинг, мен боряпман. Кестер ва «Карл» билан. Ҳозир жўнаймиз. Гапимга тушундингизми?

— Кестер ва Карл билан дейсизми?

— Ҳа. Албатта етказнинг. Ҳозир йўлга чиқамиз.

— Бўпти, айтиб қўяман.

Хонаамга қайтиб келдим. Кестер стол ёнида поездлар қатнови жадвалини ёзиб ўтиради.

— Чамадонингни ҳозирла, — деди у. — Мен ҳам йўлга у-бу нарса олволишим керак. Ярим соатдан кейин келаман.

Жавон устидан чамадонни олдим. Бу Готтфрид совға қилган, турли мамлакатларнинг суратлари ёпиширилган ўша эски чамадон эди. Нарсаларимни тез жойлаштириб, кетаётганимни фрау Залевски билан «Интернациональ» хўжайнинг маълум қилиб қўйдим. Кейин дераза токчасига ўтириб, Кестерни кута бошлидим. Ҳаммаёқ жимжит эди. Эртага кечқурун Патни кўришимни тасаввур этишим билан вужудимни бетоқатлик ҳисси чулғаб олди. Бу туйғу қўрқув, хавотирилик, ғам-андуҳ ва тушкунликни четга суриб ташлади. Эртага кечқурун уни кўраман — бу ақд бовар қилмайдиган, шуурга сифмайдиган баҳт эди, мен бу баҳтдан умидимни узиб қўйган эдим. Учрашмаганимиздан бўён қанча нарсаний йўқотдим-у...

Чамадонни олиб, хонадан чиқдим. Бирдан ҳамма нарса қўзимга азиз ва серфайз бўлиб қўринди: зинапоя ҳам, зах ҳиди ўрнашиб қолган йўлак ҳам, «Карл» физиллаб келиб тўхтаган қорамтир, совуқ асфальт ҳам.

— Иккита адёл олволдим, — деди Кестер. — Ҳаво салқин. Яхшилаб ўранвол.

— Навбат билан ҳайдаймиз, хўпми?

— Бўпти. Ҳозир ўзим ҳайдайман. Тушдан кейин тўйиб ухланман.

Ярим соатдан сўнг шаҳар ортда қолди, бизни ойдин тунниниг бесалад сукунати коминга тортиб кетди. Оппоқ йўл биздан қочиб, ўзини уфққа уради. Шу қадар ёруғ эдикни, бемалол чироқларни ёқмай юрса бўларди. Мотор тонушин мусиқа садосини эслатарди, бу овоз сукунатни бузмас, аксинча, унга салобат баҳш этиб борарди.

Ухласанг-чи, — деди Кестер.

Ухлолмайман, Отто.

— Бұлмаса, ёнбошла. Эргалаб тетикроқ бұласан. Ҳали бутун Германияни босиб ўтишимиз керак.

— Шундоқ ҳам дам олиб кетяпман.

Кестернің ёнида ўтирадим. Тұлин ой күкда вазмин сузид борарди. Далалар садафдай товланади. Ахсән-ахсән қишлоқлар, баян мудроқ, бүм-бүш шаҳар ёнимиздан лип этиб ўтиб кетади. Іннолар оралиғидаги күчалар ойнинг хаёлий нурига гарқ бўлган нарапарни эслатар, бу ёғду тунни аллақандай фантастик фильмга айлантириб юборганди.

Тонгга яқин совуқ зўрайди. Ўтлоқларни қоплаган шабнам учқун сақратар, оқара бошлаган осмон остидаги дараҳтлар қўргошиндан ясалганга ўхшарди. Ўрмонларда шамол қўзғалди, айрим томлар тепасидан тутун ўрлай бошлади. Кестер билан ўрин алмашдик. Соат ўнгача мошинани мен ҳайдадим. Йўл бўйидаги қаҳвахонада наридан-бери тамадди Қилиб, яна йўлга тушдик. Соат ун иккита Кестер рулга ўтирди. Отто мошинани мендан тезроқ ҳайдарди, шунинг учун бу ёнини ўзига қўйиб бердим.

Тоққа яқинлашганимизда қоронғи тушиб қолган эди. Филдиракка ўраш учун занжир, ҳар эҳтимолга қарши, белкурак олвоглан эдик. Шароитни сўраб-суриштиридик.

— Ҳозир занжир боғлаш шарт эмас, — деди автомобиль клубининг котиби. — Бу йил қор кам тушди. Лекин тепада аҳвол қанақалигини билмайман. Вазиятга қараб иш тутасизлар.

Биз поезддан анча ўзиб кетган эдик, бинобарин, манзилга мошинада стволиша аҳд қилдик. Совуқ кучайиб борарди, демак, туман тушиш хавфи йўқ. «Карл» илонизи йўлдан шиддат билан юқорига ўрмаларди. Ярим йўлни босиб ўтганимиздан сўнг филдиракларга занжир ўрадик. Йўл қордан тозаланганд, аммо кўп жойлари яхлаган эди. Мошина у ёқдан-бу ёққа сурилиб кета бошлиди. Баъзан тушиб уни итаришга мажбур бўлдик. Икки марта қорга ботиб қолдик, белкурак билан филдиракларга йўл очишга тўғри келди. Охириги қишлоқдан бир челяк кум топдик. Энди биз довоннинг энг чўққисида турардик, пастга тушарканмиз, яхланган муюлишлардан қўрқардик. Атроф зимзиё, қоп-қора, ялан-ғоч қоялар кўкка бўй чўзган, йўл торайиб борар, биринчи тезликка солипган мотор инграрди. Биз қадам-бақадам, муюлиш-ма-муюлиш пастлайвердик. Бирдан мошина чироқлари тош десворни тешиб ўтиб, сўнгсиз бўшлиққа йўналди, қоялар икки томонга сурилиб, олисла қишлоқ чироқлари кўринди.

Мошина катта кўчадаги дўкоғларнинг ранго-ранг витриналари орасидан гумбурлаб ўта бошлади. Ногаҳоний манзарадан чўчиб кетган йўловчилар шоша-пиша ўзларини четга олишарди. Отлар хуркиб, баъзи чаналар йўл четидаги ариққа ағдарилди. «Карл» айланма йўлдан шитоб билан санаторийга кўтарилиб, эшик олдила тўхтади. Мошинадан отилиб чиқдим. Яккам-дуккам

одамлар, синчков нигоҳлар, идора, лифт, оппоқ йўлак гўё хира парда ортида тургандай кўринши... Эшикни шахт билан очиб, Патга кўзим тушди. Уни тушимда ва орзуларимда худди мана шу қиёфала юз маротабалаб кўрганманс, мана энди у мен томон отилди. Патни, ҳаётни қунгандай, бағримга босдим. Йўқ, бу ҳаётдан кўра улканроқ нарса эди...

— Худога шукур, — дедим енгил тин олиб. — Тўшакда бўлсанг керак, деб ўлагандим.

У бош чайқади, соchlари юзимга тегди. Кейин қаддини ростлади-да, кафтлари билан чакагимни қисиб, кўзимга тикилди.

— Келдингми, а?! — шивирлади у. — Келдингми?!

Сўнг юзимдан ўпди, худди синдириб қўядигандай, авайлаб ўпди. Лаблари тағамга титроқ солди. Бу ҳол шу қадар тез юз бердик, нима бўлаётганини ҳадеганда идрок қилолмадим. Мен ҳали ростакамига бу ерда эмасдим; миямда ҳали мотор шовқини гувуллар, кўз ўнгимда уфқача чўзилиб кетган йўл турарди. Изифирин ва қоронғиликдан иссиқ ҳонага кирган киши ўзини дабдурустдан ана шундай ҳис этади — ҳароратни териси, кўзлари билан сезиб туради-ю, аммо тағасига ҳали иссиқ ўтмаган бўлади.

— Тез юрдик, — дедим мен.

Пат индамали, кўзимга тик қараганча тураверди, назаримда, муҳим бир гапни айтмоқчи-ю, ўшанга мос сўз қидиради. Елкасидан қучиб, нигоҳимни олиб қочдим.

— Энди кетмайсанми? — сўради у ниҳоят.

Мен бош силкидим.

— Ростини айт. Қоласанми, кетасанми?.. Мен буни билишим керак.

Буни ҳали ўзим ҳам билмаслигимни, эҳтимол, бир неча кундан кейин кетишга тўгри келишини, тоғда қолиш учун ёнимда пул йўқлигини айтмоқчи бўлдим. Лекин бундай дёёлмадим. Унинг илтижо тўла кўзларига қараб туриб, бундай дёёлмасдим.

— Қоламан, — дедим унга. — Иккаламиз бирга кетамиз.

Патининг бир туки ўзгармади. Кейин юзига ичкаридан нур балқди.

— Вой, хайрият, — деди у. — кетсанг, тамом бўлардим.

Каравотининг тепасида, деворда осиғлиқ турган ҳарорат ва-рақасига елкаси оша разм ташлашга уриндим. У буни сезиб, ва-рақани юлиб олди-да, ғижимлаб каравот тагига улоқтириди

— Энди бунинг аҳамияти йўқ.

Варақанинг думалаб кетган жойини кўз остига олиб қўйдим, кейин сездиримасдан уни олиб, чўнтағимга солиб қўйишга аҳд қилдим.

— Мазаңг қочдими? — сўрадим ундан.

— Сал-пал. Ўтиб кетди.

— Дўхтир нима деяпти?

У кулиб юборди.

Дүхтирларни сұрама. Умуман ҳеч нарсаны сұрама. Сен шу  
тұннан, шунинг үзи киғоя!

Назаримда у сал үзгарғандай эди. Эхтимол, күпдан бүсін күрмас-  
таним учун шундай туюлаётгандир, лескін барі бир илгариги-  
ли әмас. Ҳаракатлари янада майинлашған, баданы иссиқроқ,  
жіто юриши, масалан ҳозиргина истиқболимга одим ташлаши  
жем – бошқача... У энді авайланиши лозим бұлған шунчаки  
шыройли қызы әмас эди, унға яна нимадир құшилғанди, агар ил-  
гари мени севишига күпинча иккіланған бұлсаям, ҳозир бунга  
асло шубҳа қылмайман. У энді ҳеч нарсаны яширмасди; яшаш  
көңігінде лиммо-лим, менға ҳар қачонгидан күра ҳам яқынроқ  
махрамға айланған бу гүзәл рүпарамда битмас-тұганмас баҳт ато  
ниб туради... Аммо унда аллақандай безовталиқ бор эди.

— Пат, — дедім унга. — Тезроқ пастта тушишим керак. Кес-  
тер кутиб турибди. Ижарага ётадиган жой топишимиз керак.

— Кестер? Ленц-чи?

— Ленц... Ленц келолмади.

Пат ҳеч нарсаны пайқамади.

— Пастта үзінг тушасанми ё биз чиқайликми?

— Фарқи йүқ. Түшсам тушавераман. Озгинадан ичамиз. Сиз-  
ларнинг ичишинингизни томоша қиламан.

— Бүгін. Бұлмаса сени бириңчи қаватда кутамиз.

У кийимини үзгартыриш учун жавон ёніга борди. Фурсатдан  
фойдаланыб, каравот тегидан ғижимланған ҳарорат варақасини  
олдыму дарров чүнтагимға солдым.

— Демак, пастда учрашамиз.

— Робби! — У ёнимга келиб, мени қучди. — Айтадиган гап-  
ларим шунақа күпки...

— Менинг ҳам гапларим йиғилиб қолған, Пат. Энді вақти-  
миз күп. Күн бүйі түйіб гаплашамиз. Масалан, әртага. Маъқул-  
ми?

У бөш силкіди.

— Ҳа, бир-биrimizغا ҳамма гапни айтамиз, шунда қўриш-  
маган кунларимиз ҳам айрилиқдай туюлмайди.

— Биз айрилғанымиз йүқ, Пат.

У жилмайди.

— Мен улақа деёлмайман, чунки ёлғыз қолганимда орзулар  
билаң үзімни овутолмайман. Менға қийин. Бирорни севмайди-  
гандар учун ёлғизликка бардош беріш осонпроқ.

У ҳамон жилмайиб турар, аммо бу дардчил табассум эди.

— Пат, дүстгінам!

— Бу сүзни эшитмаганимга қанча бұлди-ю! — деді у ва шу  
заходи күзлари жиққа ўшта түзди.

Кестернинг олдига түшдім. У чамалоцларни мошипадан ерга  
олиб қўйнити. Бизга қўшимча бинодан иккита туташ хона ажра-  
тишиди.

— Мана бунга қара, — дедим унга варақаны күрсатиб. — Ҳарорати нүкүл паст-баланд.

Биз құшимча бино томон кетдик. Оёғимиз остида қорғижирларди.

— Бу ҳали ҳеч нарсаны билдирмайды, — деди Кестер. — Эртага дүхтирга учраш.

— Албатта учрашамаң. — шундай деб, қоғозни яға чүнтағимга солиб қўйдим.

Ювиндик. Кестер менинг хонамга кирди. У эндигина уйқудан турғандек тетик эди.

— Кийин, Робби.

— Ҳозир. — Ҳаёллар домидан аранг қутулиб, чамадонимни очдим.

Санаторийга қайтиб келдик. «Карл» ҳамон эшик олдида турарди. Кестер радиатор устига адёл ташлади.

— Қачон қайтамиз, Отто?

— Мен эртага кечқуруп ёки индинга эрталаб қайтсам керак. Сен қоласан-ку.

— Қанаққиб қоламан? — дедим жиғибийрон бўлиб. — Пулим ўн кунга етади, холос. Пат учун санаторий ҳақи атиги ўи бешинчига қадар тўланган. Пул ишлаш учун қайтишга тўғри келади. Буларнинг менга ўхшаган чала мулла пианиночига кўзи учеб турмагандир.

Кестер радиатор устига энгашиб, адёлни кўтарди.

— Сенга пул топиб бераман. — Шундай деб, қаддини ростлади. — Бемалол қолавер.

— Отто, — дедим мен. — Кимошди савдосидан қанча пул қолганини биламан-ку. Уч юз маркага ҳам стмайди.

— У ёғини кўявер. Пул топаман. Ташвишланма. Бир ҳафтадан кейин оласан.

Ҳазиллашган бўлдим:

— Мерос кутяпсанми?

— Шунга ўхшашроқ. Менга ишонавер. Ҳозир кетиб қолсанг бўлмайди.

— Тушуниб турибман.

Кестер радиатор устини қайтадан ёпиб, капотни сийпалаб кўйди. Кейин ичкарига кириб, камин олдига ўтирилди.

— Соат неччи бўлди? — сўрадим мен.

Кестер соатига қаради.

— Олти ярим.

— Қизиқ. Назаримда алламаҳал бўлганга ўхшайди.

Зинапоядан мўйна камзул кийган Пат тушиб келди. У Кестер билан илиқ сўрашди. Офтобда роса тобланганини эндигина пайқадим. Қизғиши-корамтири териси ҳиндуда қизларини эслатарди. Аммо аинча озган, кўзларидан иситмаси борлиги билиниб турибди.

— Иссиғинг борми? — сўрадим мен.

Күп эмас, — деди ү шоша-пиша аниқ жавобдан қочиб. — Кечта яқин бу ерда ҳамманинг иссиги чиқади. Меники сизларнинг келганингиз туфайли. Чарчадингларми?

— Нега чарчаймиз?

— Бўлмаса қаҳвахонага кирамиз, бўйтими? Биринчи меҳмонимесизлар, ахир...

— Қаҳвахона ҳам борми?

— Кичикроқ. Номигагина. Бу ҳам «даволаш жараёни»га кирапчи. Санаторий касалхонани эслатмаслиги учун очиб қўйишган. Беморга ман этилган нарсаларни шундоқ ҳам беришмайди.

Қаҳвахона мижозларга лиқ тўла эди. Пат бир неча киши билан саломлашди. Уларнинг орасида италиялик ҳам бор эди. Бўшаган бир стол ёнига ўтиридик.

— Нима ичасан?

— Ромли коктейль. Қаҳвахонада доим шуни ичардик. Қандай гайсрланишини биласанми?

— Қийин эмас, — дедим бизга хизмат қилаётган қизга. — Ямайка роми билан портвей! баравар миқдорда аралаштирилади.

— Икки порси, — деди Пат. — Битта «шифобахш» коктейли.

Қиз иккита «порто-ронко» билан пуштиранг ичимлик келтирди.

— Бу менга, — шундай деб, Пат қадаҳларни олдимизга сурриб қўйди. — Қани, олдик!

У бокалини оғзига олиб борди-ю, бир қултум ҳам ичмай, жойига қўйди. Кейин атрофига бир аланглади-да, менинг қадаҳимни олиб, ичиб юборди.

— Оҳ-оҳ, қандай маза! — деди у.

— Нима бу? — сўрадим мен пуштиранг суюқликни ичиб бўлганимдан кейин. Бу спиртсиз, лимон қўшилган малина шарбати эди. — Жудаям яхши нарса экан.

Пат менга кулимсираб қаради.

— Чанқоқни босади, — қўшиб қўйдим мен.

У қулиб юборди.

— Яна битта «порто-ронко» буюр. Ўзингга. Менга беришмайди.

Қизни чақирдим.

— Битта «порто-ронко» билан битта «шифобахш», — дедим унга. Ўтирганларнинг кўпчилиги «шифобахш» ичаётганди.

— Бугун менга мумкин, тўғрими, Робби? — деди Пат. — Факат бугун! Олдинги пайтларни эслаб. Майлими, Кестер.

— «Шифобахш» ёмонмас, — шундай деб, иккинчи бокалини ҳам ичиб юбордим.

— Менга ёқмайди! Мени деб, шу бутапани ичиб ўтирибсан-а!

— Хатони тўғрилашга улгурман!

Пат кулди.

— Кечки овқат олдидан бирор нарса ичаман. Масалан, қизил вино.

Яна бир неча «porto-ронко»ни қуритиб, ошхонага ўтдик. Патнинг кайфи чоғ, гул-гул очилиб кетганди. Дераза ёпидаги столга ўтиридик. Пастьда қорга бурканган қишлоқ ястаниб ётарди.

— Хельга Гутман кўринмайди?

— Кетди, — деди Пат бир оз сукутдан сўнг.

— Кетди? Вақти тугамасдан-а?

— Ҳа, — деди Пат. Гап нимадалигини дарров тушундим.

Тўқ қизил вино кслтиришди. Кестер бокалларни тўлдириб қўйди. Ҳамма стол банд эди. Одамлар гурунглашиб ўтиришарди. Пат қўлимга кафтини қўйди.

— Азизим, — деди у ниҳоятда майнин, паст овозда. — Сабрим чидамади.

## XXVI

**Б**ош дўхтири хонасидан чиқдим, Кестер ресторандан кутарди. Мени кўриб, ўрнидан турди. Қайтиб чиқиб, санаторий олдидағи узун курсига ўтиридик.

— Иш чатоқ, Отто, — дедим мен. — Мен ўйлагандан кўра ҳам чатоқ.

Олдимиздан бир тўда чанғичилар ўтиши. Уларнинг орасида офтобда қорайган таранг юзларига мойупа чаплаган, садафдек тишларини ярқиратиб, қаҳқаха отиб бораётган аёллар ҳам кўзга ташланарди. Улар, итдай очмиз, деб бақиришарди...

Ўтиб кетишларини кутиб турдик.

— Мана бунақалар ўлмайди, — дедим мен. — Ҳаммасининг тўрт мучали соғ, уларга жин ҳам урмайди. Эҳ, бири кам дунё...

— Бош дўхтири билан гаплашдингми?

— Ҳа. Мужмал жавоб берди. Хулоса шуки, Патнинг соғлиғи ёмонлашган. Лекин у, тузук бўп қолди, дейди.

— Тушунмадим.

— Агар санаторийга келмаганида ундан умидни узиш керак эди, дейди. Бу ерда дардининг зўрайиши секинлашганмиш. Шуни у, тузук бўп қолди, деяпти.

Кестер пошинаси билан қорга ҳар хил шакл чизиб ўтиради. Кейин бошини кўтарди.

— Демак, тузалишидан умиди бор экан-да?

— Дўхтири ҳар доим умид қиласи, касби шунақа. Лекин менда ишонч қолмади. Ўпкага ҳаво юбордингизми, деб сўрасам, энди мумкинмас, дейди. Бир неча йил олдин бу усул Патга қўлланган экан. Ҳозир иккала ўпкаси ҳам зарарланипти. Дунё кўзимга қоронги бўлиб кетди, Отто!

Эски калиш кийган бир кампир рўпарамизга келиб тўхтади. Озғин юзи кўм-кўк, кулранг кўзларида нур йўқ. Бўйнига алми-соқдан қолган пар шарф ўраб олган. У кўзойнагини кўтариб, бизга бир қарали-да, йўлга равона бўлди.

Арвоҳга ўхшайди-я!

Яна нима деди дўхтир? — сўради Кестер.

Хасталикнинг келиб чиқиш сабабларини тушунтирган бу ти. Шу ёшдаги беморларга кўп дуч келган экан. Бари урушинни оқибати, дейди. Болалик ва ўсмирлик йилларида тўйиб овекиг смасликдан эмиш. Лекин менинг нима ишим бор? Пат тузанини керак. — Мен Кестерга қараб қўйдим. — Тўғри, дўхтирнинг ганига қараганда, истиснолар ҳам бўлиб турармиш. Бу дард-га чилинганиларда баъзан хасталик жараёни тўхтаб, энг оғир беморлар ҳам тузалиб кетармиш. Жаффе ҳам шундай деган эди. Лекин мен мўъжизаларга ишонмайман.

Кестер индамади. Бир муддат чурқ этмай ўтирик. Нимани ҳам таплашардик? Икковимизнинг бошимиздан шунаقا ишлар ўтганки, бир-биримизга тасалли бериш бефойдалигини биламиш.

— Ўзи сезмаслиги керак, Робби, — деди Кестер ниҳоят.

— Албатта.

Шу тобда ҳеч нарса ҳақида ўйламасдим; қайгуриш ёки тушкунлик ҳиссини ҳам туймасдим. Мен карахт бўлиб қолган эдим.

Биз Патни кутардик.

— Ана, — деди Кестер.

— Ҳа-а.

— Салом! — Пат ёнимизга келди. У сал чайқалар ва куларди. — Сархушман. Офтобдан. Қуёш нурида тобланиб бўлганимдан кейин ҳар гал кекса деңгизчидай бир оз чайқалиб тураман.

Унга қараб, руҳиятим ўзгариб кетди. Дўхтирга ишонмай қўйдим; мен мўъжизага иона бошладим. Мана у: соппа-соғ, ёнимда жилмайиб, очилиб-сочилиб туритпи — бошқа яна нима ксрак.

— Авжинглар пастроқми? — сўради Пат.

— Шаҳарининг авжи бу ерга тўғри келмас экан, — деди Кестер. — Офтобга сира кўниколмаяпмиз.

Пат кулиб юборди.

— Мен учун кун яхши бошланди. Иссиғим йўқ, шунинг учун сайд қилишга рухсат беришди. Қишлоққа тушиб, айланиб келмаймизми?

— Яхши бўлади.

— Кетдик.

— Чанала борсак-чи? — таклиф қилди Кестер.

— Анча тетикман, — деди Пат.

— Биламан, — жавоб берди Кестер. — Сира чанага ўтирмағанман. Бир синаб кўрмоқчиман.

Извошчини чақириб, илонизи тоғ йўлидан қишлоққа тушлик. Офтобрў пешайвонли кичкина бир қаҳвахона олдида тўхтадик. Ичкарида одам кўп эди, санаторийда истиқомат қилувчилар ҳам анча-мунча. Италиялик ҳам шу ерда эди. Исми Антонио, у Пат билан саломлашиш учун биз ўтирган стол ёнига келди. Ўтган

куни кечаси ҳазилкашлар ухлаб ётган бир ҳамхонасини кара-  
вот-наравоти билан мункайған бир муаллиманинг хонасига оп-  
чиқиб қўйишганини гапириб берди.

— Нега ундаи қилишди? — сўрадим мен.

— У одам тузалди, яқинда уйига кетади, — жавоб берди Антоно.

— Бундай ҳолларда ҳар доим шунаقا ҳазил қилишади.

— Аслида дор тагида турган одамларнинг хунук ҳазили бу,  
санаторийда қолаётганилар шу билан ўзларини овугишиади, —  
қўшиб қўйди Пат.

— Ҳа, у срдагилар ёш болага ўхшайди, — деди Антонио узр-  
ли оҳангда.

«Тузалипти-ку, — ўйладим ичимда. — Кимдир тузалиб, уйига  
қайтаркан-ку».

— Нима ичасан, Пат? — сўрадим мен.

— Бир қадаҳ мартини, спиртсиз мартини.

Радиони бурашди. Вена вальслари янгради. Мусиқа садолари  
офтоб илитган ҳавода ҳарир байроқлардай майнин ҳилпиарди. Қаҳ-  
вахона хизматчиси мартини келтирди. Муздек қадаҳлар қуёш ну-  
рида шудринг томчисидай йилт-йилт товланарди.

— Мана шундай вазиятда ўтириш яхши-я, тўғрими? — сўра-  
ди Пат.

— Нимасини айтасан!

— Лекин баъзан кўнгилга сифмайди, — деди у.

Қаҳвахонада тушгача қолиб кетдик. Пат шуни хоҳларди. Ке-  
йинги пайтларда у санаторийда қамалиб ўтиришга мажбур  
бўлган, бугун биринчи чиқиши эди. Қишлоққа тушсам, ўзимни  
ўн чандон яхши ҳис қиласман, дейди. Антонио ҳам биз билан  
овқатланди. Кейин санаторийга қайтдик, Пат хонасига кириб  
кетди. Икки соат ётиши шарт эди. Кестер билан «Карл»ни гараж-  
дан олиб чиқиб, у ёқ-бу ёғига қарадик. Синган иккита рессор  
бўлагини алмаштираса бўлмасди. Гараж эгасидан асбоб-уску-  
наларни олиб, ишга киришдик. Кейин моторга мой қўйдик, фил-  
диракларни созладик. Ҳамма ишни тугатиб, мошинани санато-  
рийга олиб келдик. «Карл» оппоқ қор устида лойга беланган,  
исқирип бир аҳволда мунғайиб турарди.

— Ювмаймизми?

— Йўқ, — деди Кестер, — йўлга чиқиши олдидан мумкинмас.  
«Карл» буни ёқтирумайди.

Пат чиқиб келди. Уйқудан кейин янга тетиклашиб қолганди.  
Оёғи остида кучук пилдирарди.

— Билли!

Кучук менгига ётсираб қаради. Танимади. Пат менгига ишора қил-  
гандан кейингина думини ликиллатди.

Майли, -- дедим мен. -- Яхшиям, одамларнинг хотираси ошнақамас. Кеча қаерда эди?

Пат кулди.

Кун бўйи каравотнинг тагидан чиқмади. Олдимга бирор кечса, рашқ қилади. Авзойи бузилиб, бирор ерга яшириниб ола-  
ши

— Очилиб кетибсан.

Пат менга миннатдор нигоҳ ташлади. Кейин «Карл»нинг ол-  
линга борди.

— Шу мошинага яна бир марта ўтириб, озгина сайр қилмоқ-  
чи эдим.

— Бўпти, — дедим мен. — Сен нима дейсан, Отто?

— Бажонидил. Сиз иссиқ кийиншопсиз. Дарвоқе, бизда ҳам адёл  
бор.

Пат олдинга, Кестернинг ёнига ўтиреди. «Карл» гувиллади. Ор-  
қалан чиқаётган тутуи совук ҳавода оқишиш-кўкимтири булут янг-  
лиғ мошина устига ёпирилди. Мотор ҳали қизимаганди. Занжир ўралган фиддираклар қорпи гичирлатиб, ўрнидан қўзғалди. «Карл»  
гоҳ пишқириб, гоҳ ванғиллаб, гоҳ гулдураб қишлоққа тушиб  
борди, катта кўчани, гўё отлар дупури ва ногора овозидан думи  
қисилган бўридай, аста босиб ўтдик.

Шу алфозда қишлоқдан чиқиб кетдик. Кечки пайт эди, қор  
босган далалар ботаётган қўёш нурода қизғиши шуълага буркан-  
ганди. Қияликка жойлашган яккам-дуккам уйлар томигача қор-  
га ботган. Охирги чангичилар, худди вергул белгисига ўхшаб,  
пастга — водийга тушиб кетишиди. Улар қиялик ортидан яна юз  
кўрсатган қўёшнинг улкан, қонталаш доираси ичиди учиб бо-  
ришарди.

— Кеча шу ердан ўтдингларми? — сўради Пат.

— Ҳа.

Биз биринчи довон тепасига чиқдик. Кестер тўхтади. Бу ердан  
ажойиб, улуғвор маизара кўзга ташланарди. Кеча кечаси шу ер-  
дан ўтганимизда ҳеч нарсани пайқамагандик. Унда биз фақат йўлга  
қараганимиз.

Тепаликлар ортида баланд-паст водий ястаниб ётарди. Оқиши-  
кўкимтири осмонга бош тираган олисдаги чўққилар ял-ял ёнади.  
Чўққиларнинг ён бағрига бамисоли зарҳал палак тўшалган. Са-  
дафдек қоялар лаҳза сайни улғайиб, салобат касб этиб борар,  
кигизранг соялар тобора қуюқлашарди. Қўёш икки чўққи орали-  
ғида турганидан бутун водий, ундаги барча тепалик ва қоялар  
хайрлашаётган жаҳонтир шарафига уйсиз сағфа тизилгана ўхшар-  
ди. Бинафшаранг йўл тасмаси тепаликлар оралаб, гоҳ кўриниб,  
гоҳ кўринмай, муюнишларда қорайиб, қишлоқларга чап бериб,  
яна қаддини ростлар ва уфқадаги довонга тирмашарди.

— Қишлоқдан бу қадар олисга энди чиқишим, — деди Пат. —  
Бу йўл уйимизга олиб борали-ку, тўғрими?

— Ҳа.

У индамай пастга назар ташлади. Кейинн мөшинадан чиқиб, кафтини күзига соябон қылганча, гүё шаҳар миноралари күри-надигандай, шимол томонга қаради. — Бу ердан узоқми?

— Ҳа, минг чақиримча. Майда ўша ёқса кетамиз. Отто бизни олиб кетади.

— Майда, — тақрорлади у. — Майгача қанча бор-у!

Күёш аста ғарқ бўла бошлади. Водий жоғланди, шу пайтга-ча пана-панада пусиб ётган кўланкалар турган жойидан сирға-либ чиқиб, улкан ўргимчаклардай тепага ўрмалаб қолди. Совуқ турди.

— Қайтамиз, Пат, — дедим мен.

У менга қаради, юзида бирдан оғриқ пайдо бўлди. Дарров ту-шундим: Пат ҳамма гапдан хабардор. У уфқда қорайиб турган анови бешафқат тоғ ўркачидан ҳеч қачон нариги томонга ошиб ўғолмаслигини билади; билади-ю, биздан яширади, худди биз ундан яширганимиздай; аммо шу тобда у ўзини идора қилолма-ди, дунёнинг буткул дарду алами кўзларига жам бўлди.

— Яна бир оз пастроққа тушайлик, — деди у.

— Майли, — Кестер билан кўз уриштириб олдик.

Пат орқа ўриндиққа, ёнимга ўтириди. Елкасидан қучиб, усти-мизга адёлни тортдим. Мөшина водийга туша бошлади.

— Робби, азизим, — шивирлади у слкамга бошини қўйиб. — Мана энди худди ўз уйимизга, аввалги ҳаётимизга қайтаётган-даймиз.

— Ҳа, — шундай деб, адёлни тепароққа тортдим.

Қош қорайди. Пастга тушганимиз сайин қоронфилашиб бо-рарди. Пат қўлинни кўксимга қўйди, кафтининг ҳароратини, на-фасини, лабларини, сўнг — кўз ёшларини туйдим.

Кестер кейинги қишлоқдаги бозор майдонидан мөшигани Патга сездиримай, кенг доира ташлаб айлантириб олди-да, орқа-га қайтди.

Довон тепасига чиққанимизда қўёш ботиб кетган, шарқ то-монда, булутлар орасида тип-тиниқ ой жилва қиласарди. Биз яна санаторийга қараб жўнадик. Атроф жимжит. Мен қимир этмай ўтирадим. Патнинг кўз ёшлари юрагимга томчилар ва ундан қон бўлиб чиқаётганди.

. Бир соатдан сўнг ресторонда ўтирадим. Пат хонасида ҳор-диқ чиқарар, Кестер эса шу кеча-кундузда қор ёгиш-ёғмаслиги-ни аниқлаш мақсадида об-ҳавони ўрганиш станциясига кетган-ди. Ой нурига ғарқ бўлган оқшом барқутдай майнин эди. Бир оздан сўнг Айтонио кириб келиб, ёнимга ўтириди. Нарироқдаги стол ёнида инглиз тивитидан тикилган костюм ва тиззадан пастроққа тушниб турдиган қалта шим кийган бир одам ўтиради. Юзи но-

расида болаларни кидай лўппи, лаблари бўрсилдоқ, кўзлари со-  
вуқ. Бир туки йўқ қип-қизил боши биллиард соққасидай ялти-  
райди. Ҳамроҳи тарашадай қотма, кўзларининг ости кўкарган,  
нигоҳи фам-андуҳга тўла аёл. Соққабош тинмай гапирав, қўлла-  
ри ҳам, боши ҳам баравар ҳаракат қиласади.

— Бу ер — зўр жой. Тенги йўқ жой. Ажойиб манзара, тоза  
ҳаво, яхши таомлар. Айнан сенбоп жой.

— Бернгард, — деди аёл бсҳолгина.

— Ўлай агар, қабул қилишса, мен ҳам яшардим. Ҳамма ат-  
рофингда гирдикапалак бўлиб турса — бунга нима етсин! — У  
тиражайди. — Сен шунга муносиссан!

— Эҳ, Бернгард, — деди аёл яна.

— Тўғри-да, — давом этди соққабош жўшиб-тошиб. — Ин-  
сонга яна нима керак? Сен жанинатда яшаяпсан. Пастда, шаҳар-  
да нима бўлаётганини тасаввур қилолмайсан. Эртага мен яна ўша  
тўс-тўполонга шўнғиб кетаман. Турмуш ташвишларидан йироқ-  
далигингга шукур қил. Бундан яхши жойни тополмайсан.

— Бернгард, мен учун яхши эмас, — деди аёл.

— Ана холос! — Бернгард тутоқиб кетди. — Вой, ношукур  
баңда-ей! Унда мен нима дейишим керак? Нуқул югур-югур,  
ҳамма ерда иш юришмаган, солиқ устига солиқ. Кечасию кунду-  
зи тиним йўқ.

Аёл индамади.

— Зўр йигит экан, — дедим мен.

— Зўрлиги курсин! — жавоб берди Антонио. — Ўтган куни  
келувди. Хотини бир нима деса, «бундан яхши жойни тополмай-  
сан» деб оғзига уради. Аёл шўрликнинг касали, хавотири, ёлғиз-  
лиги билан иши йўқ. Ҳеч нарсани ҳис этмайди, тушуняпсизми?  
Балки Берлинда бошқа аёл билан яшаётгандир. Ҳар ярим йилда  
бир марта келади-ю, бидир-бидир қилиб жўнаворади. Хотини миқ  
этолмайди, оғиз очиши билан ё ҳазил-мутойибага ўтади, ёки  
ўзининг дардини дастурхон қиласади. Ишқилиб, хотини нолимаса  
бас. Э-э, унақалар кўп бу ерда.

— Аёлнинг келганига аиҷа бўлганми?

— Икки йилча.

Бир тўда йигит-қизлар залдан ҳиринглашиб ўтиб кетишли. Ан-  
тонио кулиб юборди.

— Почтадан келишяпти. Ротга телеграмма жўнатишган.

— Ким у Рот?

— Яқинда кетадиган йигит. Улар, бу ёққа кела кўрма, грипп  
касаллиги тарқалган, ҳозирча санаторийда яшаб тур, деб хабар  
қилишган. Ҳазиллашиб-да. Чунки ўзлари қолишади-да бу ерда,  
тушундингизми?

Деразадан пурвиқор тоғларга қарадим. «Бари ёлғон, — ўйла-  
дим ичимда. — Бекорга ваҳима қилишади. Бундай бўлиши мум-  
кин эмас. Санаторий ўлим ҳақидаги томошга ўйналалиган саҳна,

холос. Ҳақиқий ўлим ҳазил-хузулдан даҳшатлироқ». Кейин ҳалиги ёшларнинг олдига бориб, слкаларига қоқиб: «Бу ердаги ўлим ёлғондакам ўлим, сизлар фақат ўлиш-ўлиш ўйнаяпсизлар, холос. Кейин яна ўрининглардан туриб, таъзим қиласизлар, түғрими? Одам арзимаган иситмаю ўқтинг-ўқтинг йўталдан ўлиб кетмайди-ку. Бунинг учун ўқ узилиши ва киши оғир жароҳат олиши керак-ку. Ахир мен буни яхши биламан...» — дегим келди.

— Сиз ҳам бетобмисиз? — сўрадим Антониодан.

— Албатта, — деди у жилмайиб.

— Зўр қаҳва экан, — дерди соққабош киши. — Биз томонда бунақа нарса йўқ. Бу ер жаннат!

Кестер станциядан қайтиб келди.

— Жўнамасам бўлмайди, Робби, — деди у. — Ҳавонинг авзойи бузук, кечаси қор ёфиши мумкин. Унда эрталаб бу ердан чиқиб кетолмайман. Бугун тоғдан ошволишим керак.

— Майли. Бирга овқатланишга улгуранизми?

— Ҳа. Бориб, нарсаларимни йифишитирай.

— Ёрдамлашвораман, — дедим мен.

Кестернинг лаш-лушларини чамадонга жойлаб, гаражга олиб тушдик. Кейин ресторонга қараб кетдик.

— Агар бирор нарса керак бўлса, қўнгироқ қил, Робби.

Мен бош силкидим.

— Пулни уч-тўрт купда жўнатаман. Вақтинча амаллаб турасан. Керагича ишлатавер, тежаб ўтирма.

— Бўпти, Отто. — Мен ўйланиб қолдим. — Уйда бир неча ампула морфий бор. Шуни жўнатвормайсанми?

Кестер менга савол назари билан қаради.

— Морфийни нима қиласан?

— Бу ёғи қандоқ бўлади — билмайман. Эҳтимол, кераги бўлмас. Ҳали умидимни узганим йўқ. Ҳар гал уни кўрганимда умид туғилаверади. Ёлғиз қолганимда ваҳимага тушаман. Лекин унинг қийналиб, оғриқдан бошқа нарсани сезмай жон беришини хоҳламайман, Отто. Балки зарур пайтда ўzlари беришар. Ҳар эҳтимолга қарши ёнимда турса, азобини енгиллаштирган бўлардим-да.

—Faқат шунинг учунми, Робби?

— Faқат шунинг учун, Отто. Ганимга ишон. Бўлмаса айтиб ўтирасдим.

У бош силкиди.

— Энди фақат иккаламиз қолдик: Ёдингда тут, — деди у салдан кейин.

— Биламан.

Йўл-йўлакай Патни олиб чиқдим. Тезгина овқатландик, чунки осмонни булут қопластганди. Кестер «Карл»ни санаторий ёнига ҳайдаб келди.

— Омон бўл, Робби. — деди у.

— Ўзинг ҳам.

— Хайр, Пат, — Кестер қўлини узатиб, унга мулойим нигоҳ ташлади. — Баҳорда олиб кетаман.

— Яхши боринг, Кестер, — Пат унинг қўлини маҳкам қисди. — Сизни кўрганимдан хурсандман! Готтфрид Ленцга салом айтинг.

— Бўпти, — деди Кестер.

Пат ҳамон унинг қўлини ушлаб турар, лаблари титрарди. Бирдан ўзини Оттонинг бағрига отиб, юзидан ўпди.

— Хайр! — деди сўнг бўғиқ овоз билан.

Кестернинг юзи ловуллаб кетди. Бир нима демоқчи бўлди-ю, гапиролмади, шартта мошинага ўтириди-да, орқасига қарамай, газни босди. Ортидан термулиб қолдик. Мошина вағиллаганича икки тутам нурни олдига солиб, тиллакўнгиздай учиб бораради. Энг яқин тепаликка чиққанда тўхтади, Кестер мошинадан тушиб, бизга қўл силкиди. Кейин кўздан гойиб бўлди, аммо «Карл» ининг гўнгиллаши анча пайтгача эшитилиб турди.

Пат ҳамон ўша томонга қараб, олисларга қулоқ тутарди. Кейин менга юзланди.

— Мана, охирги кема ҳам жўнаб кетди, Робби.

— Охиргиси эмас, — эътиroz билдиридим мен. — Охирги кема менман! Биласанми, нима қилмоқчиман? Лангар ташлаш учун бошқа бандаргоҳ топмоқчиман. Кўшимча бинодаги хона жонимга тегди. Нима учун бирга турмаслигимиз керак? Сенга яқинроқ жойдан хона олишга уриниб кўраман.

Пат жилмайди.

— Беришмайди. Овора бўласан.

— Беришса-чи? Хурсанд бўлармидинг?

— У нима деганинг? Албатта-да, азизим. Худди фрау Залевскининг пансионида яшаётгандай яшайверардик.

— Бўпти. Бўлмаса менга ярим соатга рухсат берасан.

— Яхши. Антонио билан шоҳмот ўйнаб тураман. Ўрганволдим.

Мен идорага кириб, бу ерда узоқ муддат туришимни, бинобарин, Пат яшаётгани қаватдан хона олмоқчилигимни айтдим. Кексагина аёл менга бошдан-оёқ жирканиб разм солди-да, ички тартиб-қоидани рўйиши қилиб, илтимосимни рад этди.

— Тартиб-қоидани ким жорий этган?

— Раҳбарият, — деди у менга қарамай.

Кейин истар-истамай, бу масалани истисно тариқасида фақат бош дўхтири ҳал қилиши мумкинлигини айтди.

— Лескин у киши кетди, — қўшиб қўйди у. — Кечқурунлари иш масаласида безовта қилиш ман этилган.

— Жуда соз! — дедим унга. — Мен бир безовта қилиб кўраман.

Ички тартиб-қоиди масаласида

Бош дўхтири санаторий ёнинда, чоғроқцина уйда яшаркан. У мени очик чеҳра билан кутуб олиб, дарров рухсат берди.

— Бүнчалик осон ҳал бўлади, деб ўйламагандим, — дедим унга.

У кулди.

— Сиз кампиршо Рексротга рўпара келган бўлсангиз керакда. Ҳозир қўнироқ қилиб қўяман.

Идорага қайтдим. Рексрот юзимдаги кишининг жигига тегадиган ифодани кўриб, қадр-қимматига муносаб тарзда виқор билан ғойиб бўлди. Ишни котиба билан битирдим. Эшикбонга нарсаларимни олиб келишини ва хонага икки шиша ром киритиб қўйишни буюрдим. Кейин ресторанга, Патпинг олдига бордим.

— Хўш, иш битдими? — сўради у.

— Ҳозирча йўқ, лескин тез кунда ҳал бўлади.

— Афсус. — У шоҳмот доналарини афдариб, ўрнидан турди.

— Нима қиласми, қаҳвахонага борамизми?

— Кечқурунлари кўпинча қарта ўйнаймиз, — деди Антонио.

Ҳадемай шамол бошланади — сезилиб туритти. Бундай ҳавода қартадан яхиси йўқ.

— Қарта ўйнашни биласанми, Пат? — ҳайрон бўлдим мен. — Қанақа ўйинларни биласан? Беш кўтарарними ёки фол очишними?

— Қиморни, азизим.

Кулиб юбордим.

— Рост, қиморга уста, — деди Антонио. — Жон-жаҳди билан ўйнайди. Панд беришнинг ҳадисини олган.

— Мен ҳам, — жавоб бердим унга. — Қани, бир ўйнаб кўрайлик-чи.

Биз бир бурчакка ўтириб, ўйинни бошладик. Пат ростдан ҳам яхши ўйнарди. Панд беришга шунаقا устаки, пешонангга шапатилаб қоласан. Бир соатдан сўнг Антонио деразага ишора қилди. Гупиллатиб қор ёғарди.

— Шамол йўқ. — деди у. — Демак, кўп ёғади.

— Ҳозир Кестер қаерда кетаётганикин? — сўради Пат.

— Асосий довондан ошиб ўтди, — жавоб бердим мен.

Қор ва тун қўйнида бораётган «Карл» билан Кестер бирлаҳза кўз ўнгимда намоён бўлди. Бирдаи Кестернинг ёлғиз ўзи ўйлда-ю, мен бу срда ўтирганим, ёнимда Пат борлиги ақлга сиғмайдиган ҳолдай туюлди. Пат қарта тутган қўлини столга қўйганча менга жилмайиб қараб турарди.

— Юриш сендан, Робби.

Соққабош киши бутун зални босиб ўтиб, тепамизга қелдиди, ўйинни қизиқиб кузата бошлиди. Хотини ухлаб қолган бўлса керак, энди у ўзига сұхбатдош қилирарди. Қартани столга қўйиб, то кетмагунча унга ўқрайиб туравердим.

— Хафа қилдинг, — деди Пат кулиб.

— Нима, илтифот қилишим керакмиди?

Кейин қақвахонага ўтиб, коктейль ичдик. Патнинг ётадиган найти бўлган эди. Ўша ерда хайрлашдим. Пат зинапоядан аста қўтарилиб, йўлакка бурилишдан олдин орқасига қаради. Бир оз кутиб, хонамнинг калитини олиш учун идорага кирдим. Котиба қиз кулди.

— Етмиш саккизинчи хона.

Бу Патга қўшни хона эди.

— Наҳотки мадемуазель Рексротнинг марҳамати бўлса? — сўрадим қиздан.

— Йўқ. Мадемуазель Рексрот ибодатхонага кетди, — жавоб берди котиба қиз.

— Ибодатхоналар ростдан ҳам баъзан кишига ҳузур баҳш этали, — шундай деб, шошиб тепага қўтарилидим. Нарсаларимни хонага келтириб қўйишипти. Ярим соатдан сўнг Патнинг эшигипи тиқиллатдим.

— Ким у?

— Ахлоқ полициясидан, — жавоб бердим мен.

Калит шиқирлаб, эшик очилди.

— Робби, сенмисан? — деди Пат таажжубланиб.

— Ҳа, ўзимман — мадемуазель Рексротни мағлуб этган ва конъяқ билан порто-ронкони қўлга киритган каминай камтариш бўламан. — Халатимнинг чўнтағидан иккала шишани олдим.

— Энди тез жавоб бер: шу пайтгача бу срга қанча эркак кириб чиқди?

— Битта футбол командаси билан филармония оркестридан бошиқа ҳеч ким, — деди кулиб Пат. — Вой, азизим-ей, яна олдинги ҳаётимиз бошланди.

Пат елкамга бошини қўйиб ухлаб қолди. Анча пайтгача кўз юмолмадим. Бурчакда кичкина чироқ ёниб турарди. Қор учқунлари дераза ойнасига урилар, гўё сарғиши-жигарранг ним қорон-филикка фарқ бўлган бу масканда вақт тўхтаб қолгандай эди. Хона иссиқ эди. Аҳён-аҳён марказий иситиши қувурлари чирсиллаб қўяди. Пат уйқусираб типирчилаган эди, адёл сирғалиб ерга тушиб кетди. «Эҳ, — дедим ичимда. — Офтоб йилтиратган бадан! Бежирим тиззалар! Қўкракдаги сир-синоат! — Сочлари елкамга тўкилган, лабларим билан қўл томирининг уришини ҳис қилиб турибман.

— Сен ўлишинг керакми? Сен ўлмайсан. Ахир, сен — баҳтсанку».

Адёлни қўтариб, яна аста устига ёпиб қўйдим. Пат тушида бир нималар деди, кейин қўзини очмасдан, бўйнимдан беозор қучоқлади.

## XXVII

Кейинги кунлари сурункасига қор ёғди. Патнинг иситмаси қўтарилиб кетди, энди унга туриш мумкин эмас эди. Бу ердагиларпинг аксарияти исигмалаб ётарди.

— Бари об-ҳаводан, — деди Антонио. — Иссик, қуруқ шамол эзяпти. Иситма құзғайдын иқтим.

— Азизим, ташқарига чиқиб, айланиб кел, — деди Пат. — Чанғи учишни биласанми?

— Йүқ, ким ўргатипти менга? Ҳеч қачон тоғда бүлмаганман.

— Антонио ўргатади. У сени ҳурмат қилади.

— Менга шу ер маъқул.

У хиёл қалдиниң күтариб, түшакка ўтириди. Тунги күйлаги сирғалиб түшди. Ё алҳазар! Елкалари қоқ сүяк! Ё алҳазар! Бўйни ҳам чўпдай бўп қопти-я!

— Робби, — деди у. — Мени десанг, гапимга хўп де. Уззу кун каравотим ёнида ўтиришиңг менга ёқмаяпти. Кеча ҳам, ўтган куни ҳам ёнимдан жилмадинг.

— Шу ерда ўтириш менга ёқади, — жавоб бердим унга. — Ташқариди қор кечиб нима қиламан?

У чуқур нафас олди, хириллаган товуш эшилди.

— Бу масалада тажрибам сеникidaи кўпроқ, — деди у ёс-тиққа ёнбошлаб. — Шунда иккаламизга ҳам яхши бўлади. Кейин ўзинг хурсанд бўласан. — У базур жилмайди. — Тушдан кейин ёки кечкурун ўтирганинг ҳам етади. Эрталаблари шарт эмас, азизим. Эрталаб, иситма чиққан пайтда одам хунук бўлиб кетади. Кечкурун унақамас. Енгилтакман-да, сенга хунук кўринишни хоҳламайман.

— Қизиқсан-а, Пат... — мен ўрнимдан турдим. — Бўпти, Антонио билан бир оз айланиб келаман. Лекин тушда шу ерда бўла-ман. Ишқилиб, чанғи учаман деб қовурғамни синдиримасам бас.

— Тез ўрганасан, Робби. — Унинг чехраси сал ёришди. — Мана кўрасаи, уч-тўрт кунда бемалол чанғида юрадиган бўласан.

— Кейин бемалол бу ердан даф бўлишимни хоҳляяпсан-да, — шундай деб, уни ўпдим. Кўллари иссиқ ва нам, лаблари қуруқ ва ҳароратли эди.

Антонио учинчи қаватда яшарди. У менига ботинка билан чанғи берди. Бўйимиз баравар бўлгани учун лоппа-лойиқ келди. Қишлоқ яқинидаги ялангликка жўнадик. Йўлда у менга синовчан назар ташлади.

— Ҳароратиниг кўтарилиши одамини ташвишга солиб қўяди, — деди у. — Шунақа пайтларда кўнгилсиз ҳодисалар ҳам кўп бўлган. — У чанғини қорга қўйиб, ботинкасига ўриата бошлади. — Энг ёмо-ни, қараб тураверасан, ёрдам беролмайсан. Жинни бўп қолиш ҳеч гапмас.

— Соғ одамга ундан ҳам қийин, — жавоб бердим мен. — Ёнида турсанг-у, қўлингидан ҳеч нарса келмаса.

У бош силкиди.

— Айримларимиз ишлаймиз, — давом этди у. — Баъзилар кутубхонадан чиқмайли, кўплари ўш болага ўхшаб қолган, худди

бадантарбия дарсилан қочған ўқувчидай, даволанишдан қочишиади. Тасодифан дүхтирга дуч келиб қолишиса, ўзларини панаға уришади. Яшириб чекишиади, яшириб ичишиади, қимор ўйнашали, гийбат қилишиади, ҳар турли бемаңын ўйинларни ўйлаб тошишиади — шу тариқа бүшлиқни тұлдирмоқчи, ҳақиқатдан қочиб қутулмоқчи бўлишади. Албатта, бу хатти-ҳаракатлар гўллик ва подонликтан бошқа нарса эмас, лекин айни пайтда ўлимга қарши мардона исённинг ўзига хос кўринишлари булат. Нафсилаамрини айтгандаги, бошқа нима ҳам қилишсин?

«Ҳа, — дедим ичимда. — Ҳаммамиз ҳам, мундог олиб қарагандаги, бошқа нима ҳам қилардик».

— Хўш, бир уриниб кўрамизми? — деди Антонио таёқларни қорга сукаб.

— Майли.

У менга чангини қандай қилиб ўрнатишни ва мувозанатни қай тариқа сақлашни тушунтириди. Бу қийин эмасди. Олдинига йиқилавердим, кейин аста-секин ҳадисини олиб, қўрқмасдан юрадиган бўлдим. Бир соатча машқ қилдик.

— Етади, — деди Антонио. — Кечаси билан мушакларингиз зирқираб чиқади.

Оёғимдан чангини ечдиму томирларимда қон гупураётганини хис қилдим.

— Яхши бўлди, Антонио, — дедим унга.

У бош силкиди.

— Ҳар куни эрталаб шу ишни қилишимиз мумкин. Шунда одам сал чалғиуди, ҳадеб ўйлайвермайди.

— Бирор жойда қитттай-қитттай отмаймизми?

— Майли. Форстернинг қаҳвахонасига кирамиз.

Бир қадаҳдан ичиб, яна санаторийга қайтдик. Котиба қиз рўпарамдан чиқиб қолиб, почтальон келганини ва почтага киришимни тайинлаб кетганини айтди. Менинг номимга пул келган эмиш. Соатимга қарадим. Ҳали вақт бор эди, қишлоққа қайтдим. Почтада икки минг санаб беришиди. Кестердан хат ҳам бор экан. Ташибиш тортма, яна пул бор, деб ёзган эди у. Керак пайтда хабар қиласмишман.

Қўлимдаги бир даста пулга қарадим. Шунча пулни қаердан олдийкин? Тағин бу қадар тез. Ҳамма маңбаларимизни биламан. Улардан чиқиши даргумон. Бирдан миям ишлаб қолди. Пойга ишқибози Больвисини эсладим. Ўшанда пойгада ютқазганида қаҳвахона эшиги олдида турган бир тўда одам кўзи олдида «Карл»ни шалатилаб: «Шу мосинани олмагуича тинчимайман», — деган эди. Демак, Кестер «Карл»ни соттган. Лынати! Мана, қаердан келган шунча пул! Қўлимни кесиб берсан бераманки, бу мосинани бирорвга бермайман, деб юради-я. Энди «Карл» йўқ. Энди у кийим-кечак фабрикаси хўжайнининг ихтиёрида. Кестер ововини минг чақиримдан танийдиган «Карл» энди лайди итдай кўча-

даги сон-саноқсиз мошиналар орасида елкасини қисиб, мунғайиб юради.

Хат билан морфий солинган кичкина қофоз халтачани чүнтағимга яширдим. Почта деразаси олдида ўйга ботиб, узоқ туриб қолдим. Пулни шу заҳоти қайтариб юборишга тайёр эдим, лекин бундай қилиб бўлмасди. Бизга пул керак эди. Бинобарин, ноилож кўчага чиқдим. Минг лаънат! Энди ҳар қандай мошина ни анча наридан четлаб ўтаман. Автомобиллар ҳамма вақт ҳамроҳимиз бўлган, аммо «Карл» ҳамроҳдан кўра яқинроқ эди. У бизнинг жанговар дўстимизга айланаб қолганди! «Карл» — йўлдаги шарпа. Бизни бир-бири миздан ажратиб бўлмасди: «Карл» ва Кестер, «Карл» ва Ленц, «Карл» ва Пат. Нима қиласимни билмай, қор устида депсинардим. Ленц ўлди. «Карл» сотилди. Патнинг қисмати нима бўларкин? Мен бошимни кўтариб, тубсиз осмонга — кўпгил хушлиги учун ҳаёт билан ўлимни ўйлаб топган Оллоҳнинг даргоҳига тикилдим.

Кечга яқин шамол ўёналиши ўзгарди, ҳаво очилиб, совуқ турди. Пат ҳам ўзини яхши ҳис қила бошлади. Эрталаб туриб юришга рухсат бериши. Бир неча кундан сўнг, соғайиб уйинга кетаётган Ротни кузатишга вокзалга ҳам чиқди.

Ротни бир тўда одам кузатди. Бу ерда шундай анъана бор эди. Лекин Ротнинг ўзи унчалик хурсанд эмасди. Иши юришмаган йигит экан. Икки йил бурун қандайдир тиббиёт даҳоси унинг саволларига жавоб бера туриб, агар ўзингизни эҳтиёт қиласангиз, яна икки йил яшашингиз мумкин, депти. Бу гапга ишонч ҳосил қилиш учун бошқа дўхтиранд тўғрисини айтишни сўраган экан, у яашаш муддатини яна ярим йилга қисқартирипти. Шундан кейин Рот бор бисотини икки йилга тақсимлаб, ялло қилиб юраверипти. Иш қон тупуришга стганда, ниҳоят, санаторийга олиб келишган экан. Аммо бу ерда ўлиш ўрнига кун сайн аҳволи яхшиланиб бораверипти. Келганида оғирлиги 45 килограмм бўлса, ҳозир 75 килограмм эмиш. Мана, соппа-соғ уйинга кетяпти. Аммо бир тийин ҳам пули қолмаган.

— Энди нима қиласман? — деб қолди у менга малла сочли бошини қашлаб. — Сиз шаҳардан яқинда келгансиз, у ёқда аҳвол қанақа?

— Кўп нарса ўзгарган, — дедим киприклари рангсиз, думдумалоқ юзига тикилиб. Ё тавба, аллақачон жанозаси ўқиб қўйилган одам тузалиб кетди-я, мени мана шу нарса ҳайратга соларди.

— Бирорта иш қидиришга тўғри келади, -- деди у. — Иш масаласи қанақайкин?

Елкамни қисдим. Иш топиш қийин, деганимдан нима фойда? Ҳалемай ўзи бунга ишонч ҳосил қиласди.

— Алоқаларингиз, дўстларингиз борми?

— Дўстлар дейсизми? — у заҳарханда қилди. — Пулинг қолмаганида дўстлар тум-тарақай бўлиб кетишади.

— Унда қийналасиз.

У пешонасини тириштириди.

— Бундан кейинги ҳәётимни мутлақо тасаввур қилолмайман. Уч-түрт юз марка пулим қолтган. Бунинг устига, бирон-бир ҳунарим иўқ, фақат пул сарфлашни биламан. Назаримда, профессор іўғри гапирганга ўхшайди: икки йилдан кейин ўламан. Касалликлан ўлмасам, ўқдан ўламан.

Бирдан вайсақи бу тентак кўзимга хунук кўриниб кетди. Нахотки ҳәётнинг қадрига етмаса? Патга қарадим — у олдинроқда Антонио билан гаплашиб борарди, дардан бармоқдай бўлиб қолган бўйнига кўзим тушди. У ҳастни нақадар севади, мабодо Ротнинг ўлими унга саломатлик баҳш этса, ҳеч иккиланмай бу ношукурни ўлдирган бўлардим.

Поезд жўнади. Рот шляпасини силкитди. Кузатувчилар бақириб-чақириб қолишиди. Бир қиз қоқила-суқила поезд кетидан югурби, қичқира бошлади:

— Хайр, хайр! — кейин изига қайтиб, ҳўнграб юборди.

Ҳамма ҳайрон.

— Ҳой, қиз! — деди Антонио. — Ким вокзалда йиғласа, жарима тўлайди. Санаторийнинг қонуни шунаقا. Навбатдаги байрам харажати учун касса фойдасига жарима тўлайди.

У қизга қўлинни узатди. Атрофдагилар кулиб юборишиди. Кўзлари жиққа ёш қиз ҳам жилмайиб, пальтосининг чўнтағидан ҳамёнини чиқазди.

Юрагим эзилди. Бу чехраларда кулгу эмас, ғайриихтиёрий, безовта, оғриқ тўла шодмонлик бор эди, улар афтларини буриштиришарди, холос.

— Кетдик, — дедим Патга тирсагидан маҳкам ушлаб.

Биз қишлоқ кўчасидан ўтдик. Ширинлик дўконига кириб, бир кути конфет олдим.

— Қовурилган бодом магзи, — дедим унга кутини узатиб. — Сен яхши кўрассан-ку, тўғрими?

— Робби, — Патнинг лаблари титради.

— Ҳозир, — шундай леб, гул дўконига югурдим, сал ўзимни босиб олгач, у ердан бир даста атиргул кўтариб чиқдим.

— Робби, — деди яна Пат.

Зўрма-зўраки жилмайдим.

— Кўрассан ҳали, қариганда бундан ҳам сермулозамат бўламан.

Нега бунақа қилаётганимни билмасдим. Эҳтимол ҳозиргина жўнаб кетгағи лаънати поезд сабаб бўлгандир. Гўё бошимиз узра зил-замбил булатлар тўпланган, гўё биз аранг тутиб турган ишонч тиргагини аёвсиз шамол учириб кетгандай эди. Шу юришимида қаёққа боришини билмаётган, лекин ўзини довюрак қилиб кўрса-тишга уринаётган дайди болаларга ўхшамаймизми, ахир?

— Юр, тезроқ бирор нарса ичворайлик.

Пат эътироуз билдирамади. Кўча бўйидаги қаҳвахонага кириб, бўш стол ёнига ўтирилик.

— Нима ичасал?

— Ром, — деди Пат ва менга бир қараб қўйди.

— Ром, — тақрорладим мен ва стол остидан кафтини ушладим. У қўлимни қаттиқ қисди.

Ром келтиришди. Бу лимонли баккарди эди.

— Сенинг соғлиғингга, азизим, — деди Пат бокални кўтариб.

— Омон бўл, қадрдан дўстгинам!

Биз яна бир оз ўтирилик.

— Баъзанай кайфият ғалати бўлади, а? — деди Пат.

— Ҳа. Кейин тез ўтиб кетади.

У бош силкиди. Бир-биримизга суннаганча йўлга равона бўлдик. Ҳориган, терга ботган отлар чана судраб ўтишарди. Офтобда қорайган, оқ-қизил свитер кийгац ҷанғичилар ҳам ўтиб кетишиди — бу сершовқин ҳаётнинг тимсоли бўлмиш хоккей командаси эди.

— Ўзингни қандай сезяпсан, Пат?

— Яхши, Робби.

— Бизга ҳеч нарса писандмас, тўғрими?

— Албатта. — У қўлимни кўксига босди.

Кўча ҳувиллаб қолди. Шафақ қорли тоғлар устига қизил чойшаб тортиди.

— Пат, — дедим унга, — ҳали хабаринг йўқ, бир талай пулимиз бор. Кестер жўнатипти.

У тўхтади.

— Зўр бўлти-ку, Робби. Демак, яна бир марта битимиз тўкиларкан-да.

— Ҳеч шубҳасиз, — дедим мен. — Хоҳлаганимизча айш-ишрат қиласиз.

— Бўлмаса шанба куни концерт залига борамиз. У ерда бу йилнинг сўнгги, катта базм кечаси бўлади.

— Сенга мумкинмас-ку?

— Бу ердагиларнинг кўпига мумкинмас, лекин бари бир боришидаи.

Мен ўйланиб қолдим.

— Робби, — деди Пат. — Сен йўқлигингда ҳамма қўрсатмаларни бекаму кўст бажардим. Дориларнинг итоаткор қулига айландим. Аммо фойдаси бўлмади. Соғлиғим қайтаига ёмоғлашди. Гапимни бўлма, нима демоқчи эканингни сесиз турибман. Охири нима билан тугашини ҳам биламан. Энди қолган умримни, сен билан бирга кечадиган онларимни кўнглим буюрганидай ўтказмоқчиман.

Унинг юзига ботаётган қусшининг қизғини шуъласи тушиб турарли. Нигоҳи жиддий, хотиржам ва ниҳоятда мудоийим эди. «Ё атҳазар, нималарни гаплашяпмиз? — ўйладим мен. Оғизим куруқ-

шаб кетди. — Бемалол турволиб, юз бериши эҳтимолдан йирок ва мутлақо истисно нарсалар ҳақида гаплашяпмиз-а! Шу сўзлар Патнинг оғзида чиқяпти-я — тагин беписанд, афсус-надоматсиз, худди энди ҳеч нарса қилиб бўлмайдигандай, худди алдамчи умиддан жиндайгина илипж ҳам қолмагандай сўзлаяпти. Ахир бу Пат-ку — мен асраб-авайлашим керак бўлган гўдак-ку! Наҳотки ү бирдан мендан олислашиб, ҳаётнинг нарёғидаги беному нишон оламга даҳлдор кимсага айланниб қолса?!»

— Бунақа гапларни қўй, — дедим ниҳоят. — Дўхтири билан яна маслаҳатлашамиз.

— Ҳеч ким билан маслаҳатлашмаймиз. — У кичкина, чиройли бошини орқага силкиб, кўзларимга термулди. — Ҳеч нарсани билишини хоҳдамайман. Мен фақат баҳтли бўлишни истайман.

Кечқурун санаторийнинг йўлаклари жонланиб қолди; ҳамма шивир-шивир қилас, у ёқдан-бу ёққа югуради. Антонио келиб, гаклифнома тутқазди. Бир ўриснинг хонасида зиёфат бор экан.

— Сен билан кириб борсам, нокулай бўлмасмикин? — сўрадим Патдан.

— Нега энди? — деди у.

— Бу срда ҳамма нарса мумкин, бошқа жойларда ман этилган ишларни ҳам қилиш мумкин, — деди Антонио кулиб.

Ўрис — буғдойранг, кекса ёшдаги одам эди. У гиламлар тўшалган иккита хонани эгаллаганди. Хоналар ним қоронғи. Фақат шамлар ёниб турипти. Меҳмоилар орасида чиройли, ёшгина бир испан қизи ҳам бор. Маълум бўлишича, бутун унинг туғилган куни экан.

Шамлар липиллаб турган хоналарда ўзгача кайфият ҳукмрон эди. Ним қоронғилик ва битта қисмат бошларини қовуштирган одамларнинг иноқлиги фронтдаги блиндажни эслатарди.

— Нима ичасиз? — сўради ўрис. Унинг йўғон, кучли овози кулогимга жудаям илиқ эшитилди.

— Нима таклиф қилсангиз, ичавераман.

У бир шиша конъяк билан бир графин арақ келтирди.

— Касалмасмисиз? — сўради у.

— Йўқ, — дедим сал хижолат тортиб.

У папирос узатди. Ичдик.

— Бу ердаги кўп нарсалар сизга ғалати туюлаётгандир, а?

— Унчаликмас, — жавоб бердим мен. — Рисоладагидай ҳаётга ўрганмаганман.

— Ҳа, — деди у испан қизига кўз қирини ташлаб. — Бу ернинг ўзи бир олам. Одамларни ўзгартириб юборади.

Мен бош силкидим.

— Касаллик ҳам ўзига хос. — қўшиб қўйди у ўйчан бир қиёфа-да. — Бу дард туфайли ҳаётни чуқурроқ ҳис этасан. Одамлар ҳам иларигидан олижаноброқ бўлиб қолишади. Ғалати дард бу. Фуборлардан форинг этади.

У ўрнидан құзғалиб, менга бош ирғади-да, ўзига жилмайиб қараб турған испан қизининг олдига кетди.

— Серзәвқ сағсатабоз, тұғримасми? — деди кимдир орқамда. Ўгирилиб қарадим. Ияги йүқ, пешонаси ғурра, құzlари безовта бир одам.

— Мен мәхмонда ўтирибман, — дедим унга. — Сиз мәхмон-масмисиз?

— Мана шунақа қилиб аසларни илинтиради, — давом этди у ғапимга қулоқ солмай. — Ҳа, бунақа ишга устаси фаранг. Анови қизни ҳам авраб, ўзиники қилиб олди.

Индамадим.

— Кім бу? — сұрадым Патдан у сал нари кеттагач.

— Скрипкачи. Испан қизига ошиқи бесқарор. Бу ердагиларнинг ҳаммасига ўхшаб, жон-жаҳди билан яхши күради. Лекин қиз унга бепарво. У ўрисини севади.

— Мен ҳам шундай қылған бўлардим.

Пат кулиб юборди.

— Менимча, бу киши шунга муносиб, — дедим мен. — Ёки арзимайдими?

— Йўқ, — деди у.

— Ўзинг бирортасига кўнгил қўймадингми?

— Унчаликмас.

— Мен бунга лоқайд қараган бўлардим, — дедим мен.

— Эътирофинг учун раҳмат. — Пат қаддини ростлади. — Лекин лоқайд қаравашинг сирайм мумкинмас.

— Мен у маънода айтганим йўқ. Шу пайтгача ақлим бовар қилмайди: нимам сенга маъкул бўлдийкин?

— Бу ёғини қўявер, — деди Пат.

— Ўзинг биласанми?

— Ўзим ҳам билмайман, — жавоб берди у кулиб. — Билганимда, буни севги деб бўлмасди.

Ўрис келтирған шишалар столда турарди. Босиб-босиб ичдим. Таъбим хира эди. Патни хаста одамлар даврасида кўриб, ичичимдан эзилардим.

— Бу ер ёқмадими сенга? — сұради Пат.

— Қайдам. Кўникмаганиман-да.

— Вой, бечора-ей, — у қўлимни силади.

— Сен ёнимдасан, демак, бечорамасман.

— Ритани кўряпсанми? Чиройли, а?

— Йўқ. — дедим мен. — Сен чиройлисан.

Испан қизининг тиззасида гитара турарди. Аста тинғиллатди. Кейин қўшиқ бошлади, гўё тспамизда қора қузғун парвоз қилгандай бўлди. У хаста аслнинг паст ва титроқ овози билан куйларди. Нимагалигини билмадим: бегона юртнинг дилгир оҳанги бўлгани учунми, қизининг фавқулодда синиқ ва дардчил овози туфайлими, креслолар ва гиласи устида ўтирган мәхмонларнинг кўланқалари боисиданми, бошини ҳам қилиб олған ўрисининг

кеттакон бүгдойранг чехраси таъсир этдими, — хуллас, бу қўшиқ лераза ортида пусиб, тиш қайраб турган қисматнинг мунгли жодусидай, дорулғанонинг зимдан кемирувчи кучлари қарши-сида танҳо қолган ваҳмнинг илтижоси, ноласидай туюлди.

Эртасига эрталаб Пат қушдай енгил ва шод-хуррам эди. Обдан кўйлак танлади.

— Кенг бўп қопти, кенг бўп қопти, — деди у ўзини кўзгуга солиб. Кейин менга ўгирилди. — Қора костюмингни олиб келганимисан?

— Йўқ. Бу ерда керак бўлишини ўйламабман.

— Майли, Антонио бериб туради. Бўйларинг баравар.

— Балки ўзига керакдир?

— У фрак кияди. — Пат сочига тўғнағич қадади. — Кейин чанғи учгани бор. Мен пардозимга қарайин. Сенинг олдингда ҳеч нарса қилолмайман.

— Антониога ҳам ортиқча юк бўлдим-да, — дедим мен. — Роса шиляпман-ку шўрликни. Усиз ҳолимиз нима кечарди?

— Яхши бола, тўғрими?

— Ҳа. Энг муносиб таъриф — яхши бола.

— У бўлмаганда ёлғизлиқдан сиқилиб ўлардим.

— Бу ҳақда ўйламаймиз, — дедим мен. — Ҳаммаси ўтиб кетди.

— Тўғри. — Пат юзимдан ўпди. — Энди бора қол.

Антонио мени кутарди.

— Қора костюмингиз йўқлигини кўнглим сезувди, — деди у. — Қани, мана буни кийиб кўринг-чи.

Костюм сал торроқ бўлса ҳам, умуман лойиқ келди. Антонио енгил тортди.

— Эртага қиёмат бўлади, — деди у. — Толеимизга, кечқурун котиба қиз навбатчилик қиласди. Кампиршо бўлганда қўймасди. Тартиб шунаقا. Расман ман этилган. Расман... лекин биз ёш бола эмасмиз-ку.

Биз чанғи сайрига кетдик. Чанғида учишни аллақачон ўрганиб олгаи эдим, бинобарин, машқ майдонига бориша зарурат йўқ эди. Йўлда бармоқларига бриллиант кўзли узук тақсан, йўл-йўл шимли, ёқасига рассомларниги ўхшаш капалак нусха бант боғлаган кишига дуч келдик.

— Антиқа кимсаларни учратасан бу ерда, — дедим мен.

Антонио кулиб юборди.

— Нуфузли одам бу. Мурда кузатувчи.

— Нима?

— Мурда кузатувчи, — такрорлади у. — Санаторийда дунё-нинг ҳамма бурчидан беморлар бор. Кўпчилиги Жанубий Америкадан. У ёқдаги оилалар яқинларини ўз ватанига дағн этишга одатланишган. Анови одам қўроғошин тобутга солинган мурдани катта пул эвазига керакли жойга элтиб беради. Шунинг орқаси-

дан ҳам бойлик орттиради, ҳам саёҳат қиласди. Мурда хизматида бўлгани билан юриш-туришини кўрдингиз-ку.

Тоққа чиқиб бордик. Кейин оёғимизга чанғини боғлаб, пастга қараб учдик. Оппоқ тепаликлар гоҳ юксалар, гоҳ пасаяр, орқамиздан эса қорга беланиб, қизғиш-жигарранг коптокка ўшаб, Билли чопиб юрарди. У энди яна менга ўрганиб қолган, лекин баъзан йўлда келаётсиб, бирдан орқасига шартта буриларди-да, кулоқларини чимирганича санаторийга қараб югуради.

Тик қиялиқдан пастга учиб тушгач, кескин қайрилишини ўрганарканман, ҳар гал тепадан сакраётганимда: «Агар йиқилмасам, Пат тузалиб кетади», — дердим ўзимга ўзим. Шамол юзимга игнадай санчилар, қор зил-замбиј ва елимшак эди, аммо мен тағин ўрнимдан туриб, янада баландроқ, янада тикроқ қиялиқни излардим ва йиқилмаганимдан теримга сифмай: «Пат омон қолди», — деб ўйлардим. Бу илинж хомхәёллигини билардим, аммо мен бари бир севинардим. Узоқ вақтдан буён бу қадар севинмаганман.

Шанба куни кечқурун оммавий, хуфия қочиш бошланди. Антонионинг саъии ҳаракати билан санаторийга терс тепалик этағига чаналар ҳозирлаб кўйилганди. Унинг ўзи шўх бир қўшиқни хиргой қилганича тепадан сирғалиб тушди. Оёғида ялтироқ ботинка, олди очиқ пальто остидан оппоқ кўйлак кийган.

— Эринмаган йигит экан, — дедим мен.  
— Бунақа ишни кўп қиласди, — жавоб берди Пат. — Жудаям тоши сингил. Шу йўсун ўзини овутиб юради-да. Бу ернинг шароитига чидаш осонми?

— Бўлмаса сени яхшилаб ўраб-чирмаймиз.  
Патнинг елкасига қалин жун рўмол ташлаб, бўйнига шарф ўрадим. Чаналар пастга қараб учди. Узундан-узоқ тантанали карвон ҳосил бўлганди. Қурби етган борки, санаторийдан қочган эди. Отларнинг бошидаги ранг-баранг жигалар ой нурида дабдабали силкинар, чанада ўтирганлар оламни бошларига кўтариб қий-чувлашар, гўё водийга дугонаю жўралари билан келин-куёв ўтирган тўй поезди тушиб бораётганга ўхшарди.

Зал дид билан безатилганди. Етиб келганимизда рақс бошланган экан. Санаторийдан келган меҳмонлар учун шамолдан пана алоҳида жой тайёрлаб кўйишилти. Ичкари иссиқ, зални гул, агир-упа ва винто ҳиди тутиб кетганди.

Биз ўтирган стол атрофига бир талай одам жам бўлганди. Ўрис, Рита, скрипкачи, қандайдир кампир, қоқсуяк юзига пала-партиш бўёқ чаплаган аёл, унинг ёнида ёлланма раққосига ўхшаб кетадиган олифта бир йигит, Антонио ва яна аллакимлар.

— Юр, Робби, — деди Пат. — Бир рақсга тушиб кўрайлик-чи.  
Рақс майдони атрофимизда вазмин айланар, оркестрининг бўғиқ овози узра скрипка ва виолончелнинг майин ва оҳангдор

садоси янгарди. Рақсга тушаётгандарнинг шип-шип қадам то-  
вшлари эшитилиб турарди.

- Рақсга уста экансаң-ку, азизим, — деди Пат таажжубланиб.
- Унчаликмас...
- Рост айтаяпман. Қасрда ўргангапсан?
- Готтфрид ўргатган, — дедим мен.
- Устахонадами?

— Ҳа. «Интернациональ» қаҳвахонасида ҳам. Бупинг учун бизга  
аёллар ҳам керак эди. Роза, Марион ва Валли холис хизмат  
қилишди. Балки шунинг учун ҳам у қадар силлиқ чиқмаётгандири.

— Аксинча. — Патнинг кўзлари чақнарди. — Иккаламиз би-  
ринчи марта рақсга тушяпмиз-ку, тўғрими, Робби.

Ёнимизда ўрис испан қизи билан рақсга тушарди. У жилма-  
йиб, бош ирғади. Қизиниң рангида қон йўқ. Қоп-қора соchlари  
қарғалинг икки қанотидай пешонасига тушиб туритти. Кўзлари  
тўла мунг. Билагида чорбурчак зумрад кўзли билагузук. У ўн сак-  
киз ёшда эди. Скрипкачи ўтирган жойидан унга суқ билан тики-  
ларди.

Стол ёнига қайтдик.

- Энди сигаретадан ол, — деди Пат.
- Чекмай қўя қол.
- Бир-икки тортаман, холос. Чекмаганимга анча бўлди. Роб-  
би. — У сигаретани олди-ю, бир тортиб, кулдонга қўйди. — Бема-  
за. Ёқмади.

Мен кулиб юбордим.

- Узоқ вақт қилмаган ишинг ҳар доим шунақа туюлади.
- Сен ҳам мени узоқ вақт кўрмадинг-ку? — деди Пат.
- Бу заҳарга — арақ билан тамакига алоқадор гап.
- Одамлар баъзан арақ билан тамакидан хавфлироқ бўли-  
шади, азизим.

— Ақлли қизсан, Пат.

У тирсагини столга тираб, менга қаради.

- Умуман олганда, сен менга ҳеч қачон жиддий муносабат-  
да бўлмагансан-ку, тўғрими?

— Умуман олганда, ўзимга ҳам ҳеч қачон жиддий муносаба-  
тда бўлмаганман, Пат.

— Менга-чи? Ростини айт.

— Ростини айтсам, билмайман. Лекин иккаламизга ҳамма вақт  
жудаям жиддий муносабатда бўлганима. Буниси аниқ.

Пат кули. Антонио уни рақсга таклиф қилди. Улар ўртага  
тушишли. Кўз узмай қузатиб турдим. Столга яқинлашишганда Пат  
ҳар гал менга жилмайиб қўярди. Ялтироқ туфлиси срга тегиб-  
тегмас, ҳаракатлари оҳуни эслатарди.

Ўрис яна испан қиз билан ўртага чиқди. Икковлари ҳам чурқ  
этишмасди. Ўриспинг йириқ буғдойранг юзида поёнсиз пазокат  
бор эди. Скрипкачи қизини рақсга таклиф қилган эди, у бош чай-  
қаб, майдонга ўрис билан кетди.

Скрипкачи қўлидаги сигаретани синдириб, узун, ингичка бар-моқлари билан эзғилай бошлади. Унга раҳмим келди. Сигарета узатдим. У рад этди.

— Ўзимни асрарим керак, — деди чертиб-чертеби.

Индамай қўя қолдим.

— Лекин анови, — деди ўрисга ишора қилиб. — Кунига эл-ликта сигарета чекади.

— Нима қипти, бирор ундоқ, бирор бундоқ, — жавоб бердим энсам қотиб.

— Майли, рақсга тушмаса тушмас, лекин у бари бир меники бўлади.

— Ким?

— Рита.

У яқинроқ сурилди.

— Илгари яқин эдик. Бирга сайр қиласардик. Анови ўрис пайдо бўлдию маҳмаданалик қилиб илди-кетди. Аммо пировардида ўзим-ники бўлади.

— Бунинг учун ҳаракат қилиш керак-да, — дедим мен. Ундан кўнглим қолган эди.

Скрипкачи маърагандай кулди.

— Ҳаракат қилиш керак? Вой, покдомон фаришта-ей! Ҳаракат қилмайман, мен кутаман.

— Майли, кутинг.

— Элликта сигарета, — пичирлади у. — Ҳар куни. Кечаки ўриснинг рентген суратини кўрдим. Ўпкаси илма-тешик. Етилиб туритти. — У яна кулди. — Илгари иккаламизники бир хил эди. Рентген суратларимизни ажратиб бўлмасди. Ҳозирги фарқни кўрганингизда эди. Мен бир неча килога семирдим. Йўқ, азизим. Мен кутишим ва ўзимни асрарим керак. Кейинги рентген суратини кутиб турибман. Ҳамшира ҳар гал кўрсатади. Бу ёғи фақат кутиш қолди. У ўлса, навбат менини.

— Начора, бу ҳам бир восита, — дедим мен.

— Восита дейсизми? — қайта сўради ў. — Бирдан-бир восита, укагинам! Агар ўриснинг йўлига тўғсаноқ бўлсан, ҳамма имкониятни бой бераман. Сиз янги одамсиз, булақ нарсаларга ақлинингиз етмайди. Йўқ, мен сабр қилишим ва хотиржам кутишим керак.

Залдаги ҳаво оғирлашди. Патни йўтал тутди. У менга ҳадик билан қараб қўйганини пайқадим. Бўйнига марварид осган кампир индамай, ўй сурисиб ўтиради. Аҳён-аҳён қаҳқаҳа отиб қўяди. Кейин яна миқ этмай ўтираверади. Юзи қоқсуяк аёл ёнидаги олифта билан ғижиллашиб олди. Ўрис кетма-кет сигарета тутатарди. Скрипкачи унга ҳар гал шоша-пиша олов тутади. Қандайдир қиз қаттиқ йўталиб, оғзига рўмолчасини босди, кейин унга қарадиую ранги оқариб кетди.

Залга кўз югуртирдим. Спортчиларнинг столи алоҳида, нарироқда соппа-соғ тубжой кишилар ўтиришилти. Бир ёқда инглиз-

лар, бир ёқда французлар, бир ёқда голландияликлар, гап-сўзларидаги чўзиқ ҳижолар яйлов ва денгизни ёдга солади; буларнинг орасига хасталик ва ўлимнинг бир парча ошёни суқилиб кириб қолган. «Яйлов ва денгиз, — мен Патга қарадим, — яйлов ва денгиз — пўртанаалар, олтин кумлок, тўлқинларга тўш уриш... Эҳ, — дедим ичимда, — менинг нозик-ниҳол дўстгинам! Мен сўйган песона! Менинг суюкли қўлларим! Менинг севгилим, сен ҳаётнинг ўзисан, мен сени фақат севишим мумкин, аммо кутқариб қоломайман».

Ўрнимдан туриб, залдан чиқиб кетдим. Чорасизликдан шундай қилдим. Шошмасдан кўчаларда айланиб юрдим. Уйларнинг оралиғидан отилиб чиқаётган изғирин жон-жонимдан ўтиб кетди. Муштларимни қисиб, лоқайд, оппоқ тоғларга тикилдим, ичимда эса алам ва оғриқ исён кўтарарди.

Пастдаги йўлдан кўнғироқларини чалиб, чаналар ўтиб кетди. Изимга қайтдим. Пат рўпарамдан келарди.

- Қаерда юрибсан?
- Пича айландим.
- Бирор нарсадан хафамисан?
- Йўқ.
- Азизим, чехрангни оч! Бугун хушчақчақ бўл! Мен учун. Бу срга яна қайта келоламанми-йўқми!

— Ҳали кўп келасан.

Пат бошини елкамга қўйди.

— Агар сен шундай десанг, демак, ишонишим керак. Юр, рақсга тушамиз. Ахир бугун иккаламиз биринчи марта рақсга тушяпмиз-ку.

Биз ўртага чиқдик. Юмшоқ беозор нур тарагиб турарди. Бу нур одамларнинг чехрасидаги тундликни эритиб юбораётганди.

— Қалайсан, Пат?

— Яхши, Робби.

— Гўзалсан.

Унинг кўзларидан учқун сачради.

— Бу сўзни сендан эшиксам, ҳар гал бир қоп семираман.

Юзимда Патнинг қайнок, қуруқ лабларини туйдим.

Санаторийга алламаҳалда қайтдик.

— Аҳволига қаранг! — ҳиҳилади скрипкачи ўрисни кўрсатиб.

— Сиз ҳам ундан қолишмайсиз, — дедим жаҳл билан.

— Вой, соғлом тўнка-ей!

Ўрис билан қўлини маҳкам қисиб, хайрлашдим. У испан қизининг тирсагидан авайлаб ушлаганча зинапояядан тепага кўтарила бошлади. Тунги чироқларнинг заиф ёғдусида ўриснинг кеңт, сал букик кифтига ва қизнинг бир тутам нозик елкасига дунёнинг жамики ташвишлари ортилгандай туюларди. Қоқсуяқ аёл йўлакдан олифта йигитни диконглатиб судраб ўтди. Антоною ҳам

хайрлашди. Бу эштилар-эштилмас шивирлаб хайрлашишда аллақандай хаёлий нарса бор эди.

Пат күйлагини бошидан чиқазиб сча бошлади. Энгашиб туриб, қаттиқ тортган эди, күйлак елкасидан сўқилиб кетди. У сўқилган жойга бир муддат тикилиб турди.

— Эскирган-да, — дедим мен.

— Аҳамияти йўқ. Бу кўйлак энди менга керак бўлмайди.

Пат уни жавоинга осмасдан, беҳафсала тахлади-да, чамадонга солиб қўиди. Бирдан унинг қаттиқ толикқанини пайқадим.

— Мана буни кўриб қўй, — дедим шоша-пиша чўйтагимдан бир шиша шампани чиқазиб. — Энди ўзимиз байрам қиласиз.

Бокалларни олиб, тўлдирдим. Пат жилмайди.

— Иккаламиз учун, Пат.

— Бўпти, азизим, антиқа ҳаётимиз учун.

Хона ҳам, сукунат ҳам, бизнинг қайумиз ҳам ғалати, сирли эди. Та什қарида эса дарё ва ўрмонлар ястанган нотинч ҳаёт давом этар, нафас олар, томирлари гупиллаб уриб турарди. Оппоқ тоғлар ортига аллақачон кўклам ўрмалаб кириб, кўз ишқалаётган заминни сабрсизлик билан туртқиламоқда эди.

— Кечаси мен билан қоласанми, Робби?

— Ҳа. Тўшакка кирамиз. Одам бир-бирига қанчалик яқинлашиши мумкин бўлса, шунчалик яқин бўламиз. Бокалларни тўшакка қўйволиб, хузур қилиб ичамиз.

Май. Тилларанг-қорача бадан. Интиқлик. Бедорлик. Сукунат ва суюкли кўкракнинг оҳиста хириллаши.

## XXVIII

**Я**на, иссиқ, қуруқ шамол турди. Водийга пилчиллаган, нам ҳарорат таралди. Қор юмшади. Бўғотлардан чакка томчилай бошлади. Беморларнинг иссиғи кўтарилиб кетди. Патга тўшакдан турмасликни буюришди. Дўхтири ҳар икки-уч соатда кириб турарди. Киргани сайин чехраси тундлашиб бораради.

Бир куни, овқатланиб ўтирсан, Антонио ёнимга келди.

— Рита ўлди, — деди у.

— Рита? Ўрис, демоқчимисиз?

— Йўқ, Рита. Испан қизи.

— Бўлиши мумкинмас, — дедим аъзойи баланим музлаб — Ританинг аҳволи Патникидан яхши эди.

— Бу ерда ҳамма нарса бўлиши мумкин. — жавоб берди Антонио хомуш тортиб. — Эрталаб ўлди. Ўзининг касали стмагандай, зотилжам ҳам қўшилган.

— Зотилжам? Ҳа, унда бошқа гап, — дедим негадир сингил тортиб.

Ўн саккиз ёш-а. Даҳшат! Қийналиб жон берипти.

— Ўрис-чи?

— Э, сұраманг. Ўлганига ишонмаяпти. Қаттиқ ухлаб қолған, лейди нүкүл. Түшагининг ёнида ўтирипти, ҳеч ким хонадан чиқаролмаяпти.

Антонио кетди. Деразага тикилиб қолдим. Рита ўлди. Лекин миямда башқа фикр айланарди: бу Пат эмас. Бу Пат эмас.

Ойнаванд эшикдан скрипкачини күриб қолдим. Чиқиб кетишга ултурмасымдан ўзи кириб келди. Күриниши аборг эди.

— Ческасизми? — сұрадим, нима дейишимни билмай.

У қулди.

— Албатта! Нега чекмас эканман? Энди менга бари бир.

Елкамни қисдим.

— Сизга күлгили-да, а, саховатли галварс! — деди у таҳқиромуз оханды.

— Эсингизни еб қўйибсиз!

— Эсингизни еб қўйибсиз? Йўқ, мен панд едим. — У стол ёнига ўтирди, димогимга коњъяқ ҳиди урилди. — Ҳа, панд едим. Ўшалар менга панд беришди. Тўнғизлар. Ҳамма тўнғиз. Сиз ҳам тўнғизсиз.

— Агар касал бўлмагапингизда деразадан улоқтириб юборардим.

— Касал? Касал, дейсизми? — у яна жикиллади. — Мен соғман, дсярли соппа-соғман. Шунинг учун келдим-да. Бундан кейин отдай бўлиб кетаман. Қалай?

— Шукур қилинг, — дедим мен. — Бу ердан кетганингиздан кейин айрилиқ доғини унутасиз.

— Шунақами? Шунақа деб ўйлайсизми? Вой, донишманд-е! Вой, соғлом тентаг-е! Ҳе ўргилдим сиздақа ўпкаси бутун инсондан! — У гандираклаганча нари кетди, кейин яна қайтиб келди.

— Юринг мен билан! Ёнимда бўлинг, биргалашиб отайлик. Пулини ўзим тўлайман. Ёлғиз қолмасам бас.

— Вақтим йўқ, — жавоб бердим унга. — Башқа одам топинг.

Мен яна Патнинг олдинга чиқдим. У ёстиққа суюнганча оғир-оғир нафас оларди.

— Чанғи учиб келмайсанми?

Мен бош чайқадим.

— Қор ҳўл. Ҳамма ёқ билч-билч.

— Унда Антонио билан шоҳмот ўйна.

— Йўқ, шу ерда ўтираман.

— Шўрлик Робби! — У қимиirlашга уриниб кўрди. — Бўлмаса, ичадиган бирор нарса топ, эрмак қиласан.

— Бу бошқа гап. — шундай деб, хонадан бир шиша коњъяқ билан бокал олиб чиқдим. — Қиттайгина ичасанми? — сұрадим ундан. — Сенга мумкин-ку.

У озгиниа ҳўплади, салдан кейин яна тогинан. Сўнг бўкаини менга узатди. Тўғтириб қўйиб, бир кўтаришда бўшатдим.

— Робби, бундан кейин мен билан бир идишдан ҳеч нарса ичма, — деди Пат.

— Шуниси камлик қилиб турувди! — бокални яна тұлдириб, нафас олмай ичиб юбордим.

Пат бөш чайқади.

— Бунақа қилма, Робби. Мени ўпмаслигинг ҳам керак. Умуман мендан узоқроқ юришга ҳаракат қил. Сен касал бўлмаслигинг лозим.

— Ўпавераман, ҳаммасига тупурдим, — эътиroz билдиридим мен.

— Йўқ, бу ишинг ярамайди. Энди менинг тўшагимда ётишинг ҳам нотўғри.

— Бўлти. Унда сен менинг тўшагимда ёта қол.

Пат лабларини қисди.

— Қайсарлик қилма, Робби. Сен ҳали узоқ яшашинг керак. Хотининг, фарзандларинг бўлишини хоҳлайман.

— Менга сендан бошқа ҳеч қанақа хотин, ҳеч қанақа фарзанд керак эмас. Менинг хотиним ҳам, фарзандим ҳам сенсан.

У бир муддат жим ётди.

— Сеидан фарзанд кўришни жудаям хоҳлардим, — деди у ниҳоят, елкамга юзини босиб. — Илгари бу ҳақда ўйламаганман. Ҳатто тасаввур ҳам қдолмасдим. Кейинги пайтда эса шу ўй тез-тез хаёлимдан ўтади. Ўзингдан кейин бирор ёлгорлик қолдириш қандай яхши! Болага қараб туриб, баъзан мени ҳам ёдга олардинг. Шунда яна иккаламиз бирга бўлардик.

— Ҳали фарзанд ҳам кўрамиз, — дедим унга. — Тузалволгин. Фарзанд туғиб беришингни жудаям хоҳлайман, Пат. Фақат қиз туғишинг керак, исмини Пат қўямиз.

Кўлимдан бокални олиб, бир ҳўплади.

— Эҳтимол, фарзандимиз йўқлиги яхшидир, азизим. Майли, мендан сенга ҳеч нарса қолмасин. Мени унугин. Мабодо эслаганингда ҳам бирга ўтказган энг яхши кунларимизни эслагин, бошқасини унутвор, арзимайди. Сен хафа бўлмаслигинг керак.

— Шунақа гапларни эшитсан, хафа бўламан.

Пат менга узоқ тикилиб қолди.

— Биласанми, мана шундай шифтга тикилиб ётган пайтларингда хаёлинг минг кўчага кириб чиқади. Илгари эътибор бермаган нарсаларинг ҳаддан ташқари қабариқ ҳолда кўз ўнгингда намоён бўлади. Бир нарсага сира тушунмайман. Икки одам бизга ўхшаб бир-бирини яхши кўради, лескин пировардида биттаси ўлади.

— Бас қил, — дедим мен. — Ҳамма вақт кимдир биринчи бўлиб ўлади. Ҳаётнинг ўзи шунақа. Бизга ҳали анча бор.

— Менимча, фақат ёлғиз киши тар ўлиши керак. Ёки бир-бирини ёмон кўрадиганлар. Зинҳор севишгаилар эмас.

Ўзимни зўрлаб жилмайдим.

— Ҳа, Пат, — дедим қызеб кетган құлини олиб. — Бу дүнёни иккаламиз яратганимизда, бутунлай бошқача бўларди.

— Тўғри, азизим. Бунақа нарсаларга йўл қўймасдик. Фақат кейин нима бўлишини билиш қийин-да. Келажакда яна нимадир борлигига ишонасанми?

— Ҳа. Ҳаёт шунақа бемаъни қурилганки, шу йўсинда тугаши мумкин эмас.

Пат кулди.

— Ҳа, бу ҳам бир далил. Лекин мана булар ҳам бемаъними?

У каравоти ёнидаги кажавага солинган атиргулларга ишора қилди.

— Ҳамма гап шунда-да, — жавоб бердим унга. — Ҳаётнинг айрим жиҳатлари гўзал, умуман олганда эса бутунлай бемаъни. Гўё бу оламни ҳаётнинг ранг-баранглигига маҳлиё бўлган бир савдои яратиб қўйган-у, сўнг уни яксон этишдан бўлак тадбирни ўйлаб тополмаган.

— Яна қайта яратиш учун-да, — деди Пат.

— Бунда ҳам маъни йўқ, — эътиroz билдиридим мен. — Шу билан ҳаёт яхши бўлиб қолганида майли эди.

— Тўгримас, азизим. Биз ёмон яшамадик-ку. Бундан ортиқ бўлиши мумкин эмас. Фақат узоққа чўзилмади, жудаям қисқа бўлди.

Бир неча кундан сўнг кўкрагим санчиб, йўтала бошладим. Йўлакда ўтиб кетаётган бош дўхтир эшишиб қолиб, хонамга бошини сукди.

— Қани, кабинетга юринг-чи.

— Вахима қиласидиган жойи йўқ, — дедим мен.

— Бари бир. Бу йўтал билан мадемуазель Ҳольманга яқинлашмаслигингиз керак. Юринг мен билан.

Кабинетга кириб, мамнуният билан кўйлагимни ечдим. Соғлиқ бу ерда қандайдир файриқонуний устунликдай туюларди; ўзими гуноҳкордай, олибсотар ёки қочоқдай сеза бошладим.

Бош дўхтир менга таажжубланиб қаради.

— Нимагадир хурсандсиз? — деди у пешонасини тириштириб.

Кейин обдан эшишиб кўрди. Мен деворга осиглиқ аллақандай ялтироқ нарсаларни томоша қилган кўйи гоҳ чукур, гоҳ қисқа, гоҳ секин нафас олардим. Ҳар гал кўкрагим санчганида суюнадим. Энди Пат билан бирор нима бўйича мусобақалашишим мумкин.

— Шамоллабсиз, — деди дўхтир, — бир-икки кун ётишингиз керак, ҳеч бўлмаса, хонадан чиқманг. Мадемуазель Ҳольманга зинҳор яқинлашманг. Бу сиз учун эмас, унинг учун хатарли.

— Эшик орқасидан гаплашсам бўладими? Ёки балконданми?

— Балкондан мумкин, ласкин бир неча минутдан ортиқ эмас. Томогингизни яхшилаб чайиб, остонаядан гаплашсангиз ҳам

бұлади. Шамоллашдан ташқары нафас йўллари ҳам яллиғланган. Кашандаларда күп учрайди бу.

— Ўпкам-чи? — Ўпканғиз ҳам чатоқ, дейишини хоҳлардим. Шунда Патнинг олдидаги үзимни сал енгил сезардим.

— Ҳар битта ўпканғиздан учта ўпка ясаш мумкин. — деди бош дўхтири. — Кейинги пайтларда мен дуч келган энг соғлом одам сизсиз. Лекин жигарингиз бироз кичрайган. Кўп ичасизми?

— Ҳа энди... ёшлиқда бўлади-да.

У менга нималарни дир ёзиб берди. Мен чиқиб кетдим.

— Робби, — қичқирди Пат ўз хонасидан. — Дўхтири нима деди?

— Бир-икки кун олдингга кирмай турармишман. Қатъян ман этди. Касалингизни юқтирасиз, дейди.

— Ана кўрдингми? — деди у ҳафсаласи пир бўлиб. — Узокроқ юр, деб неча марта айтдим сенга.

— Менга эмас, сенга юқармиш.

— Опқочма, — деди у. — Ростини айт.

— Рост. Ҳамшира! — Ҳамшира менга дори кўтариб келди. — Мадемуазель Хольманга айтинг, қайси биримизнинг касалимиз юқимлироқ.

— Жаноб Локампники, — деди ҳамшира. — Бу киши олдингизга кирмаслиги керак, касали юқади.

Пат ишонқирамай, гоҳ ҳамширага, гоҳ менга қарабди. Остондан дорини кўрсатдим. У ишонч ҳосил қилиб, кулиб юборди. Шунақа кулдикки, кўзларидан ёш чиқиб кетди, сўнг қаттиқ йўтал тууди, ҳамшира ёнига чопиб бориб, елкасидан ушлади.

— Ё парвардигор, — шивирлади Пат, — кулгили ҳол-ку бу, азизим. Кўринишинг отдаёт-ку.

Бутун оқшом кайфияти яхши бўлди. Табиийки, ундан узоқлашмадим. Пальтони елкамга ташлаб, бўйнимга шарф ўраб, ярим кечагача балконда ўтирдим — бир қўлимда сигарета, бир қўлимда — бокал, оёқларим орасида — конъяк шишиаси. Кўрган-кечирганларимдан гапириб бердим, унинг кўнғироқдай кулгуси ҳикоямни тез-тез бўлиб қўяр ва мени баттар илҳомлантиради. Чехрасидан лоақал йилт этган табассум сирғаниб ўтиши учун жонжадим билан ёлғон-яшиқ воқеаларни тўқирдим. Ўҳ-ўҳлаб йўталганимда эса хурсанд бўлиб кетардим, шу тариқа шишани бўшатдим, эрталаб турганимда шамоллашдан асар ҳам қолмаганди.

Яна қуруқ шамол қўзгалди. Деразалар зириллади, булутлар настлади, қор силжий бошлади, кечалари тоғда кўчкилар гумбурларди; беморлар бетоқат бўлиб, ухлаёлмас, шукул ташқарига қулоқ тутишарди. Шамолдан пана ёнбағирларда аллақачон заъфарлар гуллаган, йўлдаги чаналар орасида баланд ғилдиракли аравалар пайдо бўлганди.

Пат кун сайин мадордан кета бошлади. Охири туролмай қолди. Тушлари тез-тез нафаси қисиларди. Шундай пайтларда ўлим

ваҳмидан юзи кўкариб кетарди. Мен унинг намиқсан, беҳол қўлларини уқалардим.

— Шунисидан ўтволсам бас, — дерди у хириллаб. — Фақат мана шу соатдан, Робби. Айнан шунаقا пайтда ўлишади...

У субҳидам арафасидаги соатдан қўрқарди. Туннинг худди мана шу сўнгги соатида ҳаёт деб аталмиш сирли оқимнинг шиддати сусайиб, батамом сўнади, деб ишонарди. Шунинг учун ҳам фаяқат шу соатдан қўрқар ва ёлғиз қолишни истамасди. Бошқа пайтларда эса ўзини шу қадар дадил тутардики, қараб туриб ҳайрон қолардим.

Ҳар гал уйқудан уйғониб, қўзларида сўнгсиз илтижо пайдо бўлганида каравотимни хонасига опчиқиб, ёнида ўтиардим. Шундай пайтларда чамадонимдаги морфийни эслардим; агар Пат ҳар бир янги кунни нақадар қувонч билан қарши олишини кўрмаганимда уларни ҳеч иккиланмай ишлатган бўлардим.

Тўшаги четида ўтиарканман, миямга нимаики келса, барини ҳикоя қилиб берардим. Унга кўп гапириш мумкин эмасди, бинобарин, сўзларимга жон деб кулоқ соларди. Патга ҳаммасидан ҳам мактабдаги ҳаётим қизиқ туюларди. Дард хуружидан эндиғина қутулган, обдан силласи қуриб, ёстиққа беҳол суюниб қолган бўлишига қарамай, ўқитувчиларимдан бирортасига тақлид қилиб беришни талаб этарди. Мен қўлларимни силкитиб, ииқиллаб-синқиллаб, ора-сира тасаввурдаги соқолни силаб-сийпалаб, хонада у ёқдан-бу ёқقا юрар ва хириллаган овоз билан педагогикага доир турли-туман сирли ҳикматларни қалаشتариб ташлардим. Ҳар куни янги бир нарса ўйлаб топардим. Аста-секин Пат бу соҳани аъло даражада таҳлил қиласидиган ва ўқитувчиларни қон-қақшатадиган уришқоқ ва тўполончи синфдошларимни беш бармогидай танийдиган бўп қолди. Бир гал тунги навбатчи ҳамшира мактаб директорининг гумбурлаған овозини эшитиб, хонага бостириб кирди. Ярим кечада бақириб-чақирсан ҳам, ақлдан озмаганимни унга базур тушунтиридим. Гап шундаки, Патнинг каттакон жун рўмолини елкамга ташлаб, бошимга юмшоқ шляпани кийвоби, ўқитувчининг столини арралаб қўйган Карл Оссеге деган ўқувчига мактаб директори қиёфасида овозимни баралла қўйиб, танбеҳ берәётгандим. Пат қотиб-қотиб куларди.

Сўнг аста-секин дераза ёриша бошларди. Тоғ чўққилари қора кўланкаларга айланарди. Уларнинг ортидаги совуқ ва рангпар осмон тобора олисга ческинарди. Столча устидаги тунги чироқ нури хиралашиб, тоғ ёғдусига қоришиб кетар ва Пат нам юзини кафтимга босарди.

— Мана ўтди-кетди, Робби. Олдинда яна бир кун бор.

Антонио радиоприёмник келтириб берди. Уни электр тармоғига улаб, бир симини иситиш батареясига боғладим. Кечкурун

Пат ёқтирадиган түлкінгә тұғриладим. Хириллаган овоз әшитилди, кейин шовқын орасидан тиниқ, майин күй сизиб чиқди.

— Нима бу, азиз? — сүради Пат.

Антонио радиожурнал ҳам берган эди. Ўшани варақлаб ўтиргандым.

— Римга ўхшайди.

Бирдан аёл кишининг дона-дона, вазмин овози янгради:

— Рим — Наполи — Фиренце радиоси...

Приёмник қулогини бурадим: рояль ижросида яккахон хонаңда учун ёзилган құшиқ.

— Буни күрмасам ҳам бўлади, — дедим мен. — Бу Бетховеннинг сонатаси. Қачонлардир бу куйни чалишни мен ҳам билардим. Педагог, профессор ёки композитор бўлишимга ишониб юрган кезларимда. Энди чалолмасам керак. Бошқа куйни қидирганимиз маъқул. У пайтларни эслашни ҳам хоҳламайман.

Паст овозли бир аёл силиқ ва мулојим куйларди: «Менга севгидан сўзланг!».

— Париж бу, Пат.

Кимdir узум ширасига қарши кураш усуллари тўғрисида гапира бошлиди. Радио қулогини бурайвердим. Тижорат эълонлари. Сўнг торли тўрт соз учун ёзилган мусиқа әшитилди.

— Нима бу? — сүради Пат.

— «Прага. Бетховеннинг торли чолғу квартети».

Куй тугагач, яна приёмник қулогини бурадим, бирдан скрипка, тиниқ скрипка овози янграб кетди.

— Будапештга ўхшайди, Пат. Лўлича куй.

Аста-секин оркестр жўрлигидаги скрипканинг ўткир ва нозик садоси авж пардаларга чиқди.

— Қандай ажойиб, Пат, тўғрими?

Пат индамади. Бурилиб қарадим. У йифларди, кўзлари каттакатта очиқ. Дарров приёмникни ўчирдим.

— Нима бўлди, Пат? — Озғии елкасидан қучдим.

— Ҳеч нарса, Робби. Тентакман-да. Париж, Рим, Будапешт сўзларини әшитиб, кўнглим бузилиб кетди. Яна бир марта бўлса ҳам лоақал пастдаги қишлоққа тушиб чиқа олганимда бошим осмонга етарди.

— Қўйсанг-чи, Пат...

Уни ҷалғитиш мақсадида ҳангомалардан сўзлай бошладим. Аммо Пат эътибор бермади.

— Мен сиқилаётганим йўқ, азизим. Бунақа деб ўйлама. Йифлаганимда асло сиқилмайман. Мабодо шундай бўлган тақдирда ҳам тез ўтиб кетади. Мен кўп ўйлайман.

— Нималарни ўйлайсан? — сўрадим соchlарини ўпиб.

— Ҳозир ўйлашим мумкин бўлган бирдан-бир нарса — ҳаёт ва ўлим ҳақида хаёл сураман. Жудаям сиқилганимда ва ҳеч нарсанни идрок этолмай қолганимда, ўлгинг келгунча яшаганидан

күра, яшагинг келаётган пайтда ўлганинг маъқул, дейман ўзимга ўзим. Ё галим нотўғрими?

— Билмадим.

— Рост-да, — у бошини слкамга қўйди. — Яшагинг келаётган бўлса, демак, ҳали нимадир бор, демак, ҳали севасан. Бу ҳолат оғир, айни пайтда, снгил ҳам. Мен бари бир ўлишим керак эди. Энди эса ёнимда сен борлигингдан миннатдорман. Ахир бу дунёда танҳо, бебаҳт бўлиб қолишим мумкин эдику. Унда жон деб ўлиб кетаверардим. Ҳозир менга қийин. Аммо қалбим кечқурун уясига қайтган асаларидай, муҳаббатга лиммо-лим. Башарти икки нарсадан бирини танлашга тўғри келса, мен ўйланиб ўтирумай, қайта ва қайта ҳозирги қисматимни танлаган бўлардим.

— Кўйсанг-чи бунақа гапларни, Пат, — дедим мен. — Ўзингни қўлга ол, руҳингни туширма. Шамол тўхтаса, яхши бўп қоласан. Шу заҳоти бу ердан кетамиз, шаҳарга қайтамиз.

Пат менга узоқ тикилиб турди.

— Сендан хавотирдаман, Робби. Мендан кўра сенга қийинроқ бўлади.

— Бу ҳақда гаплашмайлик.

— Мени сиқиляпти деб ўйламаслигинг учун гапирияпман.

— Унақа деб ўйлаётганим йўқ.

Пат қўлини елкамга ташлади.

— Лўлича куйни яна бир қўймайсанми?

— Эшитинг келяптими?

— Ҳа, азизим.

Мен яна приёмникни бурадим, хонага скрипка, чанг ва чўпон сурнайнинг садоси аввал секин, кейин тобора баланд авжларда тараала бошлади.

— Яхши, — деди Пат. — Шамолга ўхшайди. Кишини кифтида аллақаёсқларга олиб кетаётган шамолга ўхшайди.

Бу Будапешт боғларининг биридаги ресторанда бўлаётган оқшом концерти эди. Мусиқа садолари орасидан аҳён-аҳён стол атрофида ўтирган одамларнинг овозлари, хитоб ва қийқириқлари эшитилиб қоларди. Гўё у ёқда, Маргарита оролида, каштанлар барг ёзгану митти япроқчалар ой ёғдусида йилтираб, скрипка оҳангига тебранаётгандай эди. Эҳтимол, у ерда оқшом илиқдир, одамлар очиқ ҳавода ўтиришгандир — табиийки, столда каҳрабо тусдаги венгер винолари, оқ камзулли хизматчилар слиб-юргурган, лўлилар рақсга тушишяпти; сўнг баҳорнинг яшил гира-ширасида ҳориб-чарчаб уйга қайтасан; бу ерда эса Пат жилмайганча мусиқа тинглаб ётипти, энди у ҳеч қачон бу хонадан чиқолмайди, ҳеч қачон бу тўшакдан туролмайди.

Бу ёғи бирданига тезлашиб кетди. Юз териси тортишиб, ёноқлари туртиб чиқди, икки чаккасидан бош суяги кўришиб қолди. Қўллари ёш боланикидан фарқ қилмасди, қовурғаларини сана-

са бўларди, иситма қок-куруқ вужудини бетиним ларзага соларди.

Ҳамшира дам-бадам ҳаво тўлдирилган ёстиқ келтирас, дўхтир ҳар соатда кириб турарди.

Бир куни кечга яқин ҳарорати кескин пасайиб кетди. Пат ўзига келиб, менга узоқ тикилди.

— Кўзгуни олиб бер, — шивирлади у.

— Кўзгуни нима қиласан? Дамингни ол, Пат. Энди яхши бўп кетасан. Иситманг тушди.

— Йўқ, — шивирлади у яна синиқ товушда. — Кўзгуни бер.

Каравотни айланиб ўтиб, деворда осиғлиқ турган кўзгуни олдими жўрттага кўлимдан тушириб юбордим. Кўзгу чил-чил бўлди.

— Оббо! — дедим мен. — Кечир, эпизилигим курсин.

— Сумкачамда бошқаси бор, Робби.

Бу хром суртилган кафтдеккина металл кўзгуча эди. Сал бўлса ҳам хидалаштириш мақсадида унга зўр бсрриб бармоғимни ишқаладим. Сўнг Патга узатдим. Пат кўзгуни базўр тозалаб, юзига тутди.

— Сен кетишинг керак, азизим, — шивирлади у.

— Нега кетаман? Энди севмай қўйдингми?

— Менга бошқа қарамаганинг тузук. Бу энди менмасман.

Кўзгуни кўлидан юлиб олдим.

— Шу бир парча темирга ишониб ўтирибсанми? Менинг аксимга бир қара. Қандай хунук, озғин кўринаман. Аслида соппасоф, бақувват одамман-ку. Ишонма бунга.

— Хотирангда бошқача бўлиб қолишим керак, — деди Пат.

— Кета қол, азизим. Бу ёғини ўзим эплайман.

Унга тасалли бердим. Пат яна сумкачаси билан кўзгуни сўраб олди. Кейин ҳорғин, қонсиз юзига, қуруқшаган лаблари, ичига ботиб кетган кўзлари остига упа сурта бошлади.

— Энди сал одамга ўхшадим, азизим, — деди у жилмайишга уриниб. — Мени хунук қиёфада кўришингни истамайман.

— Нима қилсанг, қилавер, — жавоб бердим унга. — Сен ҳеч қачои ҳунук бўлмайсан. Мен учун сен дунёдаги энг гўзал аёлсан.

Кўзгу билан упадонни тортиб олиб, иккала қўлимни авайлабгина боши остига суқдим. Салдан кейин у безовта тўлғаиди.

— Нима бўляпти, Пат?

— Жудаям қаттиқ чиқиллаяпти.

— Соатимми?

У бос силкиди.

— Гумбурлаётганга ўхшайди.

Билагимдан соатни ечдим.

Пат ҳадик билан унинг милларига қаради.

— Йўқот буни.

Соатни деворга отдим.

— Мана энди бошқа чиқылламайди. Вақт тұхтади. Уни парчалаб ташладик. Энди фақат иккаламиз — сену мен қолдик.

У менга қаради. Күzlари янада катталашып кетганди.

— Азизим, — шивирлади у.

Нигоҳига бардош беролмадим. Жудаям олисдан бошланған бу пигоҳ вужудимни тешіб ўтиб, қаёққадир номаълум бўшлиқقا интиларди.

— Дўстим, фўлдирадим мен. — Менинг суюкли, довюрак дўстгинам.

У тонг отишидан бир соат илгари узилди. Ниҳоятда қийналаб, узоқ жон таслим қилди, унга ҳеч ким ёрдам беролмади. Кўлимни қаттиқ қисиб олган, лекин энди мени танимасди.

Олисдан бир товуш келди:

— У ўлди.

— Йўқ, — эътиroz билдиридим мен. — Ҳали ўлган эмас. Кўлимни маҳкам ушлаб турипти.

Нур. Кўзни қамаштирувчи нур. Одамлар. Дўхтир. Аста бармоқларини ажратаман. Кўли тўп этиб, кўрпага тушади. Қон. Нафас қисилишидан ўзгариб кетган чехра. Оғриқ тўнғиб қолган кўзлар. Ипакдай майнин кўнғир соchlар.

— Пат, — дейман унга. — Пат!

Биринчи бор у менга жавоб қайтармайди.

— Мени холи қўйинглар, — дейман зўр-базўр.

— Балки олдин... — дейди аллаким.

— Йўқ, — эътиroz билдираман унга. — Кетинглар, тегмаинглар.

Кейин бўйни ва кўксидаги қонини ювдим. Каражт бўлиб қолдим. Соchlарини тарадим. Танаси музлаб бораради. Тўшагимга олиб ўтиб, устига адёлни ёпиб қўйдим. Стулда ўтирганча унга тикилар ва ҳеч нарсани идрок қилолмасдим. Кучук кириб, ёнимга чўқди. Лаҳза сайин Патнинг юзи ўзгараётганини кўриб турардим. Кўлимдан ҳеч нарса келмасди. Кўнглим вайрон бўлиб, унга термилиб ўтиришдаи бошқа ҳеч нарса келмасди қўлимдан. Кейин тонг отди, энди Патдан абадул-абад жудо бўлгандим.

**Эрих Мария Ремарк** (1898—1970) немис адабиётининг йирик намояндаларидан биридир. Унинг «Фарбий фронтда ўзгариш йўқ», «Қайтиш», «Уч оғайни», «Зафар дарвозаси» каби қатор романлари дунёнинг кўплаб тилларига таржима қилинган.

Ўзбек тилида илк бор чол этилаётган ушбу асарда биринчи жаҳон урушидан сўнг Германияда юзага келган ижтимоий муҳит катта маҳорат билан тасвирланган.

*Адабий-бадиий нашр*  
**ЭРИХ МАРИЯ РЕМАРК**  
**УЧ ОГАЙНИ**  
**Роман**

*Тошкент «Маънавият» 2002*

Муҳаррир *Ҳ. Аҳмедова*  
Рассом *А. Боданова*  
Техн. муҳаррир *Т. Золотилова*  
Мусахҳиҳ *Ш. Илҳомбекова*

Теришга 29. 07. 2002 й. да берилди. Босишга 07. 11. 2002 й. да рухсат этилди. Бичими 84×108 I/32. Таймс гарнитураси. Офсет босма усулида босилди. Шартли б.т. 17,64. Шартли кр.-отт. 18,06. Нашр т. 22,47. 5000 нусха. Буюртма № К-9382. Нархи шартнома асосида.

«Маънавият» нашриёти. Тошкент. Буюк Турон, 41-үй. Шартнома 32—02.

Ижарадаги Тошкент матбаа комбинатида чоп этилди. Тошкент, Навоий кӯчаси. 30-үй. 2002.